

# રાજનીતિક અર્થશાસ્ત્ર તા મૂલભૂત સિદ્ધાંત

ભાગ ડંદી

ગોંડી અનુવાદ - જની

the Shanghai Text Book of Political Economy



**राजनीतिक अर्थशास्त्र ता  
मूलभूत सिद्धांत  
भाग उंदी**

# राजनीतिक अर्थशास्त्र ता मूलभूत सिद्धांत भाग उंदी

चीन ता महान सर्वहारा सांस्कृतिक क्रांति ताकनास्के  
युवा कार्यकर्ता लोर, आम लोकुरा शिक्षा काजे तैयार कित्ता  
माक्सवादी राजनीतिक अर्थशास्त्र ता दूनिया लोप्पा प्रसिद्ध आत्ता  
ऐतिहासिक पुस्तक

दि शंघाई टेक्स्ट बुक ऑफ पोलिटिकल इकॉनमी

पहली गोंडी संस्करण 2023  
जंगोम प्रेस  
अनुवाद - जनी

प्रथम भारतीय संस्करण: 1998  
राहुल फाउंडेशन  
हिंदी अनुवाद: सत्यम वर्मा



## अनुवादक ना बगिल तल

11-12 साल उमर ते मंदानास्केटल बेहरोर वड़कना पोल्लिंग केंजसोरे बेरसतान। बेरसोरे दायना संगे इव पोल्लिंग कुन पाटांग ओसो भाषण कुना लोप्पा वेने केंजा वात्ता। नन्ना सुडलास्केटल मंदाना नाटे ओसो नावा नालुंग बगिल ता वातावरण लोप्पा इद्रम ता बेहरा-बेहरा ओसो मावा रोज ता पिस्वल संगे जुड़ेमासी मत्ता पोल्लिंग केंजवा मत्तांकु, नावा लोप्पा इविन पुंदाना गिर्दा बेरससोर हत्ता। नावा काजे इव वेल्ले पूना पोल्लिंग मत्तांग।

सिर्फ केंजसिए बदे पोल्लो तुन पुंदाला कोशिश कियाना वेल्ले मुश्किल मंता। बारांकु इत्तेके हर बेरा, हर विषय, हर सवाल ता जवाब हियाला काजे वरोर सही मानेय संगे मदांना मुश्किल मंता। अदिनके नन्ना उचुन पढ़ेमायला अनि रासिला करियतान।

नावा इद यात्रा लोप्पा वेल्ले लोकुरा योगदान मंता। सबसे मुन्ने नावा यायाल मंता, अदु नाकिन कम से कम साईन कियानाचोन स्कूल करियाना इंजी सपना हूइता। मति अदिना सपना अदु हूइता लेक्का पूरा आया परवो आत्ता। बारांकु इत्तेके उंदी पेरके अरसी मत्ता इलाका ओसो नाटे स्कूल-कालेज पढ़ाई ता रिवाजे हिल्ले। इदिनकु बेहरा समस्या गरीबी ते पिस्वल पिस्नदु मंता।

इद्रम ता परिस्थिति ते मंदानास्के नावा पिस्वल लोप्पा वरोर गुरुजी वात्तोर, नावा जीवा ता 'दादाल', नावा गुरुजी। ओरु नाकिन ओरा वेल्ले कीमती समय तिंची नावा काजे समय तेंडानोर, नाकिन प्राथमिक शिक्षा हियानोर, नाकिन जीवा कियानोर। नावा जीवा गरे मत्ता 'मीना' दीदी नाकिन हिंदी भाषा रास्ला ओसो पढ़ेमायला करिहत्ता। इदे आयवा 'गेड़ा ते ताकना स्कूल' ता वेल्ले योगदान मंता। इदे आयवा बच्चो नो दादा-दीदीरा योगदान मंता। इव सब्बे पुस्तकिंग अनुवाद कीसोरे ओर सब्बे तोरकिन नन्ना सुरता कींदान। ओरा लोप्पा बच्चो नो जन इंजे माकिन विडिंसी हत्तोर। वेर सब्बेतोर इद यात्रा लोप्पा नावा संगे मंदानोर, ओसो वायना कालम ते वेने नावा संगे मंदानूरे। ओरा बारे ते बच्चो ने पुस्तकिंग रासमुड़ आयर।

माटांग ओसो पाटांग लोप्पा केंजता पोल्लोंग, पुस्तक पढ़ेमायनास्के पुस्तक लोप्पा दोरकतास्के नावा गिर्दा तुकू हंदी हिल्ले आत्ता। नावा लेक्का पूना पोल्लोंग करियाला आल्सानोर ओसो केंजता पोल्लोंग कुन पुंदाला कोशिश कियानोर वेल्लेतोर मंतोर। मति पोरो नन्ना वेहता लेक्का हर बेरा, हर विषय, हर सवाल ता जवाब हियाला सही मानेय 'जीवा ता दादाल' दोरकना मुश्किल मंता। अदिनके इद साहित्य ता परताचोन हिंदी तिंची गोंडी भाषा ते अनुवाद कियाना इंजी आल्सतान।

मावा गोंडी भाषा वड़कानोर आंध्रा, ओड़िशा, छत्तीसगढ़, महाराष्ट्र, मध्यप्रदेश, उत्तरप्रदेश लेक्का राज्यकुने अलग-अलग जागा ने पिस्सा मंतोर। अदिनके मावा गोंडी भाषा पोरो अलग-अलग राज्यकुना भाषांग ना वेल्ले प्रभाव मंता। नावा गोंडी पोरो हिंदी, मराठी ओसो छत्तीसगढ़ी ता प्रभाव ज्यादा मंता। अनुवाद कियानास्के नाकिन पूना शब्द बने कियाना वेल्ले कटला वात्ता, इतेके गोंडी लोप्पा पारिभाषिक शब्द कुन वेहाला शब्द हिल्ले, अदिनके वेल्ले शब्द हिंदी ता इस्तेमाल कित्तान। वायना कालम ते जनता लोप्पा हंजी ओसो ज्यादा गोंडी ता शब्दकु करियसी इदिन उचुन सुधरे कीमुड़ आयर। मति भाषा ता प्राकृति अनुसार दूसरा भाषा तल शब्द पोयाए लागिता। अनुवाद कियानास्के नन्ना अंग्रेजी ओसो हिंदी रेंडु पुस्तकिंग ना मदद एतित्तान।

नावा इद कब्बड़ लोप्पा संगे-संगे ताकसोर मत्ता नावा जीवन साथी ना वेन्ने योगदान मंता। वीरू नाकिन इद काम कियाला गिर्दा कींतोर। नावा लोप्पा जीवा मत्तादु सुरता किसींतोर, नावा कै पोयसी ताकिंतोर। वीरू इदिन पुस्तक लेक्का डिजाईन कियाना ओसो प्रूफ कियाला मदद हित्तोर।

इव सब्बे पुस्तकिंग जनता नड़मा ओयला काजे जंगोम प्रेस पोरोल ते उंदी प्रकाशन पोरोल हित्तोम। इद पोरोल मावा वीर पड़ियोर, गोंड जनता ना हीरो, गड़चिरोली भूमि ता मरी वीर बाबूराव शेड़माके ना सेना तल पोयत्तोम। सब्बे शहीदीर किन सुरता कीसोरे इव सब्बे पुस्तकिंग इंजे मीवाव आत्तांग।

इद यात्रा जारी मंदियर..... इव पुस्तकुना गोंडी अनुवाद, डिजाईन पोरो सब्बेतोरा सुझाव ओसो आलोचनाकुना वेल्ले जरूरत मंता। मीटू ओसो बदे पुस्तक ता अनुवाद कीतेके बेस आयर इंजी वेने सुझाव हीतेके बेस आयर।

जीवा ता जोहार

मीवा - जनी

## पहली हिंदी संस्करण (1998) ता भूमिका

समाजवाद ता मूलभूत समस्यांग कुन हल कियाला ओसो पूंजीवादी पुनर्स्थापना ता षडयंत्र कुन हारे कियाला काजे चीन लोप्पा माओ त्सेतुंग नेतृत्व ते ताकसोर मत्ता महान सर्वहारा सांस्कृति क्रांति ता तूफान इंजे पोरो कोट्टी ते मत्ता, अस्के ने जून 1971 ते समाजवाद ता राजनीतिक अर्थशास्त्र ता उंदी पुस्तक ता तैयारी ओसो रिसर्च (अनुसंधान) ता काम शुरू आत्ता।

इद प्रस्तावित पुस्तक लोप्पा समाजवादी अर्थव्यवस्था ता मूलभूत सिद्धांत ओसो ताना गति ता उंदी सही अध्ययन पेश कियानदु मत्ता। इद्रम कीतेके पार्टी लाईन, सर्वहारा वर्ग ओसो व्यापक मेहनतकश जनता तुन संक्रमणशील समाजवादी समाज लोप्पा वर्ग, वर्ग-संबंध ओसो वर्ग संघर्ष रूप बद्रम ता मंदिता इंजी शिक्षित कियमूड़ांता। वर्गविहीन समाज दिशा ते लगातार संक्रमण तुन बद्रम ताकी कियाना, पूंजीवादी पुनर्स्थापना तुन बद्रम रोमी कियमूड़ांता इंजी शिक्षित कियमूड़ांता।

सांस्कृतिक क्रांति लेक्काने लगातार विशिष्ट गुण अनुसार इद पुस्तक ता तैयारी तुन लगातार मुन्ने ओसोर मंदाना उंदी काम लेक्का पोयताद मंता। 1972 तल 1976 नइमा इदिना नालुंग ड्राफ्ट प्रकाशित आतांग, इविनगडल हर उन्नत ओसो वेल्ले सैद्धांतिक समजदारी पेश कींता अनि मुन्ने कियाना रिसर्च मुद्दांग कुन वेने स्पष्ट कीसोर दांता। इद प्रक्रिया माओ ना कालम ते चीन ता सर्वहारा क्रांतिकारी समाजवादी राजानीतिक अर्थशास्त्र ता वेल्ले विवादास्पद (controversial) ओसो वेल्ले जटिल मुद्दांग संगे सृजनात्मक तरीका ते जूझेमासोर मत्तांग। अविना लोप्पा समाजवादी श्रम प्रक्रिया ता चरित्र तल पोयसी समाजवाद लोप्पा क्रियाशील आर्थिक नियम कुना परिस्थिति, अर्थशास्त्र ओसो राजनीति नइमा ता संबंध अनि समाजवाद लोप्पाटा उत्पादक शक्तिंग ओसो उत्पादन संबंध कुना नइमा ता अंतरविरोध

कुना रूप लेक्कटवु शामिल मत्तांग। ‘पोलिटिकल इकॉनमी ऑफ सोशललिज्म’ ता पांचवी पांडुलिपी बस्केने प्रकाशित आया परवो आत्ता। माओ ना हामुर पेरके चीन लोप्पा अक्तूबर 1976 ते देंग-हुआ थूप ता नेतृत्व ते आत्ता प्रतिक्रियावादी सत्ता-परिवर्तन पेरके इदिन छपे कियानास्केने जब्त कियमूडाता।

सांस्कृतिक क्रांति ताकनास्के व्यापक जनता ना चेतना तुन बेरसी कियाना ओसो विशेष रूप ते उत्तराधिकारी लेक्का युवा क्रांतिकारीरा पीढ़ी तुन लगातार शिक्षित कियाना पोरो वेल्ले जोर हीताद मत्ता अनि इदिन समाजवादी क्रांति तुन रोमवा लेवा ताकी कियाना उंदी बुनियादी गारंटी इंजी वेहताद मत्ता। इद उद्देश्य ते ‘युवा स्व-शिक्षा श्रृंखला’ लोप्पा दर्शनशास्त्र, सामाजिक विज्ञान, प्राकृतिक विज्ञान ता पुस्तकिंगे आयवा लू शुन ना चुने कित्ता रचनांग वेने प्रकाशित कित्ताद मत्ता।

इदिनाए लोप्पा राजनीतिक अर्थशास्त्र ता मूलभूत सिद्धांत पोरो उंदी लोकुर विचार कियाना लेक्कटा पुस्तक ता वेने ड्राफ्ट तैयार कित्ताद मत्ता। इद पुस्तक ते मुन्नेटा भाग लोप्पा पूंजीवादी समाज ता अर्थव्यवस्था तुन मार्क्सवादी समजदारी ते विचार कियाना लेक्का ओसो पूर्ण समजदारी पेश कीसोरे मार्क्सवादी राजनीतिक अर्थशास्त्र ता यांत्रिक भौतिकवादी ओसो संशोधनवादी समजदारी तुन एक्सपोज कित्ताद मत्ता। पुस्तक ता दूसरा भाग समाजवादी समाज ता राजनीतिक अर्थशास्त्र ता चर्चा पोरो केंद्रित मत्ता। असल ते इदु ‘पोलिटिकल इकॉनमी ऑफ सोशललिज्म’ ता नालुंग ड्राफ्ट कुनाए अनुसार ‘युवा स्व-शिक्षा श्रृंखला’ लेक्का प्रकाशित कित्ताद मत्ता, इद पुस्तक ता ड्राफ्ट कुना लोप्पा वेने सुधार कीसोर मत्तोर ओसो इदिना वेने कुल नालुंग संस्करण प्रकाशित आतांग। चीनी भाषा ते पुस्तक ता रेंडासी भाग शंघाई पीपुल्स प्रेस तले प्रकाशित आतांग।

रेंडासी भाग लोप्पा प्रकाशित आत्ता इद पुस्तक दुनियामेंड ‘शंघाई टेक्स्ट बुक ऑफ पोलिटिकल इकॉनमी’ पोरोल ते पुंदा वात्ता। सांस्कृतिक क्रांति ताकनास्के शंघाई माओ त्सेतुंग ना लाईन ते ताकना ओसो ल्यू शाओ-ची, देंग सियाओ पिंग ना संशोधनवादी लाईन ता कट्टर विरोधी पार्टी कार्यकर्ता लोरा गढ़ लेक्का मत्ता। ‘पोलिटिकल इकॉनमी ऑफ सोशललिज्म’ ता परियोजना ओसो ‘युवा स्व-शिक्षा श्रृंखला’ लोप्पा ‘राजनीतिक अर्थशास्त्र ता मूलभूत सिद्धांत’ (फाउंडेशन ऑफ पोलिटिकल इकॉनमी) रासना परियोजना लोप्पा शंघाई ता फुदान विश्व विद्यालय ता अर्थशास्त्रि लोरा मुख्च द शंघाई टेक्स्ट बुक, भाग उंदी



भूमिका मत्ता। इद परियोजना तुन ताकी कियाना प्रमुख मानेय चांग चुन-चियाओ मत्तोर, वीरु सांस्कृतिक क्रांति ता अग्रणी सेनापति मत्तोर। इदे भूमि पोरो इद पुस्तक ‘शंघाई टेक्स्ट बुक ऑफ पोलिटिकल इकॉनमी’ पोरोल ते पुंदा वात्ता।

विश्व-ऐतिहासिक महत्व मत्ता इद पुस्तक अंग्रेजी भाषा ते पहली बेरा 1977 ते ‘FUNDAMENTALS OF POLITICAL ECONOMY’ पोरोल ते प्रकाशित आत्ता। इदिन चाईना बुक प्रोजेक्ट सिरिज पोरोल ते WHITE PLAINS, NEWYORK छापे कीस मत्ता। इदिना अनुवाद ओसो सम्पादन जार्ज सी.वांग कीसी मत्तोर। वांग तैयार कित्ता पुस्तक ता पहली अंग्रेजी संस्करण मूल चीनी पुस्तक ता 1974 संस्करण (तीसरा ड्राफ्ट) पोरो आधार आसी मत्ता। अंग्रेजी भाषा ते मूल पुस्तक ता रेंडासी भाग कुन काल्पसी उंदी पुस्तक लेक्का प्रकाशित कित्ताद मत्ता।

हिंदी ते इद पुस्तक ता अनुवाद प्रकाशित कियानास्के, पाठक लोरा सुविधा तुक्क ओसो उंदी बेरा (मूल चीनी संस्करण ता लेक्काने) इद पुस्तक तुन रेंडु भाग ते तूसताद मत्ता।

मार्क्सवाद जिंदाबाद मंच मार्क्सवादी विज्ञान ता रक्षा ओसो प्रचार-प्रसार अभियान लोप्पा 1992 ते इद पुस्तक ता हिंदी अनुवाद तैयार कियाना प्रोजेक्ट तन्ना कैदे पोयता। मति विभिन्न कारण ते इद काम ता गति वेल्ले तीरम मत्ता। 5 साल पेरके पुस्तक ता पहली भाग प्रकाशित आसी पाठक लोरा कैदे मत्ता। पुस्तक ता प्रकाशन लोप्पा वेल्ले लेट आतांकु माटु पाठक ओसो समर्थक लोरगडल माफी ताल्का मंतोम। माटु इद पुस्तक ता दूसरा भाग इय्येडे प्रकाशित कियाना लेक्का पूरा कोशिश कियाकोम।

इगा हिता मुन्नेटा भाग ता 11 अध्याय कुना लोप्पा पूंजीवाद ओसो साम्राज्यवाद ता राजनीतिक अर्थशास्त्र तुन सजीव, स्पष्ट ओसो हल्कोए समजेमायना लेक्का हीताद मत्ता। मार्क्सवादी राजनीतिक अर्थशास्त्र तुन आम छात्र, जागरूक पाठक ओसो पार्टी-कार्यकर्ता लोरा काजे सरल कीसी लोकुर विचार कियाना पुस्तकिंग लेवेके पुस्तक-श्रृंखला लेक्का पेश कियाना काम हत्ता उंदी शताब्दी तल पूरा दुनिया ते ताका मत्ता। दुनिया ता वेल्ले कम्युनिस्ट पार्टिंग, सर्वहारा नेता लोर ओसो मार्क्सवादी विद्वान लोरा इदिना लोप्पा महत्वपूर्ण योगदान मत्ता। इद पुस्तक इद दिशा ते दूसरा कड़ी आंदू। महान सर्वहारा सांस्कृतिक क्रांति ताकनास्के मार्क्सवादी राजनीतिक अर्थशास्त्र ता समजदारी वेल्ले बेरसता, अदिन पेश कियाना सिर्फ उंदे

पुस्तक मत्तांकु नेंडु इद काम बदे डावुट हिल्वा ऐतिहासिक महत्व वाले मार्क्सवादी गौरव-ग्रन्थ लेक्का दर्जा दोरकी कित्ता। संगेने, राजनीतिक अर्थशास्त्र ता मार्क्सवादी सिद्धांत ता अलग-अलग बुर्जुआ ओसो संशोधनवादी भ्रष्टाचार कालम ते आम पाठक लोरा काजे वेल्ले सरल रूप ते मार्क्सवादी राजनीतिक अर्थशास्त्र ता बुनियादी सिद्धांत कुन पेश कियाना उंदी वेल्ले जरूरी ओसो महत्वपूर्ण पुस्तक आंदू। मार्क्सवादी पाठक लोरा काजे इद पुस्तक उंदी बुनियादी पाठ्य-पुस्तक आंदू।

पुस्तक ता पहली अध्यय लोप्पा मार्क्सवादी राजनीतिक अर्थशास्त्र ता अन्तर्वस्तु (contents), पद्धति ओसो सामाजिक क्रांति विज्ञान ता उंदी अंग लेक्का राजनीतिक अर्थशास्त्र अध्ययन ता महत्वपूर्ण चर्चा कित्ताद मत्ता। पेरके 10 अध्याय कुना लोप्पा प्राक-पूँजीवादी सामाजिक-आर्थिक ढांचांग, अविना पोद्दा तल पूँजीवादी विकास, पूँजीवादी उत्पादन ओसो विनिमय प्रणाली, पूँजीवाद वेल्ले तीव्र आसी मत्ता साम्राज्यवादी मंजिल ता मुख्य गुण कुना चर्चा कित्ताद मत्ता अनि बद्रम साम्राज्यवाद सर्वहारा समाजवादी क्रांति ता मुन्नेटा कालम आंदू इंजी वेहताद मत्ता।

ग्यारहवी अध्याय (1956 ते खुश्चेव ना नेतृत्व ते स्थापना आत्ता) सोवियत संशोधनवादी अर्थव्यवस्था ता मार्क्सवादी चर्चा कित्ताद मत्तांकु वेल्ले महत्वपूर्ण मत्ता। लेनिन ब्रेझ्नेव-कोसीगिन कालम ते आक्रमक सोवियत साम्राज्यवाद ता आंतरिक ढांचा ता विश्लेषण साम्राज्यवादी सिद्धांत पोरो आधार आसी कित्ताद मत्तांकु वेने वेल्ले महत्वपूर्ण मत्ता। इद अध्याय लोप्पा सोवियत संशोधनवादी सामाजिक साम्राज्यवाद तन्ना सब्बे आक्रमक रुझान ओसो विस्तारवाद मत्तेकाई अदु असल ते संकटग्रस्त साम्राज्यवाद आंदू ओसो उंदी पूना अक्तुबर क्रांति ता शुरुआत आंदू। नेंडु, सोवियत सामाजिक साम्राज्यवाद मुख्य रूप ते पश्चिमी साम्राज्यवादी ग्रुप ता दबाव तले आयवा तन्नाए आंतरिक अंतरविरोध ता दबाव संगे देगसी बिखरेमाता अनि गंभीर आर्थिक-राजनीतिक संकट ओसो जन-उभार कुना नड़मा अगा क्रांति ता पूना मनोगत ताकतकु ओसो उंदी बेरा पूना तरीका ते संगठित आया मंतांग।

लेनिन ना साम्राज्यवादी थीसिस तुन माओ (सामाजिक साम्राज्यवाद लोप्पा) कित्ता विस्तार तुन नेटा परिस्थिति सही साबित किया मंतांग। संशोधनवादी अर्थव्यवस्था, राजनीति ता बारे ते माओ त्सेतुंग ना प्रपोजल कुन वायना कालम ते देंग सियाओ-पिंग ना “बाजार समाजवाद” हार चीन द शांघाई टेक्स्ट बुक, भाग उंदी

लोप्पा वेने सही साबित आयार, इदु प्रथम सर्वहारा सांस्कृतिक क्रांति ता प्रयोग-भूमि मत्ता। परिस्थितिङ्ग इंजे सिर्फ परिस्थिति ता पोल्लो मंता इंजी वेहा मतांग।

पाठक लोरा मुन्ने पेश कीसोर मत्ता पुस्तक ता पहली भाग मूल चीनी पुस्तक ता 1974 संस्करण जार्ज सी.वांग ना काम पोरो रास्ता अंग्रेजी अनुवाद तल हिंदी अनुवाद कित्ताद मंता। इय्येडे प्रकाशित आयना पुस्तक ता दूसरा भाग मूल चीनी पुस्तक ता दिसम्बर 1975 संस्करण ता दूसरा भाग ता रेमंड लोट्टा सम्पादित कित्ता अंग्रेजी अनुवाद पोरो आधार आसी मंता। इद पूना अंग्रेजी अनुवाद 1994 ते Banner Press. P.O. Box 211 95. NEW YORK NY 101 29 'Maoist Economics and the Revolutionary Road to Communism (The Shanghai Textbook) पोरोल ते प्रकाशित आत्ता।' पुस्तक ता पहली भाग ता अनुवाद पूरा आत्ता पेस्के माकिन इदिना दूसरा भाग ता अंग्रेजी अनुवाद दोरकता। दिसंबर 1975 संस्करण ता पहली भाग ता अंग्रेजी अनुवाद दोरकवा मत्ता अदिन काजे इद भाग ता हिंदी अनुवाद 1974 संस्करण ता जार्ज सी.वांग ना अंग्रेजी अनुवाद तुन आधार बने कियाना मावा मजबूरी मत्ता। जार्ज सी.वांग तन्ना भूमिका ते रास्ता लेक्का पुस्तक ता पहली भाग ता रेंडासी संस्करण कुना लोप्पा बदे विशेष ओसो बुनियादी अंतर हिल्वा मत्तांकु बेसे आत्ता।

इद ऐतिहासिक पुस्तक ता दूसरा भाग लोप्पा समाजवादी समाज ता अर्थव्यवस्था, अदिना वर्ग-रूप, अगा ताकसोर मत्ता वर्ग संघर्ष, पूंजीवादी पुनर्स्थापना खतरा ना भौतिक आधार ता चर्चा (माओ त्सेतुंग ओसो सर्वहारा सांस्कृतिक क्रांति ता क्रांतिकारी प्रयोग ता सबसे ज्यादा योगदान मंता) शामिल मत्तांकु महत्वपूर्ण मंता, मति इद पहली भाग ते महत्व वेने वेल्ले मंता। राजनीतिक अर्थशास्त्र ता बदे संशोधनवादी पाठ्य-पुस्तक (उदाहरण तुकू, अ. लियोन्तियेफ ना पुस्तक 'पोलिटिकल इकॉनमी') संगे तुलना कीतेके इद पुस्तक बचोन स्पष्ट रूप ते माल-उत्पादन हेरे-गरे निलपी कियाना सब्बे रहस्य कुन तुकडेंगे कीसिंता, पूंजीवाद ओसो साम्राज्यवाद ता अनिवार्य आंतरिक अंतरविरोध कुन स्पष्ट कीता, सर्वहारा क्रांति ता संभावनांग पोरो ओसो मनोगत ताकत कुना भूमिका पोरो जोर हींता इंजी स्पष्ट आंता। मार्क्सवादी राजनीतिक अर्थशास्त्र ता सब्बे अर्थवादी (ढोढरी भौतिकवादी) ओसो संशोधनवादी पोल्लोग ना प्रतिकूल इद पुस्तक सही तरीका ते 'काम ता मार्गदर्शक' आंदू। नेंडु साम्राज्यवाद उंदी पूना कालम ते नेंगतास्के पूंजी

ता भूमंडलीकरण मुन्ने बस्केने हिल्ला लेक्का मुन्ने वाया मंता अनि अदिना संकट रूप वेने मुन्ने बस्केने हिल्ला लेक्का मुन्ने वासोर मत्तास्के इविन समजेमायला काजे, बुर्जुआ अर्थशास्त्रि लोर फैले कियाना भ्रम कुनल मुक्ति काजे ओसो पूना सर्वहारा क्रांतिंग ना तैयारी काजे इद पुस्तक उंदी बुनियादी पाठ्य पुस्तक लेक्का जरूरी मंता। अद्रमे, दूसरा भाग ता अध्ययन नेटा समाजवादी समस्यांग ओसो पूंजीवादी पुनर्स्थापना कारण कुन समजेमायला महत्वपूर्ण मदद कीता अनि माकिन मना व्यापक जनता ना नइमा समाजवाद ता बारे ते फैलेमाता भ्रम ओसो पक्षपात कुन खत्म कीसी लोकुर किन सच्चाई ता परिचय हियाना क्षमता हिया परिता।

नेटा कालम ते इद पुस्तक ता प्रकाशन सर्वहारा वर्ग ता वैचारिक संघर्ष तुक्क फौरी ओसो दूरगामी रेंडासी रकम ता जरूरत आंदू। सर्वहारा क्रांति ता पूना संस्करण कुना तैयारी काजे उंदी पूना वैचारिक शिक्षा ता फौरी कार्यभार मार्क्सवादी विज्ञान ता हर डिपार्टमेंड लोप्पा दोरकना सफलतांग (अविन बुर्जुआ प्रचारक लोर डुंडुल ओसो नीर देब्बा वाटसी मुचसितोर) कुन नेंडु व्यापक जनता, बुद्धिजीविर ओसो क्रांतिकारी बदलाव काजे सक्रिय युवा कार्यकर्ता लोरा मुन्ने तत्ताना। मार्क्सवादी राजनीतिक अर्थशास्त्र मार्क्स-एंगेल्स निगडले माओ त्सेतुंग ना कालम एवनल लगातार विकसित आसोरे, सर्वहारा सांस्कृतिक क्रांति ता सर्वोच्च शिखर (कोड्डी) ते एवसी दोरकी कित्ता समृद्धि तले नेंडु अलग-अलग रकम ता नव कीन्सावादीर, 'रीगनॉमिक्स' ओसो 'सप्लाय साइड इकॉनमिक्स' लेक्कटा सिद्धांतकार लोरा कोल्हार नइमा पूना विश्व-व्यवस्था ओसो 'हाटुम' ता 'युग' ते मार्क्सवादी असफलता ओसो समाजवादी हामुर ता घोषणंग नइमा पुंजी मंदाना वेल्ले महत्वपूर्ण मंता। समाजवाद पोरो जीत दोरकी कियाना घोषणा कीसोर वेने दुनिया ता पूंजीवादी चौधरी नेटा गंभीर आर्थिक संकट ओसो मंदी ता ढांचागत संकट परिस्थिति पूरा पूंजीवादी इतिहास लोप्पा मुन्ने बस्के ने वायवा मत्ता। झूठ ओसो गलत प्रचार कुना सहारा ते ओरु मार्क्सवादी स्थापनांग कुन गलत वेहतेकाई वर्तमान विश्व व्यवस्था संकट कुना समाधान हिया परसोर हिल्लेर अनि बदे वैकल्पिक मॉडल वेने पेश कीसोर हिल्लेर। पूंजीवादी व्यवस्था ता इद संकट तुन ओसो इदिना पोड्रा तल पुटना सर्वहारा क्रांतिंग ना जरूरत कुन समजेमायला काजे मार्क्सवादी राजनीतिक अर्थशास्त्र ता बुनियादी सिद्धांत तल परिचित आयना जरूरी मंता। महान सर्वहारा सांस्कृतिक क्रांति कालम ते विकसित मार्क्सवादी राजनीतिक द शांघाई टेक्स्ट बुक, भाग उंदी

अर्थशास्त्र ता मूलभूत सिद्धांत कुन पुता पेरकेने माटु इतिहास ता इत्तेके समाजवादी संक्रमण शुरूआत ते वेल्ले जोम पूंजीवादी पुनर्स्थापना ता भौतिक आधार ओसो संभावनांग बारांकु मंदितांग, रूस, चीन ओसो पूर्वी यूरोप लोप्पा सर्वहारा क्रांतिंग ना प्रथम संस्करण असफल बारांकु आतांग, सर्वहारा क्रांतिंग ना पूना संस्करण कुना निर्माण मानव इतिहास ता निश्चित भविष्य बारांकु मंता, विश्व इतिहास ता सब्बे युग कुना लेक्का पूंजीवादी युग किन वेने आखरी ते बारांकु खत्म आयलाए लागियर इंदाना असल सच्चाई ता पूर्ण समजदारी दोरकी किया परितोम। ‘शंघाई पोलिटिकल इकॉनमी’ वेल्ले सीधा-सरल ओसो विचार कियाना लेक्कटा भाषा-शैली ते मार्क्सवादी राजनीतिक अर्थशास्त्र ता बुनियादी सिद्धांत कुना सूत्रीकरण कींता अनि बुर्जुआ उत्पादन प्रणाली ता सही विश्लेषण पेश कींता। सबसे ज्यादा मार्क्स, एंगेल्स ओसो लेनिन ना चिंतन ओसो सोवियत संघ, चीन लोप्पा समाजवादी प्रयोग कुना अनुभव पोरो आधार आसी समाजवादी उत्पादन प्रणाली, सामाजिक आर्थिक ढांचा ओसो वर्ग संबंध, मूलाधार ओसो आधार ता बारे ते माओ पहली बेरा पेश कित्ता पूर्ण विश्लेषण तुन आम लोकुरा काजे हल्कोए समजेमायना लेक्का कियाना काम कित्ता पुस्तक ‘शंघाई पोलिटिकल इकॉनमीए’ आंद।

इद पुस्तक सकारात्मक रूप ते ऐतिहासिक भौतिकवाद ओसो मार्क्सवादी राजनीतिक अर्थशास्त्र ता संशोधनवादीरा भ्रष्टाचार (उदाहरण तुकू खुश्चेव कालम ते प्रकाशित आत्ता लियोन्तियेफ ना राजनीतिक अर्थशास्त्र पाठ्य पुस्तक ओसो ब्रेझनेव कालम ते प्रकाशित आत्ता विभिन्न पाठ्य पुस्तकिंग) ना लेक्काने सही मार्क्सवादी विचार ता उंदी उदाहरण पेश कींता मति स्टालिन कालम ते मार्क्सवादी दर्शन ता समजदारी ते पुटता उचुन यांत्रिकतावादी ओसो अधिभौतिक रुझान कुना कारण ते राजनीतिक अर्थशास्त्र लोप्पा पुटता बदलाव ओसो मूल रूप ते इविनाए कारण ते समाजवादी समाज ता रूप, उत्पादन संबंध ओसो समाजवादी संक्रमण कुना कालम ते वर्ग संघर्ष ता वास्तविकता तुन समजेमाया परवा लेक्कटा गलती ना वेने सकारात्मक (पॉजिटिव) आलोचना पेश कींता। अद्रमासी माटु इद मार्क्सवाद-लेनिनवाद-माओवादी राजनीतिक अर्थशास्त्र ता प्रतिनिधि पाठ्य पुस्तक आंदू इत्तेके वेने गलत आयो आयर।

संशोधनवादीर ओसो अकाडमिक मार्क्सवादी लेखक लोरा राजनीतिक अर्थशास्त्र पाठ्य पुस्तक लोप्पा उत्पादन प्रणाली, माल, मुद्रा

ओसो मूल्य नियम लेक्कटविना विश्लेषण कीसोरे आत्मगत उत्पादन (सब्जेक्टिव फैक्टर्स) कुन पूर्ण नजरअंदाज कियमूडांता। वर्ग संघर्ष स्वरूप, सर्वहारा तानाशाही जरूरत ओसो सर्वहारा पार्टी ऐतिहासिक जरूरत कुना चर्चा कमी मत्तांकु संशोधनवादीरा आर्थिक चर्चा तोका-तल्ला हिल्वा अंगडम ता 'मार्क्सवादी' चर्चा बनेमांता। राजनीतिक अर्थशास्त्र लोप्पा आर्थिक संबंध कुना चर्चा कियानास्के ओरु ऊपरी ढांचा (Superstructure) तुन पूराए नजरअंदाज कींतोर। ओरु आधार पोरो ऊपरी ढांचा ता प्रभाव, टाईम-टाईम ते निर्णायक प्रभाव कुना बदे चर्चा कीवोर आंतोर अनि उत्पादन प्रणाली ता चर्चा ओरु आधार ओसो ऊपरी ढांचा ता लगातार क्रियाशील द्वद्वात्मक अंतर्सम्बंध मंदाना संभावना ते आयवा स्वतंत्र रूप ते कींतोर। ऐतिहासिक भौतिकवाद ता इद भ्रष्टाचार संशोधनवादी अर्थवादी ओसो 'कानूनी मार्क्सवादी' पुंजी-पुंजी कींतोर मति मार्क्सवाद ता यांत्रिक लेवेके जड़सूत्रवादी समजदारी कारण ते ईमानदार मार्क्सवादीर ओसो कम्युनिस्ट क्रांतिकारिरा लोप्पा वेने इव भटकावकु दिसिंतांग। कोमिंटर्न ना कालम ते दुनिया ता कम्युनिस्ट आंदोलन लोप्पा ओसो स्टालिन कालम ता सोवियत संघ लोप्पा वेने मार्क्सवादी राजनीतिक अर्थशास्त्र ते इद्रम ता बदलावकु मत्तांग, इविना स्पष्ट आलोचना ओसो संक्षिप्त चर्चा माओ तन्ना 'ए क्रिटीक ऑफ सोवियत पोलिटिकल इकॉनमिक्स' पोरोल ते पुस्तक लेक्का (मंथली रिव्यू प्रेस) प्रकाशित आत्ता टिप्पणिंग लोप्पा वेहतोर। सर्वहारा सांस्कृतिक क्रांति मार्क्सवादी राजनीतिक अर्थशास्त्र ता इदे समजदारी तुन ओसो वेल्ले ठोस, उन्नत ओसो परिपक्व बने कियाना संगेने इदिना इस्तेमाल वेने कित्ता। 'राजनीतिक अर्थशास्त्र ता मूलभूत सिद्धांत' पोरोल ता इद पाठ्य पुस्तक इदे सैद्धांतिक समजदारी काजे तैयार कित्ताद मंता।

शशि प्रकाश

संयोजक

मार्क्सवाद जिंदाबाद मंच

## अनुवाद कियानास्के इस्तेमाल आत्ता उचुक मुख्य शब्द कुना अर्थ

Commodity	माल
Value	मूल्य
Use Value	उपयोग मूल्य
Exchange Value	निमय मूल्य
Surplus Value	तिरिक्त मूल्य
Absolute Surplus Value	शुद्ध अतिरिक्त मूल्य
Relative Surplus Value	सापेक्षिक अतिरिक्त मूल्य
Excess Surplus Value	बेशी अतिरिक्त मूल्य
Labour Time	श्रमकाल
Labour Power	श्रमशक्ति
Surplus Labour	अतिरिक्त श्रम
Labour Prouctivity	श्रम उत्पादकता
Labour Intensity	श्रम सघनता
Price	दाम
Production Price	उत्पादन लाभ
Cost	लागत
Profit	मुनाफा/लाभ
Super Profiy	अतिलाभ
Wages	मजदूरी
Nominal Wages	सांकेतिक मजदूरी
Real Wages	वास्तविक मजदूरी
Capital	पूंजी

Constant Capital	स्थिर पूंजी
Variable Capital	परिवर्तनशील पूंजी
Fixed Capital	अचल पूंजी
Working Capital	कार्यशील पूंजी
Monopoly Capital	एकाधिकारी पूंजी
Circulation	परिचलन
Turnover	कारोबार
Organic Composition	अवयवी संघटन
Inflation	मुद्रास्फीति/स्फीति
Deflation	अपस्फीति
Million	दस लाख
Billion	अरब
Trillion	खरब



## “युवा स्व-शिक्षा श्रृंखला” ता सम्पादक लोरा बगिल तल

अध्यक्ष माओ माकिन “शिक्षित युवा लोर किन गरीब ओसो निम्न मध्य वर्गीय किसान लोरगडल दोबारा शिक्षित आयला काजे नाहकुना लोप्पा दायना” इंजी वेहींतोर। हत्ता उचुन साल कुना लोप्पा अध्यक्ष माओ ना आह्वान ते क्रांतिकारी जोश संगे हजारों युवा लोर चीन ता ग्रामीण ओसो हंदी इलाकांग लोप्पा हत्तोर। ओरु मार्क्स, लेनिन ओसो अध्यक्ष माओ ना रचनाकुना परताचोन अध्ययन कित्तोर, लिन प्याओ ना आलोचना कियाना ओसो कार्यशैली लोप्पा सुधार कियाना लोप्पा सक्रिय रूप ते शामिल आत्तोर, ओरु मूंड महान क्रांतिकारी आंदोलन कुना लोप्पा मुन्ने मंजी पूरा जोश संगे लड़ेमात्तोर। मजदूर-किसान लोरा संगे एकता आयना हरीं ते दृढ़तापूर्वक मुन्ने हत्तोर अनि ग्रामीण इलाकांग लोप्पा समाजवादी निर्माण ते ओरु पूना योगदान हीतोर। वर्ग संघर्ष ओसो लाईन कुना संघर्ष ता बारे ते ओरा जागरूकता स्तर वेल्ले उन्नत आत्ता। लेक्का परवाचोन सर्वहारा नायक लोर अचानक तेदसी वात्तोर अनि क्रांतिकारी युवा लोरा उंदी पूना पीड़ी स्वस्थ तरीका ते परिपक्व आया मंता। अध्यक्ष माओ ना क्रांतिकारी लाईन ता उंदी महान जीत आंदू।

“माटु युवा पीड़ी ता विकास लोप्पा पूरा ध्यान हियाना,” अध्यक्ष माओ ना इद निर्देश ओसो ग्रामीण, मेट्टांग लोप्पा दायना शिक्षित युवा लोरा खुद-अध्ययन ता जरूरत तुन पूरा कियाला काजे “युवा स्व-शिक्षा श्रृंखला” रासिसी प्रकाशित कित्तोम। इद श्रृंखला मार्क्सवाद-लेनिनवाद-माओ त्सेतुंग विचारधारा पोरो आधार आसी बनेमाता अनि इदिना लोप्पा दर्शनशास्त्र, सामाजिक विज्ञान, प्राकृतिक विज्ञान ता मूलभूत सिद्धांते आयवा लू शुन ना चुने कित्ता रचनांग वेने शामिल कित्ताद मंता। माटु इदिना प्रकाशन ग्रामीण, मेट्टा इलाकांग लोप्पा दायना शिक्षित युवा लोरा खुद-अध्ययन तुन बेस कियार अनि लाईनकुना संघर्ष ता बारे ते जागरूकता, राजनीतिक चेतना, सांस्कृतिक, वैज्ञानिक स्तर तुन उन्नत कियाला ओरा मदद आया इंजी

आशा कींतोम। इद्रम आतेके ओरु “लाल” ओसो “विशेषज्ञ” बनेमायना हरीं ते मुन्ने दाया परितोर अनि उंदी पूना समाजवादी ग्रामीण इलाका ता ओसो बाकी उद्यम कुना निर्माण कुना जरूरत कुन सही तरीका ते पूरा किया परितोरम।

माटु इद श्रृंखला ता प्रकाशन काजे संबंधित इकाइंग हित्ता सहयोग ओसो इदिना लेखक लोरा धन्यवाद कीसोर इदिना लोप्पा ओसो सुधार कियाला काजे इद श्रृंखला ता पाठक लोरा सुझाव ओसो आलोचना ता स्वागत कींतोम।

शंघाई पीपुल्स प्रेस

## विषय सूची

अनुवादक ना माटा .....	5
पहली हिंदी संस्करण (1998) ता भूमिका .....	7
अनुवाद कियानास्के इस्तेमाल आत्ता उचुक मुख्य शब्द कुना अर्थ.....	15
“युवा स्व-शिक्षा श्रृंखला” ता सम्पादक लोरा बगिल तल.....	17
<b>उंदी</b>	
उचुन राजनीतिक अर्थशास्त्र करियाना जरूरी मंता .....	25
राजनीतिक अर्थशास्त्र ता बारे ते.....	25
राजनीतिक अर्थशास्त्र ता विषयवस्तु उत्पादन संबंध मंता.....	25
राजनीतिक अर्थशास्त्र पार्टी ता बुनियादी लाईन निर्धारित कियाना सैद्धांतिक आधार आंदू.....	31
राजनीतिक अर्थशास्त्र तुन बेस समजेमायला काजे सिद्धांत ओसो व्यवहार ता मेल कीमुट .....	34
<b>रेंडू</b>	
पूँजीवाद तुकू मुन्नेटा सामाजिक ओसो आर्थिक व्यवस्थांग.....	39
आदिम, गुलाम ओसो सामंती समाज लोप्पा उत्पादन संबंध .....	39
श्रम मानेय किन बने किता .....	39
पाड़ी-कट्टा कम्यून मालिकाना आदिम कम्यून ता उत्पादन संबंध कुना आधार मत्ता.....	40
निजी सम्पत्ति ता जन्म ओसो आदिम कम्यून ता पतन .....	43
गुलामी प्रथा शोषण ता पहली व्यवस्था मत्ता.....	44
गुलाम समाज लोप्पा उत्पादन संबंध कुना विशेषता उत्पादन साधन ओसो गुलाम लोरा पोरो मालिक ना मालिकाना .....	44
वर्ग दुश्मनी कारण ते शहरी ओसो नाहकुना इलाकांग नड़मा, मानसिक ओसो शारीरिक श्रम नड़मा विरोध पुट्टा.....	46
गुलाम विद्रोह गुलामप्रथा ता पतन तुन तेज किता .....	47
सामंतवाद वर्ग संघर्ष पोरो आधार आसी मत्ता उंदी शोषक व्यवस्था मत्ता...	50
सामंती भूमि मालिकाना सामंती समाज ता आर्थिक आधार आंदू.....	50
किसान विद्रोह सामंती समाज लोप्पा लगातार तीव्र आसोरे मत्ता वर्ग अंतरविरोध मत्ता.....	52

माल अर्थव्यवस्था ता विकास ओसो आदिम समूह पूंजीवादी उत्पादन संबंध कुन जन्म हिता अनि मुन्ने ओता .....	53
बुर्जुआ क्रांति सामंतवाद पतन ता घोषणा कित्ता .....	56

## मूड

पूँजीवादी समाज ता विश्लेषण माल विश्लेषण तल शुरू आयना .....	60
माल, मुद्रा ओसो मूल्य नियम .....	60
माल संबंध लोप्पा सब्बे पूँजीवादी अंतरविरोध कुना विजा पेड़म मंदितांग..	60
माल ता रेंडु संघटक मंदितांग उपयोग मूल्य ओसो विनिमय मूल्य .....	60
माल ता दोहरी रूप माल उत्पादन लोप्पा लागता श्रम ता दोहरी रूप तल तय आंता .....	62
माल ता मूल्य सामाजिक रूप ते जरूरी श्रम तल तय आंता .....	63
निजी श्रम ओसो सामाजिक श्रम ता अंतरविरोध माल उत्पादन ता बुनियादी अंतरविरोध आंदू .....	64
माक्स ना मूल्य ता श्रम सिद्धांत अतिरिक्त मूल्य ता सिद्धांत ता आधार आंदू। .....	66
मुद्रा माल विकास तल पुटसी मंता .....	68
मुद्रा सार्वभौमिक समन्वय ता काम कियाना उंदी विशेष माल आंदू .....	68
मुद्रा ता 5 काम उंदी-उंदी कीसी विकसित आतांग .....	70
मूल्य ता नियमे माल उत्पादन ता आर्थिक नियम आंदू .....	73
विनिमय समतुल्यता मूल्य नियम ता वस्तुगत जरूरत आंदू .....	73
हाटुम पोटी (होड़) ताकनास्के मुन्ने वायना मूल्य नियम कुना मूड कार्य .....	75
माल अंधभक्ति ता रहस्य तुन पर्दाफाश कीमुट .....	76
माल अंधभक्ति अस्तित्व ते बदरम वात्ता? .....	77

## नालुंग

पूँजीपति मजदूर लोरा शोषण-उत्पीड़न बदरम कीतोर .....	79
पूँजी ओसो अतिरिक्त मूल्य .....	79
पूँजीपतिर मजदूर लोरा शोषण बदरम कीतोर .....	79
श्रमशक्ति माल लेक्का बदले मात्तेकेने अतिरिक्त मूल्य पुट्टिता .....	79
पूँजीपतिर हड़पे कियाना अतिरिक्त मूल्य मजदूर लोरा शोषण तल वांता .....	81
मजदूर लोरा शोषण-उत्पीड़न कियाना पूँजीपतिरा कूर साधनकु .....	85
अतिरिक्त मूल्य दर पूँजीपतिर कियाना मजदूर लोरा शोषण ता मात्रा तुन तोहिंता .....	85
श्रमकाल बेरसी कीसी शुद्ध अतिरिक्त मूल्य दोरकी कियाना .....	87
जरूरी श्रमकाल घटे कीसी सापेक्षिक अतिरिक्त मूल्य दोरकी कियाना .....	88
वेल्ले अतिरिक्त मूल्य पीरला काजे श्रम ता मूल्य तुकू कम मजदूरी हियाना 90 मजदूरी पूँजीवाद ता शोषक संबंध तुन मकिह कीता .....	92

मजदूरी श्रम मूल्य लेवेके दर ता मकसी मत्ता रूप आंदू .....	92
मजदूर लोरा असल मजदूरी कम आसोर दायना .....	93
पूँजीवादी शोषण विरुद्ध मजदूर वर्ग ता संघर्ष .....	94

## एख्युंग

पूँजीवादी समाज लोप्पा अमीर ओसो गरीब नडुमा बेरसना कोहड़ा .....	98
पूँजी संचय ओसो मजदूर वर्ग ता कंगालीकरण .....	98
पूँजी संचय मजदूर लोरा शोषण तुन बेरसी कींता .....	99
पूँजीवादी साधारण पुनरुत्पादन ता विश्लेषण संगे पूँजीपति मजदूर लोर किन पोसे कींतोर इंदाना झूठ तुन पर्दाफाश कियाना। .....	99
पूँजीपति ज्यादा अतिरिक्त मूल्य पुट्टी कियाला काजे पुनरुत्पादन ता विस्तार कींतोर .....	101
मजदूर लोरा बेरोजगारी .....	103
पूँजी संचय ता जरूरी कारणकु .....	103
पूँजी ता अवयवी संघटन (organic composition) लोप्पा वृद्धि आतेके मशीनकु मजदूर लोरकिन दोबसी वाटसिंतांग .....	103
सापेक्षित अतिरिक्त आबादी पूँजी संचय ता अनिवार्य कारण आंदू .....	105
माल्थस ना जनसंख्या ता सिद्धांत पूँजीवाद ता रक्षा काजे बने किता उंदी प्रतिक्रियावादी धोखा आंदू .....	108
पूँजी संचय सर्वहारा तुन गरीबी ते दोबिता .....	110
अमीर ओसो गरीब नडुमा धुवीकरण पूँजी संचय ता सामान्य नियम आंदू ..	110
राष्ट्रीय आय लोप्पा सर्वहारा वर्ग ता हिस्सा लगातार घटेमासोर दायना सापेक्षिक गरीबी ता कारण बनेमांता .....	110
श्रम परिस्थिति ओसो पिस्वल परिस्थिति ते लगातार घटेमायना सर्वहारा वर्ग तुन पूर्ण गरीबीकरण ते दोबसिता .....	111
सर्वहाराए पूँजीवाद ता हामुर गुमिया कारिता .....	115

## आरुंग

पूँजी ताकना प्रक्रिया, अतिरिक्त मूल्य ता शोषण ओसो टेंडना प्रक्रिया .....	120
पूँजी ता प्रवाह, पूँजी ता कारोबार ओसो सामाजिक पूँजी ता पुनरुत्पादन .	120
पूँजी ता सरकुलेशन 3 चरण ते मंदिता अनि 3 रकम ता मंदिता .....	120
पूँजी-सरकुलेशन ता 3 चरण उत्पादन प्रक्रिया ओसो विनिमय प्रक्रिया ता एकता तुन तोहिता .....	120
पूँजी ता कारोबार (टर्नओवर) अतिरिक्त मूल्य ता लगातार उत्पादन ओसो जन्म आंदू .....	124
उत्पादन ओसो विनिमय ते लागना कालम पूँजी ता कारोबार ता गति तय कींता। .....	124
पूँजी कारोबार ता दर ते पूँजी ता संघटन ता प्रभाव .....	126

पूँजीपति वेल्ले अतिरिक्त मूल्य पुट्टी कियाला काजे पूँजी कारोबार गति तुन तेज कियाना पूरा कोशिश कीता.....	129
पूँजीवादी पुनरुत्पादन दुश्मनीपूर्ण अंतरविरोध कुना नइमा तन्ना-तन्नाए ताकिता .....	130
सामाजिक पूँजी व्यक्तिगत पूँजी ता मेल आंदू.....	130
साधारण पुनरुत्पादन काजे जरूरी परिस्थितिंग .....	132
विस्तृत पुनरुत्पादन काजे जरूरी परिस्थितिंग .....	134
पूँजीवादी पुनरुत्पादन ता अंतरविरोध शत्रुतापूर्ण मंदिता .....	137

## सात

पूरा पूँजीपति वर्ग कलियसी मजदूर लोरा शोषण ओसो उत्पीड़न कीता ....	140
अतिरिक्त मूल्य ता बंटवारा.....	140
औद्योगिक पूँजीपतिरा नइमा पोटी मुनाफा दर तुन उंदी लेक्का बने कीता.....	140
मुनाफा अतिरिक्त मूल्य ताए बदलाव रूप आंदू.....	140
विभिन्न सेक्टर कुना लोप्पा पूँजीपतिर नइमा पोटी मुनाफा लोप्पा वांता। ...	142
मुनाफा दर लोप्पा समानता माल ता मूल्य तुन उत्पादन दर लोप्पा बदले कीता .....	144
माल ता व्यापार संगे वाणिज्यिक पूँजीपति वेने अतिरिक्त मूल्य लोप्पा हिस्सा एतितोर.....	145
वाणिज्यिक पूँजी ता काम अतिरिक्त मूल्य पुट्टी कियाना मंता। .....	145
वाणिज्यिक पूँजीपति तम्मा कर्मचारिरा क्रूरतापूर्वक शोषण कीतोर.....	147
वित्तीय पूँजीपति कर्जा ओसो सूदखोरी संगे अतिरिक्त मूल्य लोप्पा हिस्सा आंतोर.....	149
ब्याज ता स्रोत वेने अतिरिक्त मूल्य मंदिता .....	149
ऋण एतना ओसो ऋण हीतास्के ब्याज दर लोप्पा अंतर तले बैंक किन मुनाफा दोरकीता .....	150
शेयर बाजार पूँजीवाद ता परजीवी स्वरूप बेरससोर दायनद मंदिता.....	150
भूस्वामी वर्ग वीतवा लेवाए कोय्यंता .....	151
जमीन पोरो पूँजीवादी एकाधिकार ता कारण ते विभेदी लगान मुन्ने वांता.....	151
एकाधिकार निजी भूस्वामित्व शुद्ध लगान तुन पुट्टी कीता .....	154
पूँजीवादी लगान वेने अतिरिक्त मूल्य ता उंदी हिस्सा आंदू.....	155

## आठ

पूँजीवाद ता इलाज हिल्वा बीमारी .....	158
आर्थिक संकट .....	158
आर्थिक संकट पूँजीवाद ता मूलभूत अंतरविरोधकु तीव्र आसोर हत्ताकु वांतांग .....	158
पूँजीवादी आर्थिक संकट अतिउत्पादन ता संकट आंदू। .....	158

आर्थिक संकट कुना स्रोत पूंजीवाद ता बुनियादी अंतरविरोध लोप्पा मंता .....	160
आर्थिक संकट ता मार्क्सवादी सिद्धांत संकट तुन मुचला काजे बने किता बुर्जुआ वर्ग ता सब्बे झूठी सिद्धांत कुन ध्वस्त कीता .....	162
पूंजीवादी आर्थिक संकट कु लगातार गंभीर आसोर दायना रुझान .....	163
पूंजीवादी आर्थिक संकट टाईम-टाईम ते पुटसोर मंदितांग .....	163
पूंजीवादी आर्थिक संकट लगातार बिगड़ेमासोर दांता .....	166
आर्थिक संकट पूंजीवादी शासन ता बुनियाद कमजोर कीतांग .....	171

नौ

साम्राज्यवाद ता बदलेमायवा मंदाना रूप .....	173
साम्राज्यवाद एकाधिकारी (monopoly) पूंजीवाद आंदू .....	173
एकाधिकार साम्राज्यवाद ता आर्थिक बुनियाद आंदू .....	174
एकाधिकार पूंजीवाद ता अनिवार्य विकास आंदू .....	174
एकाधिकारी संगठन उच्च एकाधिकारी फायदा तुन पीरना गारंटी हींतांग .....	176
एकाधिकार होइ तुन ओसो तीव्र कीता .....	179
वित्तीय पूंजी उंदी शक्तिशाली एकाधिकारी आंदू .....	180
वित्तीय पूंजी ता निर्माण बैंकिंग पूंजी ओसो औद्योगिक पूंजी ता मिलेमासी आंता .....	180
वित्तीय पूंजी राजनीतिक सत्ता ओसो बाकी दांचा तुन सीधा नियंत्रित कीता .....	182
राजकीय एकाधिकारी पूंजीवाद पूंजी ओसो श्रम संबंध कुन कोड्डी ते एवसी कीतांग .....	183
पूंजी निर्यात वित्तीय पूंजी ता दुनिया पोरो कब्जा पुट्टी कीता .....	185
पूंजी निर्यात पूंजी ता अतिरिक्त ता उंदी इशारा आंदू .....	185
अंतरराष्ट्रीय एकाधिकारी एकता संगे दुनिया ता आर्थिक रूप ते बंटवारा ..	188
अंतरराष्ट्रीय एकाधिकारी एकता उंदी अति एकाधिकार आंदू .....	188
अंतरराष्ट्रीय एकाधिकारी एकता नइमा संघर्ष तीव्र आसोर दायना मंता .....	189
दुनिया ता विभाजन ओसो पुनर्विभाजन काजे साम्राज्यवादी ताकत कुना नइमा होइ .....	190
उपनिवेश साम्राज्यवादिरा पिस्वल ता महत्वपूर्ण शर्त आंदू .....	190
उपनिवेश कुना विभाजन ओसो पुनर्विभाजन अनिवार्य रूप युद्ध तुन पुट्टी कीता .....	192

दस

साम्राज्यवाद सर्वहारा समाजवादी क्रांति तुकू मुन्नेटा कालम आंदू .....	197
साम्राज्यवाद कडियसोर मत्ता अनि हामुर गरे मत्ता पूंजीवाद आंदू .....	197
साम्राज्यवाद परजीवी लेवेके कडियसोर मत्ता पूंजीवाद आंदू .....	197
उत्पादन ओसो टैकनिक ता विकास रोमसोर मत्ता रुझान .....	197

बुर्जुआ वर्ग बार-बार उंदी स्तर बने कीसोर दांता अदु पूरा सूदखोरी पोरो ने पिसिंता .....	202
सम्पूर्ण राजनीतिक प्रतिक्रियावाद ओसो सामाजिक संकट कुना बेरससोर मत्ता रुझान .....	204
साम्राज्यवाद डोलसोर मत्ता पूंजीवाद आंदू.....	206
साम्राज्यवादी देश कुना लोप्पा सर्वहारा वर्ग ओसो बुर्जुआ वर्ग नड़मा तीव्र आसोर मत्ता अंतरविरोध .....	206
साम्राज्यवाद ओसो उत्पीड़ित राष्ट्र कुना नड़मा अंतरविरोध बेरससोर दांता	208
साम्राज्यवादी देश कुना नड़मा अंतरविरोध मजबूत आयना.....	210

## ग्यारा

सोवियत संशोधनवादी सामाजिक साम्राज्यवाद दुनिया ता साम्राज्यवादिरा लाईन ते शामिल मंता .....	216
सामाजिक साम्राज्यवाद पोरोल ते समाजवाद मति सार रूप ते साम्राज्यवादे मंता .....	216
राजकीय एकाधिकारी पूंजीवाद सामाजिक साम्राज्यवाद ता मुख्य आर्थिक आधार आंदू.....	217
सोवियत संघ लोप्पा राजकीय एकाधिकारी पूंजीवाद ता गठन.....	217
ट्रस्ट सोवियत संशोधनवाद ता एकाधिकारी संगठन ता बुनियादी रूप आंदू .....	220
“शेकिनो प्रयोग” सोवियत संघोधनवादी एकाधिकारी उद्यम लागू कित्ता उत्पीड़नकारी प्रणाली ता मॉडल मत्ता .....	223
सोवियत संशोधनवादी “पूना अंतरविरोध संबंध” नव उपनिवेशवाद ताए दूसरा पोरोल आंदू.....	224
आर्थिक एकीकरण सोवियत संशोधनवाद ता नव उपनिवेशवादी अभियान ता उंदी बेहरा षड़यंत्र आंदू.....	224
“सहायता” पोरोल ते एशिया, अफ्रीका ओसो लेटिन अमेरिका लोप्पा उपनिवेशवादी विस्तार नीति तुन लागू कियाना .....	229
सोवियत संशोधनवादी साम्राज्यवाद उंदी दूसरा अक्तुबर क्रांति ता पहली चरण आंदू.....	232
सोवियत संशोधनवादी साम्राज्यवाद ता खतरनाक परजीवी ओसो कड़ियसोर मत्ता रूप .....	232



उंदी

## उचुन राजनीतिक अर्थशास्त्र करियाना जरूरी मंता

### राजनीतिक अर्थशास्त्र ता बारे ते

महान अध्यक्ष माओ माकिन बार-बार उचुन राजनीतिक अर्थशास्त्र करियाना जरूरी मंता इंजी शिक्षित कींतोर। इद कम्युनिस्ट पार्टी सदस्य ओसो क्रांतिकारी कार्यकर्ता लोरा काजे ने आयवा मूंड महान क्रांतिकारी संघर्ष कुना हर योद्धा ना काजे जरूरी मंता। उचुन राजनीतिक अर्थशास्त्र पुंदाना मार्क्सवाद तुन समजेमायना, संशोधनवाद ता गंभीरता ते आलोचना कियाना, तन्ना विश्व दृष्टिकोण ते खुद बदलाव तत्ताना, खासकर समाजवाद ता पूरा ऐतिहासिक मंजिल लोप्पा पार्टी ता बुनियादी कार्यदिशा ओसो नीतिंग कुन समजेमायला काजे वेल्ले जरूरी मंता।

नाहकु ओसो कारखानांग लोप्पा मुन्ने नितसी लड़ेमासोर मत्ता नौजवान मना देश ता आशा ओसो सर्वहारा क्रांतिकारी उद्यम ता उत्तराधिकारी आंदुर। संघर्ष लोप्पा वेल्ले बेस लड़ेमायला काजे, स्वस्थ तरीका ते ओसो वेल्ले जल्दी विकसित आयला काजे नौजवान लोर किन उचुन राजनीतिक अर्थशास्त्र जरूर पुंजी मंदाना जरूरी मंता।

### राजनीतिक अर्थशास्त्र ता विषयवस्तु उत्पादन संबंध मंता

राजनीतिक अर्थशास्त्र बद्रम ता विज्ञान आंदू? माटु इदिना अध्ययन ता विषयवस्तु तल शुरू कियाकाल। मार्क्सवादी राजनीतिक अर्थशास्त्र अध्ययन ता विषय उत्पादन संबंध मंदिता। एंगेल्स “अर्थशास्त्र वस्तु ताए

आयवा लोकुरा नइमा ता संबंध कुन ओसो वर्ग संबंध कुना जांच-पड़ताल कींता”<sup>1</sup> इंजी स्पष्ट रास्तोर। लोकुरा नइमा उत्पादन संबंध बद्रम बनेमांता? इदिन पुंदाला काजे माटु मानेय ना उत्पादन गतिविधिं निगडल शुरू कींतोम।

अध्यक्ष माओ “मार्क्सवादी मानेय ना उत्पादन संबंधित गतिविधिं कुन सबसे ज्यादा बुनियादी व्यवहारिक गतिविधिं लेक्का हूड़ितोर अद्रमासी इदे गतिविधि तल बाकी सब्बे गतिविधिं तय आंतांग”<sup>2</sup> इत्तोर। मति सौ साल तुकू ज्यादा मुन्ने, मार्क्सवाद तुकू मुन्ने लोकुरिगा इद वैज्ञानिक समजदारी हिल्वा मत्ता। शोषक वर्ग ता सब्बे विचारक लोर इद दृष्टिकोण ता विरोध कियानोर। ओरु मानव समाज भगवान ता इच्छा अनुसार विकसित आत्ता लेवेके नायक लोर इतिहास बने कींतोर इंदाना झूठा सिद्धांत पेश कियानोर। इद्रम ता विचारक लोर राजनीतिक, विज्ञान, ललित कला ओसो धार्मिक गतिविधिं कियाना तुकू मुन्ने लोकुर किन गाटो, गेत्तेंग, ओसो मंदाला काजे लोन ता जरूरत मंता इंदाना साधारण पोल्लो तुन हूड़ा परवोर आंतोर। अदिन काजे मानव समाज ता विकास ता आधार भौतिक वस्तु ना उत्पादने आंदू। मेहनतकश वर्ग ता उत्पादन गतिविधिं लेवा लोकुरा पिस्वल मन्नो आंता अनि समाज विकसित आया परवो आंता। सबसे मुन्ने मार्क्स मानव इतिहास ता विकास ता नियम तुन परहकतोर।

उत्पादन तुकू लोकुरा नइमा उचुन निश्चित आपसी संबंध मंदाना जरूरी मंता। अलग-अलग मानेय उत्पादन किया परवोर आंतोर। मार्क्स इंदाना लेक्का “उत्पादन कियाना लोकुरा नइमा आपसी संबंध मंदिता। इव सामाजिक संबंध कुना नइमाए ओरा ओसो प्रकृति नइमा संबंध बनेमाया परिंता अनि उत्पादन आया परिंता।”<sup>3</sup> उत्पादन प्रक्रिया ताकनास्के बनेमाता लोकुरा संबंध कुन उत्पादन संबंध इंतोर। वर्ग समाज लोप्पा इव संबंध वर्ग संबंध लोप्पा दिसिंतांग।

उत्पादन संबंध ता मूंड पहलु मंदिंतांगः 1. मालिकाना स्वरूप; 2. उत्पादन लोप्पा लोकुरा भूमिका ओसो ओरा आपसी संबंध ता स्वरूप; 3. उत्पाद वितरण ता स्वरूप। मालिकाना स्वरूप इत्तेके उत्पादन साधन कुना (तीना लोप्पा श्रम ता साधन - मशीन, संयंत्र ओसो भूमि लेक्कटवु, कच्चा माल, लेक्कटव विषय शामिल मंतांग) पोरो बोना अधिकार मंदिता। उत्पादन साधन कुना पोरो मालिकाना स्वरूप उत्पादन संबंध कुना सबसे महत्वपूर्ण पहलू आंदू। इद उत्पादन संबंध ता आधार आंदू। उत्पादन साधन कुना द शांघाई टेक्स्ट बुक, भाग उंदी

मालिकाना स्वरूप उत्पादन संबंध कुना रूप तय कींता। मानव समाज ता विकास लोप्पा आदिम समाज, गुलाम समाज, सामंती समाज, पूंजीवादी समाज ओसो समाजवादी समाज तुन उत्पादन साधन कुना मालिका स्वरूप अनुसार अलग-अलग कियमूझांता। मालिकाना स्वरूप उत्पादन लोप्पा लोकुरा भूमिका ओसो ओरा आपसी संबंध निर्धारित कींतांग अनि इद्रमे इद उत्पाद वितरण स्वरूप तुन वेने तय कींता।

उत्पादन कियाला काजे लोकुरा नइमाए आयवा मानेय ओसो प्रकृति नइमा वेने संबंध जरूरी मंता। मानेय किन प्रकृति तुन जीइना ओसो अदिन बदले कियाना काम मंदिता। प्रकृति तुन जीइना ओसो बदले कियाना लोप्पा मानेय इस्तेमाल कियाना ताकत तुने उत्पादन शक्ति इंतोम। उत्पादक शक्तिंग लोप्पा मानेय ओसो सामग्री (इत्तेके उत्पादन साधन) शामिल आतांग। उत्पादक शक्तिंग लोप्पा सबसे महत्वपूर्ण, उत्पादन साधन मंदितांग। उत्पादन लोप्पा इस्तेमाल आयना औजार कुना रकम संगे प्रकृति तुन जीइना मानेय ना ताकत तल पुनमूझांता। उत्पादन ता औजार कुन उत्पादन शक्तिंग ना निर्धारक मानेमायमूझायो। “निर्धारक मानेय आंदुर, पदार्थ आयो”<sup>4</sup> “दुनिया ता सब्बे वस्तुंग लोप्पा मानेय सबसे मूल्यवान मंदिंतोर।”<sup>5</sup> बारांकु इत्तेके औजार कुन काम ते मानेय तत्तिंतोर, मानेय अविन बने कींतोर अनि मानेये अविना विकास कींतोर। मानेय लेवेके औजार मन्नोंग अनि टैकनिक वेने मन्नों आंता। मानेय लेवा सबसे बेस “खुद ताकना” औजार वेने असल ते “खुद” ताकौंग आंतांग।

उत्पादन संबंध ओसो उत्पादन शक्तिंग सामाजिक उत्पादन ता रेंडु पहलु आंदुंग। समग्र ऐतिहासिक विकासक्रम लोप्पा साधारण रूप ते उत्पादक शक्तिंगे प्रमुख निर्धारक तत्व लेक्का दिसिंतांग। उत्पादन संबंध ता बदे वेने बदलाव अनिवार्य रूप ते उत्पादक शक्तिंग लोप्पा आता बदे विकास ता कारण तेने आंता। उत्पादन संबंध उत्पादक शक्तिंग ना अनुकूल आयना। बदे उत्पादन संबंध उत्पादक शक्तिंग ना विकास संगे मेल तिन्नो आंता अस्के इव उत्पादन संबंध कुन उत्पादक शक्तिंग ना विकास संगे मेल तिंदना पूना उत्पादन संबंध कुन विस्थापित कियाना जरूरी आंता। इत्तेके उत्पादन संबंध ता स्वरूप मानेय ना मनोगत इच्छा तले आयवा उत्पादक शक्ति ना विकास स्तर तल निर्धारित आंता। उत्पादन संबंध उत्पादक शक्तिंग ना विकास अनुकूल मंदाना। इदु लोकुरा इच्छानुसार बदलेमाया परवा मंदाना उंदी वस्तुगत नियम आंदू। बदे उत्पादन संबंध ता जन्म, विकास ओसो नाश “बदे

खास उत्पादक शक्तिंग ना अंतरविरोध ता क्रमिक विकास संगेने आंता।” अदिन काजे मार्क्सवादी राजनीतिक अर्थशास्त्र उत्पादन संबंध कुना अध्ययन लोप्पा उत्पादक शक्तिंग ना वेने अध्ययन कींता।

इतिहास ता विकासक्रम लोप्पा उत्पादक शक्तिंग प्रमुख निर्धारक तत्व ना लेक्का मुन्ने वातेके उत्पादक शक्तिंग ना तुलना ते उत्पादन संबंध इनपड़े निष्क्रिय आंता या? इद्रम इनपड़े मन्त्रो आंता। उत्पादन संबंध उत्पादक शक्ति ना अनुकूल मंदितांग अस्के अवु उत्पादन शक्ति ना विकास तुन सक्रिय रूप ते तेज कींतांग। उत्पादन संबंध उत्पादक शक्तिंग ना अनुकूल मनवेके अवु उत्पादक शक्तिंग ना विकास लोप्पा बाधा वाटिंतांग। उत्पादन संबंध कुन बदले कियवा उत्पादक शक्तिंग ना विकास आया परवो अदिन काजे उत्पादन संबंध कुना बदलाव उंदी महत्वपूर्ण निर्धारक भूमिका निभे कींता। पाड़ना चीन साम्राज्यवाद, सामंतवाद ओसो नौकरशाह पूंजीवाद लोप्पा मत्ता, अस्के भूस्वामी, दलाल पूंजीपति चीन ता सबसे ज्यादा प्रतिक्रियावादी ओसो पेरके अरता उत्पादन संबंध ता प्रतिनिधित्व कींतांग। उत्पादक शक्तिंग कुन नजरअंदाज कियमूडांता। मुक्ति तुकू मुन्ने चीन तिगा बदे मशीन निर्माण उद्योग लेवेके आटोमोबाइल ओसो वायुयान कारखाना हिल्वा मत्ता। उत्तर पूर्वी चीन ता बाहरी हिस्सांग लोप्पा स्टील ता उत्पादन आयनदू अनि अद वेने उचुन लाख टन वार्षिक उत्पादन तुकू ज्यादा हिल्वा मत्ता। रोज जरूरत मत्ता वस्तुंग वेने आयात आयनवु। गेत्तेंग कुन विदेशी गेत्तेंग इंदानोर, छत्ता तुन विदेशी छत्ता इंदानोर। इदे आयवा उंदी सुडला कीला वेने विदेशी कीलाए मंदानदु। इद्रम ता परिस्थिति ते साम्राज्यवाद, सामंतवाद ओसो नौकरशाह पूंजीवादी शासन तुन तेहकसी वाटना, दलाल-पूंजीवादी-सामंती उत्पादन संबंध कुना बदलाव ओसो समाजवादी उत्पादन संबंध ता स्थापना उत्पादक शक्तिंग ना विकास तुन बेरसी कियाला महत्वपूर्ण भूमिका निभे किंता।

उत्पादन शक्तिंग ना बेहरा स्तर ते विकास आतांकु उत्पादन संबंध कुना बदलाव आत्ता पेरके आंता। इद उंदी सार्वभौमिक नियम आंदू। पूंजीवादी समाज लोप्पा वेने उत्पादन शक्तिंग ना विकास बुर्जुआ क्रांति ता कारण ते सामंती उत्पादन संबंध कुना विघटन ओसो पूंजीवादी उत्पादन संबंध कुना वेल्ले विकास आत्ता पेरके आत्ता। उदाहरण तुकू इंग्लैंड तुने हूडाटू, 17वीं शताब्दी ता बुर्जुआ क्रांति, 18वीं शताब्दी ते, 19वीं शताब्दी तुकू मुन्नेटा औद्योगिक क्रांति पोरो आधार आसी अगा उत्पादक शक्तिंग ना बेहरा स्तर ते विकास आत्ता। पाड़ना ऊपरी ढांचा ओसो उत्पादन संबंध कुना द शांघाई टेक्स्ट बुक, भाग उंदी

विभिन्न तरीका ने बदलाव आत्ता पेरके फ्रांस, जर्मनी, अमेरिका ओसो जापान लोप्पा आधुनिक उद्योग कुना वेल्ले स्पीड ते विकास आत्ता।

उत्पादन संबंध ओसो उत्पादक शक्तिंग ना मुद्दा पोरो मार्क्सवादिर ओसो सोवियत संशोधनवादिरा नइमा वेल्ले जोम ताकता संघर्ष ता प्रमुख पहलु द्वंद्वात्मक एकता ता दृष्टिकोण ते लागू कियाना पोरो जोर हियाना लेवेके “मुन्ने उत्पादकता” ता प्रतिक्रियावादी दृष्टिकोण पेश कियाना इंजी मत्ता। लिन पियाओ चैन पो-ता ना संगे कलियसी पूना पार्टी कांग्रेस पेरके मुख्य कार्यभार उत्पादन बेरसी कियानाद मंता इंजी वेहतोरा। इद ८वीं पार्टी कांग्रेस ता प्रस्ताव लोप्पा ल्यू शाओ-ची ओसो चैन पो-ता नेगी कित्ता संशोधनवादी षडयंत्र ता नकल आंदू, अदिना लोप्पा “उन्नत समाजवादी व्यवस्था ओसो पेरके अरता उत्पादक शक्तिंग ना अंतरविरोध” पोल्लोंग कित्ताद मंता। चीन लोप्पा समाजवादी उत्पादन संबंध उत्पादक शक्तिंग ना विकास अनुसार मंतांग। अद्रमासी उत्पादक शक्तिंग ना विकास काजे उंदी पूना हरीं बनेमाता। मति इदिना बचोनो दोषपूर्ण पक्ष वेने मंतांग। इव कमजोरिंग कुना उत्पादक शक्तिंग ना विकास संगे अंतरविरोध मंता। समाजवादी क्रांति ता अनुभव माकिन हमेशा महान समाजवादी व्यवस्थाए उत्पादक शक्तिंग ना विकास तुन बेरसी कींता इंजी वेहिंता। हमेशाए, उत्पादन संबंध कुना उत्पादक शक्तिंग ना विकास संगे मेल तिनवा मंदाना हिस्सा ना बदलाव आत्ता पेरके ने उत्पादक शक्तिंग ना विकास तुन प्रोत्साहन दोरकिंता। मति “उन्नत समाजवादी व्यवस्था ओसो पेरके अरता उत्पादक शक्तिंग नइमा ता अंतरविरोध” इंतोरा? ल्यू शाओ-ची, लिन पियाओ ओसो इद्रमताए बाकी धोखेबाज लोरा भ्रमिक विचार कुना वकालत कियाना पेरके षडयंत्र मकसी मंदिंता। अदु सर्वहारा तानाशाही ते ताकसोर मत्ता क्रांति ओसो समाजवादी मंजिल काजे अध्यक्ष माओ तय कित्ता बुनियादी पार्टी नीतिंग ना विरोध कियाला काजे “मुन्ने उत्पादकता” ता विचार कुन हथियार लेक्का इस्तेमाल कियाला विफल आंता। इद ओरा बस्केने पूरा आयवा सपना आंदू।

उत्पादन संबंधकु उत्पादक शक्तिंग ना अनुसार मंदाना। उत्पादक शक्तिंग ना विकास तले इदिना अनुकूल हिल्ला पाइना उत्पादन संबंध नष्ट आयना ओसो अदिना जागा ते उत्पादक शक्तिंग ना विकास ता अनुकूल मत्ता पूना उत्पादन संबंध वायना जरूरी आंता। मति पाइना उत्पादन संबंध कुना विघटन ओसो पूना उत्पादन संबंध कुना जन्म हल्कोए आया परवो।

पाड़ना उत्पादन संबंध कुना बदलाव ओसो पूना उत्पादन संबंध कुना स्थापना, मजबूती क्रांतिकारी संघर्ष कुना पेरके ने संभव आंता। अदिन काजे पाड़ना उत्पादन संबंध कुना बदलाव ओसो पूना उत्पादन संबंध कुना स्थापना ओसो मजबूती तुन समजेमायला काजे उत्पादन संबंध ओसो उत्पादक शक्तिंग ना अंतरविरोध कुना बारेतेने पुंदानाद हालो आंता। बाहरी ऊपरी ढांचा ओसो आर्थिक आधार संबंध कुना पड़ताल वेने जरूरी मंता।

ऊपरी ढांचा इत्तेके राष्ट्रीय सरकार, सेना, कानून ओसो बाकी राजनीतिक व्यवस्थांग ओसो अविना संबंधित विचारधारात्मक रूप इत्तेके दर्शन, साहित्य, ललित कलांग लेक्कटवु। आर्थिक आधार इत्तेके उत्पादन संबंध। “इव उत्पादन संबंध कुना कुल जोड़ (sum) समाज ता आर्थिक आधार मंदिता। इदिना पोरोने कानूनी, राजनीतिक ऊपरी ढांचा वास्तविक रूप ते नितसी मंदिता अनि इदिना अनुसारे चेतना ता निश्चित सामाजिक रूप मंदिता।”<sup>6</sup> मार्क्स ना पोल्लोंग ऊपरी ढांचा ओसो आर्थिक आधार संबंध कुना वैज्ञानिक तरीका ते व्याखा कींतांग।

ऊपरी ढांचा ओसो आर्थिक आधार ता अंतरविरोध लोप्पा सामान्य रूप ते आर्थिक आधार निर्णायक शक्ति मंदिता। आर्थिक आधार लोप्पा बदलाव संगे, “बेहरा ऊपरी ढांचा तीरम-तीरम लेवेके स्पीड ते बदलेमासोर दांता।”<sup>7</sup> इत्तेके, पाड़ना आर्थिक आधार विघटित आतेके इद बुनियाद पोरो नितसी मत्ता ऊपरी ढांचा तुन वेने विघटित आया लागिंता। मति इद विघटन ता दर अलग-अलग मंदिता। प्रतिक्रियावादी राज्य मशीनरी ता बदलाव आतेके पाड़ना आर्थिक आधार पतन आयना संगे-संगे प्रतिक्रियावादी वर्ग तन्ना-तन्नाए ऐतिहासिक मंच तल गुचिंता। अवु अनिवार्य रूप ते उन्नत वर्ग खिलाफ राजनीतिक, विचाराधारात्मक ओसो सांस्कृतिक हंदी ते बेहरा पिस्वल ता लड़ाई लड़ेमांतांग। विशेष रूप ते हारेमाता वर्ग कुना संगे जुड़ेमासी मत्ता पाड़ना विचाराधारात्मक रूप ते वेल्ले जोम मंदितांग।

ऊपरी ढांचा आर्थिक आधार तल तय आंता। इद बनेमाता पेरके इदे आर्थिक आधार पोरो जबर्दस्त प्रतिक्रियात्मक प्रभाव वाटिंता। स्टालिन वेहता लेक्का, “आर्थिक आधार खुद ता स्थापना ओसो सुहृदीकरण काजे अनि पाड़ना आधार ओसो अदिना ऊपरी ढांचा तुन नष्ट कियाला काजे तन्ना ऊपरी ढांचा ता निर्माण कींता।”<sup>8</sup> इद ऊपरी ढांचा बारांकु हमेशा तन्ना आर्थिक आधार ता सेवा कींता इंजी वेहिंता। समाजवादी ऊपरी ढांचा तन्ना

समाजवादी आर्थिक आधार ता सेवा कींता अनि पूंजीवादी ऊपरी ढांचा तन्ना पूंजीवादी आर्थिक आधार ता सेवा कींता।

पूंजीवादी समाज लोप्पा उत्पादन ता समाजीकरण ओसो उत्पादन साधन कुना निजी मालिकाना नइमा ता अंतरविरोध तीव्र आसोर दायना संगेने पूंजीवादी निजी मालिकाना जागा ते समाजवादी जन मालिकाना वायना जरूरत तीव्र आंता। बुर्जुआ वर्ग ता प्रतिक्रियावादी राज्य मशीनरी पोरो नियंत्रण आंता अनि अद पूंजीवादी आर्थिक आधार तुन मत्ता लेक्का तासला काजे इदिना इस्तेमाल कींता। सर्वहारा वर्ग मुन्ने पूंजीवादी राज्य मशीनरी तुन ध्वस्त कीयवेके पूंजीवादी आर्थिक व्यवस्था नाश आयना संभव आयो आंता। पूना ओसो पाइना संशोधनवादिर “पूंजीवाद शांतिपूर्ण तरीका ते विकसित आसी समाजवाद लेक्का बदलेमाया परिंता” इंजी बोल्लितोर।

समाजवादी समाज लोप्पा ऊपरी ढांचा ओसो आर्थिक आधार मूल रूप ते उंदी दूसरा ता अनुकूल मंदिता। बुर्जुआ वर्ग ओसो अदिना विचाराधारात्मक रूप मत्तेके राज्य ता अंग लोप्पा काम ता नौकरशाही रुझान ओसो राज्य व्यवस्था ता उचुक हिस्सांग लोप्पा मत्ता कमजोरिंग ना कारण ते समाजवादी आर्थिक आधार ता सुदृढीकरण, मजबूती ओसो विकास प्रक्रिया रोमता लेवेके अदिन रोमी कियमूडाता। माटु समाजवादी ऊपरी ढांचा तुन समाजवादी आर्थिक आधार ते बेस सेवा कियाना लेक्का बने कियाना। माटु ऊपरी ढांचा लोप्पा संघर्ष तुन दृढता ओसो गंभीरता ते समजेमायना ओसो ऊपरी ढांचा लोप्पा समाजवादी क्रांति तुन आखरी एवनल ताकी कियाना।

राजनीतिक अर्थशास्त्र विभिन्न वर्ग, समूह ना सबसे ज्यादा व्यवहारिक ओसो तात्कालिक हित कुना पोरो विचार कींता। इद वर्ग संघर्ष ता सबसे बेहरा ओसो गंभीर समस्यांग ना बारे ते वेहिंता। मार्क्सवादी दर्शन ता लेक्काने मार्क्सवादी राजनीतिक अर्थशास्त्र सार्वजनिक रूप ते सर्वहारा राजनीति ता सेवा कींता इंजी घोषणा कींता। राजनीतिक अर्थशास्त्र वर्ग संघर्ष ता बारे ते उंदी विज्ञान आंदू।

## **राजनीतिक अर्थशास्त्र पार्टी ता बुनियादी लाईन निर्धारित कियाना सैद्धांतिक आधार आंदू**

मार्क्सवादी अर्थशास्त्र आधुनिक सर्वहारा वर्ग ओसो बेहरा उत्पादन शक्तिंग इत्तेके बेहरा उद्योग कुना संगे ने पिस्वल ते वात्ता। मार्क्स तन्ना कालम ते वर्ग

संघर्ष लोप्पा हिस्सा एतितोर। ओरु पूंजीवादी समाज ता विश्लेषण काजे क्रांतिकारी भौतिकवादी द्वंद्ववाद ता इस्तेमाल कितोर। ओरु पूंजीपतिरा मजदूर लोरा पोरो शोषण ता पर्दाफास कितोर अनि उत्पादन ता समाजीकरण, पूंजीवादी मालिकाना नइमा ता अंतरविरोध तुन वैज्ञानिक तरीका ते उजागर कितोर। इव अंतरविरोध सर्वहारा ओसो बुर्जुआ वर्ग नइमा तीव्र दुश्मनी मत्ता अंतरविरोध लेक्का मुन्ने वात्तांग। पूंजीवादी सामाजिक अंतरविरोध दिय्या-दिय्या तुकू बेरससोर दायना संगे पूंजीवादी व्यवस्था ता गुमिया कारना सर्वहारा वर्ग दिय्या-दिय्या मजबूत आसोर दांता। “पूंजीवादी निजी सम्पत्ति ता हामुर गरे मंता। मालिकाना दोरकी कियानोरगडल मालिकाना ऊंदमूझायरा।”<sup>9</sup> अद्रमासी इद क्रांतिकारी ओसो वैज्ञानिक निष्कर्ष पूंजीवादी व्यवस्था ता जागा ते समाजवादी व्यवस्था ओसो बुर्जुआ तानाशाही जागा ते सर्वहारा तानाशाही वायना जरूरी मंता इंजी तेंडतोर। “मार्क्स आधुनिक समाज लोप्पा आर्थिक गति ता नियम अनुसार इदे निष्कर्ष तेंडतोर।”<sup>10</sup> इद्रम मार्क्सवादी दर्शन ओसो वैज्ञानिक समाजवाद संगे मार्क्सवादी राजनीतिक अर्थशास्त्र सर्वहारा राजनीतिक पार्टी काजे तन्ना बुनियादी नीति तय कियाना सैद्धांतिक आधार बनेमांता। मार्क्सवाद ता सैद्धांतिक आधार ते पूंजीवादी परिस्थिति ने, सर्वहारा क्रांतिकारी नेता लोर सर्वहारा पार्टी काजे राजनीतिक सत्ता ऊंदला काजे क्रांतिकारी हिंसा ता इस्तेमाल कियाना बुनियादी राजनीतिक कार्यदिशा सूत्रबद्ध कितोर। ओरु बुर्जुआ वर्ग, सब्बे शोषक वर्ग तुन समूल रूप ते तेहकसी वाटतेके, बुर्जुआ तानाशाही जागा ते सर्वहारा तानाशाही वायना, पूंजीवाद पोरो समाजवादी जीत ओसो कम्युनिज्म काजे संघर्ष लोप्पा सर्वहारा वर्ग ता मार्गदर्शन कितोर।

समाजवादी समाज लोप्पा वेने मार्क्सवादी राजनीतिक अर्थशास्त्र सर्वहारा पार्टी ता बुनियादी कार्यदिशा तय कियाना सैद्धांतिक आधार हींता। माओ समाजवादी उत्पादन संबंध ओसो उत्पादक शक्तिंग, ऊपरी ढांचा ओसो आर्थिक आधार नइमा ता अंतरविरोध तुन गंभीरता ते विश्लेषण कितोर अनि समाजवाद कालम ते वर्ग संघर्ष, कार्यदिशा ना संघर्ष ता दीर्घकालिन ओसो अदिना जटिलता तुन तोहिंता। इद सैद्धांतिक आधार पोयसी अविन पूरा समाजवादी मंजिल काजे मना पार्टी ता बुनियादी कार्यदिशा तुन मुन्ने ओता। इद बुनियादी कार्यदिशा माकिन “समाजवादी समाज उंदी वेल्ले बेहरा ऐतिहासिक कालम एवनल मंदिंता इंजी वेहिंता। इदु पूरा ऐतिहासिक द शांघाई टेक्स्ट बुक, भाग उंदी



कालम लोप्पा वर्ग, वर्ग अंतरविरोध ओसो वर्ग संघर्ष मंदिता, समाजवादी हरी ओसो पूंजीवादी हरी नइमा संघर्ष मंदिता, साम्राज्यवाद, सामाजिक साम्राज्यवाद षड़यंत्र-तोड़फोड़ ओसो हमला ता खतरा मंदिता। इव अंतरविरोध सर्वहारा तानाशाही संगे क्रांति ता सिद्धांत पोरो भरोसा कीसी, अदिना मार्गदर्शन ते व्यवहार संगेने हल कियमूझांता इंजी वेहिंता।” पार्टी ता बुनियादी कार्यदिशा सर्वहारा तानाशाही ते क्रांति जारी तासना, सर्वहारा तानाशाही ता सुदृढीकरण काजे संघर्ष कियाना, पूंजीवादी पुनर्स्थापना तुन रोमी कियाना, समाजवादी निर्माण ओसो दुनिया मेंड कम्युनिज्म स्थापना ता महान आदर्श काजे संघर्ष लोप्पा चीनी जनता ना मार्गदर्शन कींता।

समाजवादी राजनीतिक अर्थशास्त्र ता बुनियादी कार्यभार समाजवादी उत्पादन संबंध ता साम्यवादी उत्पादन संबंध लेक्का बदले कियाना नियम ता अध्ययन ओसो अदिना बारे ते वेहनाद मंता। उचुन राजनीतिक अर्थशास्त्र ता समजदारी समाजवादी आर्थिक गति ता वस्तुगत नियम, विभिन्न उत्पादन संबंधकु बनेमायना, अविना विशेषतांग ओसो विकास ता जरूरत तुन समजेमायला मना मदद कींता। इद पार्टी ता बुनियादी कार्यदिशा मना समजदारी तुन बेरसी कींता अनि अदिन लागू कियाना मना सावधानी स्तर तुन बेरसी कींता।

पार्टी ता बुनियादी कार्यदिशा पोरो जोर हियाना आधारभूत महत्व मंदिता। इद “मार्क्सवाद लागू कीमुट, संशोधनवाद आयो इंदानदु स्पष्ट मंता।” मार्क्सवाद लागू कियाला काजे माकिन मुन्ने मार्क्सवाद करियाला लागियर। संशोधनवाद विरोध कियाला काजे माकिन संशोधनवाद बाताल आंदू इंजी समजे कियाला सफल आया लागियर। मति मार्क्सवाद लोप्पा दर्शन, राजनीतिक अर्थशास्त्र ओसो वैज्ञानिक समाजवाद वांता। माटु मार्क्सवाद तुन समजेमायना इत्तेके माकिन मार्क्सवादी दर्शन ओसो वैज्ञानिक समाजवाद ता गंभीरतापूर्वक अध्ययन किया लागियर। मति माटु मार्क्सवादी राजनीतिक अर्थशास्त्र ता वेने गंभीरता ते अध्ययन कियाना।

मार्क्सवादी राजनीतिक अर्थशास्त्र पूरा बुर्जुआ ओसो संशोधनवादी अर्थशास्त्र ता विरोध ते मंता अनि बुर्जुआ, संशोधनवादी राजनीतिक अर्थशास्त्र तुन चुनौती हियाना प्रक्रिया तेने विकसित आत्ता। मार्क्सवादी राजनीतिक अर्थशास्त्र करियतेके मार्क्सवादी-संशोधनवाद, समाजवाद-पूंजीवाद, सर्वहारा वर्ग-बुर्जुआ वर्ग नइमा भेद कियाला मदद दोरकिंता। इद

भटकाव रुझान कुन वेने सुधरे कींता अनि मना विचारधारात्मक जागरूकता स्तर तुन पोरो तेहिंता।

संक्षिप्त ते माट पार्टी विरोधी, मार्क्सवादी विरोधी विचार पोरो जीत दोरकी कियाना, समाजवाद मंजिल ते पार्टी ता बुनियादी कार्यदिशा तुन सही तरीका ते लागू कियाना, लिन पियाओ ओसो कार्यशैली ते सुधार कियाना ओसो गंभीर आलोचना कियाना, महान समाजवादी क्रांति ओसो समाजवादी उद्यम कुना लोप्पा पूना ओसो बेहरा जीत दोरकी कियाला आल्सतेके माटु उचुन राजनीतिक अर्थशास्त्र ता अध्ययन कियाना जरूरी मंता।

## **राजनीतिक अर्थशास्त्र तुन बेस समजेमायला काजे**

### **सिद्धांत ओसो व्यवहार ता मेल कीमुट**

राजनीतिक अर्थशास्त्र द्वद्वात्मक भौतिकवाद, ऐतिहासिक भौतिकवाद किन लागू कियाना प्रयोग आंदू। राजनीतिक अर्थशास्त्र करियाला काजे माटु द्वद्वात्मक भौतिकवाद ओसो ऐतिहासिक भौतिकवाद ता मार्गदर्शन ते ताकना। “द्वद्वात्मक पद्धति हर ऐतिहासिक रूप ते उन्नत सामाजिक रूप तुन इदिना गति ओसो अदिना अस्थाई प्रकृति पोरो आधार आसी समजेमायना कोशिश कींता। इद बदे वस्तु ता पूजा कीवो आंता अनि इदिना प्रकृति आलोचनात्मक, क्रांतिकारी मंदिंता।”<sup>12</sup> इद सर्वहारा विश्व दृष्टिकोण आदर्शवाद ओसो अधिभूतवाद (Metaphysics) ता विरोधी मंदिंता। माटु द्वद्वात्मक भौतिकवाद, ऐतिहासिक भौतिकवाद तुन बेस समजेमातेके, पूंजीवादी समाज ओसो अर्थव्यवस्था लोप्पा गति ता नियम कुना जांच कीसि अदिना विश्लेषण काजे अविना इस्तेमाल कीतेकेने पूंजीवाद बारांकु खत्म आयर ओसो समाजवाद ता जीत बारांकु जरूरी आयर इंजी समजेमाया परितोम। माटु अविना इस्तेमाल कीसी समाजवादी समाज ओसो अर्थव्यवस्था लोप्पा गति ता नियम कुना प्रेक्षण ओसो विश्लेषण कींतोम अनि समाजवादी समाज लोप्पा वर्ग संघर्ष ओसो कार्यदिशांग ना संघर्ष ता दीर्घकालीनता ओसो जटिलता तुन समजेमाया परितोम। सिर्फ इद्रम कीसिए माटु समाजवाद तल साम्यवाद बगिल विकसित आयना आम रुझान ओसो मानेय ना इच्छा अनुसार बारांकु रोमी किया परमूझायो इंजी समजेमाया परितोम। इद कम्युनिस्ट उद्देश्य ता आखरी जीत काजे पूरा दढ़ता ओसो

कुर्बानी, मुश्किल कुना वेरीं हिल्वा संघर्ष कियाना मना विश्वास तुन मजबूत कींता।

राजनीतिक अर्थशास्त्र अध्ययन काजे माटु सिद्धांत किन व्यवहार संगे मिले कियाना करियाना क्रांतिकारी शैली पोरो जोर हियाना। अध्यक्ष माओ माकिन “मार्क्सवादी सिद्धांत तुन पूरा पुंदाना अनि अदिन लागू कियाला सफल आयना। अदिन पूरा पुंदाना उद्देश्य अदिन लागू कियाना पोरो आधार आसी मंता इंतोरा।”<sup>13</sup> सिद्धांत ओसो व्यवहार ता मेल कियाना अनुशासन ओसो पार्टी रूप ता सवाल आंदू। माटु राजनीतिक अर्थशास्त्र अध्ययन तुन आधुनिक संशोधनवादी आलोचना संगे, ल्यू शाओ-ची, लिन पियाओ ओसो ओरा लेक्कटा धोखोबाज लोर फैले कियाना प्रतिक्रांतिकारी विचार कुना आलोचना संगे, वर्ग संघर्ष, उत्पादन काजे संघर्ष ओसो वैज्ञानिक प्रयोग ता मूंड महान क्रांतिकारी व्यवहार कुना संगे ओसो विश्व दृष्टिकोण बदलाव संगे जोड़े कियाना। “मार्क्सवादी दर्शन सबसे ज्यादा महत्वपूर्ण सवाल वस्तुगत दुनिया ता नियम कुना समजदारी संगे दुनिया ता बारे ते वेहाना लेक्का बनेमायनाए आयवा इद समजदारी तुन दुनिया बदले कियाला काजे इस्तेमाल कियाना लेक्का बनेमायना इंजी वेहिंता।”<sup>14</sup>

मार्क्सवादी राजनीतिक अर्थशास्त्र तुन करियाना कठिन मंता या? इंगो! पूंजी ता पहली संस्करण ता भूमिका लोप्पा मार्क्स वेहता लेक्का “हर वस्तु शुरू ते कठिन मंदिंता। हर विज्ञान इद्रमे मंदिंता।” असल घटनांग ना ठोस विश्लेषण लोप्पा मार्क्सवादी राजनीतिक अर्थशास्त्र परत तुन तेरियंता, अदिना लोप्पटा वस्तु तुन पोयंता अनि वैज्ञानिक विचार ते नेंगिता। अदिन काजे माटु शुरू कींतोम अस्के माटु समजेमाया परवा लेक्कटा शब्द ओसो सिद्धांत कुना सामना कींतोम। मति मार्क्सवादी राजनीतिक अर्थशास्त्र सर्वहारा काजे रास्ताद मंता अनि इद सर्वहारा क्रांति ताए पोल्लोंग कींता। माटु गंभीरतापूर्वक इदिना अध्ययन कीतेके तीरम-तीरम समजेमाया परिंतोम। “बदे वेने वस्तु कठिन मन्नो आंता, असल इतेके लोकुरा लोप्पा हालनाचोन संकल्प मन्नो आंता। शुरू कियाना कठिन मन्नो ओसो उन्नत अध्ययन वेने संभव मंदिंता। सिर्फ मना किन दृढ़ निश्चय ओसो करियाना क्षमता तासना जरूरत मंदिंता।”<sup>15</sup>

मार्क्स उंदी बेरा “विज्ञान लोप्पा वेल्ले विंको-वंको हरीं मंता इंजी वेहतोर। सीधा नितसी मत्ता मेट्टा हरीं तेरगला वेरियवा मंदानोरे क्षमता ता कोट्टी ते एव्वा परिंतोर इंजी वेहतोर।”<sup>16</sup> सर्वहारा क्रांतिकारी नेता लोर तम्मा

पूरा पिस्वल मार्क्सवादी दर्शन तुन स्थापित ओसो विकसित कियाला वाटतोर। ओरा मांजसोर मत्ता उदाहरण कुन लागू कीसोरे मार्क्स, लेनिन, अध्यक्ष माओ ना खोज कुना ध्यान हीसी पढ़ेमासोर माटु इद मार्क्सवादी सैद्धांतिक हथियार ता इस्तेमाल कियाला निपुणता दोरकी कियाला काजे, समाजवादी क्रांति ओसो समाजवादी निर्माण ता उद्यम काजे ओसो दुनिया मेंड कम्युनिज्म ता स्थापना काजे संघर्ष कियाना।

## अध्ययन काजे मुख्य संदर्भ:

- ☞ मार्क्स, 'राजनीतिक अर्थशास्त्र ता आलोचना' ता भूमिका
- ☞ एंगेल्स, 'ड्यूहरिंग मतखंडन' भाग दो, अध्याय एक
- ☞ लेनिन, 'कार्ल मार्क्स' ('मार्क्स के आर्थिक सिद्धांत')
- ☞ माओ, 'अंतरविरोध कुना बारे ते', चौथा भाग
- ☞ माओ, 'जनता नड़मा ता अंतरविरोधो कुन सही तरीका ते हल कियाना बारे ते', पहला भाग

## समीक्षात्मक सवाल

1. राजनीतिक अर्थशास्त्र वर्ग संघर्ष ता विज्ञान बारांकु मंता?
2. माटु मार्क्सवादी राजनीतिक अर्थशास्त्र पार्टी ता बुनियादी कार्यदिशा काजे उंदी महत्वपूर्ण सैद्धांतिक आधार आंदू इंजी बारांकु इंतोम?
3. राजनीतिक अर्थशास्त्र तुन बेस बद्रम करियमूझांता?

## टिप्पणिंग

1. एंगेल्स, 'कार्ल मार्क्स (राजनीतिक अर्थशास्त्र ता आलोचना)', **मार्क्स-एंगेल्स ना चुने कित्ता रचनांग**, भाग 2, चीनी संस्करण, 1972, पे. 123।
2. 'व्यवहार ता बारे ते' **माओ त्सेतुंग ना संकलित रचनांग**, भाग 1, चीनी संस्करण, 1968, पे. 259।
3. मार्क्स, उजरती श्रम ओसो पूंजी, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972, पे. 362।
4. 'दीर्घकालीन युद्ध ता बारे ते' **माओ त्सेतुंग ना संकलित रचनांग**, भाग 2, चीनी संस्करण, 1968 पे. 437।
5. 'इतिहास ता आदर्शवादी विचार कुना सत्यानाश', **माओ त्सेतुंग ना संकलित रचनांग**, भाग 4, चीनी संस्करण, 1968, पेज 437।
6. मार्क्स, 'राजनीतिक अर्थशास्त्र ता आलोचना ता भूमिका', मार्क्स-एंगेल्स ना चुने कित्ता रचनांग, भाग 2, चीनी संस्करण 1972, पे. 821।
7. अदे पे. 831।
8. स्टालिन, मार्क्सवाद ओसो भाषाशास्त्र ता समस्यांग, चीनी संस्करण 1971, पे. 41।

9. मार्क्स, पूंजी, भाग 1, **मार्क्स-एंगेल्स ना सम्पूर्ण रचनांग**, भाग 23, पे. 831-832।
10. 'कार्ल मार्क्स', **लेनिन ना संकलित रचनांग**, भाग 2, चीनी संस्करण, 1972, पे. 599।
11. 'चीनी कम्युनिस्ट पार्टी ता संविधान', **चीनी कम्युनिस्ट पार्टी ता दसवीं कांग्रेस ता दस्तावेज**, चीनी संस्करण, 1973, पे.44।
12. मार्क्स, 'पूंजी ता दूसरा संस्करण ता समाप्ति' **मार्क्स-एंगेल्स ना सम्पूर्ण रचनांग**, भाग 23, पे. 24।
13. 'पार्टी ता कार्यशैली लोप्पा सुधार कीमुट' **माओ त्सेतुंग ना संकलित रचनांग**, भाग 3 चीनी संस्करण, 1968, पेज 773।
14. 'व्यवहारा ता बारे ते', **माओ त्सेतुंग ना संकलित रचनांग**, भाग 1 चीनी संस्करण, 1968, पे. 268।
15. 'चीनी क्रांतिकारी युद्ध ता रणनीतिक समस्यांग', **माओ त्सेतुंग ना संकलित रचनांग**, भाग 1, चीनी संस्करण 1968, पे. 165।
16. 'मार्क्स, पूंजी ता फ्रांसीसी संस्करण ता भूमिका', **मार्क्स-एंगेल्स ना सम्पूर्ण रचनांग**, भाग 23, पे. 26।

## पूँजीवाद तुकू मुन्नेटा सामाजिक ओसो आर्थिक व्यवस्थांग

### आदिम, गुलाम ओसो सामंती समाज लोप्पा उत्पादन संबंध

आदिम, गुलाम ओसो सामंती समाज इव मूंडासी सामाजिक व्यवस्थांग पूँजीवाद तुकू मुन्ने मत्तांग। इव समाज कुना लोप्पा उत्पादन संबंध कु बदरम बदलेमात्ता इंजी समजेमातेके माटु मानव समाज लोप्पा उत्पादन संबंध कुना विकास ता ऐतिहासिक प्रक्रिया तुन समजेमाया परितोम। पूँजीवादी उत्पादन संबंध कुना जन्म ओसो विकास, समाजवादी उत्पादन संबंध संगे अविना बदलाव कुन नियंत्रित कियाना ऐतिहासिक नियम कुन समजेमायला काजे इद वेल्ले महत्वपूर्ण मंता।

### आदिम कम्यून मानव इतिहास लोप्पा सबसे मुन्ने उत्पादन संबंध स्थापित कित्ता

#### श्रम मानेय किन बने कित्ता

आदिम समाज जानवर कुना दुनिया तल मानेय ना अलग आयना संगे शुरू आत्ता। मानेय ना इदय संगे-संगे मानव समाज अस्तित्व ते वात्ता। मानेय ना संगे मानव समाज ता इतिहास तुकू मुन्नेटा अध्याय ता शुरूआत आत्ता।

मानव समाज ता इतिहास लगभग दस लाख साल पाड़ना आंदू। मानेय ना पुरकानोर वेल्ले उन्नत रकम ता मानेय-वानर (ape-man) मत्तोर। मानेय-वानर मानेय लेक्का बदरम विकसित आत्तोर? इदिना कुंजी श्रम लोप्पा मंता। श्रम औजार बने कियाना संगे शुरू आंता। नर-वानर तल मानेय

बनेमायना प्रक्रिया लोप्पा प्राकृतिक वस्तु किन औजार लेक्का बदले कित्ता। उंदी बंडा तुन दूसरोना पोरो वाटसी बंडा ता चाकू लेवेके मर्स बने कियाना लेवेके कांदी ता काम चलाऊ औजार बने कियाना लेक्कटा सुडला काम तल उंदी महान क्रांति मुन्ने वात्ता। मानेय खुद किन जानवर दुनिया तल अलग कित्तोर अनि प्रकृति ता बदलाव ओसो अदिना पोरो जीत दोरकी कियाला काजे औजार बने कियाला तन्ना कै पोरो भरोसा किया परतोर। एंगेल्स वेहता लेक्का श्रम 'मानव पिस्वस ता पहली बुनियादी शर्त मंदिता। इदिन माटु 'श्रम ए मानेय ना रचना कित्ता' इंजी स्वीकार कींतोम।'<sup>1</sup> श्रम ता दीर्घकालीन प्रक्रिया लोप्पा मानेय बंडा ना औजार बने कियाना, शिकार कियाना ओसो कीकेंग पोयना करियतोर। ओरु विल-काड़ी बने कियाना करियतोर। किस्स ता खोज ओसो अदिना इस्तेमाल विशेष रूप ते महत्वपूर्ण मत्तांग। इदु प्रकृति तुन बदले कियाना ओसो अदिना पोरो जीत दोरकी कियाना मानेय ना ताकत तुन वेल्ले बेरसी कित्ता। एंगेल्स इद सफलता तुन वेल्ले महत्व हींतोर। ओरु 'दुनिया मेटा मुक्ति ता बारे ते हूडतेके, घर्षण संगे किस्स पुट्टी कियाना खोज भाप ता इंजन ता आविष्कार ता महत्व तुकू पोरो मंता इंतोर। घर्षण तले किस्स पुट्टी कियाना खोज मानेय किन उंदी प्राकृतिक शक्ति पोरो काबू कियाना लेक्का बने कित्ता, इद्रम ओरु जानवर दुनिया तल अलग आंतोर इंजी वेहतोर।'<sup>2</sup> अस्के मानव समाज इद भूमि पोरो व्यावाहारिक रूप ते अस्तित्व ते वात्ता।

जानवर कुना दुनिया तल मानेय अलग आत्ता पेरके आयना उत्पादक गतिविधिंग शुरू तले उंदी रकम ता सामाजिक ओसो सामूहिक गतिविधि मत्ता। 'हर मानेय मानव पिस्वल ता भौतिक जरूरत कुना काजे उत्पादक गतिविधिंग लोप्पा शामिल आयला समाज ता बाकी सदस्य लोरा सहयोग कीसी उत्पादन संबंध बने कींतोर'<sup>3</sup> मानवीय सामाजिक इतिहास ता महाकाव्य (इदिना लोप्पा वीर लोरा बारे ते वेहतद मंदिता) ता पहली पन्ना खुलेमातास्के उत्पादन संबंध आदिम कम्यून ता मत्ता ओसो अबु मानव इतिहास लोप्पा पहली उत्पादन संबंध मत्तांग।

## पाड़ी-कट्टा कम्यून मालिकाना आदिम कम्यून ता

### उत्पादन संबंध कुना आधार मत्ता

आदिम समाज ता प्राथमिक सामाजिक-आर्थिक संगठन पाड़ी-कट्टा कम्यून मत्ता इदु श्रम काजे परिवार पोरो आधार आसी मत्ता। पाड़ी-कट्टा कम्यून



मालिकाना सामूहिक मालिकाना ता उंदी रूप मत्ता। भूमि ओसो उत्पादन ता बाकी साधन कुना पोरो कम्यून ता सब्बे सदस्य लोरा मालिकाना मत्ता। अस्के इस्तेमाल आयना बंडांग ना लब्बड़ ता कस्सेर, गोडेल (मर्स), भाला ओसो विल-काड़ी ना कारण ते प्रकृति ता व्यापक ताकत कुना पोरो सामूहिक श्रम संगे जीत दोरकी कियमूडायनदू। अदिन काजे उत्पादन साधन ओसो उत्पाद कुना व्यक्तिगत मालिकाना संभव हिल्वा मत्ता। उत्पादक शक्तिंग ना निम्न स्तर संगे सिर्फ पाड़ी-कट्टा कम्यून मालिकाना व्यवस्थाए मत्ता। पाड़ी-कट्टा कम्यून कुना सामूहिक मालिकाना लोप्पा वायना उत्पादन साधन कुना लोप्पा उत्पादन ता औजार, जमीन, गेड़ा, डोडुंग ओसो एर्मिंग शामिल मत्तांग। हथियार ओसो विल-काड़ी ता इस्तेमाल अलग-अलग लोकुर कियानोर अनि ओरे इविन तम्मगा तासानोर।

आदिम समाज लोप्पा सब्बे स्वस्थ सदस्य उत्पादन श्रम लोप्पा शामिल आयानोर। ओरु लिंग ओसो उम्र हिसाब ते उंदी प्राकृतिक श्रम विभाजन लागू कियानोर। कोयतोर शिकार काजे बाहर दायनोर, मुयतोर हथियार बने कियानोर अनि आस्कु कायांग-पंडिंग-मार्टिंग डग्गी कियानवु, लोता कामकाज कियानवु अनि आदिम खेती कियानवु। पिल्ला-पेकोर आस्कु ना काजे सहायक श्रम कियानोर। मानेयकुना नड़मा ता (Interpersonal) संबंध आदिम सहकारी संबंध मत्तांग।

पाड़ी-कट्टा कम्यून मालिकाना ओसो सामूहिक श्रम परिस्थिति ते उत्पाद कुना बराबर बंटवारा आयनदू। अस्के उत्पादक शक्तिंग ना निम्न स्तर मत्तांकु श्रम तल दोरकता उत्पाद पिस्वल पिस्सनाचोने मंदानादु। वेल्ले कम बचत आयनदू। बंटवारा बराबर आयवेके पाड़ी-कट्टा ता उचुन सदस्य लोर करविने डोल्लानोर लेवेके पाड़ी-कट्टा बिखरेमासी मंदानोर।

आदिम समाज ता आर्थिक ढांचा अदिनाए अनुसार ऊपरी ढांचा तुन वेने पुट्टी कित्ता। आदिम समाज तीरम-तीरम मातृसत्तात्मक ओसो पितृसत्तात्मक पाड़ी-कट्टा कालम तल वेंडसी दांता। मातृसत्तात्मक पाड़ी-कट्टा ता गठन उत्पादन गतिविधिग लोप्पा आस्कु ना वेल्ले महत्वपूर्ण परिस्थिति मत्तांकु आंता। अस्के आस्कु मुख्य रूप ते आदिम कृषि लोप्पाने मंदानवु अनि कोयतोर शिकार ते। मति शिकार कालम पोरो आधार आसी मंदानदू अद्रमासी इदिना गारंटी मन्नो आयनदू। कृषि पिस्वल ता बेहरा स्रोत मंदानदू। अदिन काजे सामाजिक पिस्वल आस्कु ना हेरे-गरे मंदानदू। उत्पादन शक्तिंग ना विकास संगे-संगे कृषि तन्ना आदिम स्वरूप तल उन्नत

आत्ता अनि पशुपालन कृषि तल अलग आत्ता। उत्पादक गतिविधिं लोप्पा कोयतोरा महत्व बेरसता। आस्कून केंद्र ते तासिसी आयना सामूहिक मर्मिग नल एकल मर्मिग एवनल संक्रमण आयना संगे आस्कूना परिस्थिति ओसो दोड़ अरता अनि पितृसत्तात्मक समाज ता शुरूआत आत्ता।

पाड़ी-कट्टा ता सब्बे सेड़ो-मुयतोरा पाड़ी-कट्टा परिषद पाड़ी-कट्टा कम्यून लोप्पा सत्ता ता सर्वोच्च ढांचा मत्ता। पाड़ी-कट्टा परिषद ता मुखियाल ओसो युद्ध कालम काजे सैनिक नेता लोर किन चुने कियानवु अनि सब्बे महत्वपूर्ण पोल्लोंग पोरो विचार-विमर्श कीसी निर्णय कियानवु। वरोर अमेरिकी विद्वान (लेविस एच.) मॉरगन तन्ना पुस्तक ‘**प्राचीन समाज**’ लोप्पा अमेरिकी इंडियन लोरा पाड़ी-कट्टा कम्यून ता बारे ते इद्रम वेहतोरः ‘सब्बे सदस्य स्वतंत्र मानेय मत्तोर ओसो वरोर-दूसरो ना स्वतंत्रता ता रक्षा काजे जिम्मेदार मंदानोर। पाड़ी-कट्टा ता मुखियाल ओसो सैनिक नेताल वेने बदे विशेषाधिकार ता मांग किया परवोर आयनोर। ओरु नेतुर-संबंध कुना पोरो आधार आसी मत्ता देशवासिर मत्तोर।’ पाड़ी-कट्टा ता इद ऊपरी ढांचा पाड़ी-कट्टा ता आर्थिक ढांचा तुन मजबूत कियाना, विकसित कियाना लोप्पा ओसो अस्केटा उत्पादक शक्तिंग कुन मुन्ने ओयला सहायक मत्ता।

माओ वेहता लेक्का ‘चीनी लोकुरा (मुख्य रूप ते हान लोकुरा बारे ते) विकास दुनिया ता बाकी लोकुरा लेक्काने आत्ता। ओरु दसियों हजार साल एवनल वर्ग-विहीन आदिम समाज तल वात्तोर।’<sup>4</sup> पीकिंग ता चांग कांग तिऐन उपनगर लोप्पा दोरकता “पीकिंग मानव” संगे जुड़ेमासी मत्ता समाज चीन ता आदिम समाज ता शुरूआती कालम ता प्रतिनिधित्व कींता। चीन ता बचोनो इलाकांग लोप्पा दोरकता वेल्ले प्राचीन जागांग ओसो आदिम समाज ता सांस्कृतिक अवशेष पीली डोड्डा ता घाटी ओदा मत्ता मध्य इलाका लोप्पा बस्केने मातृसत्तात्मक पाड़ी-कट्टा पोरो आधार आसी कबीला मत्ता अनि इविना विस्तार मंगोलिया, हेइलुंगकियांग, सिनकियांग, तिब्बत, क्वांगसी, शेचुआम ओसो युन्नान एवनल मत्ता इंजी साबित कींतांग। लगभग 5 हजार साल मुन्ने पीली डोड्डा ओसो यांगत्से डोड्डा घाटींग ओदा ता कबीला तीरम-तीर पितृसत्तात्मक पाड़ी-कट्टा कम्यून लोप्पा बदलेमाता। चीन लोप्पा सिया वंश ता शासन तुकू मुन्ने आदिम समाज बचोनो लाख साल एवनल मत्ता।

ऐतिहासिक तथ्य आदिम समाज लोप्पा बदे निजी सम्पत्ति, वर्ग, वर्ग शोषण लेवेके वर्ग उत्पीड़न हिल्ला मत्ता इंजी वेहिंतांग। अवु निजी सम्पत्ति ओसो वर्ग हमेशाए मत्ता इंदानदिना तीव्र विरोध कींतांग।

## निजी सम्पत्ति ता जन्म ओसो आदिम कम्यून ता पतन

आदिम समाज लोप्पा विकास आयनास्के उत्पादक शक्तिंग ना विकास संगे श्रम ता सामाजिक विभाजन आत्ता। शुरू ते पशुपालन कृषि तल अलग आत्ता उचुन कबीलांग विशेष रूप ते पशुपालन कियाना शुरू कीतांग अनि उचुन कबीलांग विशेष रूप ते कृषि कियाना शुरू कीतांग। इद पहली ओसो बेहरा सामाजिक श्रम विभाजन मत्ता। उचुन जोम पेरके दस्तकारी गतिविधिं कृषि तल अलग आतांग। अदु दूसरा बेहरा श्रम विभाजन मत्ता। आदिम समाज ता आखरी कालम ते कच्ची ता खोज आत्ता। कच्ची ता खोज आयना मानव समाज ता उंदी उच्चतर परिस्थिति ते प्रगति ता प्रतीक मत्ता। मति इदु आदिम समाज ता पतन ता घोषणा वेने कित्ता। कृषि, पशुपालन ओसो दस्तकारी गतिविधिं अलग-अलग ताकतेके विनिमय उद्देश्य ते उत्पादन इत्तेके माल (कमोडिटी) उत्पादन मुन्ने वात्ता।

उत्पादक शक्तिंग ना लगातार विकास संगे पिस्वल ता बुनियादी स्तर तुन मत्ता लेक्का तासता पेरके वेने उचुन अतिरिक्त बचेमायना शुरू आत्ता। श्रम ता रेंडु बेहरा विभाजन श्रम ता उत्पादकता बेरसी कित्ता अनि कृषि, पशुपालन, दस्तकारी गतिविधिं ना विकास तुन प्रोत्साहित कित्ता। अतिरिक्त उत्पादन ओसो सामाजिक सम्पदा लोप्पा वृद्धि आत्ता। इव परिस्थिति ने उचुन मुल दूसरा लोकुरा श्रम ता उत्पाद तुन हड़पे कियाना संभावना पुट्टी कित्तोर। दूसरा बगिल विनिमय ता विस्तार संगे पाड़ी-कट्टा ता सरदार कम्यून ता सम्पत्ति तुन तीरम-तीरम तम्मा निजी सम्पत्ति लेक्का बदले कियाना संभावना आत्ता। धातु ता औजार-खासकर कच्ची ता गोडेल, कच्ची ता कुद्दाइ ओसो कच्ची ता पाडुम श्रम उत्पादकता लोप्पा उल्लेखनीय वृद्धि आत्ता अनि व्यक्तिगत रूप ते उत्पादन कियाना लेक्का परिस्थिति तैयार कित्ता। पाड़ी-कट्टा पोरो आधार आसी शुरू आत्ता सामूहिक उत्पादन तीरम-तीरम खत्म आत्ता अनि अदिना जागा ते व्यक्तिगत उत्पादन वात्ता। उत्पादन सामूहिकता तल निजी ते बदलेमात्ता। उत्पादन साधन ओसो उत्पाद वेने निजी सम्पत्ति बनेमातांग। मुन्ने सामूहिक मालिकाना ते मत्तेकाई व्यक्तिगत कृषि काजे हियाना भूमि वेने निजी कैदे हत्ता। निजी मालिकाना अस्तित्व ते वात्ता पेरके आदिम कम्यून छिन्न-भिन्न आत्ता।

निजी मालिकाना ता जन्म संगे परिवार नड़मा सम्पत्ति बंटवारा लोप्पा अंतर वात्ता। पाड़ी-कट्टा ता सरदार लोर तम्मा शक्ति ता इस्तेमाल लगातार

सामूहिक सम्पत्ति तुन तम्मा निजी सम्पत्ति लोप्पा बदले कित्तोर ओसो पाड़ी-कट्टा ता समृद्ध परिवार बनेमाता। अस्केने इद्रम धनी परिवार कुना सम्पत्ति बेरसना ओसो ओरा कार्यक्षेत्र (काम कियाना इलाका) विस्तार आयना संगे श्रम ता कमी आत्ता। दूसरा बगिल उत्पादक शक्तिंग ना विकास संगे गुलाम श्रम ता इस्तेमाल संभव ओसो फायदा आत्ता। इदिना कारण ते युद्धबंदिर कुन हौकनाए आयवा गुलाम बने कियाना वेने शुरू आत्ता। पेरके पाड़ी-कट्टा ता उचुन गरीब लोकुर वेने धनी परिवार ता गुलाम बनेमातोर। लोकुर लोकुरा शोषण कियाना शुरू कित्तोर।

उत्पादन ता विकास ओसो विनिमय विस्तार संगे तीसरा बेहरा श्रम विभाजन आत्ता। विशेष रूप ते माल सिर्फ विनिमय कियाना व्यापारीर मुन्ने वात्तोर। माल विनिमय विकास संगे मुद्रा अस्तित्व ते वात्ता। मुद्रा ता जन्म संगे धनी परिवार सूदखोरी कियाना शुरू कित्तोर अनि सम्पत्ति ता संकेंद्रण, असमान वितरण ता प्रक्रिया तेज आत्ता। अदिना कारण ते सम्पत्ति वेल्ले जल्दी मुद्रा मेंड गुलाम मालिक लोरा कैदे हत्ता। दूसरा बगिल मेहनतकश लोरा बेहरा आबादी गरीब ओसो कंगाल मत्तांकु गुलाम बनेमायला मजबूर आत्ता अनि गुलाम लोकुरा संख्या वेल्ले जल्दी बेरसता। इद्रम समाज रेंडु वर्ग लेक्का बनेमाता: गुलाम मालिक ओसो गुलाम। इव रेंडु विरोधी वर्ग मानव इतिहास लोप्पा पहली बेरा मुन्ने वातांग। वर्ग कुना उत्पत्ति संगे पाड़ना पाड़ी-कट्टा परिषद समाज ता सार्वजनिक सेवक तल इदिना मालिक लेक्का बदलेमाता अनि गुलाम मालिकाना गुलाम लोर किन उत्पीड़ित कियाना उंदी औजार बनेमाता। अस्केने राज्य (उंदी वर्ग दूसरा वर्ग ता उत्पीड़न तंत्र) ता जन्म आत्ता। अस्केटल इंजे एवनल “सब्बे सामाजिक इतिहास वर्ग संघर्ष ता इतिहास मत्ता।”<sup>5</sup>

## गुलामी प्रथा शोषण ता पहली व्यवस्था मत्ता

**गुलाम समाज लोप्पा उत्पादन संबंध कुना विशेषता**

**उत्पादन साधन ओसो गुलाम लोरा पोरो मालिक ना मालिकाना**

गुलाम समाज लोप्पा गुलाम मालिक उत्पादन साधन कुनाए आयवा गुलाम लोरा वेने मालिक मंदानोर। गुलाम, गुलाम मालिक ना दोड़ उंदी औजार लेक्काने मंदानोर। गुलाम ना सिर्फ शोषणे आयवा ओरा संगे जानवर, बलि हियाना वस्तु ओसो माल लेक्का व्यवहार आयनदू। ओरा मालिक ओरकिन

हौकसियानोर वेने। गुलाम श्रम खुला रूप ते जबर्दस्ती कियहाना श्रम मत्ता। गुलाम मालिक गुलाम लोरगडल काम कियहाला काजे क्रूर तरीका ते ताकत ता इस्तेमाल कियानोर अनि तम्मा गुलाम लोरा किन वेल्ले यातनांग हियानोर। वित्तना गुलाम लोर किन पोयला हल्को आयला काजे गुलाम मालिक गुलाम लोर किन कासता कच्ची संगे बुडसानोर अनि ओरकिन साकरिंग संगे दोहचियानोर। गुलाम लोरकिन अतिरिक्त श्रम ओसो उत्पादन कियहाला काजे गुलाम मालिक क्रूर तरीकांग पोयनोर। गुलाम लोर पुट्टी कित्ता पूरा उत्पाद गुलाम मालिक नादे मंदानदू। गुलाम लोर किन जानवर लेक्का जीवा पिस्सनाचोने तिंदला हियानोर। इदे गुलाम समाज ता उत्पादन संबंध मत्ता।

माओ वेहता लेक्का, “चीनी राष्ट्र लोप्पा आदिम समाज देगसी वर्ग समाज बनेमातास्केटल इंजे एवनल लगभग 4 हजार साल आतांग। इव सालकु गुलाम समाज ओसो सामंती समाज तले वेंडतांग।”<sup>6</sup> चीन सिया वंश ता शासन पेरके गुलाम समाज लेक्का विकसित आत्ता। यिन वंश लोप्पा “चुंग-जेन” ओसो “सु-मिन” (“जनसाधारण”) सब्बे गुलाम मत्तोर। यिन-सु (होनान प्रांत लोप्पा यिन वंश ता प्राचीन राजधानी ता अवशेष इगा दोरकतांग) लोप्पा कातनास्के दोरकता तोड़ियो ता मूर्तिंग ना कैकु दोहची मत्तांग। कोयतोर मूर्तिंग ना कैकु पेरके दोहची मत्तांग अनि आस्कुना कैकु मुन्ने बगिल कीसी दोहची मत्तांग। इव सब्बे अस्केटा गुलाम लोरा पिस्वल तुन तोहिंतांग। कसाई लोरा लेक्का गुलाम लोर किन हौकमूडायनदू। गुलाम मालिक धार्मिक रीति-रिवाज कुना लोप्पा तम्मा गुलाम लोरा बलि हियानोर। यिन वंश ता शासनकाल ते उचुन रिवाज कुना लोप्पा उंदी हजार तुकू ज्यादा लोकुर हौकतोर। यिन वंश ता गुलाम मालिक लोरा समाधि (गुमिया) तल गुलाम लोरा कंकाल (पेडकांग) दोरकतांग, वीर किन मालिक लोर हौकसी लेवेके जीवा मंदानस्केने मिसत्तोर। इद्रम उंदी-उंदी गुमिया ते दस तल बचोनो सौ एवनल मत्तांग। इविना लोप्पा आस्कु-कोयतोर ओसो पिल्ला-पेकोर वेने मत्तोर। चीन ते गुलाम समाज मत्ता इंदाना पोरो बदे डावुट हिल्ले। मति चेन पो-ता लेक्कटा त्रात्स्कीपंथीर चीन लोप्पा बस्केने गुलाम समाज हिल्ला मत्ता इंजी प्रचार कींतोर। ओरु इद्रम कीसी मावा समाज ता मार्क्सवादी वर्गीकरण ता सार्वभौमिक (universal) सच्चाई तुन नकारे कियाना ओसो कम्युनिज्म चीनी परिस्थिति ता अनुकूल हिल्ले इंजी साबित कियाना

नाकाम कोशिश कींतोर। इद वेल्ले प्रतिक्रियावादी ओसो पूराए अंगडम ता पोल्लो मंता।

### **वर्ग दुश्मनी कारण ते शहरी ओसो नाहकुना इलाकांग नडमा, मानसिक ओसो शारीरिक श्रम नडमा विरोध पुट्टा**

पहली प्राचीन नगर गुलाम समाज ता आखरी कालम ते पुटता। इदिन सुरक्षा दृष्टिकोण ते कबीलाई संघ ता मध्यवर्ती इलाका लोप्पा स्थापित कित्ताद मत्ता। गुलाम समाज ता गठन पेरके ओसो कृषि, दस्तकारी उद्योग, माल विनिमय विकास संगे शहर ओसो नाहकुना अंतरविरोध पुटता।

अस्केटा औद्योगिक उत्पाद दस्तकारी उत्पादे मत्ता। शहर दस्तकारी उद्योग ता केंद्र मत्ता। दस्तकारी उद्योग ता विकास वाणिज्य विकास संगे जुड़ेमासी मत्ता। अदिन काजे शहर व्यापारिक गतिविधिं ना वेने केंद्र मत्ता। चीन लोप्पा यिन वंश कालम ता व्यापार विकास वेल्ले तेज आत्ता। व्यापारिक नगर कुना जन्म आत्ता। यिन वंश तुन शांग वंश वेने इंतोर। (चीनी भाषा ते शांग इत्तेके वाणिज्य)। नेंडु यिन-सु ना जागा ते यिन वंश कालम ता उंदी बेहरा व्यापारिक शहर मंता।

गुलाम मालिक लोर गुलाम समाज ता आर्थिक ढांचा ता अनुसार ऊपरी ढांचा स्थापित कित्तोर अनि शहर गुलाम समाज ता राजनीतिक केंद्र बनेमाता। गुलाम मालिक लोर गुलाम लोरा विद्रोह ता दमन कियाला शहर लोप्पा राज्य मशीनरी तुन मजबूत कियाना पोरो विशेष ध्यान हीतोर। बचोनो गुलाम मालिक, बेहरा व्यापारी, सूदखोर ओसो नौकरशाह शहर लोप्पा ऐशो-आराम ते मुडंदसी मत्ता पिस्वल पिस्सानोर। मनोरंजन ता तम्मा जरूरत कुन पूरा कियाला काजे गुलाम मालिक लोर गुलाम लोर किन मजबूर कीसी वेल्ले सोबा ता महल, मंदिर, नाटकघर ओसो बाकी सार्वजनिक जागाना निर्माण कियहानोर। शहर तीरम-तीरम गुलाम समाज ता सांस्कृतिक केंद्र लेक्का विकसित आत्ता।

इद्रम गुलाम समाज लोप्पा शहर उंदी शक्तिशाली आर्थिक, राजनीतिक ओसो विचारधारात्मक भूमिका निभे कित्ता अनि शहर, ग्रामीण नडमा विरोध तुन पुट्टी कित्ता। शहर ओसो ग्रामीण नडमा विरोध तीव्र वर्ग अंतरविरोध कुन पुट्टी कित्ता अनि शहर ग्रामीण कुना शोषण इदिना विशेषता बनेमाता।

आदिम समाज लोप्पा सब्बे स्वस्थ लोकर उत्पादन लोप्पा शामिल आयनोर। मानसिक श्रम ता विशेषज्ञ हिल्वा मत्तोर। गुलाम समाज लोप्पा परिस्थिति अलग मत्ता। गुलाम श्रम वेल्ले बेहरा मात्रा ते पुट्टी किता अतिरिक्त उत्पाद कुना कारण ते गुलाम मालिक लोरा काजे तम्मा किन उत्पादक श्रम तल अलग कियाना संभव आत्ता। अस्के मानसिक ओसो शारीरिक श्रम नड्मा विभाजन जरूरी ओसो संभव मत्ता। मानसिक ओसो शारीरिक श्रम ता विभाजन शुरू तले दुश्मनी संगेने मत्ता। सांस्कृतिक शिक्षा गुलाम मालिक वर्ग ता विशेषाधिकार मत्ता। “भौतिक उत्पादन साधन कुना पोरो नियंत्रण तासना वर्ग मानसिक उत्पादन साधन कुन वेने नियंत्रित कियानदू। अदिन काजे मानसिक उत्पादन साधन कुन जेक आत्ता लोकरा विचार शासक वर्ग ता प्रभाव ते मंदानदू।”

गुलाम मालिक वर्ग “मानसिक काम कियानोर दूसरोरा पोरो शासन कींतोर अनि शारीरिक श्रम कियानोरा पोरो दूसरोर शासन कींतोर इंजी परताचोन प्रचार कियाना कोशिश कियानोर।” इदु गुलाम ओसो बाकी मेहनतकश लोरा पोरो शासन कियाना, गुलाम मालिक लोरा तानाशाही तुन मजबूत कियाला काजे तम्मा राजनीतिक, कानून, दर्शन ओसो विचारधारा ता हथियार लेक्का भरपूर इस्तेमाल किता।

## गुलाम विद्रोह गुलामप्रथा ता पतन तुन तेज किता

गुलाम प्रथा मानव समाज ता उंदी अनिवार्य अवस्था (चरण) मत्ता। इदिना जन्म अस्केटा उत्पादक शक्तिंग ना जरूरत कुना अनुकूल मत्ता। गुलाम समाज लोप्पा युद्धबंदिर किन सामूहिक रूप ते हौकनद हिल्वा मत्ता। इदे आयवा ओरकिन काम कियाला काजे जिंदा तासानोर। इद उत्पादन ता विकास लोप्पा सहायक मत्ता। गुलाम मालिक लोरगा बेहरा मात्रा ते उत्पादन साधन ओसो श्रम मत्तांकु बेहरा स्तर ते उत्पादन ओसो सहकार संगठित कियाना संभव आत्ता। धातु ता औजार कुना इस्तेमाल संगे कृषि, पशुपालन ओसो दस्तकारी उद्योग स्पीड ते विकसित आतांग। कृषि राष्ट्रीय अर्थव्यवस्था ता सबसे महत्वपूर्ण घटना बनेमाता। कोडा, एर्मि, टाली, बेड़ा, कोर, नेय्यु ओसो पट्टी लेक्कटा जानवर पालतू बनेमातांग। चीन लोप्पा गुलाम समाज कालम ता कांस संगे बनेमाता रीति संबंधी दडिया दोरकता। 110 सेंटीमीटर लाटी ओसो 1400 कैटी वजन वाले इद दडिया तुन वेल्ले दस्तकार लोर कलियसी बारीक सोबाता चित्रांग संगे सांचा ते वाटसी बनेकित्तोर।

अद्रमासी अस्के उत्पादन कौशल ओसो दस्तकारी बचोन उच्च स्तर ते एवसी मत्ता इंजी अंदाजा वाटमूडांता।

गुलाम समाज ता उत्पादन संबंध कु उत्पादक शक्तिंग ना विकास तुन उंदी हंदी एवनल मुत्रे ओता। मति इव उत्पादन संबंध लोप्पा उत्पादक शक्तिंग ना ओसो विकास पोरो अंतरविरोध मंता। उत्पादक शक्तिंग ना विकास आयना संगे इव अंतरविरोध ओसो तीव्र आतांग। गुलाम लोरा बेहरा आबादी गुलाम मालिक लोरा क्रूर शोषण-दमन तुन इंजे सहेमासोर हिल्ला मत्ता। ओरु तम्मा काम तीरम कियानोर, वेल्ले गुलाम लोर उंदे बेरा वित्तानोर अनि पुंजी-पुंजी उत्पादन औजार कुन नष्ट कियानोर। उंदी बगिल गुलाम मालिक लोर ओरा दमन तेज कीतांकु वेल्ले बेहरा संख्या ते गुलाम लोरा हामुर आत्ता अनि दूसरा बगिल ओरु बेहरा-बेहरा औजार तत्तांकु अविन हल्कोए नुकसान किया परवा लेक्का आत्ता। इद्रम कीतांकु उत्पादक शक्तिंग ना विकास कमजोर आत्ता। उत्पादक शक्तिंग ना विकास कमजोर आयना उंदी कारण व्यवस्था शारीरिक श्रम पोरो पुट्टी कित्ता तिरस्कार पूर्ण दृष्टिकोण वेने मत्ता। कंगाल आत्ता सुडला सुडला उत्पादक शारीरिक श्रम लोप्पा शामिल आयवा लेवा हिके-हक्के वेलियला विचार कियानोर। इव सब्बे गुलाम समाज ता उत्पादन संबंध उत्पादक शक्तिंग ना विकास अनुकूल हिल्ला मत्तांग। इविन पुट्टी कियाना बचोनो जरूरी मत्तायो अचोने जरूरी इविन खत्म कियानाद मत्ता।

गुलाम समाज ता आखरी कालम ते सामंती उत्पादन संबंध पुट्टना शुरू आत्ता। गुलाम राज्य भूमि मालिक गुलाम समाज लोप्पा उत्पादन संबंध कुना आधार मत्ता। चीन लोप्पा यिन-चाऊ कालम ते भूमि पोरो राज्य ता मालिक चिंग-तियेन लेक्का मत्ता। चिंग-तिएन हंदी ते वायना पूरा भूमि तुन “सामुदायिक भूमि” इंदानोर। इद “सामुदायिक भूमि” ओसो गुलाम सबसे बेहरा गुलाम मालिक, सामंती रजवाड़ी, जागीरदार ओसो “स्वर्गपुत्र नियुक्त कित्ता” राजकीय अधिकारिरा कब्जा ते मत्ता। उत्पादक शक्तिंग ना विकास संगे उचुन गुलाम मालिक लोरा बेहरा मात्रा ते “निजी भूमि” पोरो गुलाम लोरकिन खेती कियहाना पूरा कोशिश कित्तोर अनि वेल्ले अतिरिक्त श्रम ता शोषण कियाना कोशिश कित्तोर। “निजी भूमि” ता विस्तार संगे “सामुदायिक भूमि” व्यवस्था कमजोर आत्ता। अस्केने भूस्वामी वर्ग ता जन्म आत्ता। ओरु चिंग-तिएन किन हौकना अनि खेती नइमा पाडिंग गुचिह



कियाना जोर-शोर ते प्रचार कित्तोर। गुलाम लोर तीरम-तीरम भू-गुलाम बनेमातोर। सामंती उत्पादन संबंध कुना हुय्युम पुट्टना शुरू आत्ता।

गुलाम समाज ता बुनियादी वर्ग गुलाम मालिक ओसो गुलाम लोर मत्तोर। इव रेंडु वर्ग आयवा मुक्त किसान ओसो दस्तकार लोर वेने मत्तोर। गुलाम सामाजिक स्तर ता सबसे दोड़ ता स्तर ते मत्तोर अनि गुलाम मालिक लोरा क्रूर शोषण-उत्पीड़न ता शिकार मत्तोर। गुलाम समाज ता पूरा कालम लोप्पा गुलाम ओसो गुलाम मालिक लोरा नड़मा हिंसक संघर्ष ताकसोर मत्ता। चीन लोप्पा “वसंत ओसो शिशिर” कालम गुलाम प्रथा तल सामंतवाद लोप्पा संक्रमण कालम मत्ता। चिन पोरोल ता वरोर गुलाम ना नेतृत्व ते लगभग 9000 गुलाम लोर देश मेंड सामंती मालिक लोरा पोरो हमला कित्तोर अनि ओरकिन कंदरेम कित्तोर। गुलाम विद्रोह गुलाम मालिक लोरा शासन तुन गंभीर चुनौती हीता। दुनिया ता विभिन्न देश कुना लोप्पा गुलाम लोरा बगावत बचोनो महान पीटोंग कुन जन्म हीता। उदाहरण तुकू रोमन कालम ते स्पार्टकस ना नेतृत्व ते सबसे बेहरा विद्रोह ताकता ताना लोप्पा 1,20,000 लोकुर शामिल आत्तोर। इद विद्रोह पूरा रोमन साम्राज्य ता मोदोल होले कित्ता। हिंसक गुलाम विद्रोह गुलाम मालिक लोरा राजनीतिक सत्ता पोरो जबर्दस्त देब्बा वाटता ओसो गुलाम प्रथा ता पतन तुन तेज कित्ता। गुलाम प्रथा खत्म आयना संगे सामंती उत्पादन संबंध तीरम-तीरम मजबूत आसोर हत्तांग। सामंती उत्पादन संबंध कुना प्रतिनिधित्व कियाना पूना पुटसोर मत्ता भूस्वामिर गुलाम मालिक लोरा शासन तुन तेहकसी वाटला काजे मेहनतकश लोकुरा ताकत ता इस्तेमाल कित्तोर अनि भूस्वामिर शासन स्थापित कित्तोर। सामंतवाद आखरी ते गुलाम प्रथा ता जागा एतिता।

गुलाम प्रथा ता जागा ते सामंतवाद वायना ऐतिहासिक रूप ते जरूरी मंता। चीन लोप्पा युग परिवर्तन व्यापक सामाजिक बदलाव आयनास्के गुलाम व्यवस्था ता प्रतिक्रियावादी कन्फ्यूशियस बद्रमताई सामाजिक सुधार ता विरोध कित्तोर अनि उत्पादन संबंध कुना लोप्पा बदलाव तुन “भयानक नुकसानकु” ना पोरोल हीतोर। ओरू पूना सामंतीर लागू कित्ता सब्बे सुधार कुना कड़ा विरोध कित्तोर, पाड़ना गुलाम व्यवस्था ता पुनर्स्थापना ता समर्थन कित्तोर अनि उंदी मुटसोर मत्ता सामाजिक व्यवस्था तुन बचे कियाना आशा कित्तोर, मति सब्बे खत्म आत्ता। ओना कौशिशकु उंदी डोलसोर मत्ता व्यवस्था ता असफल संघर्ष कुना प्रतिनिधित्व कियानवु।

## सामंतवाद वर्ग संघर्ष पोरो आधार आसी मत्ता उंदी शोषक व्यवस्था मत्ता

**सामंती भूमि मालिकाना सामंती समाज ता आर्थिक आधार आंदू**  
सामंती समाज ता उत्पादन संबंध भूस्वामी वर्ग भूमि ता मालिकाना ओसो भू-गुलाम लोरा पोरो लगभग पूर्ण नियंत्रण पोरो आधार आसी मत्तांग। भूस्वामीर ज्यादातर भूमि ता मालिक मत्तोरा। किसान लेवेके भू-गुलाम लोरागा तम्मा जमीन वेल्ले कम लेवेके इनपडे हिल्ला मंदानदू। पिस्वल पिस्सला काजे ओरु भूस्वामी ना भूमि पोरो खेती कियाला काजे मजबूर मत्तोरा। इद्रम ओरु सामंती भूमि व्यवस्था संगे दोहची मंदितोरा। ओरा व्यक्तिगत स्वतंत्रता हत्ता ओसो ओरु भूस्वामिरा क्रूर शोषण-उत्पीड़न ता शिकार मत्तोरा।

भूस्वामीर किसान लोरा शोषण ता मुख्य स्रोत ओरकिन खेती कियाला हिता भूमि तल वसूले कियाना सामंती लगान मत्ता। सामंती लगान मूंड रकम ता मत्ताः श्रम, वस्तु लगान ओसो मुद्रा लगान ता रूप ते वसूली कियानोरा।

सामंती समाज शुरुआत ते श्रम रूप ते लगान वसूल आयानदू। इदिना लोप्पा किसान लोर किन तम्मा औजार ता इस्तेमाल कीसी भूस्वामी ना भूमि पोरो तय कित्ता टाईम तेने काम किया लागनदू। किसान भूस्वामीरा काजे काम कित्ता पेस्केने तम्मा भूमि पोरो काम किया परनोरा। इद्रम ता भूमि लगान संगे शोषक ओसो शोषित नड्मा ता संबंध स्पष्ट मंदानवु। किसान लोरा तम्मा भूमि ते पुट्टी कित्ता फसल ओरादे मंदानदू। अदिन काजे ओरा रुचि इद भूमि पोरो कित्ता श्रम पोरो मंदानदू। भूस्वामी ना भूमि पोरो किसान लोरा श्रम तल वायना पूरा फसल पोरो भूस्वामी ना अधिकार मंदानदू। स्वाभाविक रूप ते किसान लोरा लोप्पा इद्रम ता श्रम काजे बदे जोश हिल्ला मंदानदू। भूस्वामी वेने किसान लोरा रुझान ते इद अंतर तुन बेस समजेमायनोरा। तम्मा भूमि पोरो किसान लोर कडी मेहनत कियहाला काजे भूस्वामीर वेल्ले एजेंट तासानोरा, ओरा काम कडा अनुशासन लागू कियहानदू मत्ता। इद्रम लगान व्यवस्था लोप्पा उत्पीड़क ओसो उत्पीड़ित, शासक ओसो शासित संबंध स्पष्ट मत्तांग। सामंतवाद ता शुरुआत ते उत्पादक शक्तिंग वेल्ले कमजोर मत्तांग। भूस्वामीर जोर-जबर्दस्ती कियवा लेवा किसान लोरा अतिरिक्त श्रम तुन

हड़पे किया परवोर। इद्रम ता सामंती लगान ता किसान लोर हिंसक प्रतिरोध कित्तोर।

पेरके उत्पादक शक्तिंग ना विकास बेरसतांकु ओसो शोषण बेरसता मति शोषण ता लालच मकसी मत्ता, भूस्वामी वर्ग श्रम लगान ता जागा ते वस्तु रूप ते लगान लागू कित्तोर। वस्तु रूप ते लगान संगे किसान लोर किन भूस्वामीरा देखरेख ते काम किया लागो आयनदू। किसान लोरा तम्मा पूरा श्रम पोरो नियंत्रण मत्ता। ओरिन सही टाईम ते तम्मा अतिरिक्त उपज भूस्वामीर किन सौपे किया लागनदू। श्रम लगान ता तुलना ते वस्तु रूप ते लगान खेती टैकनिकल जानकारी ओसो श्रम ता उत्पादकता लोप्पा उचुन सुधार कियाला सहायक आत्ता। मति वस्तु रूप ते लगान हमेशा किसान लोरा उपज ता 50 प्रतिशत लेवेके 70-80 प्रतिशत मंदानदू। पिस्वलमेंड न्यूनतम स्तर तासला काजे किसान लोर किन काम कियाना घंटा बेरसी किया लागता ओसो मोरकुल उरंगनल किया लागनदू। इदे आयवा किसान बस्केने भयंकर गरीबी ता पिस्वल तल पोरो तेदा परवोर आयनोर।

मुद्रा लगान सामंती समाज पेरके अस्तित्व ते वात्ता। अस्के उत्पादक शक्तिंग मुन्ने तुकू बचोनो ज्यादा उन्नत मत्ता। मुद्रा ओसो माल ता संबंध व्यापक रूप ते विकसित आसी मत्तांग। तम्मा ऐशो-आराम (luxury) ता पिस्वल काजे भूस्वामीर किन वेल्ले धन ता जरूरत मंदिता। इव परिस्थिति ने मुद्रा लगान पुटता। मुद्रा लगान संगे किसान लोर तम्मा फसल हीसी मुद्रा एतला काजे हाटुम लोप्पा वम्मानोर अनि अदिना संगे लगान हियानोर। इद्रम किसान लोरा शोषण भूस्वामीरे आयवा बिचौलिया व्यापारी वेने कियानोर। फसल बेस आतेके व्यापारी लोर दाम घटे कीसी किसान लोरा डोंगे-डोंगे नेतुर उंडानोर। इदिना कारण ते किसान लोरा पिस्वल ओसो खराब आयनदू अनि ओरु हमेशा कंगाले मंदानोर।

सामंती समाज लोप्पा किसान लोरा बेहरा आबादी ता सामंती लगान संगे शोषण आयनदू। ओरकिन सामंती राज्य तुकू वेल्ले कर वेने हिया लागनदू ओसो सूदखोरी शोषण ता शिकार आया लागनदू। भूस्वामी नौकरशाही ओसो सेना संगे कलियसी किसान लोरा फसल लूटे कियानोर, ओरा सम्पत्ति हड़पे कियानोर अनि ओरगडल जबरन बेगार कियहानोर। किसान लोरा बेहरा आबादी हर रकम ते आर्थिक शोषण ता शिकार मंदानदू।

## किसान विद्रोह सामंती समाज लोप्पा लगातार तीव्र आसोरे मत्ता वर्ग अंतरविरोध मत्ता

गुलाम समाज ता जागा ते सामंती समाज वायना इतिहास लोप्पा उंदी मुन्ने डाका वाटना लेक्का मत्ता। सामंती उत्पादन संबंध सामंती समाज ता शुरूआती चरण ते उत्पादक शक्तिंग कुन मुन्ने ओयला काजे अनुकूल मत्तांग। कृषि उत्पादन ता टैकनिक उन्नत आत्ता अनि औजार लोप्पा सुधार आत्ता। उत्पादन लोप्पा कच्ची ता औजार कुना इस्तेमाल विस्तार आत्ता, फसल कुना रकम ओसो मात्रा बेरसता, दस्तकारी उद्योग वेल्ले बेरसता। चीन लोप्पा युद्ध ताकसोर मत्ता राज्य लोप्पा एर जमा कियाना बेहरा-बेहरा बांधकु बनेमातांग, शेचुआन प्रांत ता तू-चियांग लेक्का। विभिन्न वंश ता शासनकाल ते अतिरिक्त निर्माण ओसो रख-रखाव संगे तू-चियांग बाँध नेंड वेने काम वाया मत्ता। होव्वोर बने कियाना, धातु विज्ञान, रेशम ता गेत्ते, टोना-हरहाना, चीनी तोडियो ता गंजिंग-दड़ियांग ओसो हरहाना काम चीनी सामंती समाज लोप्पा वेल्ले विकसित आसी मत्ता। कंपास, बारूद, कागज ओसो छापे कियाना आविष्कार वेल्ले मुन्ने आसी मत्ता।

मति सामंती उत्पादन संबंध संगे उत्पादन मुख्य रूप ते व्यक्तिगत रूप ते आयना सुडला स्तर ता उत्पादने मत्ता। सुडला स्तर ता इद उत्पादन उत्पादक शक्तिंग ना ओसो विकास काजे अनुकूल हिल्ला मत्ता। सामंती उत्पादन संबंध कुना संगे खासकर किसान लोरा बेहरा आबादी कूर शोषण-उत्पीड़न ता शिकार मत्ता अनि उत्पादन शक्तिंग नड़मा ता अंतरविरोध भूस्वामी ओसो किसान लोरा नड़मा वर्ग अंतरविरोध लेक्का दिसता। इद सामंती समाज ता प्रमुख अंतरविरोध मत्ता। भूस्वामी शासन ता प्रतिरोध काजे किसान लोरा बेहरा आबादी ता हथियारबंद विद्रोह सबसे बेहरा अंतरविरोध मत्ता। इद विद्रोह ओसो संघर्ष सामंतवादी व्यवस्था ता विशेषता मत्ता। लगभग 200 ईसा पूर्व, चिन शिह-हुआंग चीन तुन एकीकृत कियाना ओसो पहली सामंती तानाशाही ता स्थापना ता उचुने कालम पेरके चीन ता इतिहास पहली महान किसान विद्रोह तेदता अदिना नेताल चैन शेंग ओसो कुआंग मत्तोर। ताना पेरके 19वीं सदी नड़मा ताइपिंग विद्रोह एवनल 2000 साल तुकू वेने बेहरा कालम ते बचोनो सौ सुडला-बेहरा किसान विद्रोह ओसो किसान लोरा क्रांतिकारी युद्ध ता सबूत दोरकितांग। चीन ता इतिहास लोप्पा किसान विद्रोह ओसो अविना संख्या दुनिया मेटुक बेहरा ओसो वेल्ले

मंता। “इव किसान वर्ग संघर्ष, किसान विद्रोह ओसो किसान युद्ध ऐतिहासिक विकास ता वास्तविक प्रेरक शक्ति मत्ता। हर बेहरा किसान विद्रोह ओसो किसान युद्ध तत्कालीन सामंती शासन पोरो देब्बा वाटतांग। इद्रमे अवु सामाजिक उत्पादक शक्तिंग ना विकास तुन उचुन मुत्रे ओतांग।”<sup>४</sup> मति चे पो-ता लेक्कटा गद्दार लोर सामाजिक उत्पादक शक्तिंग ना विकास ता क्रेडिट सामंती शासक वर्ग हित “छूट” कुन हींतोर। इद ऐतिहासिक तथ्य कुना विपरीत मत्ता। इतिहास लोप्पा भूस्वामीर बस्केने किसान विद्रोह तुन छूट हीताद हिल्ले। ओरु हमेशा क्रूर दमन, जवाबी हमलांग ओसो षडयंत्र कुना सहारा एतितोर मति “छूट” बस्केने हीवोरे। “छूट” ता बारे ते चेन पो-ता ना सिद्धांत सिर्फ भूस्वामीरा इज्जत तुन सुधार कियाना कोशिश मत्ता।

## माल अर्थव्यवस्था ता विकास ओसो आदिम समूह

### पूंजीवादी उत्पादन संबंध कुन जन्म हिता अनि मुत्रे ओता

सामंती युग खत्म आयना संगे माल अर्थ व्यवस्था ओसो विकास संगेने पूंजीवादी उत्पादन संबंध पुटतांग। सामंती समाज लोप्पा साधारण माल उत्पादन निजी मालिकाना ओसो व्यक्तिगत श्रम पोरो आधार आसी मत्ता। उत्पादन ता उद्देश्य विनिमय कियानद मत्ता। सुडला माल उत्पादक लोर किन तम्मा उत्पाद हाटुम ते वम्मा लागनदू। मति हर माल उत्पादक निगा उत्पादन परिस्थितिंग, कौशल ओसो श्रम अलग-अलग मात्रा ते मत्तांकु उंदी रकम ता माल पोरो आयना खर्च श्रम ता मात्रा अलग-अलग मंदिता। दूसरा बगिल उंदी लेक्कटा माल उंदे दाम ते वम्मनद आयनदु। इदिना लोप्पा वेने उंदी अंतरविरोध मत्ता। इद अंतरविरोध ता विकास आयना संगे उत्पादन परिस्थिति बेस मत्ता उचुन सुडला माल उत्पादक लोर समृद्ध आत्तोर अनि उत्पादन परिस्थिति कमजोर मत्ता सुडला उत्पादक लोर लगातार गरीब आसोर हत्तोर। इद्रम साधारण माल उत्पादक लोरा नइमा अंतर वात्ता।

सामंती समाज लोप्पा उंदे धंधा ते मत्ता दस्तकार लोरा नइमा आपस ते लेवेके दूसरा इलाका लेवेके धंधा ना दस्तकारी लोरा संगे पोटी (कंपिटिशन) रोमी कियाला काजे दस्तकार संघ बने कियानोर। संघ ता सदस्य लोर किन संघ ता नियम-कायदा मानेयमाया लागनदू। दस्तकार संघ लोप्पा मुख्य-कारीगर, मजदूर-कारीगर ओसो इद काम करियानोर मुख्य रूप ते सामंती मंदानोर ओरा लोप्पा उचुन शोषण मत्ता। इव संघकु सुडला माल उत्पादक कुना नइमा ता अंतर तुन सीमित कीतांग। मति माल

अर्थव्यवस्था ता विकास संगी उचुन तुलनात्मक रूप ते समृद्ध उस्ताद (गुरु) लोर किन संघ ता नियम कुना पालन कियाना मुश्किल आयनदू। ओरु मजदूर-कारिगर ओसो करियानोरा संख्या बेरसी कितोर, ओरा काम ता घंटांग बेरसी कितोर, उत्पादन टैकनिक लोप्पा सुधार कितोर अनि तीरम-तीरम मजदूर-कारीगर ओसो करियानोर किन किराया ता कामगार लेक्का बदले कितोर। कंगाल आत्ता बाकी उस्ताद, मजदूर-कारीगर ओसो करियानोर वेने किराया ता कामगार बनेमायना शुरू आत्ता। इद संघ पोरो आधार आसी तीरम-तीरम रोजगार ता पूंजीवादी संबंध पुटतांग।

सुडला माल उत्पादक लोरा नइमा संघ ओसो पूंजीवादी उत्पादन संबंध कुना जन्म प्रक्रिया लोप्पा वाणिज्यिक पूंजी महत्वपूर्ण भूमिका निभे कित्ता। व्यापारी शुरू ते माल विनिमय लोप्पा बिचौलिया मंदानोर। पेरके ओरु ठेकेदार व्यापारी बनेमातोर अनि उत्पादक लोरा उत्पाद तुन वम्मना ठेका एतानोर। ताना पेरके ओरु सुडला उत्पादक लोर किन कच्चा माल ओसो औजार हियाना शुरू कितोर, पेरके ओरु तय कित्ता टाईम ते गुण, मात्रा, रकम ओसो विशिष्ट उत्पादन कीसी हियानोर। इद्रम सुडला माल उत्पादक पूराए व्यापारीरा नियंत्रण ते वात्तोर अनि किराया ता कामगार बने मातोर। व्यापारी खुद औद्योगिक पूंजीपति बनेमातोर।

नहाकुना लोप्पा, सामंती समाज ता आखरी कालम ते माल अर्थ व्यवस्था विकास आत्ता कारण ते भूस्वामी वर्ग तीरम-तीरम मुद्रा लगान व्यवस्था पोयता। अद्रमासी किसान लोरा हाटुम पोरो आधार आयना दिय्या-दिय्या तुकू बेरससोर हत्ता अनि ओरा नइमा अंतर तेज आत्ता। किसान लोरा बहुसंख्या कंगाल आत्तोर अनि किराया ता श्रमिक लेक्का बदलेमातोर। उचुन धनी किसान बनेमाता पेरके इद्रम तोरा लोप्पटल कृषि लोप्पा पूंजीपति मानेमासी पेस्तोर।

इद्रम सामंती समाज लोप्पा तीरम-तीरम पूंजीवादी उत्पादन संबंध वातांग। चीन ता सामंती समाज लोप्पा माल अर्थ व्यवस्था ता विकास संगे पूंजीवादी उत्पादन संबंध कुना हुय्युम पेससोर मत्तांग। विदेशी पूंजीवाद ता प्रभाव हिल्वा मत्तेके चीन तीरम-तीरम उंदी पूंजीवादी समाज लोप्पा विकसित आसी मनवड़।

सामंती समाज लोप्पा पूंजीवादी उत्पादन संबंध कुना स्थापना उत्पादन शक्तिंग ना विकास संगे घनिष्ठ संबंध मंदिता। शुरू ते दस्तकारी लोरा सुडला-सुडला वर्कशाप, बेहरा पूंजीपती वर्कशाप लेक्का द शांघाई टेक्स्ट बुक, भाग उंदी

बदलेमातांग। इव वर्कशॉप कुना लोप्पा इंजे वेने मुख्य रूप ते कै संगे ने श्रम आयनदू। मति एकीकृत पूंजीवादी निर्देश संगे वेल्ले मजदूर लोर उंदी आसी काम कियानाद संभव आत्ता, अद्रमासी उंदी पूना उत्पादक शक्ति मुन्ने वात्ता। पेरके पूंजीवादी साधारण सहकार पूंजीवादी कारखाना दस्तकारी उद्योग लेक्का विकसित आत्ता। कारखाना दस्तकार उद्योग ता खास विशेषता उंदे माल पुट्टी कियाना मजदूर लोरा नइमा श्रम ता विभाजन मत्ता, अदिना लोप्पा हर मानेय बदे उंदी काम लोप्पा निपुण मत्तोर। इदु श्रम प्रक्रिया तुन सरल बने कित्ता अनि श्रम इनपुट तेज कीसी श्रम उत्पादकता तुन बेरसी कित्ता। इदु कै संगे आयना काम ता जागा ते मशीन संगे काम आयना परिस्थिति तुन तैयार कीतांग।

पूंजीवादी उत्पादन संबंध कुना विकास रेंडु मूलभूत परिस्थितिंग पोरो आधार आसी मंदिता। पहली, तम्मा श्रम वम्मला आजाद मत्ता उंदी बेहरा सर्वहारा आबादी ता जरूरत मंदिता। दूसरा, बेहरा मात्रा ते धन सम्पदा जमा आयना जरूरी मंदिता। पूंजीवादी उत्पादन संबंध कुना विकास हल्को कियाला काजे बुर्जुआ वर्ग रेंडु परिस्थितिंग तैयार कियाला हिंसा ता इस्तेमाल कित्ता। अदिन काजे पूंजीवादी विकास लोप्पा आदिम समूह ता उंदी प्रक्रिया शामिल मत्ता।

आदिम समूह ता उंदी महत्वपूर्ण तरीका किसान लोरा शोषण मत्ता। इंग्लैंड लोप्पा पूंजीवादी उत्पादन संबंध सबसे मुन्ने पुटतांग, इदिना उंदी बेसता उदाहरण मत्ता। 1470 दशक तल 19वीं शताब्दी ता शुरू एवनल 300 तुकू ज्यादा कालम ते अंग्रेज शासक वर्ग किसान लोरगडल जबर्दस्ती जमीन पोयला काजे “हंदी दोहना” आंदोलन शुरू कित्तोर। इंग्लैंड ते आधुनिक उद्योग ता शुरूआत ऊनी गेत्ते तल आत्ता। ऊनी गेत्ते उद्योग लोप्पा ऊन ता वेल्ले मांग आतांकु इदिना दाम बेरसता। कमाई तुकू मौका ता फायदा एतला काजे बेहरा भूस्वामीर ओसो फार्म मालिक लोर सब्बे तोरा बेड़ांग पोसे कियाना लेक्कटा जमीन तुन घेरे कित्तोर। ओरु किसान लोर किन जबरन ओरा जमीन तल बेदखल कित्तोर, ओरा लोहकुन मुट्टी कित्तोर, किस्स वाटतोर बेहरा मात्रा ते उत्पादन साधन, पिस्वल पिस्सना साधन कुन लूटे कित्तोर। हंद दोहना आंदोलन किसान लोरा बेहरा संख्या तुन तम्मा जागा-जमीन तल पूंडता अनि पिस्वल पिस्सला काजे जेक-जेक एवनल वेलियसोर मंदाना भीख ताल्कला मजबूर कित्ता। इदिना पेरके अंग्रेज शासक वर्ग बचोनो नेतुर मुड़दसी मत्ता कानून बने कीसी किसान लोरा

हिवके-हक्के वेलियाना तुन रोमी कित्ता अनि ओरकिन कठोर परिस्थिति ते मजदूरी कियाला काजे मजबूर कित्ता।

धन सम्पत्ती लूटपाट आदिम समूह ता ओसो उंदी महत्वपूर्ण तरीका मत्ता। यूरोपीय बुर्जुआ वर्ग औपनिवेशिक व्यवस्था निल्पी कियाला काजे एशिया, अफ्रीका, अमेरिका ओसो आस्ट्रेलिया पोरो हथियारबंद हमला ता सहारा एतिता। अदु बेहरा स्तर ते पूंजीवादी उत्पादन स्थापना काजे पूंजी जमा कियाला व्यापारिक युद्ध शुरू कित्ता अनि उपनिवेश भौतिक संसाधन, धन सम्पदा तुन वेल्ले लूटे कित्ता।

इद्रम आदिम समूह ता प्रक्रिया सीधा उत्पादक लोरिन ओरा उत्पादन साधन कुनल जबरन अलग कियाना, धन सम्पदा तुन पूंजी लेक्का पूंजीपतिरा कैदे जमा कियाना काम कित्ता। मार्क्स गंभीर रूप ते वेहता लेक्का “बुर्जुआ वर्ग उत्पादक लोरा बेदखली ता इतिहास मानेय ना कालक्रम ते नेत्तुर ओसो किस्स संगे रास्ताद मंता।”<sup>9</sup> आदिम समूह ता प्रक्रिया स्पष्ट रूप ते पूंजीपतिर “डुंडुल संगे” आयवा ओरु पूरा लूट-खसोट पोरो आधार आसी कित्तोर। “पूंजी तल्ला तल काल एवनल नेत्तुर ओसो कडियता चिकला संगे मुडंदसी मंता।”<sup>10</sup>

### **बुर्जुआ क्रांति सामंतवाद पतन ता घोषणा कित्ता**

सामंती समाज लोप्पा पूंजीवादी उत्पादन संबंध कुना जन्म ओसो विकास सामंती उत्पादन संबंध ओसो अविना ऊपरी ढांचा ना कारण ते वेल्ले रोमता। अविन सामंती समाज लोप्पा प्रभुत्वशाली भूमिका दोरकी कियाला रोमी कियानदू बारांकु इत्तेके सामंती शासक वर्ग इतिहास ता मंच तल खुद गुचला तैयार हिल्ला मत्ता। अदु पाइना आत्ता सामंती व्यवस्था तुन बचे कियाला काजे तम्मा नियंत्रण मत्ता राज्य मशीनरी ता इस्तेमाल कित्ता। पूंजीवादी उत्पादन संबंध कुना प्रतिनिधित्व कियाना बुर्जुआ वर्ग ओसो बुद्धिजीविर पूंजीवादी उत्पादन संबंध कुन “बद्रम मंता अद्रमे मंदिता अनि इदे प्राकृतिक नियम” आंदू इंजी प्रचार कित्तोर। ओरु सामंतवाद तुन तेहकसी वाटला काजे बुर्जुआ क्रांति ता पक्ष ते मत तैयार कियाना कोशिश कीसोरे “स्वतंत्रता, समानता ओसो सार्वभौमिक प्रेम” ता समर्थन कित्तोर अनि सामंतवादी ता निंदा कित्तोर। बुर्जुआ क्रांति ता मुख्य वर्ग शक्तिंग किसान, सर्वहारा ओसो बुर्जुआ मत्तोर। किसान मुख्य शक्ति मत्तोर मति ओरु पूना उत्पादक शक्ति ना प्रतिनिधित्व कीवोर। सर्वहारा वर्ग तन्ना स्वतंत्र



राजनीतिक शक्ति गठित किये जाने का कारण ते बुर्जुआ वर्ग बुर्जुआ क्रांति ता नेतृत्व संभाले किता।

पाइना चीन लोप्पा अर्थ सामंती-अर्थ औपनिवेशिक समाज मत्तांकु बुर्जुआ वर्ग रेंडु हिस्सा ने मंता। पहली हिस्सा नौकरशाह बुर्जुआ वर्ग मत्ता। इद साम्राज्यवाद पोरो आधार आसी मंता। इद वर्ग ओसो भूस्वामी वर्ग सबसे पेरेके ओसो सबसे प्रतिक्रियावादी उत्पादन संबंध कुना प्रतिनिधित्व कींता। अदु चीनी बुर्जुआ जनवादी क्रांति ता निशाना मत्ता। दूसरा हिस्सा ते राष्ट्रीय बुर्जुआ वर्ग मत्ता। इद साम्राज्यवाद, सामंतवादी उत्पीड़न ता शिकार मत्ता, दूसरा बगिल अदु घनिष्ठ रूप ते जुड़ेमासी वेने मत्ता। इदिना कारण ते राष्ट्रीय बुर्जुआ वर्ग जनवादी क्रांति ता पक्ष ते उंदी शक्ति बनेमाता। इद कमजोर ओसो अस्थिर मत्ता। अदिन काजे, “इद ऐतिहासिक रूप ते साम्राज्यवाद विरोधी-सामंतवाद विरोधी बुर्जुआ जनवादी क्रांति ता कार्यभार बुर्जुआ नेतृत्व ते आयवा सर्वहारा नेतृत्व संगेने पूरा आया परिंता।”

बुर्जुआ क्रांति शोषण लोप्पा उंदी शोषण रूप ता जागा ते दूसरा शोषण ता रूप एतिता, मति इदिन वेने बचोने मुश्किल कुना सामना किया लागता। बुर्जुआ क्रांति ता पूरा कालम ते तीव्र वर्ग संघर्ष ताकता। सामंती वर्ग तन्ना सत्ता पुनर्स्थापना काजे पूरा कोशिश किता अनि बुर्जुआ वर्ग इदिना प्रतिरोध किता। इंग्लैंड लोप्पा बुर्जुआ क्रांति 1640 ते शुरू आत्ता। रेंडु आंतरिक युद्ध पेरेके स्टुअर्ट वंश ता प्रतिनिधि चार्ल्स प्रथम किन हामूर सजा दोरकता। 1660 ते स्टुअर्ट वंश ताए चार्ल्स द्वितीय ओसो उंदी बेरा पुनर्स्थापना तुकू कोशिश किता। 1688 ते इंग्लैंड ता बुर्जुआ वर्ग स्टुअर्ट शासन तुन तेहकसी वाटला काजे ऑरेंज ता राजकुमार (विलियम तृतीय) किन हॉलैंड तल केयतोर। अस्केने बुर्जुआ तानाशाही रोमता। फ्रांस लोप्पा 1789 ते बुर्जुआ क्रांति ता विस्फोट तल 1875 ते तृतीय गणतंत्र स्थापना एवनल 86 साल ता प्रगति ओसो पेरेके गुचना, गणतंत्र, राजतंत्र, क्रांतिकारी आंतक ओसो प्रतिक्रांतिकारी आंतक, आंतरिक ओसो बाहरी युद्ध, दूसरा देश कुना पोरो जीत ओसो दूसरा देश कुना फ्रांस ता जीत उंदी-दूसरा ता जागा एतसोर मत्ता, शांति ओसो स्थिरता उचुन वेने हिलवा मत्ता। मति सामंजी व्यवस्था कड़ियसी मत्तांकु लाख संघर्ष किता पेरेके वेने तन्ना हामूर तुन रोमी किया परवो आत्ता। सामंतवाद जागा ते पूंजीवाद ता स्थापना आयना अनिवार्य मत्ता।

## अध्ययन काजे प्रमुख संदर्भ

- ☞ मार्क्स-एंगेल्स, कम्युनिस्ट पार्टी ता घोषणापत्र
- ☞ एंगेल्स, परिवार, व्यक्तिगत सम्पत्ति ओसो राज्य ता उत्पत्ति
- ☞ माओ, “चीनी समाज लोप्पा वर्ग विश्लेषण”
- ☞ माओ, “चीनी क्रांति ओसो चीनी कम्युनिस्ट पार्टी” अध्याय एक

## समीक्षात्मक सवाल

1. व्यक्तिगत सम्पत्ति, वर्ग ओसो राज्य ता इदय बद्रम आत्ता?
2. गुलाम समाज, सामंती समाज लोप्पा उत्पादन संबंध ओसो उत्पादक शक्तिग नइमा ता अंतरविरोध वर्ग संघर्ष ता रूप बद्रम एतिता?
3. पूंजीवादी उत्पादन संबंध कुना जन्म ओसो विकास बव मुख्य परिस्थिति ना कारण ते आत्ता?

## टिप्पणिंग

1. एंगेल्स, “वानर तल नर बने मायना प्रक्रिया लोप्पा श्रम ता भूमिका”, मार्क्स-एंगेल्स ना सम्पूर्ण रचनांग, खंड 3, चीनी संस्करण 1972, पे. 508।
2. एंगेल्स, ड्यूहरिंग मत खंडन, मार्क्स-एंगेल्स ना चुने कित्ता रचनांग, चीनी संस्करण, 1972, पे. 154।
3. “व्यवहार ता बारे ते”, माओ त्सेतुंग ना संकलित रचनांग, खंड 1, चीनी संस्करण, 1968, पे. 260।
4. “चीनी क्रांति ओसो चीनी कम्युनिस्ट पार्टी” माओ त्सेतुंग ना संकलित रचनांग, खंड 2, चीनी संस्करण, 1968, पे. 585।
5. कम्युनिस्ट घोषणापत्र, मार्क्स-एंगेल्स ना चुने कित्ता रचनांग, खंड 1, चीनी संस्करण, 1972, पे. 585।
6. “चीनी क्रांति ओसो चीनी कम्युनिस्ट पार्टी”, माओ त्सेतुंग ना संकलित रचनांग, खंड 2, चीनी संस्करण, 1968, पे. 585।
7. जर्मन विचारधारा, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972, पे. 52।
8. “चीनी क्रांति ओसो चीनी कम्युनिस्ट पार्टी”, माओ त्सेतुंग ना संकलित रचनांग, भाग 2, चीनी संस्करण, 1968, पे. 588।

9. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग भाग 23, पे. 783।
10. पोरो वेहता लोप्पा पे. 829।
11. “जापानी आक्रमण विरोधी कालम ते चीनी कम्युनिस्ट पार्टी ता काम”  
**माओ त्सेतुंग ना संकलित रचनांग**, भाग 1, चीनी संस्करण, 1968, पे. 241।

मूंड

## पूँजीवादी समाज ता विश्लेषण माल विश्लेषण तल शुरू आयना

### माल, मुद्रा ओसो मूल्य नियम

माओ त्सेतुंग वेहता लेक्का मार्क्स “पूँजीवादी समाज ता आर्थिक ढांचा ता गंभीर रूप ते विश्लेषण कियाला काजे सबसे साधारण पूँजीवादी कारक-माल तल शुरू कींतोर।”<sup>1</sup> मार्क्स पूँजीवादी अर्थ व्यवस्था ता विश्लेषण माल तल बारांकु शुरू कींतोर? बारांकु इत्तेके पूँजीवादी समाज लोप्पा हर उत्पाद उंदी माल मंदिता। सिर्फ उत्पादन साधन ओसो इस्तेमाल कियाना सामग्री माले आयवा मानवीय श्रम वेने उंदी माल मंदिता। इगा सामाजिक सम्पदा वेल्ले बेहरा मात्रा ते जमा आता माल लेक्का दिसिंता। माल पूँजीवादी अर्थ व्यवस्था ता कोशिका बनेमांता। माल लोप्पा पूँजीवाद ता सब्बे अंतरविरोधकु मंदितांग। अदिन काजे पूँजीवाद ता अध्ययन माल ता विश्लेषण तले शुरू आयना इंजी वेहींतोर।

### माल संबंध लोप्पा सब्बे

### पूँजीवादी अंतरविरोध कुना विजा पेड़ेम मंदितांग

माल ता रेंडु संघटक मंदितांग उपयोग मूल्य ओसो विनिमय मूल्य श्रम उत्पाद माल, विक्रय ओसो विनिमय काजे मंदितांग। इविना जन्म ओसो विकास उंदी बेहरा ऐतिहासिक प्रक्रिया ते आंता। आदिम समाज लोप्पा लोकुर कलियसी श्रम कियानोर। ताना लोप्पा दोरकता उत्पाद ता इस्तेमाल कम्यून ता सब्बे सदस्य लोर कियानोर। अस्के माल विनिमय लेवेके उत्पादन

आयो आयनदू। माल ता विनिमय ओसो उत्पादन गुलाम ओसो सामंती समाज लोप्पा तीरम-तीरम विकसित आत्ता। अदिना विकास पूंजीवादी दुनिया ते पोरो कोट्टी ते एवता।

पूंजीवादी अर्थ व्यवस्थाता कोशिका - माल - ता बुनियादी विशेषतांग बातल मंतांग?

**माल** विनिमय काजे बने कित्ता श्रम उत्पाद मंदिता अदिन काजे सबसे मुन्ने अवु लोकुरा इस्तेमाल काजे मंदाना। उदाहरण तुकू, नूकांग मावा पोट्टा निहिंतांग, गेतेंग मावा मेंदुल मुच्चिंतांग, कच्ची ओसो इस्पात संगे मशीन बने कियमूडांता अनि ट्रैक्टर संगे पूहमूडांता। इद्रम माल ता इस्तेमाल तुन उपयोगी मूल्य इंतोर। अद्रमासी बदे वस्तु उपयोगी हिल्वेके अदिना बोनके जरूरत मन्नो आंता। अदिन काजे अद माल गिनती ते वेने वाया परवो आंता।

**उपयोग मूल्य** माल ता उंदी जरूरी शर्त मंदिता मति सिर्फ शर्त लेक्का मन्नो आंता। सब्बे उपोयगी वस्तुंग माल मन्नो आंतांग। उदाहरण तुकू एदी ओसो वड़िय मावा पिस्वल काजे बुनियादी जरूरत मंतांग, मति अवु श्रम उत्पाद आयोंग। अवु बदे खर्चा लेवा दोरकिंतांग, अदिन काजे माल मन्नोंग आतांग। इदे आयवा अनाज ओसो कुसिर कायांग श्रम उत्पाद मंदितांग, मति अवु सिर्फ मना उपभोग काजे पंडिह कीतेके अविन माटु माल इन्नोम आंतोम। किसान लगान ता रूप ते भूस्वामीर किन अनाज हींतोर, अद वेने ओरा इस्तेमाल काजे मन्नो आंता मति अदिना काजे भूस्वामी बदे भरपाई कीवोर आंतोर अदिन काजे अदिन माल इनमूडायो।

श्रम उत्पाद माल विनिमय कीसी दूसरोर किन हीतास्के ने बनेमांता। अदिन काजे उपयोग मूल्य संगे-संगे माल तुन दूसरा उत्पाद कुना संगे विनिमय कियाना लेक्का वेने मंदाना। माल ता इद विशेषता तुन **विनिमय मूल्य** इंतोर।

विनिमय मूल्य सबसे मुन्ने उंदी उपयोग मूल्य ओसो दूसरा उपयोग मूल्य नड़मा संख्यात्मक संबंध दिसिंतांग। उदाहरण तुकू उंदी चांग\* गेते ता रेंडु ताउ\* नूकांग संगे विनिमय आंता। रेंडु ताउ नूकांग उंदी चांग गेते ता विनिमय मूल्य आंदू। (\*चीन लोप्पा ताकना कोल्सना युनिटकु)

रेंडु माल नड़मा विनिमय ता संख्यात्मक संबंध टाईम ओसो जागा अनुसार बदलेमासोर मंदिता। विनिमय संबंध पोरो आधार बद्रम मंदिता? विभिन्न माल विनिमय आयनास्के आपस ते संख्यात्मक संबंध बनेमातेके ओरा नड़मा उचुन सामान्य पोल्लोंग जरूर मंदितांग। इद सामान्य गुण ओरा

तम्मा-तम्मा उपयोग मूल्य मन्ना आंता। तम्मा उपयोग मूल्य ता दृष्टि ते हर माल ता चरित्र अलग मंदिता। उदाहरण तुकू गेत्ते तल केरना गेत्तंग बने कियमूडांता अनि नूका संगे पोटा निहमूडांता। इव रेंडु उपयोग मूल्य पूराए अलग मंतांग अनि इविना आपस ते तुलना आया परवो आंता। माल नइमा ता सामान्य गुण अविना विनिमय मूल्य लोप्पाने मंदांना। ओसो रेंडासी माल, अदु गेत्ते आई लेवेके नूका ता इस्तेमाल मूल्य विइसतेके उंदे विशेषता पिसिंता (रेंडासी श्रम उत्पाद आंदुंग)। अविना उत्पादन लोप्पा तुलना कियामूडांता अदिन काजे माल ता मात्रात्मक रूप ते तुलना कियमूडांता। उंदी चांग गेत्ते ता विनिमय रेंडु ताउ नूका संगे कियमूडांता, अदिना लोप्पा अविना उत्पादन लोप्पा **श्रम ता बराबर मात्रा** जरूरी मंदिता। विनिमय मूल्य, मूल्य ता उंदी रूप आंदू। मूल्य विनिमय मूल्य ता आधार मंदिता।

उपयोग मूल्य ओसो मूल्य, माल ता रेंडु विशेषतांग आंदुंग। अदु माल ता रेंडु कारक तत्व मंदितांग। उपयोग मूल्य तुन भौतिक समर्थन हींता। बचोन श्रम खर्च आसी मत्तेकाई बदे माल ता इस्तेमाल मूल्य हिल्वेके अदिना मूल्य मन्ना आंता। इदिना दूसरा श्रम उत्पाद संगे विनिमय कियमूडायो। संगे ने श्रम संगे बनेमाता उपयोग मूल्य माल ता उपयोग मूल्य बनेमाया परिंता। अदु बदे वस्तु मत्तेकाई मना पिस्वल काजे वेल्ले जरूरी मत्तेकाई (वड़िय, एही लेक्कटवु) बस्के एवनल अदिना पोरो श्रम ता खर्च आयो अस्के एवनल अदु माल बनेमाया परवोंग।

## **माल ता दोहरी रूप माल उत्पादन लोप्पा**

### **लागता श्रम ता दोहरी रूप तल तय आंता**

माल ता दोहरा रूप बेगडल वांता? माटु इदिना स्रोत किन परहकतेके माल उत्पादन लोप्पा मत्ता श्रम ता दोहरी रूप लेक्का दोरकी कींतोम। इदिना लोप्पा उंदी बगिल ठोस श्रम मंदिता अनि दूसरा बगिल अठोस श्रम मंदिता।

विभिन्न उपयोग मूल्य उत्पादन काजे लोकुर विभिन्न उद्देश्यपूर्ण उत्पादक गतिविधिंंग कींतोर। उदाहरण तुकू बढई टेबल-कुर्सी बने कींतोर अनि किसान लोर पंटा पंडिह कींतोर। ओर सब्बे तोरा तम्मा औजार, तम्मा उत्पादन ओसो तम्मा तरीका मंदिता। किसान ना श्रम ते खेती ता विभिन्न औजार कुना इस्तेमाल कीसी पूहींतोर, कंती हियाना, रोपा वाटना, कोय्यनावु शामिल मंतांग इविना संगे ओरु पंटा पंडिह कींतोर। इद्रम विभिन्न ठोस रूप ते कित्ता श्रम तुन ठोस श्रम इंतोम। ठोस श्रम उपयोग मूल्य पुट्टी कींता। माल

ता रक-रकम ता उपयोग मूल्य मंदिता। माल उत्पादन लोप्पा ठोस श्रम ता वेने बचोनो अलग-अलग रूप मंदितांग। विभिन्न काम-धंधा लोप्पा ठोस श्रम अलग-अलग रकम ता मंदिता अदु जटिल श्रम विभाजन ता उंदी रूप मंदिता।

विभिन्न रकम ता ठोस श्रम ता प्रकृति अलग मंदिता अनि अदिना आपस ते तुलना कियमूझायो आंता। मति हाटुम लोप्पा विभिन्न श्रम उत्पाद कुन तुलना कियमूझांता। इद माल उत्पादन लोप्पा लागता श्रम ता सिर्फ विभन्नताए आयवा अदिना समरूपता तुन वेने तोहिंता।

इद समरूपता बाताल आंदू? इद विभिन्न माल ता उत्पादन काजे तम्मा ठोस रूप ते श्रम अलग-अलग मंदिता, मति शारीरिक ओसो मानसिक मानवीय श्रम ता व्यय कियाना जरूरी मंता। तन्ना ठोस लक्षण कुनल अलग मत्ता समरूप श्रम तुन अठोस श्रम इंतोर। माल ता मूल्य अठोस श्रम तल वांता। मुन्ने माटु वेहता लेक्का माल लोप्पा मत्ता श्रम मूल्य बने कींता। इंजे श्रम ता दोहरी रूप ता विश्लेषण कित्ता पेरके माटु मूल्य ता अर्थ ता बारे ते ज्यादा स्पष्ट आया परितोम। मूल्य, माल लोप्पा मत्ता अठोस श्रम आंदू।

ठोस श्रम ओसो अठोस श्रम रेंडु अलग रकम ता श्रम आयोंग। अबु उंदे श्रम ता रेंडु पहलु आंदुंग। विभिन्न जरूरत कुन पूरा कियाना उद्देश्य ते विभिन्न उपयोग मूल्य ता उत्पादन कियाला काजे लोकुर किन ठोस श्रम ता विभिन्न रूप ते काम किया लागिंता। ठोस श्रम मानेय ओसो प्रकृति संबंध कुन तोहिंता। दूसरा बगिल अठोस श्रम ता विभिन्न माल उत्पादन लोप्पा श्रम ता तुलना काजे उंदी एकीकृत स्तर ता काम कींता। अदिन काजे अठोस श्रम माल उत्पादन ता परिस्थिति लोप्पा लोकुरा नइमा श्रम ता विनिमय आयना समाजिक संबंध कुन तोहिंता।

### **माल ता मूल्य सामाजिक रूप ते जरूरी श्रम तल तय आंता**

माल लोप्पा मूल्य श्रम तल बनेमांता। इदिना स्तर माल उत्पादन पोरो खर्च आत्ता श्रम तल तय आंता। श्रम ता मात्रा श्रम काल तले नापे कियमूझांता। बदे माल उत्पादन काजे जरूरी श्रम काल बचोन लागिंता, श्रम ता मात्रा अचोने ज्यादा मंदिता ओसो मूल्य वेने अचोने वेल्ले मंदिता।

इतेके बोरे मानेय बचोन आलसी ओसो अकुशल मंतोर, ओना बने कित्ता माल वेने अचोने मूल्यवान मंदिता इंजी आयो।

बदे माल उत्पादन काजे अलग-अलग माल उत्पादन तुन अलग-अलग काल एवनल श्रम ता जरूरत मंदिता। इदिना कारण स्पष्ट मंदिता। उचुन मुल

वेल्ले कुशल मंदितोर। उचुन मुल वेल्ले बेसता औजार कुना इस्तेमाल किया परितोर। वेल्ले कुशल ओसो बेसता औजार कुन इस्तेमाल कियाना लोकर एतना टाईम कम कुशल ओसो लब्बड़ ता औजार कुना इस्तेमाल कियाना लोकर एतना टाईम तुकू कमिए मंदिता। अस्के माल ता मूल्य तय कियाला काजे बद श्रम काल ता इस्तेमाल कियाना।

विभिन्न माल उत्पादक माल उत्पादन पोरो खर्च कित्ता श्रमकाल तुन व्यक्तिगत श्रमकाल इंतोम। उदाहरण तुकू उचुन बढई उंदी टेबल बने कियाला 30 घंटांग पोयंतोर, उचुन मुल 25 घंटांग ओसो उचुन 20 घंटांग। इव सब्बे तोरा व्यक्तिगत श्रमकाल आंदुंग। माल कुना मूल्य व्यक्तिगत श्रमकाल तल आयवा सामाजिक रूप ते जरूरी श्रम तले तय आंता। “सामाजिक रूप ते जरूरी श्रम उत्पादन ता वर्तमान सामान्य परिस्थिति ते मुन्नेटा औसत कुशलता ओसो गहनता संगे बदे उपयोग मूल्य ता उत्पादन लोप्पा लागता श्रमकाल मंदिता।”<sup>2</sup> उत्पादन ता सामान्य परिस्थिति ते अनि औसत कुशलता, गहनता संगे उंदी टेबल बने कियाला लागता टाईम 25 घंटांग मत्तेके टेबल बने कियाला सामाजिक रूप ते जरूरी श्रम 25 घंटा मंदिता। इव 25 घंटांग ना श्रम टेबल ता मूल्य तय कियाना सामाजिक रूप ते जरूरी मत्ता श्रम आंदू।

श्रम संगे मूल्य तय कियाना चर्चा कियानास्के सिर्फ व्यक्तिगत श्रम ओसो सामाजिक रूप ते जरूरी श्रम नइमाए आयवा साधारण श्रम ओसो जटिल श्रम नइमा वेने अंतर कियाना। साधारण श्रम इत्तेके बोरे सामान्य, स्वस्थ मानेय बदे विशेष प्रशिक्षण हिल्वाए कियाना श्रम आंदू। जटिल श्रम विशेष प्रशिक्षण दोरकता कुशल मजदूर लोर कित्ता श्रम आंदू। अदिन काजे इद निश्चित कालम लोप्पा सामान्य श्रम पुट्टी कित्ता मूल्य जटिल श्रम पुट्टी कित्ता मूल्य तुकू कम मंदिता। जटिल श्रम बचोनो साधारण श्रम ता योग मंदिता। जटिल ओसो साधारण श्रम नइमा आपसी बदलाव विनिमय प्रक्रिया लोप्पा तन्ना-तन्नाए आसोर मंदिता।

## **निजी श्रम ओसो सामाजिक श्रम ता अंतरविरोध**

### **माल उत्पादन ता बुनियादी अंतरविरोध आंदू**

माटु पोरो माल ता दोहरी रूप, माल उत्पादन लोप्पा श्रम ता दोहरी रूप ओसो माल ता मूल्य विश्लेषण कीतोम। इद बुनियादी समजदारी तल माटु माल उत्पादन ता अंतरविरोध कुना ओसो विश्लेषण किया परितोम।



माल कुन श्रम उत्पाद कुना विनिमय काजे इस्तेमाल कियमूडांता। माल उत्पादक तम्मा जरूरत कुना काजे माल ता उत्पादन कीवोर आंतोर। उदाहरण तुक्क कोलसे (लोहार) पावड़ा बने कीवोर आंतोर, बारांकु इत्तेके ओरकिन इदिना जरूरत मन्त्रो आंता। ओना उद्देश्य पावड़ा वम्मसी अदिना मूल्य वसूल कियाना मंदिता, अदिन बदले कीसी तन्ना जरूरत ता नूकांग-दारिंंग ओसो गेत्तेंग अस्सा परितोर। माल उत्पादक ना काजे ओना माल ता बिक्री आंताए आयो इंदानदू वेल्ले महत्वपूर्ण मंदिता।

माल, उपयोग मूल्य ओसो मूल्य ता विपरीत बिंदू किन जोड़े कींता। अवु माल लोप्पा एकीकृत मंदिता, संगेने उंदी-दूसरा ता विपरीत वेने मंदिता। अदु माल बिक्री आतेके ओना आंतरिक अंतरविरोध हल आंता। उंदी पावड़ा बोरे जरूरत मत्ता किसान निगा एविंता अस्के ठोस श्रम अठोस श्रम ते बदलेमांता अनि कोलसे किन तन्ना पावड़ा ता मूल्य दोरकिंता। पावड़ा ता इस्तेमाल मूल्य ओसो मूल्य वेने उंदी आंतांग। मति ओरु माल वम्मा परवेके उपयोग मूल्य ओसो मूल्य, ठोस श्रम ओसो अठोस श्रम ता अंतरविरोध तुरंत पोरो वांतांग। पावड़ा लोप्पा उपयोग मूल्य मंदिता मति अदिना बिक्री आयवेके मूल्य दोरकवेके अद पावड़ा पोदिय गुमिया ते मत्ता अंगड़म ता वस्तु लेक्का आंता। इद्रम ता परिस्थिति ते कोलसे ना ठोस श्रम, (ताना लोप्पा निश्चित शारीरिक ओसो मानसिक श्रम ता व्यय मंदानाद शामिल मंता) अठोस श्रम लोप्पा बदलेमाया परवो। दूसरा माटा ते अदिना श्रम तुन समाज स्वीकार कीवो आंता इद्रम आतेके अदु अंगड़म आंता। इद्रम ता परिस्थिति ते कोलसे निगा ओसो उत्पादन कियाना कच्चा कच्ची ओसो कोयला अस्सना बदे साधन मन्त्रो आंता। ओनगा तन्ना पिस्वल काजे ईंधन, नूका, निव्य ओसो ओवोर अस्सना बदे साधन मन्त्रो आंता। उपयोग मूल्य ओसो मूल्य, ठोस ओसो अठोस श्रम नड़मा ता अंतरविरोध माल उत्पादक ना उत्पादन ओसो पिस्वल तुन सीधा प्रभावित कींतांग।

माल उत्पादन लोप्पा इव अंतरविरोधकु बद्रम पुट्टिंतांग? अविना स्रोत बातल? निजी मालिकाना संगे माल उत्पादन ता उंदी बुनियादी अंतरविरोध मंदिता। इद निजी ओसो सामाजिक श्रम नड़मा अंतरविरोध आंदू। माल विनिमय काजे इस्तेमाल आयना श्रम उत्पाद मत्तांकु, उत्पादक पुट्टी किता उपयोग मूल्य ओरा जरूरत काजे आयवा सामाजिक जरूरत कुन पूरा कियाला काजे मत्तांकु माल उत्पादक ना श्रम ता रूप सामाजिक मंदिता। इद समग्र सामाजिक श्रम ता उंदी हिस्सा मंदिता। मति निजी मालिकाना संगे

बचोन उत्पादन कियाना, तान अगडल बचोन आय वायना इंदानदु उत्पादक ना निजी समस्या मंदिता। अदिन काजे माल उत्पादक ना श्रम लोप्पा निजी श्रम ता रूप वेने मंदिता। निजी ओसो सामाजिक श्रम नइमा ता अंतरविरोध निजी मालिकाना संगे माल उत्पादन ता सब्बे अंतरविरोध ता मूल स्रोत मंदिता। निजी उत्पादक बने कित्ता माल हाटुम ते बिक्री आतेके अदिना निजी श्रम तुन समाज स्वीकार कित्ता या कीवो इंजी समजेमांता अनि अदु सामाजिक श्रम लोप्पा उंदी हिस्सा बनेमांता। माल ता बिक्री किया परवेके माल उत्पादक निजी श्रम तुन समाज स्वीकार कीवेके अदु सामाजिक श्रम लोप्पा बदलेमाया परवो आंता। माल उत्पादक ना ठोस श्रम तुन अठोस श्रम ते बदले कियमूझायो। अदिन काजे माल ता मूल्य हासिल आया परवो आंता।

## **माक्स ना मूल्य ता श्रम सिद्धांत**

### **अतिरिक्त मूल्य ता सिद्धांत ता आधार आंदू**

श्रम ता दोहरी रूप ता विश्लेषण संगे माक्स मूल्य ता श्रम सिद्धांत खोज कित्तोर। इद सिद्धांत वैज्ञानिक तरीका ते ठोस श्रम माल ता उपयोग मूल्य निर्माण कींता अनि अठोस श्रम माल ता मूल्य निर्माण कींता अनि सिर्फ श्रम मूल्य ता स्रोत मंदिता इंजी तोहिंता। माक्स ना मूल्य ता श्रम सिद्धांत अतिरिक्त मूल्य ता सिद्धांत ता आधार आंदू ओसो माक्सवादी राजनीतिक अर्थशास्त्र ता उंदी महत्वपूर्ण संघटन अंग।

माक्सवादी सिद्धांत ता मार्ग निर्देशन दोरकना मुन्ने सर्वहारा तन्ना तिप्पल कुना स्रोत कुन समजेमाया परवो अनि तन्ना संघर्ष ता लक्ष्य कुन वेने चीने माया परवो आयनदू। उचुन मुल किन ओरा तिप्पल कुना कारण मशीनकु आंदुंग इंदाना गलत समजदारी मंदिता अदिनके ओरु उंदी बेरा मशीन कुन नष्ट कियाना संघर्ष तुन उंदी तरीका लेक्का वेने पोयतोर। माक्स सर्वहारा संघर्ष कुन वेल्ले अनुभव तले ग्रहण कित्तोर अनि पूंजीवादी शोषण ता रहस्य ता पर्दाफाश कियाला काजे अतिरिक्त मूल्य ता सिद्धांत तुन परहकतोर। अद्रमासी सर्वहारा तन्ना ऐतिहासिक मिशन ता ओसो सिर्फ हिंसात्मक क्रांति संगे ओसो पूंजीवाद ता जागा ते समाजवाद तुन तच्ची मुक्त आया परितान इंजी आल्सता। माक्स ना अतिरिक्त मूल्य ता सिद्धांत मूल्य ता श्रम सिद्धांत पोरो आधार आसी मंता। मूल्य ता श्रम सिद्धांत लेवा, अतिरिक्त मूल्य ता सिद्धांत स्थापित आया परवो आंता।

माक्स ना मूल्य ता श्रम सिद्धांत सर्वहारा क्रांतिकारी संघर्ष कुन मार्गदर्शन हींता, अदिन काजे बुर्जुआ अर्थशास्त्रि लोर मूल्य ओसो श्रम ता संबंध विभाजन कियाना, माक्स ना मूल्य ता श्रम सिद्धांत ता विरोध कियाना ओसो पूंजीवादी शोषण तुन कवर कियाना विफल कोशिश ते हर रकम ता अवैज्ञानिक मूल्य ता सिद्धांत तुन स्थापित कियाना पूरा कोशिश कितोर।

बोल्लुइ अर्थशास्त्रि लोरा नइमा उंदी कालम ते मूल्य ता उत्पादन-लागत सिद्धांत ताकसोर मत्ता। इद सिद्धांत माल ता मूल्य इदिना उत्पादन लोप्पा लागता लागत (उत्पादन साधन कुना मूल्य ओसो मजदूरी) तल तय आंता। बदे माल ता मूल्य असल ते उत्पादन लागत तल तय आंता अस्के माल ता बिक्री आतेके पूंजीपतिर किन उत्पादन आयनास्के खर्च आत्ता लागते दोरकिंता। इद्रम ओरु अमीर बद्रम बनेमाया परितोर? मजदूर लोरा शोषण बद्रम आया परित्ता? इद्रम मूल्य उत्पादन लागत तल तय आंता इंजी बकवल अर्थशास्त्री लोर इंतोर। मुनाफा ता बारे ते, असल ते ओरु वेल्ले मेहनत, थीरा ओसो खतरा ता बदला ते इनाम लेक्का दोरकिंता इंजी वेहींतोर। इद बुर्जुआ वर्ग ता वकालत कियाना लेक्का ओरा लब्बइ ता भूमिका तुन स्पष्ट कींता।

बोल्लुइ बुर्जुआ अर्थशास्त्रि लोरा नइमा उंदी कालम ते मूल्य ता उपयोगिता सिद्धांत वेने ताकसोर मत्ता। इद सिद्धांत अनुसार बदे माल ता मूल्य अदिना लोप्पा मत्ता उपयोगिता माप तल तय आंता। इदु “उपयोगिता” बाताल मंदिंता? असल इत्तेके इद बदे माल ता उपयोग मूल्य आंदू। माटु मुन्ने वेहता लेक्का अलग-अलग माल ता अलग-अलग उपयोग मूल्य मंदिंता अदिना उंदी-दूसरा संगे तुलना कियमूझायो। बदे माल ता मूल्य अदिना उपयोग मूल्य तल आंता इंदानाद अंगइम ता पोल्लो आंदू। मूल्य ता उपयोगिता सिद्धांत तय कियानोर सही तरीका ते मानेय ना पिस्वल काजे जरूरी मत्ता वडिय ओसो एही लेक्कटा वस्तु लोप्पा मूल्य बारांकु मन्त्रो आंता ओसो अविन माल लेक्का बारांकु बिक्री कियमूझायो वेहा परवोर आतोर।

बोल्लुइ बुर्जुआ अर्थशास्त्रि लोरा नइमा उंदी दूसरा सिद्धांत मूल्य ता सपलाई ओसो मांग सिद्धांत मत्ता। इद सिद्धांत बदे माल ता बदे वस्तुगत ओसो अंतर्निहित मूल्य मंदिंता इंजी इनकार कींता। इदिना अनुसार माल ता मूल्य हाटुम लोप्पा सपलाई ओसो मांग पोरो आधार आसी आंता। बदे माल ता सपलाई अदिना मांग तुक्क ज्यादा आतेके दूसरा माल काजे अदिना विनिमय मूल्य कम आंता अनि अदिना मूल्य वेने कम आंता। मति बदे माल

ता मांग अदिना सपलाई तुकू ज्यादा अत्तेकेने दूसरा माल काजे अदिना विनिमय मूल्य ज्यादा आयर अनि अदिना मूल्य वेने ज्यादा आंता। इद सिद्धांत स्पष्ट रूप ते भ्रम ता शिकार आसी मत्ता। मूल्य सपलाई ओसो मांग सिद्धांत बने कियानोर सपलाई मांग ता बराबर आतेके माल ता मूल्य बदरम तय आंता इंजी वेहा परताद हिल्ले। इदे आयवा ओरु विभिन्न माल काजे सपलाई, मांग ता बदलेमासोर मत्ता संबंध कुना नइमा उचुन माल हमेशा दूसरा तुकू ज्यादा महंगा बारांकु मंदितांग।

बुर्जुआ अर्थशास्त्रि लोर माल ता श्रम सिद्धांत कुन खारिज कियाना कोशिश कितोर मति सच्चाई तुन बस्केने खारिज कियमूझायो आंता। बुर्जुआ वर्ग ता विभिन्न वैज्ञानिक सिद्धांत कुना विरुद्ध, तम्मा संघर्ष लोप्पा मूल्य ता मार्क्सवादी श्रम सिद्धांते सही सिद्धांत साबित आत्ता।

## मुद्रा माल विकास तल पुटसी मंता

**मुद्रा सार्वभौमिक समन्वय ता काम कियाना**

**उंदी विशेष माल आंदू**

मुद्रा ता संबंध माल संगे मंदिता बारांकु इत्तेके दैनिक पिस्वल लोप्पा माल मूल्य ता मुद्रा रूप ते दिसिंता। माल तुन मुद्रा संगे अस्समूझांता। मति शुरू ते इद्रम मन्ने आंता। मुद्रा उत्पादन ओसो विनिमय विकास ता उपज आंदू। माल विनिमय ता शुरूआत माल अदला-बदली संगे आत्ता। शुरू ते, घूमन्तू कबीला ओसो खेतिहर कबीला तन्ना अतिरिक्त उत्पाद तुन आपस ते विनिमय कियानवु। उदाहरण तुकू बेड़ा ना विनिमय नूकांग संगे आयनवु। अस्के माल ता विनिमय टाईम-टाईम ते आयनादु अनि इद मुख्य रूप ते पाड़ी-कट्टा कम्यून लोप्पा ताकनदू। विनिमय नइमा उंदी माल ता मूल्य बदे दूसरा माल लेक्का दिसिंता। उदाहरण तुकू रेंडु बेड़ांग उंदी बोरी नूका ना बराबर मत्ता। बेड़ांग ना मूल्य तम्मा-तम्माए नापे कियमूझायो। बेड़ा ना विनिमय नूकांग संगे आतेके बेड़ा ना मूल्य नूकांग ना रूप ते दिस्सनादू। पोरो वेहता समीकरण लोप्पा नूकांग लेक्कटा माल ता उंदी “समतुल्य” ता विशेष भूमिका मंदानदू। अवु उंदी दर्पण लेक्का मंजी दूसरा माल ता मूल्य तुन तोहिंता।

उत्पादक शक्तिंग ओसो श्रम ता सामाजिक विभाजन ता विकास संगे माल विनिमय दिव्या-दिव्या तुकू विकसित आसोर हत्ता। विनिमय कियाना

माल ओसो विविधता रेंडासी बेरस्तांग। विनिमय नइमा उंदी माल ता बचोनो दूसरा माल संगे विनिमय आया परंता। संगे ने माल विनिमय विकास संगे माल अदला-बदली संगे आयना नुकसान वेने वेल्ले उजागर आसोर हत्ता। अदला-बदली रेंडासी पक्ष उंदी-दूसरा तुकू जरूरत मत्ता वस्तु हीसोर मंदानास्के ने संभव आंता। उदाहरण तुकू, बेड़ा ना मालिक अविना अनाज संगे विनिमय कियाला आल्सितोर मति अनाज ता मालिक किन बेड़ांग आयवा पावड़ा ता जरूरत मंता अनि पावड़ा मालिक किन बेड़ा ना लेवेके अनाज आयवा गेत्ते ना जरूरत मंदिता। गेत्ते मालिक किन बेड़ा ना जरूरत मत्तेके बेड़ांग वम्मनोर, मुन्ने बेड़ा ना विनिमय गेत्तेंग संगे कियाना अनि पेरके गेत्ते संगे पावड़ा, आखरी ते पावड़ा ता बदला ते अनाज दोरकी किया परंतोर। इद्रम विनिमय ता उद्देश्य वेल्ले मुश्किल ते पूरा या परंदू। गेत्तेंग वाले किन बेड़ा ना जरूरत हिल्लेके ओरु बचोन मुश्किल आतेके वेने तन्ना जरूरत ता वस्तु दोरकी किया परवोर आंतोर। अदिन काजे माल उत्पादन विकसित आसोर दायना संगे सीधा वस्तु विनिमय वेने वेल्ले मुश्किल आत्ता।

माल विनिमय कियानास्के तीरम-तीरम ओरु मुन्ने तम्मा माल विनिमय साधारण रूप ते लोकुर किन जरूरत मत्ता माल संगे कीसी अदिना इस्तेमाल तम्मा किन जरूरत मत्ता माल काजे कीतेके विनिमय उद्देश्य सिर्फ रेंडु सौदा संगे पूरा आया परंता इंजी लोकुर समजेमातोर। इद्रम माल विनिमय ता बेहरा प्रक्रिया संगे बेड़ांग लेक्कटा माल बाकी माल कुनल अलग आतांग अनि अविना दूसरा माल काजे संभव हिल्ला लेक्कटा भूमिका आंता। इद्रम आतांकु सब्बे माल ता मूल्य बेड़ांग ना रूप ते दिस्सनदू अनि बेड़ांग माल विनिमय लोप्पा उंदी “सब्बे जागा ने उंदी रेट ते ताकना” लेक्का बनेमातांग, इत्तेके मुद्रा लेक्का बनेमातांग।

माल विनिमय विकास ता बेहरा प्रक्रिया लोप्पा अलग-अलग राष्ट्रकु विनिमय तल अलग-अलग माध्यम कुना इस्तेमाल कित्ता (बेड़ांग, कौडिंग, गेत्तेंग लेवेके धातु लेक्कटवु)। पेरके अवु सोना ओसो चाँदी लेक्कटा कीमती धातु किन मुद्रा लेक्का इस्तेमाल कियाना निर्णय कीतांग। कीमती धातुंग मंदानवु मति अविना मूल्य वेल्ले मंदानदे, अविन ओयना ओसो बचोनो हिस्सांग कियाना हल्को मंदिता, अवु जल्दी नष्ट वेने आयोंग आंतांग अदिन काजे विनिमय कियाला काजे बेस मंदितांग। अदिनके सोना ओसो चाँदी तुन मुद्रा लेक्का स्वीकार कियमूड़ाता। मुद्रा सोना ओसो चाँदी लोप्पा मत्ता गुण आयो, इदु अविने दोरकिंता। सोना ओसो चाँदी उचुन ऐतिहासिक उत्पादन

संबंध कुना संगे मुद्रा बनेमातांग। मुद्रा ता स्रोत तल मुद्रा रूप तुन समजेमायमूडांता। मुद्रा दूसरा माल तुकू अलग उंदी विशेष माल मंदिता, इदु विनिमय ता काम कीता।

## **मुद्रा ता 5 काम उंदी-उंदी कीसी विकसित आतांग**

मुद्रा ता गुण इदिना काम संगे दिसिंतांग। मुद्रा ता 5 काम मंदितांग अनि अबु माल विनिमय कियानास्के विकसित आतांग। अबु 1) मूल्य ढांचा, 2) विनिमय हर्षी, 3) भुगतान मानक, 4) मूल्य भंडार, 5) सार्वभौमिक मुद्रा लेक्का काम कियाना। इविना लोप्पाटल मूल्य ढांचा ओसो विनिमय हर्षी लेक्का काम कियाना बुनियादी काम मंदिता। मति इव सब्बे मुद्रा पुट्टनास्के ने विकसित आतांग।

मुद्रा ता पहली काम मूल्य ढांचा लेक्का मंदिता। बदे वस्तु तुन लाटी इसाब नापे कियाला काजे लाटी पट्टी ता इस्तेमाल कियमूडांतायो अद्रमे माल ता मूल्य नापे कियाला मुद्रा ता इस्तेमाल आंता। मूल्य ता नाप लेक्का काम कीसोर मत्ता मुद्रा वैचारिक मुद्रा मंदिता। इत्तेके, लोकुर माल ता मूल्य नापे कियाला काजे मुद्रा ता इस्तेमाल कींतोर अस्के ओरा कैदे मुद्रा मंदांना जरूरी मन्नो आंता। उदाहरण तुकू बदे टेबल 10 युआन\* ता मंता, मति इदिन वेहाला काजे टेबल पोरो 10 युआन तासना जरूरी मन्नो आंता। माल ता दाम रेंडु कारक कुना संगे तय आंता। पहली खुद माल ता मूल्य ओसो दूसरा मुद्रा (सोना, चाँदी) ता मूल्य। माल ता दाम कुना माल तन्ना मूल्य संगे सीधा बराबर-अनुपातिक (proportional) संबंध मंदिता अनि मुद्रा ता मूल्य संगे उल्ट-अनुपातिक (inversely proportional) संबंध मंदिता। उदाहरण तुकू, उंदू एर्मि ता मूल्य 500 घंटा ता सामाजिक श्रम मत्तेके उंदी औंस सोना ता मूल्य वेने 500 घंटा सामाजिक श्रम मंदिता। इत्तेके उंदी एर्मि ता दाम उंदी औंस सोना आंता। सोना खदान मजदूर लोरा श्रम उत्पादकता दोगुना आतेके उंदी औंस सोना ता मूल्य इंजे 250 घंटांग ना सामाजिक श्रम मत्तेके वेने एर्मि ना मूल्य बदलेमायो आंता मति एर्मि ना दाम दोगुना आंता।

मुद्रा ता दूसरा काम विनिमय माध्यम लेक्का मंता, इत्तेके इद माल ता सरकुलेशन लेक्का काम कीता। मुद्रा ता माध्यम ते माल विनिमय तुन माल सरकुलेशन इंतोम। मुद्रा पुट्टना मुन्ने माल सीधा अदला-बदली आयनदू। फार्मुला अनुसार हूइतेके उंदी माल दूसरा माल ता बराबर मंदिता। मुद्रा अस्तित्व ते वात्ता पेरके सब्बे माल कुना मुद्रा संगे विनिमय आयना शुरू

आता। फार्मुला अनुसार माल-मुद्रा-माल वेने दिसिंता। माल सर्कुलेशन ता माध्यम लेक्का मुद्रा ता भूमिकाए विनिमय ता साधन लेक्का मुद्रा ता काम कींता।

विनिमय साधन लेक्का इस्तेमाल आयना मुद्रा शुरू ते विभिन्न आकार ओसो वजन ता सोना-चाँदी ता तुकड़ांग मंदानवु। अलग-अलग देश कुना सिक्का अलग-अलग रकम ता मत्तांग। चीन लोप्पा उत्तर शांग कालम ते तांबा ता सिक्का बने कियाना शुरू आता। सबसे पाइना सिक्का तांबा ताव मत्तांग अनि खेती ता औजार कुना रूप ते मत्तांग। अविन यू चियेन इंदानोर। चाउ शासन काल ते यू-चियेने आयवा ताओ चिएन ओसो युआन चिएन वेने मत्तांग। यिन युवान (चाँदी ता डालर) सबसे मुत्रे चेंग कालम ता क्वांग-सू कालम ते बनेमातांग। हर यिन युआन लोप्पा 0.72 औंस चाँदी मंदानदू।

सर्कुलेशन कियानास्के सिक्का घिसेमायनदू अनि अविना मूल्य ता उचुन अंश मिंजनदु। मति इव सिक्कांग कुन वेने अविना पूरा मूल्य तेने स्वीकार किया लागनदू। इद्रम कीतेके विनिमय माध्यम लेक्का मुद्रा ता काम कम टाईम तेने आयनदु। लोकुर तम्मा माल ता मुद्रा संगे विनिमय तम्मा जरूरत ता वस्तु अस्सला काजे कियानोर। माल वम्मानोरा पहली मुश्किल मुद्रा विनिमय माध्यम लेक्का इस्तेमाल कियमूडांता या आयो इंजी मंदानदु। अदु तम्मा पूरा मूल्य ता बराबर मंदिता या हिल्ले, इंजी ओरिन चिंता मन्त्रो आयनदु। अदिन काजे सिर्फ पाइना, घिसेमाता धातु मुद्रा विनिमय ता माध्यम लेक्का इस्तेमाल आया परिंदु अनि कागज ता नोट वेने इदिना जागा ते इस्तेमाल किया परमूडांता, इदु शुद्ध रूप ते मूल्य ता चिन्हा मंदानदू।

कागज ता मुद्रा धातु मुद्रा ता जागा ते माल सर्कुलेशन लोप्पा विनिमय माध्यम ता काम कींता अदिन काजे जारी कित्ता कागजी मुद्रा ता मात्रा माल सर्कुलेशन काजे जरूरी धातु मुद्रा ता मात्रा एवनल सीमित मंदानदु। मार्क्स वेहता लेक्का, “जारी कित्ता कागजी मुद्रा मात्रा असल ते मुद्रा ता चिन्हा मंदिता, हमेशा, माल सर्कुलेशन काजे जरूरी मत्ता सोना लेवेके चाँदी ता मूल्य ता बराबर मंदिता।”<sup>3</sup> जारी कित्ता कागजी मुद्रा माल सर्कुलेशन काजे जरूरी मत्ता धातु मुद्रा ता माप ता बराबर मत्तेके कागजी मुद्रा ता अस्सना शक्ति धातु मुद्रा ता बराबर मंदिता। जारी कित्ता कागजी मुद्रा माल सर्कुलेशन काजे जरूरी धातु मुद्रा ता माप तुकू ज्यादा मत्तास्के वेने कुल कागजी मुद्रा ता मूल्य माल सर्कुलेशन काजे जरूरी धातु मुद्रा ता बराबरे मंदिता, मति धातु मुद्रा तुकू कागजी मुद्रा ता मूल्य घटेमांता अनि माल ता दाम बेरसिंता।

उदाहरण तुकू उंदी खास कालम ते सर्कुलेशन काजे जरूरी मत्ता धातु मुद्रा ता मात्रा 10 करोड़ मत्तेकाई कागजी मुद्रा ता माप 20 करोड़ मत्तेके कागजी मुद्रा ता मूल्य आधाए आंता। कागजी मुद्रा ता उंदी युआन ता अस्सना शक्ति धातु मुद्रा ता सिर्फ आधा युआन ता बराबर मंदिता।

सर्कुलेशन काजे जरूरी धातु मुद्रा ता माप तुकू ज्यादा कागजी मुद्रा जारी आतेके कागजी मुद्रा ता मूल्य घटेमातेके अदिन मुद्रास्फीति इंतोर। पूंजीवादी समाज लोप्पा मुद्रास्फीति बुर्जुआ राज्य जनता तुन लूटे कियाना उंदी महत्वपूर्ण साधन आंदू। मुद्रास्फीति कारण ते कागजी मुद्रा ता मूल्य घटेमांता अनि दाम बेरसिंता। दूसरा बगिल मजदूर लोरा मुद्रा लेक्का मजदूरी वृद्धि दाम लोप्पा वृद्धि तुकू वेल्ले पेरके मंदिता अनि ओरा असल मजदूरी, पिस्वल स्तर घटेमासोर दांता। इदिना संगे बुर्जुआ वर्ग ता शोषण तल वायना आय वेल्ले बेरससोर दांता। क्रांति- पूर्व चीन लोप्पा हंदी हिल्ला संख्या ते नोट जारी कित्ता अद्रमासी मुद्रास्फीति वेल्ले बेरसता अनि वस्तु ना दाम वेल्ले बेरससोर हत्तांग। उचुन मुल 1937 ते 100 युआन ता नोट ता अस्सना शक्ति रेंडु एर्मि ना बराबर मत्ता इंजी गिनती कित्तोर। 1938 ते उंदी एर्मि, 1941 ते उंदी पद्दी ओसो 1942 ते उंदी तिहाई माचिस ता डब्बा ता बराबर पिस्ता। 1948 ते इद रकम उंदी तिहाई माचिस ता काड़ी अस्सनाचोन वेने हिल्ला मत्ता।

मुद्रा ता तीसरा काम जमाखोरी साधन लेक्का मंता। माल ता मुद्रा संबंध ता विकास संगे मुद्रा सामाजिक सम्पत्ति ता निशानी बनेमोसर हत्ता। बस्के एवनल प्राकृतिक अर्थव्यवस्था प्रभावी मत्ता अस्के एवनल सम्पत्ति जमा कियाना स्रोत अनाज, गेत्ते ओसो रेशम ता वस्तु मत्ता। माल मुद्रा संबंध ता विकास पेरके, मुद्रा तल बदे वेने माल अस्समूझांता इंजी सम्पत्ति जमा कियाला काजे लगातार मुद्रा (सोना-चाँदी) जमा आसोर हत्ता। मालिक ना माल सर्कुलेशन तल अस्थाई रूप ते गुचसी जमा कित्ता मुद्रा जमाखोरी कित्ता मुद्रा बनेमाता। इद जमाखोरी ता साधन लेक्का काम कींता।

मुद्रा ता चौथा काम भुगतान साधन लेक्का मंता। माल उत्पादन ओसो विनिमय विकास संगे उधारी कारोबार तेज आत्ता। कर्ज वेने भुगतान मुद्रा संगे आयनदू। माल विनिमय इदिनकु मुन्ने पूरा आसी मत्ता। इगा मुद्रा माल विनिमय माध्यम लेक्का आयवा भुगतान साधन लेक्का काम कींता। भुगतान साधन लेक्का मुद्रा ता इस्तेमाल सबसे मुन्ने माल उत्पादक लोरा नड़मा कर्ज हियाला काजे आंता। पेरके इदिना इस्तेमाल माल सर्कुलेशन द शांघाई टेक्स्ट बुक, भाग उंदी



तल बाहर वेने आयना शुरू आत्ता। लगान, ब्याज ओसो कर ता भुगतान वेने मुद्रा संगेने आयना शुरू आत्ता।

मुद्रा ता 5 काम वैश्विक मुद्रा (वर्ल्ड करेंसी) ता रूप ते मत्ता। माल विनिमय ता राष्ट्र-राज्य लोप्टल बाहर पेसना संगे अंतरराष्ट्रीय व्यापार विकसित आत्ता अनि मुद्रा ता उंदी पूना काम मुन्ने वात्ता। इद काम वैश्विक मुद्रा लेक्का मत्ता। सिर्फ सोना ओसो चाँदी वैश्विक मुद्रा लेक्का काम किया परिंता।

दुनिया ता हाटुम लोप्पा सोना मुन्ने अंतरराष्ट्रीय हिसाब-किताब लोप्पा भुगतान माध्यम ता काम किता। इदु वैश्विक मुद्रा ता महत्वपूर्ण काम मत्ता। दूसरा दुनिया ता हाटुम लोप्पा विभिन्न माल कुन अस्सला काजे वेने भुगतान माध्यम लेक्का सोना ता इस्तेमाल आया परिंता। इदे आयवा सामाजिक सम्पदा ता उंदी निशानी लेक्का सोना उंदी देश तल दूसरा देश ते वेने ओयमूझांता। उदाहरण तुकू, युद्ध लोपा आत्ता नुकसान ता भरपाई, पूंजीगत निर्यात अनि अलग-अलग रकम ते उंदी देश तल दूसरा देश तुकू सोना-चाँदी ओयना काम कींता।

मुद्रा पोरो वेहता 5 काम उंदी-दूसरा संगे उंदी अंग लेक्का जुड़ेमासी मंतांग अनि मुद्रा रूपकु अलग-अलग रूप ते मंदिंतांग। अवु मुद्रा सर्कुलेशन ता विकास लोप्पा उंदी सार्वभौमिक समतुल्य संगे पोयता विभिन्न भूमिका लेक्का मुन्ने वांतांग।

## **मूल्य ता नियमे माल उत्पादन ता आर्थिक नियम आंदू**

### **विनिमय समतुल्यता मूल्य नियम ता वस्तुगत जरूरत आंदू**

मूल्य नियम माल उत्पादन ता आर्थिक नियम आंदू। इद नियम ता मूल अन्तर्वस्तु इद्रम मंताः माल ता मूल्य सामाजिक रूप ते जरूरी श्रम तले तय आंता। माल ता विनिमय अविना मूल्य अनुसार मंदिंता। इत्तेके, विनिमय लोप्पा समतुल्यता (equivalence) मंदाना। माल अर्थव्यवस्था ता परिस्थितिंग बस्के ओसो बेगा मंदिंतांग अगा मूल्य नियम ता भूमिका जरूर मंदिंता। मार्क्स वेहता लेक्का “निजी श्रम उत्पाद कुना अराजक ओसो लगातार बदलेमासोर मंदाना व्यापार संबंध कुना लोप्पा इविना उत्पादन काजे सामाजिक रूप ते जरूरत मत्ता श्रमकाल प्रकृति ता नियम कुना

लेक्काने तम्मा हरीं मजबूती ते पंडिता, बदे लोता बदे कोटा मुटतेके गुरुत्वाकर्षण सिद्धांत मजबूती ते तन्ना हरीं पंडता लेक्का।”<sup>4</sup> दूसरा माटा ते वेहाना इतेके, माल विनिमय पोरो मांग-सपलाई संबंध ता प्रभाव मत्तांकु विनिमय कियाना माल लगातार बदलेमासोर मंदा परिंता, अदिन काजे विनिमय कियाना रेंडु माल कुना लोप्पा मत्ता सामाजिक रूप ते जरूरी श्रम लेवेके मूल्य उंदी लेक्का हिल्लेकाई माल विनिमय लोप्पा दीर्घकालीन समतुल्यता जरूर मंदिता। विनिमय कियाना मूल्य कुना रूप उंदी लेक्का मंदाना जरूरी मंदिता।

माल विनिमय ता वस्तुगत रुझान विनिमय लोप्पा समतुल्यता बगिल बारांकु मंदिता? बारांकु इतेके माल उत्पादक लोर तम्मा माल तुन दूसरोरा बचोन ज्यादा माल संगे विनिमय कियमूझांता इंजी हूइसोर मंदितोर। मांग-सपलाई संबंध ता प्रभाव ते माल विनिमय लगातार बदलेमासोर मंदिता। लोकुर वेल्ले मुनाफा दोरकना माल कुना उत्पादन बेरसी कींतोर अनि कम मुनाफा वाले माल कुना उत्पादन घटे कींतोर। अद्रमासी पहली रकम ता माल सपलाई ओरा मांग तुकू ज्यादा आंता अनि अविना विनिमय मूल्य घटेमांता। पेरकेटा माल सपलाई ओरा मांग तुकू कम आंता अनि अविना विनिमय मूल्य बेरसिंता। माला विनिमय लगातार बदलोमासोर मत्तादु विनिमय लोप्पा समतुल्यता उंदी वस्तुगत नियम आंदू, इदु लोकुरा विचार ते बदलेमायो आंता इंजी तोहिंता।

मुद्रा ता जन्म संगे पूरा माल विनिमय माध्यम लेक्का मुद्रा पोरो आधार आत्ता। इदु मूल्य दाम रूप ते दिसिंता। मूल्य नियम विनिमय लोप्पा समतुल्यता ता मांग कींता। असल इतेके इदु मूल्य ओसो दाम नइमा समतुल्यता ता मांग कींता। दाम ओसो मूल्य नइमा समतुल्यता तुन उंदी दार्घकालीन रुझान लेक्का पोयना इंजी वेहाना जरूरत हिल्ले। असल ते निजी मालिकाना पोरो आधार आसी माल अर्थव्यवस्था लोप्पा (उत्पादन योजना हिल्लाए आयना जागा ने), हाटुम ते माल ता मांग ओसो सपलाई लोप्पा लगातार बदलाव आसोर मंदिता, अद्रमासी दाम बेरसना घटेमायना आसोर मंदिता। मांग-सपलाई संबंध ते बदलाव आतांकु दाम बेरसना-घटेमायना आंता मति इद उतार-चढ़ाव हमेशा संतुलन मूल्य ता गरे-गरे ने मंदिता। अदिन काजे मांग-सपलाई संबंध ता प्रभाव मत्ता कारण ते दाम ओसो मूल्य लोप्पा अंतर मूल्य नियम कुन गलत साबित कींता। इदे मूल्य नियम ता काम कियाना उंदी जरूरी रूप आंदू।

## हाटुम पोटी (होड़) ताकनास्के मुन्ने वायना

### मूल्य नियम कुना मूंड कार्य

मूल्य नियम निजी मालिकाना पोरो आधार आसी माल उत्पादन लोप्पा 3 काम कींता। इव काम हाटुम पोटी ता स्वतःस्फूर्त शक्ति संगे पूरा आंता।

सबसे मुन्ने, मूल्य नियम उत्पादन तुन विनिमय कींता। निजी मालिकाना पोरो आधार आसी माल उत्पादन पोटी ओसो अराजकता परिस्थिति ते आंता। समाज तुन बद वस्तु ता बचोन जरूरत मंता इंजी सीधा जानकारी बोनिगाने मन्ने आंता। सामाजिक उत्पादन आतां कु उचुन पद्धति, बंटवारा ओसो व्यवस्था जरूरी मंदिता। इव बंटवारा ओसो व्यवस्थांग मूल्य नियम संगे विनिमय आंतांग अनि हाटुम लोप्पा दाम उतार-चढ़ाव ता स्वतःस्फूर्त प्रभाव संगे लागू आंता। बदे माल सपलाई अदिना मांग ता बराबर हिल्वेके अदिना दाम मूल्य तुकू ज्यादा आंता अनि अद माल ता उत्पादन विशेष रूप ते मुनाफा तुके मंदिता। अदिनके अद माल ता उत्पादन बेरसिंता। इदिना विपरीत आतेके अद माल ता मूल्य घटेमायर अनि अदिना उत्पादन वेने घटेमायर। मूल्य नियम इदे तरीका ते माल उत्पादक लोरा गतिविधिग कुन निर्देशित कींता अनि विभिन्न उत्पादन लोप्पा श्रम ओसो उत्पादन साधन कुना बंटवारा तुन विनिमय कींता।

मूल्य नियम संगे सामाजिक उत्पादन ता विनिमय निजी उत्पादन पोरो आधार आसी मत्ता माल अर्थव्यवस्था लोप्पा व्यवस्था पोयसी वांता मति इद व्यवस्था अराजकता परिस्थिति तेने आंता। कोंडा हिल्वा लेक्का होड़ वाटतेके बार-बार बर्बाद आंता अनि हर बेरा पूना व्यवस्था स्वतःस्फूर्त तरीका ते नितिंता। इद्रम ता व्यवस्था सामाजिक श्रम ता वेल्ले बर्बाद आता पेरके आंता। मार्क्स वेहता लेक्का “इद व्यवस्था विहीन गतिए इदिना व्यवस्था आंदू।”<sup>5</sup>

दूसरा, मूल्य नियम उत्पादन टैकनिक ओसो श्रम उत्पादकता लोप्पा सुधार तुन प्रोत्साहित कींता। श्रम उत्पादकता कालम ता उंदी इकाई लोप्पा तैयार उत्पाद कुना मात्रा संगे मापे कियमूड़ांता। फार्मुला रूप ते: श्रम उत्पादकता - उत्पाद कुना मात्रा/श्रमकाल। श्रम उत्पादकता स्तर बचोनो कारक संगे तय आंता। सबसे महत्वपूर्ण श्रम कुशलता, टैकनिकल परिस्थिति, उत्पादन लोप्पा इदिना वाटना परिस्थिति, श्रम विभाजन ओसो इदिना संयोजन (cooperation) स्तर मंदिता। मूल्य नियत ता वस्तुगत

जरूरत कुना अनुसार माल सामाजिक रूप ते जरूरत मत्ता श्रम संगे तय आत्ता मूल्य अनुसार वम्मनद आंता। अदिन काजे वेल्ले कुशल, योग्य मंदानोर, उत्पादन लोप्पा सामाजिक रूप ते जरूरी मत्ता श्रमकाल तुकू कम टाईम एतितोर, ओरु वेल्ले मुनाफा कमाई कियानूर। इद माल उत्पादक किन तम्मा श्रम उत्पादकता ओसो उत्पादन टैकनिक सुधरे कियाला काजे प्रोत्साहित कींता। मति निजी मालिकाना संगे माल उत्पादक उच्चतर मुनाफा काजे उत्पादन टैकनिक लोप्पा सुधार कींता। बोनगा पूना टैकनिक मंता, ओरु अदिन गुप्त तासनादु स्वाभाविके (साधारण) मंदिता। इद्रमता परिस्थिति ते सामाजिक उत्पादक शक्तिंग ना विकास रोमिंता।

तीसरा, मूल्य नियम माल उत्पादक लोरा नड़मा संघ तुन बेरसी कींता। इद्रम बारांकु कींता इन्तेके विभिन्न माल उत्पादक लोरा परिस्थिति अलग-अलग मंदिता। बदे खास माल उत्पादन लोप्पा लागना अलग-अलग उत्पादक लोरा श्रमकाल लोप्पा वेल्ले अंतर मंदिता। मति मूल्य तुकू माल सामाजिक रूप ते जरूरत मत्ता श्रम संगे तय आत्ता मूल्य अनुसार वम्मना जरूरत मंदिता। इद्रम बोर उत्पादक लोरगा उत्पादन परिस्थिति बेस मंदिता ओरु सामाजिक रूप ते जरूरत मत्ता श्रम कम टाईम ते कियानूर अनि ज्यादा मुनाफा कमई कीसी जल्दी विकसित आंतोर। दूसरा बगिल बोर माल उत्पादक लोरगा उत्पादन सुविधांग वेल्ले बेस हिल्लेंग ओरु सामाजिक रूप ते जरूरत मत्ता श्रम पोरो वेल्ले टाईम वाटितोर अनि होड़ लोप्पा टिकेमाया परवोर आंतोर। इद्रम माल उत्पादक लोरा नड़मा धुवीकरण जरूरी आंता।

## माल अंधभक्ति ता रहस्य तुन पर्दाफाश कीमुट

अंधभक्ति मुख्य रूप ते धर्म संबंधित मत्ता ताना लोप्पा लोकुर पूजा कियाना रहस्यमय शक्तिंग शामिल मंतांग। सामाजिक उत्पादक शक्तिंग ना स्तर दोड़ मत्तास्के ओरु प्रकृति ता शक्तिंग कुन गुप्त रूप ते मानेयमायनोर। ओरु मोय्योल गुडुरुम, गाज, एर ओसो किस्स लेक्कटावु प्राकृतिक ताकत कुन पेनकु नियंत्रित कींतांग इंजी आल्सनोर अदिनके अविना पूजा कियानोर। निजी मालिकाना संगे माल अर्थव्यवस्था लोप्पा वेने इद्रमे आत्ता। माल मानेय ना कैदे बनेमातेकाई अविना पूजा पेनकुना लेक्का कियमूड़ाता अनि लोकुरा किस्मत माल ता कैदे मंता इंजी मानेमातोर। मार्क्स इद घटना तुन माल अंधभक्ति (Commodity Fetishism) पोरोल हीतोर।

## माल अंधभक्ति अस्तित्व ते बद्रम वात्ता?

निजी मालिकाना लोप्पा माल उत्पादन संगे लोकुरा नइमा ता संबंध माल संबंध लेक्का दिसिंता। माल तुन ओरु मानेय तुकू पोरो मत्ता बदे वस्तु लेक्का आल्सानोर, ओरा मालिक मत्ता लेक्का। माल उत्पादक ना किस्मत माल ता किस्मत संगे पूरा दोहची मत्ता। ओरा किस्मत ओरा माल ता बिक्री आंता या आयो, बद्रम बिक्री आंता इंदाना पोरो आधार आसी मंता। माल बिक्री तल मुनाफा आतेके माल उत्पादक समृद्ध आयनूर। अदिना बिक्री आयवा लेवा कम दाम ते बिक्री आतेके ओरु गरीब आसोर दांतोर। माल उत्पादक निगा मुन्नेटले ओना माल ता मांग मंता या हिल्ले ओसो अदिना दाम बेस दोरकिंता या दोरको इंजी पुंदाना बदे तरीका मन्त्रो आंता। माल ता दाम अलग-अलग उत्पादक लोरे आयवा हाटुम लोप्पा मूल्य नियम ता स्वतःस्फूर्त ताकत कुनल तय आंता। इंदे परिस्थिति ता कारण ते माल उत्पादक लोर तम्मा किस्मत तम्मा नियंत्रण तल बाहर ओसो हाटुम ते ओरा माल ता किस्मत तल तय आंता इंजी आल्सिंतोर।

सब्बे माल संगे हल्कोए विनिमय कियाना सार्वभौमिक समतुल्य ता रूप ते मुद्रा ता जन्म आत्ता पेरके मुद्रा लोप्पा लोकुरा किस्मत तुन निर्देशित कियाना मुद्रा लोप्पा बदे विशेष जादुई शक्ति मंदाना भ्रम पुटता। अदिन काजे स्वाभाविक रूप ते माल अंधभक्ति मुद्रा अंधभक्ति लेक्का बदलेमाता।

सबसे मुन्ने मार्क्स माल अंधभक्ति ता रहस्य तुन एक्सपोज कित्तोर। माल ओसो मुद्रा ता संबंध ता मार्क्स ना सिद्धांत लोकुरा नइमा ता संबंध कुन वेने मुन्ने तत्तिंता अनि बुर्जुआ अर्थशास्त्री सिर्फ वस्तु नइमा ता संबंध कुने हूडितोर, ओरु वस्तु संगे मुचिसी मत्ता सामाजिक संबंध कुन हूडा परवोर आंतोर। मार्क्स ना सिद्धांत माल ओसो मुद्रा ता संबंध शाश्वत आयवा उंदी अस्थाई ऐतिहासिक परिघटना मत्ता इंजी स्पष्ट रूप ते तोहचिता। अदिन काजे पूंजीवादी अर्थव्यवस्था ता कोशिका मत्ता माल वेने शाश्वत हिल्ले। बदे खास ऐतिहासिक परिस्थिति ते बनेमाता वस्तु बदे ऐतिहासिक परिस्थितिंग बदलेमाता पेरके गायब आया। इद उंदी वस्तुगत नियम आंदू अदिनके इदु लोकुरा विचार ते बदलेमाया परवो आंता।

## अध्ययन तुकू प्रमुख संदर्भ

- ☞ मार्क्स, पूंजी भाग 1, अध्याय 1, 3
- ☞ एंगेल्स, ड्यूहरिंग मतखंडन, भाग 2, अध्याय 5
- ☞ लेनिन, कार्ल मार्क्स ("मार्क्स ना आर्थिक सिद्धांत")

## समीक्षात्मक सवाल

1. माल संबंध लोप्पा सब्बे पूंजीवादी अंतरविरोध कुना विज्जा मंता इंजी बारांकु इंतोम?
2. मार्क्स ना मूल्य श्रम सिद्धांत ता मुख्य अन्तर्वस्तु ओसो अर्थ बाताल?
3. निजी मालिकाना पोरो आधार आसी माल अर्थव्यवस्था लोप्पा मूल्य नियम बाता भूमिका निभे कीता?

## टिप्पणिंग

1. "पार्टी कार्यशैली लोप्पा सुधार कीमुट", माओ त्से-तुंग ना संकलित रचनांग, भाग 3, चीनी संस्करण, 1968, पे. 775।
2. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 52।
3. पोरो वेहताद, पे. 147।
4. पोरो वेहताद, पे. 92।
5. मार्क्स, उजरती श्रम ओसो पूंजी, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972, पे. 360।

# नालुंग

## पूँजीपति मजदूर लोरा शोषण-उत्पीड़न बद्रम कींतोर

### पूँजी ओसो अतिरिक्त मूल्य

पूँजीवादी उत्पादन अतिरिक्त मूल्य जमा कियाना उद्देश्य ते कियाना माल उत्पादन आंदू। पूँजीवादी उत्पादन तुन समजेमायला माटु मार्क्स ना पूँजी ओसो अतिरिक्त मूल्य ता सिद्धांत तुन अध्ययन किया लागियर। मनम इद सिद्धांत संगे लैस आसी माटु पूँजीवाद ता शोषणकारी संबंध तुन समजेमाया परितोम, पूँजीवाद जरूर खत्म आंता अनि समाजवाद जरूर जीड़िता इंदाना सच्चाई तुन पुंदा परितोम, सर्वहारा ऐतिहासिक मिशन ता महत्व चीनेमाया परितोम। इद्रम कित्तास्केने माटु सर्वहारा ता सचेतन क्रांतिकारी सिपाही बनेमाया परितोम।

### पूँजीपतिर मजदूर लोरा शोषण बद्रम कींतोर

**श्रमशक्ति माल लेक्का बदले मात्तेकेने**

**अतिरिक्त मूल्य पुट्टिता**

पाइना समाज ता हर पाइना मजदूर लोरगा मुश्किल ओसो तिप्पल कुना उंदी पारिवारिक इतिहास मंता। पाइना समाज लोप्पा मजदूर “पट्टिंग ओसो नेयकुना लेक्का तिंदानोर अनि एर्मिंग, कोंदांग लेक्का काम कियानोर। ओरु मुदियाल आयनाजोम काम कियानोर अनि ओरा परिस्थिति उंदी रोंडा कटिया तुकू वेने लब्बद मंदानदु।” ओरु राजनीतक रूप ते वेने उत्पीड़ित मंदानोर अनि असल इत्तेके ओरा पिस्वले सही हिल्वा मत्ता। मति पूँजीपतिर

बस्केने काम कीवोर आयनोर। ओरु मजदूर लोरा पोरो राज कियानोर अनि आराम, पतनशील पिस्वल पिस्सानोर। ओरा सम्पत्ति हमेशा बेरससोर मंदानदु। बारांकु? मार्क्स ना पूंजी ओसो अतिरिक्त मूल्य ता सिद्धांत इद रहस्य ता पर्दाफाश कित्ता अनि इव सवाल कुना वैज्ञानिक रूप ते जवाब हीता।

मार्क्स ना पूंजी ओसो अतिरिक्त मूल्य ता सिद्धांत मजदूर लोरा पूंजीवादी शोषण ता रहस्य ता पर्दाफाश बद्रम कित्ता? इदिन समजेमायला काजे माटु अद विशेष माल - श्रमशक्ति तल शुरू कियाकाल।

**श्रमशक्ति इत्तेके मानवीय कार्य, वरोर मानेय ना शारीरिक ओसो मानसिक कोशिश कुना कुल जोड़ आंदू।** बदे वेने समाज लोप्पा श्रमशक्ति उत्पादन ता मुख्य उत्पादन मंदिता। मति सिर्फ पूंजीवादी समाज लोप्पा ने श्रमशक्ति उंदी माल मंदिता। श्रमशक्ति रेंडु परिस्थितिंग लोप्पा माल बनेमांता। पहली श्रम कियाना वरोर “मुक्त व्यक्ति” मंदानास्के। ओरु तन्ना श्रमशक्ति तुन माल लेक्का वम्मला मुक्त मंदितोर। दूसरा, श्रम कियानोरगा तम्मा श्रम तुन विइचसी बाताले हिल्वा मंदानास्के। ओरगा उत्पादन लेवेके पिस्वल पिस्सना बदे साधन हिल्वांकु ओरकिन पिस्सला काजे तम्मा श्रमशक्ति तुन वम्मना जरूरी आंता। इव रेंडु परिस्थितिंग सामंती समाज ता पतन आत्ता ओसो सुडला माल उत्पादक ओसो आदिम समूह नइमा ध्रुवीकरण शुरू आत्तास्के पुटता। पूंजीपतिर मजदूर लोरकिन काम ते तासना ओरा श्रमशक्ति तुन अस्सिसी ओरकिन किराया ता गुलाम बने कियानादे मंदानदू।

श्रमशक्ति माल बनेमातेके दूसरा माल लेक्का ओरा वेने मूल्य ओसो उपयोग आंता। **श्रमशक्ति ता मूल्य, दूसरा माल लेक्का इदिना उत्पादन ओसो पुनरुत्पादन लोप्पा लागना सामाजिक रूप ते जरूरी श्रम ता माप तले तय आंता।** पूंजीपति मजदूर ओरा काजे काम कीसोर मत्तेके ओरु ओरा श्रम क्षमता मत्ता लेक्का तासना इंजी आल्सितोर। मजदूर लोरा श्रम कियाना क्षमता मत्ता लेक्का तासला काजे ओरकिन तिंदला गाटो, गेत्तंग, मंदाना जागा ओसो पिस्वल पिस्सना साधन हियाना जरूरी मंता। अदिनके श्रमशक्ति ता मूल्य लोप्पा सबसे मुन्ने ओरा पिस्वल ता साधन कुना मूल्य शामिल मंदाना। इदे आयवा मजदूर मुदियाल आसी डोलितोर। पूंजीवादी शोषक व्यवस्था तुन मत्ता लेक्का तासला काजे पूंजीपति किन ओरा जागा ते पूना मजदूर लोरा जरूरत मंदिता। अदिन काजे श्रमशक्ति ता मूल्य लोप्पा मजदूर तम्मा पिल्ला-पेकोर ओसो ओरा पोरो आधार आसी मंदाना बाकी द शांघाई टेक्स्ट बुक, भाग उंदी



लोकुरा काजे जरूरी पिस्वल पिस्सना साधन कुना मूल्य वेने शामिल मंदाना। मजदूर लोरा ओसो बेस शोषण कियाला काजे पूंजीपतिर ओरकिन सामान्य शिक्षा ओसो प्रशिक्षण संगे निपुणता दोरकी कियाना इंजी आल्सिंतोर। इद्रम श्रमशक्ति ता मूल्य लोप्पा शिक्षा ओसो प्रशिक्षण खर्च वेने शामिल आयना। मति इद विषय वेल्ले सुडला मंता। सामान्य रूप ते श्रमशक्ति उत्पादन काजे सामाजिक रूप ते जरूरी श्रम पोरो वेहता पिस्वल पिस्सना साधन कुना उत्पादन काजे सामाजिक रूप ते जरूरी श्रम मंदिता। दूसरा माटा ते श्रमशक्ति ता मूल्य मजदूर लोरा पिस्वल पिसहाला अनि ओरा पेकोर किन बेरसी कीसोर तासला काजे जरूरी पिस्वल ता साधन कुना मूल्य मंदिता।

श्रमशक्ति ता उपयोग मूल्य, दूसरा माल ता उपयोग मूल्य तुकू अलग मंदिता। श्रमशक्ति उंदी विशेष माल आंदू। इदिना उपयोग मूल्य लोप्पा उंदी खास विशिष्टता मंदिता। अनाज लेवेके गेत्तेंग लेक्कटा बाकी माल ता उपयोग मूल्य ता उपभोग कीतेके बदे पूना उपयोग मूल्य पुट्टो आंता, मति इद विशेष माल, श्रमशक्ति इत्तेके मजदूर लोरा काम ता उपयोग, मूल्य पुट्टी किया परिंता। इदे आयवा श्रमशक्ति तुकू वेने ज्यादा मूल्य पुट्टी किया परिंता। “पूंजीपति श्रमशक्ति तुन अस्सिंतोर अस्के ओना इंटरैस्ट इद बेरसिस मत्ता मूल्य पोरो ने मंदिता।” श्रमशक्ति ता मूल्य ओसो पुट्टी कित्ता मूल्य ता अंतर तुन अतिरिक्त मूल्य इंतोर।

## **पूंजीपतिर हड़पे कियाना अतिरिक्त**

### **मूल्य मजदूर लोरा शोषण तल वांता**

इद अतिरिक्त मूल्य बद्रम पुट्टिता? वाटु माटु अतिरिक्त मूल्य ता उत्पादन प्रक्रिया ता ठोस विश्लेषण कियाकाल। पूंजीपति श्रमशक्ति तुन अस्सता पेरके मजदूर लोर किन तम्मा कारखाना लोप्पा माल उत्पादन कियाला काजे मजदूर कींता। पूंजीवादी उत्पादन प्रक्रिया ता रेंडु पहलु मंतांग। इद उंदी श्रम प्रक्रिया मंदिता। इद मूल्य विकास ता वेने प्रक्रिया मंदिता।

श्रम प्रक्रिया उंदी उद्देश्यपूर्ण प्रक्रिया मंदिता इदिना संगे लोकुर जरूरी श्रम ता उपयोग संगे बदे वस्तु तुन मानवीय जरूरत कुना अनुकूल बने कींतोर। पूंजीवादी श्रम प्रक्रिया ता विशिष्टता उत्पादन साधन कुना पोरो पूंजीपतिरा अधिकार मंदानदू मंदिता। मजदूर पूंजीपतिरा हुक्म ते मोरकुल उरंगनल मेहनत कींतोर अनि ओरा श्रम ता उत्पाद कुना पोरो पूंजीपतिरा

अधिकार मंदिता। पूंजीवादी श्रम प्रक्रिया ता कारण ते उचुन मानवीय जरूरत कुन पूरा कियाना लेक्का उपयोग मूल्य पुट्टिता। मति पूंजीवादी श्रम प्रक्रिया ता उद्देश्य इद मन्त्रो आंता। पूंजीपति मजदूर लोर किन बदे उपयोग मूल्य पुट्टी कियाला हींतोर बारांकु इत्तेके अदे उपयोग मूल्य, मूल्य ता भौतिक माध्यम मंदिता। ओरु बदे उपयोग मूल्य हियवेके ओरा माल ता मांग मन्त्रो आंता अनि उत्पादन कित्ता मूल्य (अतिरिक्त मूल्य संगे) वेने ओरकिन दोरको आंता।

पूंजीवादी उत्पादन प्रक्रिया वेने उंदी मूल्य विकास प्रक्रिया आंदू। मजदूर उपयोग मूल्य ता उत्पादन कींतोर इत्तेके ओरु तन्ना सक्रिय श्रम ता इस्तेमाल कीसी पूना मूल्य वेने पुट्टी किया परितोर। पूना मूल्य पुट्टी कियाना मजदूर खुद पूंजीपति ना आखरी ध्येय मंदिंतोर। मूल्य विकास प्रक्रिया पूंजीवादी उत्पादन प्रक्रिया ता मुख्य विषय मंदिता।

नूल उत्पादन ता उदाहरण हूइकाल। मुन्ने पूंजीपति मजदूर लोरा 12 घंटांग काम कियाला काजे हालनाचोन उत्पादन साधन अस्सानोर। इव उत्पादन साधन कुना मूल्य 38 घंटा ना श्रम बराबर मंता, अदिना कीमत 24 युआन मंदिता। ओरु वरोर मजदूर ना उंदी दिय्या ता श्रमशक्ति अस्सिंतोर। उंदी दिय्या ता श्रमशक्ति ता मूल्य 6 घंटा ना बराबर मंता अनि अदिना कीमत 3 युआन मंदिता। मति मजदूर किन नूल गट्टि वाटितोर। पूंजीपति उंदी दिय्या ता श्रमशक्ति अस्सिंतोर अदिन काजे ओरु मजदूर ना सिर्फ 6 घंटांग आयवा 12 घंटांग काम एतितोर। उदारण तुकू मजदूर हर दिया 12 घंटांग मेहनत कींतोर अस्के उत्पादन कित्ता नूल ता मूल्य 60 घंटा ना श्रम ता बराबर आंता अनि इदिना कीमत 30 युआन आंता। इदिना लोप्पटल 24 युआन उत्पादन साधन कुना संगे बदलेमातेके 6 युआन 12 घंटांग मेहनत कियाना मजदूर ना श्रम लेक्का पूना मूल्य बनेमांता। इद श्रम प्रक्रिया लोप्पा पूंजीपति किन 30 युआन दोरकिंतांग ताना लोप्पाटल 24 युआन उत्पादन साधन अस्सला ओसो 3 युआन मजदूरी हियाला काजे खर्च आंता। 3 युआन पिसिंता। इद मजदूर लोर पुट्टी कित्ता संवर्धित मूल्य आंदू, इदिन पूंजीपति हइपे कींतोर। मूल्य संवर्धन प्रक्रिया अतिरिक्त मूल्य ता उत्पादन प्रक्रिया आंदू।

पोरो वेहता प्रक्रिया विनिमय लोप्पा समरूपता सिद्धांत अनुसारे आंता। मति मूल्य लोप्पा वृद्धि आसी अतिरिक्त मूल्य उत्पादित आंता। इद प्रक्रिया ता कूंजी पूंजीपति तम्मा अस्सता श्रमशक्ति तुन इस्तेमाल कियाना अधिकार दोरकी कियानद मंदिता। “वम्नोरा श्रमशक्ति (श्रम ता उपयोग मूल्य) पोरो बिक्री आत्ता निय्य पोरो वम्मानोरा अधिकार मत्ताचोने अधिकार द शांघाई टेक्स्ट बुक, भाग उंदी

मंदिता। धन ता मालिक श्रमशक्ति ता दैनिक मूल्य हींतोर। अद्रमासी पोइदमेंड अदिना उपयोग, पोइदमेता श्रम पोरो ओना अधिकार मंदिता। श्रमशक्ति तुन मत्ता लेक्का तासला काजे दैनिक जरूरत कुना पोरो खर्च आधा दिय्या ता काम ता बराबर आंता। मति इद श्रमशक्ति पोइदमेंड काम कीसोर मंदा परिंता। अदिनके उंदी दिय्या श्रमशक्ति काम कीसोर मत्तांकु पुटता मूल्य तन्ना दैनिक मूल्य तुकू दोगुना मंदिता।”<sup>2</sup> पूंजीपति बेहरा-बेहरा कारखानांग निल्पी कियाना अनि परताचोन सम्पत्ति जमा किया परितोर बारांकु इत्तेके श्रम पुट्टी कित्ता मूल्य श्रमशक्ति मूल्य तुकू बचोनो गुना ज्यादा मंदिता अनि इदिने पूंजीपतिर हड़पे कींतोर।

अतिरिक्त मूल्य उत्पादन प्रक्रिया ता विश्लेषण तल अतिरिक्त मूल्य मजदूर उत्पादन लोप्पा पुट्टी कींतोर इंजी स्पष्ट आत्ता। मति मजदूर लोरा शोषण तुन मुच्चला काजे पूंजीपतिर ओसो ओरा नौकर बुद्धिजीवीर पूंजीपतिर दोरकी कित्ता पूना मूल्य सर्कुलेशन वात्ता इंजी वेहींतोर। माटु इद्रम ता झूठ कुन पूराए पर्दाफाश कियाना। अतिरिक्त मूल्य तुन अस्सानोर माल तुन अदिना मूल्य तुकू कम मूल्य ते अस्सिंतोर लेवेके वम्मानोर माल तुन अदिना मूल्य तुकू ज्यादा मूल्य ते वम्मिंतोर इंजी समजे कियमूझायो। बारांकु इत्तेके क्रेता (अस्सानोर) ओसो विक्रेता (वम्मानोर) ना भूमिका आपस ते बदले कीतेके कारोबार लोप्पा आयना घाटा लेवेके मुनाफा बराबर आंता। अतिरिक्त मूल्य तुन धोखा लेक्का वेने समजेकियमूझायो, बारांकु इत्तेके धोखा ता उंदी पक्ष ता नुकसान तल दूसरा पक्ष फायदा एता परिंता मति इव रेंडासी पक्ष कुना कुल सम्पदा लोप्पा वृद्धि आयो आंता। “बदे देश ता पूरा पूंजीपति वर्ग उंदी-दूसरा तुन धोखा हीसोरे अमीर बनेमाया परवो आंता।”<sup>3</sup> अतिरिक्त मूल्य ओसो सर्कुलेशन लोप्पा बदे संबंध हिल्लेके अदु सिर्फ पूंजीपति श्रम तुन अस्सला ओसो माल वम्मला काजे तम्मा किन सरकुलेशन तल अलग किया परवो आंता। सर्कुलेशन लोप्पा पूंजीपति श्रमशक्ति तुन अस्सिंतोर, अदु अतिरिक्त मूल्य उत्पादन तुकू परिस्थितिंग तैयार कींता। पूंजीपति तम्मा माल वम्मसी अतिरिक्त मूल्य दोरकी कींतोर। बदमाई अतिरिक्त मूल्य सिर्फ उत्पादन लोप्पाने पुट्टिता, सर्कुलेशन लोप्पा आयो। अतिरिक्त मूल्य सिर्फ उत्पादन प्रक्रिया लोप्पा पूंजीपतिर कियाना मजदूर लोरा शोषण तले पुट्टिता।

उंदी बेरा पूंजीवादी शोषण ता रहस्य तुन समजेमाता पेरके पूंजी ता चरित्र ओसो पूंजीवाद लोप्पा बुनियादी आर्थिक नियम तुन समजेमाया

परितोम। पूंजी उंदी अतिरिक्त मूल्य पुट्टी कियाना परिस्थितिग तैयार कियाना मूल्य आंदू, लेवेक इदिना लोप्पाने संवर्धन क्षमता मंदाना मूल्य वेने इनमूडांता। इदु मजदूर लोरा शोषण कियाना पूंजीवादी उत्पादन प्रणाली इत्तेके वर्ग संबंध कुन तोहिंता।

पूंजी तोहता इव संबंध पूंजीवादी विकास ता उंदी रिजल्ट आंदू। उत्पादन साधन ओसो मुद्रा ता पिस्वल पूंजीवादी उत्पादन प्रणाली पुटना मुन्नेटले मत्ता। मति पूंजी पोरो पूंजीपति ना मालिकाना मंदाना ओसो अदिना इस्तेमाल मजदूर लोरा अतिरिक्त मूल्य ता शोषण काजे आसोर मत्ता सिर्फ पूंजीवादी उत्पादन प्रणाली लोप्पाने (उत्पादन साधन, मुद्रा) पूंजी बनेमांता। मार्क्स वेहता लेक्का “नीग्रो सिर्फ नीग्रो मंतोर। सिर्फ उचुन विशेष परिस्थितिग लोप्पा ओरु गुलाम बनेमांतोर। नोटना मशीन नूलगाट्टि ना मशीने मंदिंता। सिर्फ उचुन परिस्थितिग लोप्पा इद पूंजी बनेमांता।”<sup>4</sup> बुर्जुआ अर्थशास्त्री लोर उत्पादन साधन पूंजी आंदू इंजी वेहाना पोरो जोर हींतोर। ओरा अनुसार, आदिम मानव इस्तेमाल कियाना बंडांग ना औजार ओसो वर्की (गूटे) ना गुदड़ी पूंजी मत्ता। इव गलत विचार कुना उद्देश्य लोकुरा नडमा ता वर्ग संबंध कुन ओसो वस्तु नडमा ता संबंध कुना संगे मुच्चना, पूंजीवादी शोषण रूप तुन मुच्चना मत्ता। ओरु इद पूंजीवाद उंदी ऐतिहासिक श्रेणी आंदु, पूंजीवाद तुन अनंतकाल तल ताकसोर मंता इंजी साबित कियाना उद्देश्य मंदिंता।

मार्क्स तन्ना पूंजीवादी उत्पादन प्रणाली विश्लेष लोप्पा वेहता लेक्का, “अतिरिक्त मूल्य पुट्टी कियाना ओसो धन कमई कियाना इद प्रणाली ता सर्वोच्च नियम आंदू।”<sup>5</sup> अतिरिक्त मूल्य नियम पूंजीवाद ता बुनियादी आर्थिक नियम वेने आंदू। इद पूंजीवाद ता वस्तुगत उद्देश्य ओसो रूप तुन तोहिंता। अतिरिक्त मूल्य उत्पादन आयवेके पूंजीवादी उत्पादन आया परवो आंता। पूंजीपति ना सब्बे गतिविधिग मुनाफा काजे मजदूर लोरा नेत्तुर-हेपुर तुन पीरना पोरो केंद्रित मंदिंता। धन काजे पूंजीपति ना लालच बस्केने मारो आंता अनि अतिरिक्त मूल्य तुकू ओना करवु बस्के मायो आंता। इदे पूंजीपति स्वरूप आंदू। “पूंजी ता उद्देश्य जरूरत कुन पूरा कियाना आयवा मुनाफा पुट्टी कियाना मंता।”<sup>6</sup> “पूंजी ओसो इदिना मूल्य लोप्पा वृद्धि उत्पादन ता शुरूआत ओसो अंत मंदिंता, इदे उत्पादन साधन ओसो लक्ष्य मंदिंता।”<sup>7</sup> पूरा पूंजीवादी व्यवस्था पूंजीपतिर कियाना मजदूर लोरा क्रूर शोषण पोरो आधार आसी

मंदिता। पूंजीवाद उंदी क्रूर व्यवस्था मंदिता ताना लोप्पा मानेय मानेय ना शोषण कींतोर।

पूंजीवादी व्यवस्था तुन मत्ता लेक्काने तासला ओसो पूंजीवादी शोषण ता स्वरूप तुन मकिह कियााना उद्देश्य ते बुर्जुआ वर्ग ओसो इदिना प्रवक्ता लोरा जनता तुन धोखा हियाला काजे हर रकम ता गलत प्रचारकु कींतोर। ओरु मजदूर लोरा तिप्पल ओरा “किस्मत” ता कारण ते मंता अनि पूंजीपति ना सम्पन्नता “ताना मेहनत ओसो कम खर्ची” ता कारण ते मंता इंतोर। इव सब्बे झूठ आंदुंग। पूंजीपति बस्केने काम कीवोर, ओरु “मेहनती” बदरम मंदा परितोर? पाड़ना समाज लोप्पा (क्रांति तुकू मुन्नेटा समाज लोप्पा-सं) मजदूर लोरा तिप्पल “किस्मत” ता कारण ते आयवा अतिरिक्त उत्पादन तुन पूंजीपतिर हड़पे कियााना कारण ते मत्ता। संक्षिप्त ते वेहाना इत्तेके मजदूर लोरा गरीबी ओसो पूंजीपतिरा अमीरी ता स्रोत उंदे मत्ता। अदु पूंजीपतिरा निजी मालिकाना पोरो आधार आसी मत्ता पूंजीवादी शोषण व्यवस्था आंदू।

## **मजदूर लोरा शोषण-उत्पीड़न कियााना पूंजीपतिरा क्रूर साधनकु**

**अतिरिक्त मूल्य दर पूंजीपतिर कियााना मजदूर लोरा शोषण ता मात्रा तुन तोहिंता**

पूंजीपतिर खुद कृत्रिम रूप ते पूंजी मंदितोर। ओरा आत्मा पूंजी ता आत्मा मंदिता। पूंजीपति उंदी ओडे लेक्का मंदितोर। ओरु बस्के एवनले मजदूर लोरा उंदी डोंगे नेत्तुर मंदिता अस्केने एवनल ओरु नेत्तुर ऊतसोर मंदितोर। वेल्ले अतिरिक्त मूल्य दोरकी कियााला काजे पूंजीपति मजदूर ना शोषण बेरसी कियााना हर सम्भव कोशिश कीसोर मंदितोर। मजदूर लोरगा पूंजीपतिर शोषण कियााना मात्रा तुन अतिरिक्त मूल्य ता दर संगे मापे कियमूडांता।

पूंजीपतिर कियााना मजदूर लोरा शोषण ता मात्रा ता माप लेक्का अतिरिक्त मूल्य दर तुन समजेमायला काजे माटु मूल्य पुट्टना ओसो मूल्य, स्थिर अनि बदलेमासोर मत्ता अंतर तुन बेरसी कियााला उत्पादन साधन ता विभिन्न भूमिकांग कुन समजेमाया लागियर।

उत्पादन साधन उत्पादन प्रक्रिया नड़मा तम्मा शुरूआती मूल्य पोहचिंतांग। मति अदिना मूल्य मायो आंता। मजदूर ना श्रम संगे दूसरा

उत्पादन लोप्पा बदलेमांतांग। इद बदलाव बदे पूना मूल्य विइसा परवो आंता। अदिन काजे पूंजी ता उत्पादन साधन अस्सला काजे इस्तेमाल आयना हिस्सा तुन स्थिर पूंजी इंतोम। स्थिर पूंजी ता विपरीत, पूंजीपतिर श्रमशक्ति अस्सला काजे इस्तेमाल कित्ता पूंजी ता हिस्सा परिवर्तनशील पूंजी इंतोम, बारांकु इत्तेके श्रम संगे पुट्टी कित्ता पूना मूल्य श्रमशक्ति तुन हित्ता मूल्य तुक्क ज्यादा मंदिता। अतिरिक्त मूल्य परिवर्तनशील पूंजी ता संवर्धक उत्पाद मंदिता।

उदाहरण तुक्क स्थिर पूंजी “सी” परिवर्तनशील पूंजी “वी” ओसो अतिरिक्त मूल्य “एम” मंता। इत्तेके पूंजी काजे अग्रिम भुगतान आत्ता सी+वी ओसो उत्पाद कुना कुल मूल्य सी+वी+एम आंता। उत्पादन प्रक्रिया लोप्पा “सी” ता मूल्य बदलेमायवा मंदिता, अदिन काजे “एम” सिर्फ “वी” ता संवर्धन उत्पाद मंदिता। अदिन काजे पूंजीपतिर कियाना मजदूर लोरा शोषण ता मात्रा तुन तोहला काजे माटु “सी” तुन विइसा परितोम अनि “एम” ता “वी” संगे तुलना किया परितोम। मुन्ने हित्ता नूलगट्टी उदाहरण लोप्पा “वी” 3 युआन मंता अनि “एम” वेने 3 युआन मंता। इद्रम पूंजीपतिर शोषण तुन तोहना अतिरिक्त मूल्य ता दर एम/वी इत्तेके सौ प्रतिशत आंता।

मूल्य संवर्धन प्रक्रिया तल माटु पोइदमेटा श्रमकाल तुन रेंडु हिस्सा ने तूसमूझांता इंजी हूझा परितोम। उंदी परिवर्तनशील पूंजी ता पुनरुत्पादन लोप्पा लागना मूल्य (मजदूरी) श्रमकाल ता इद हिस्सा मजदूर लोरा पिस्वल काजे जरूरी मंदिता अनि इदिन जरूरी श्रमकाल इंतोम। दूसरा हिस्सा पूंजीपति ना काजे अतिरिक्त मूल्य पुट्टी कियाला काजे इस्तेमाल आंता इदिन अतिरिक्त श्रम इंतोम। अदिन काजे अतिरिक्त मूल्य दर तुन दोइ वेहता लेक्का वेहमूझांता:-

---

### चार्ट- 1

$$\text{अतिरिक्त मूल्य दर} = \frac{\text{अतिरिक्त मूल्य (एम)}}{\text{परिवर्तनशील पूंजी (वी)}} = \frac{\text{अतिरिक्त श्रमकाल}}{\text{जरूरी श्रमकाल}}$$


---

## श्रमकाल बेरसी कीसी शुद्ध अतिरिक्त मूल्य दोरकी कियाना

पूँजीपतिर हमेशा मजदूर ना शोषण बेरसी कीसी अतिरिक्त मूल्य दर बेरसी कियाना कोशिश कींतोर। अतिरिक्त मूल्य दर बेरसी कियाला काजे पूँजीपतिर श्रमकाल बेरसी कींतोर। पूँजीवाद वरोर मजदूर ना उंदी दिव्या ता श्रमकाल जरूरी श्रम ओसो अतिरिक्त श्रमकाल ता योग (कलियसी) मंदिता। जरूरी श्रमकाल स्थिर आतेके श्रमकाल बचोन बेहरा मंदितायो अचोने अतिरिक्त श्रमकाल मंदिता। शुरुआत ते वरोर मजदूर ना दैनिक श्रमकाल 12 घंटांग मत्ता ताना लोप्पाटल 6 घंटांग जरूरी श्रमकाल मत्तेके 6 घंटांग अतिरिक्त श्रमकाल मंदिता। इंजे पूँजीपति श्रमकाल बेरसी कीसी 15 घंटांग कींतोर। जरूरी श्रमकाल 6 घंटांग पोरो स्थिर मंदिता अदिन काजे अतिरिक्त श्रमकाल बेरसी कीसी 9 घंटांग आंता इत्तेके मुन्ने तुकू 3 घंटांग ज्यादा आंता। इद्रम अतिरिक्त श्रमकाल ओसो जरूरी श्रमकाल ता अनुपात 6 : 9 आंता ओसो अतिरिक्त मूल्य दर 100 प्रतिशत तल बेरसिसी 150 प्रतिशत आंता। दैनिक श्रमकाल ता शुद्ध लम्बाई बेरसी कीसी दोरकी कित्ता अतिरिक्त मूल्य तुन शुद्ध अतिरिक्त मूल्य इंतोर।

पाइना चीन लोप्पा मजदूर ना काम ता श्रमकाल आल्सा परवाचोन बेहरा मत्ता। दैनिक श्रमकाल 15, 16 लेवेके 18 घंटा तुकू वेने ज्यादा मत्ता। मजदूर लोरा काजे उंदी पोल्लो मत्ता - “ओरु उक्कांग हूइसी नडुम नरका हुंजला दायना ओसो नरकुम जल्दी तेदतास्के वेने हुक्कांगे”। मुक्ति तुकू मुन्ने सान-त्याओ-शिह, त्येनत्सिन लोप्पा मजदूर लोर किन उंदी साल ते 357 दिव्यंग, लगभग 20 घंटांग रोज काम किया लागनदु। 8 घंटांग रोज काम कियाना हिसाब ते इदु 893 दिव्यांग काम कियाना बराबर मंदानदु। उंदी साल ता श्रम लगभग तीन साल ता बराबर मत्ता। मजदूर लोरा श्रमकाल बेरसी कियाला काजे पूँजीपतिर हर रकम ता पाबंदी वाटानोर, इत्तेके तिंदला काजे 10 मिनट छुट्टी हियाना, ओसो उइका-पेलका दायला काजे वेने अनुमति एता लागनदू। इदे आयवा ओरु घड़ी ता कांटा पेरके कियाना लेक्कटा षडयंत्र वेने कियानोर। मजदूर लोरा श्रमकाल बचोन बेहरा मंदिता, अतिरिक्त श्रमकाल अचोनो बेहरा मंदिता, पूँजीपतिर किन दोरकना शुद्ध अतिरिक्त मूल्य अचोने ज्यादा मंदानदू। पूँजीपतिरा कूर शोषण लगातार शारीरिक रूप ते मजदूर लोर किन पूराए दोगिह कियानादु अद्रमासी हमेशा ओरा हामुर वेने आयनदु।

शोषण बेरसी कियाला काजे श्रमकाल तुन बेरसी कियाना उंदी हल्को तरीका मंता, मति इद्रम कीतेके अनिवार्य रूप ते मजदूर लोरा प्रतिरोध ता वेने सामना किया लागिंता। संगेने पूंजीपतिर श्रमकाल तुन बेरसी कीसी 24 घंटांग किया पखोर आंतोर, बारांकु इत्तेके श्रमशक्ति तुन व्यय कियाना उंदी भौतिक हंदी मंदिंता। अदिनके पूंजीपतिर मजदूर लोरा शोषण बेरसी कियाला उंदी मकसी मत्ता दूसरा तरीका लागू कींतोर। ओरु जरूरी श्रमकाल तुन कम कीसी सापेक्षिक अतिरिक्त श्रमकाल बेरसी कियाना तरीका पोयंतोर।

## **जरूरी श्रमकाल घटे कीसी**

### **सापेक्षिक अतिरिक्त मूल्य दोरकी कियाना**

जरूरी श्रमकाल तुन बद्रम कम कियमूझांता? माटु जरूरी श्रमकाल श्रमशक्ति ता मूल्य ता पुनरुत्पादन काजे जरूरी श्रमकाल मंदिंता इंजी सब्बे तोर पूंजी मंतोम। श्रमशक्ति ता मूल्य मजदूर ओसो ओरा पोरो आधार आसी मत्तोरा पिस्वल काजे जरूरी साधन कुना मूल्य तल तय आंता। पूंजीपतिर सामान्य श्रम उत्पादकता बेरसी कियाला काजे पूना टैकनिक ओसो पूना मशीन कुना इस्तेमाल कींतोर अनि इद्रम श्रमशक्ति ता पुनरुत्पादन काजे जरूरी पिस्वल ता साधन कुना मूल्य कम कींता अस्के मजदूर लोरा कुल दैनिक श्रमकाल स्थिर मत्तेकाई सापेक्षिक अतिरिक्त श्रमकाल बेरसिंता बारांकु इत्तेके श्रमशक्ति ता मूल्य घटेमातांकु इंजे जरूरी श्रमकाल तुन कम कियमूझांता। उदाहारण तुकू शुरुआत ता जरूरी श्रमकाल 6 घंटांग मत्तेके अतिरिक्त श्रमकाल वेने 6 घंटांगे मंदिंता। इंजे सामान्य श्रम उत्पादकता दोगुना कीतेके मजदूर ओसो ओरा पोरो आधार आसी मंदानोरा पिस्वल काजे जरूरी साधन कुना मूल्य आधा आयर अनि श्रमशक्ति ता मूल्य पुनरुत्पादन काजे जरूरी श्रमकाल वेने 6 घंटा नल घटेमासी 3 घंटांग आयार। अतिरिक्त श्रमकाल 6 घंटा तल बेरसिसी 9 घंटांग आयर, इत्तेके मुन्ने तुकू 3 घंटांग ज्यादा आंता। अतिरिक्त मूल्य दर 100 प्रतिशत तल 300 प्रतिशत आयर। जरूरी श्रमकाल तुन घटेकीसी अदिना सापेक्ष अतिरिक्त श्रमकाल तुन बेरसी कीसी दोरकी कित्ता अतिरिक्त मूल्य तुन सापेक्षित अतिरिक्त मूल्य इंतोर।

बोरे वरोर पूंजीपति मजदूर ना श्रम उत्पादकता बेरसी कियाला काजे पूना टैकनिक ओसो पूना मशील कुना इस्तेमाल कीतेके पिस्वल ता साधन



कुना मूल्य कम आया परवो इंजी स्पष्ट कियाना जरूरी मंता। अदिन काजे सापेक्षित अतिरिक्त मूल्य दोरकी कियाना लक्ष्य पूरा आया परवो आंता। इद्रम ता परिस्थिति ते पूंजीपतिर पूना टैकनिक ओसो पूना मशीनकु बारांकु इस्तेमाल कींतोर? पूना टैकनिक ओसो पूना मशीनकु इस्तेमाल कियाना पेरके पूंजीपतिरा स्पष्ट उद्देश्य माल उत्पादन काजे व्यक्तिगत श्रमकाल तुन घटेकीसी सामाजिक रूप ते जरूरी श्रमकाल तल कम कियानाद मंदिता। इद्रम कीसी ओरु तम्मा माल सामाजिक रूप ते जरूरी श्रमकाल तल तय आत्ता मूल्य तेने वम्मतेके अदिन दूसरा पूंजीपतिरकिनकु ज्यादा मूल्य दोरकिता। माल उत्पादन लोप्पा सामाजिक रूप ते जरूरी श्रमकाल तुकू कम व्यक्तिगत श्रमकाल खर्च आयना तल दोरकता अतिरिक्त मूल्य तुन बेशी अतिरिक्त मूल्य (excess surplus value) इंतोर। मति सबसे मुन्ने पूना टैकनिक ओसो पूना मशीनकु इस्तेमाल कियाना पूंजीपति वेल्ले जोम इद बेशी अतिरिक्त मूल्य कमई किया परवो आंतोर बारांकु इत्तेके दूसरा पूंजीपतिर किन वेने मुनाफा लोप्पा हिस्सा एतला काजे इद्रमे किया लागिंता। पूना टैकनिक ओसो पूना मशीन कुना इस्तेमाल व्यापक स्तर ते आयनास्के, सामान्य श्रम उत्पादकता बेरसतास्के माल ता मूल्य दोड़ वांता। बेशी अतिरिक्त मूल्य पुट्टना व्यक्तिगत श्रमकाल ओसो सामाजिक रूप ते जरूरी श्रमकाल नड्मा ता अंतर तन्ना-तन्नाए खत्म आंता। बेशी अतिरिक्त मूल्य वेने खत्म आयर। मति सामान्य श्रम उत्पादकता बेरसिंता। बचोनो माल ता मूल्य दोड़ वात्तास्के ओसो श्रम ता मूल्य लेवेके पिस्वल पिस्सना साधन सस्ता आंता। श्रमशक्ति ता मूल्य सस्ता आयर अनि जरूरी श्रमकाल घटेमायर। अद्रमासी पूंजीपतिर वेल्ले सापेक्षित अतिरिक्त मूल्य दोरकी किया परिंतोर।

लालची पूंजीपति सापेक्षिक अतिरिक्त मूल्य बेरसी कियाला काजे आयवा सिर्फ श्रम उत्पादकता तुन बेरसी कियानाए आयवा श्रम सघनता (labour intensity) बेरसी कीसी वेने जरूरी श्रमकाल घटे कियाना काम कींता। मार्क्स वेहता लेक्का “उंदी हिसाब ते श्रम उत्पादकता स्तर उन्नत कियाना ओसो श्रम सघनता बेरसी कियाना उंदे काम कींतांग। अवु उंदी तय कालम ते कुल उत्पादन तुन बेरसी कींतांग। अदिना कारण ते अवु मजदूर लोरा पिस्वल ता साधन कुना लेवेके अविना दूसरा समतुल्य उत्पादन काजे जरूरी श्रम दिव्या ता हिस्सा तुन सुडला कींता।”<sup>8</sup> पूंजीपति मजदूर लोरा श्रम सघनता बेरसी कियाला काजे मशीन कुना कारण ते रफ्तार तेज कींतोर, श्रम ता कोटा बेरसी कींतोर ओसो कुल श्रम दिव्या कम कियवा

लेवा मजदूर लोरा संख्या घटे कींतोर। मजदूर लोरा श्रम वेल्ले कठिन आसोर दांता। उंदी दिय्या ता काम पेरके ओरु पूरा दोगिंतोर। शंघाई ता शेन-सन नूल कारखाना ता उदाहरण हूडाटू। 1933 ते हर 100,000 तकली (चरखा) ते 440 मजदूर काम कींतोर। जापानी लोकुर ताकी कियाना नूल मील संगे होइ कियाना ओसो परताचोन अतिरिक्त मूल्य दोरकी कियाला काजे इद मील ता पूंजीपतिर मजदूर लोरा संख्या घटे कीसी श्रम सघनता बेरसी किंतोर। 1934 ते हर 100,000 तकली ते सिर्फ 270 मजदूर काम कींतोर। पाइना समाज लोप्पा पूंजीपतिरा उत्पीड़न संगे मजदूर लोरकिन वेल्ले काम किया लागतांकु वेल्ले मजदूर लोर 40 साल तेने मुयतोर आयनोर।

## वेल्ले अतिरिक्त मूल्य पीरला काजे

### श्रम ता मूल्य तुकू कम मजदूरी हियाना

पूंजीपतिर मजदूर लोरा शोषण कियाला काजे कियाना षडयंत्र कुना लिस्ट वेल्ले बेहरा मंता। ओरु हमेशा मजदूर कम कियाना लेवेके कटौती कियाना कींतोर। मुन्ने शुद्ध अतिरिक्त मूल्य ता विश्लेषण कियानास्के माटु पूंजीपति श्रमशक्ति ता मूल्य अनुसार मजदूरी हींतोर इंजी हूइतोम। मति मजदूर ना मजदूरी कम कियाना पूरा कोशिश कींतोर। ओरु मजदूर ना मजदूरी संगे वेल्ले मुश्किल ते पिस्वल पिस्ससोर मत्तेकाई ओरु मजदूरी घटे कीसी श्रमशक्ति मूल्य दोइ रेहला काजे हर रकम ता कटौती कियाना कोशिश कींतोर। अद्रमासी मजदूर ना काजे पिस्वल पिस्सना न्यूनतम स्तर तुन वेने मत्ता लेक्का तासना मुश्किल आंता। उदाहरण तुकू काइलुआन कोयला खदान लोप्पा खच्चर ता चारो काजे 47 सेंट हर दिय्या तय मत्ता मति खदान मजदूर लोरा दैनिक मजदूरी 22 सेंट तुकू ज्यादा हिल्वा मत्ता। इतेके “मानेय ना परिस्थिति खच्चर तुकू वेने दोइ मत्ता।” इदे आयवा पाइना चीन लोप्पा बचोनो कारखानांग मजदूर लोरा काजे दंड संहिता (penal code) बने किसी तासतांग, ताना लोप्पा रक-रकम ता पोल्लोंग मत्तांग। बस्के-बस्केने जुर्माना मजदूरी तुकू वेने ज्यादा मंदानदू। उदाहरण तुकू जरूरी हिल्वाए एर पोहतना सजा, खिड़की तल बाहरो हूइना सजा, जमा आयना ओसो संगठन बने कियाना पोरो ओसो ज्यादा बेहरा सजा मंदानदू। पूरा जुर्माना आय ता अतिरिक्त स्रोत लेक्का पूंजीपति ना कीसा ते दायनदू।

पूंजीपति ओसो वेल्ले क्रूर शोषण कियाला काजे बेहरा संख्या ते आस्कु ओसो पिल्ला-पेकोर कुन काम कियाला वाटानोर। बेहरा संख्या ते

आस्कु ओसो बाल मजदूर लोर किन काम ते वाटतांकु मजदूर लोरा मजदूरी श्रमशक्ति ता मूल्य तुकू कम आयनदू। आस्कु ओसो बाल मजदूर लोरा मजदूरी ओसो वेने कम मंदानदु। पाइना चीन लोप्पा आस्कु-कोयतोरा लेक्काने रोज 10 घंटा तुकू ज्यादा काम कियानवु, मति अविना मजदूरी कोयतोरा मजदूरी तुकू 2 तिहाई लेवेके आधाए मंदानदु। बाल मजदूर लोरा मजदूरी ओसो वेने कम मंदानदु, आस्कु ना मजदूरी तुकू आधाए मंदानदु। उचुन पूंजीपति मजदूरी ता जागा ते सिर्फ सस्ता तिंदला-उंडला हीसी तोका विइसी कियानोर। पूंजीपति “युवा अप्रेंटिस” ओसो “बाल मजदूर” लोरा संगे मानेय लेक्का व्यवहार कीवोर आयानोर। मार्क्स वेहता लेक्का पूंजीपति “वर्कशाप एवनल दूसरोरा पोरो आधार आसी एवनाचोन सुडला मत्ता पेकोरा नेत्तुर तल रेशम तेंडितोर।”<sup>9</sup> स्कूल दायना उम्र ते पोष्टामेंड तिनवा मंदानोर, मेंदुल ते गेते हिल्ला मंदानोर ओसो पूंजीपति ना उत्पीड़न ता शिकार आयनोर। ओरकिन हमेशा पिटाई ओसो रांगाड़ सहेमाया लागनदू। वेल्ले बाल मजदूर पूंजीपतिरा क्रूर शोषण ता कारण ते डोल्लानोर।

पूंजीवादी समाज लोप्पा पूंजीपति सिर्फ मजदूरा लोरा क्रूर शोषणे आयवा ओरु ओरा क्रूर रूप ते उत्पीड़न वेने कियानोर। पाइना चीन लोप्पा पूंजीपति मजदूर किन उत्पीड़ित कियाला काजे कारखाना लोप्पा सख्त नियम लागू कियानोर। दसियों ओसो बस्के-बस्के 100 तुकू ज्यादा सजा मंदाना कानून मजदूर ना आजादी तुन ऊंदनदू। “काम तुकू मुन्ने ओसो पेरके तलाशी” ओसो “मैनेजमेंट बस्के इत्तेके अस्के बाहर तेंडना अधिकार तासनदु” इव सिर्फ उदाहरणकु आंदुंग। कारखानांग जेल लेक्का मत्तांग अनि मजदूर लोरा परिस्थिति कैदी लोरा लेक्का मत्ता। उचुन पूंजीपति मजदूर लोरा दमन कियाला काजे कारखानांग लोप्पा सेना ओसो पुलिस तैनात कियानोर।

पूंजीवाद मजदूर लोरा काजे हंदी हिल्ला मुश्किलकु पुट्टी कित्ता। इद उंदी क्रूर शोषण व्यवस्था आंदू। मति गद्दार ल्यू शाओ-ची पूंजीवादी शोषक व्यवस्थ तुन सही साबित कियाना परताचोन कोशिश कित्तोर अनि “शोषण ता उचुन फायदा” मंदिता इंजी वेहतोर। ओरु “पूंजीवादी शोषण सिर्फ लब्ध ताए आयवा इदिना तन्ना फायदा” इंजी वेने वेहतोर। इव सब्बे अंगड़म तावे! मार्क्स ना अतिरिक्त मूल्य ता सिद्धांत “शोषण ता तन्ना फायदा मंता” इंदाना पोल्लो ता सबसे बेहरा आलोचना मंता। समाजवादी चीन लोप्पा पूंजीवादी शोषण व्यवस्था तुन पुनर्स्थापित कियाला ल्यू शाओ-ची ओसो

ओना मंडली ता नाकाम कोशिश कु बुर्जुआ वर्ग ता प्रवक्ता ना लेक्का ओना कूर मुक्कम ता पर्दाफाश कित्ता।

## मजदूरी पूंजीवाद ता शोषक संबंध तुन मकिह कींता

**मजदूरी श्रम मूल्य लेवेके दर ता मकसी मत्ता रूप आंदू।**

पूंजीवादी समाज लोप्पा मजदूर पूंजीपतिरा कारखाना लोप्पा मेहनत कींतोर अनि पूंजीपति निगडल मजदूरी एतितोर। उंदी दिय्या मेहनत कित्ता पेरके मजदूर लोरकिन उंदी दिय्या ता मजदूरी दोरकिंता। हप्तामेंड हेपुर पोह्हाता पेरके हप्तामेटा मजदूरी दोरकिंता। पोरो-पोरो हूइतेके ओरा पूना श्रम ता मजदूरी दोरकिंता अनि इद “बराबर ता विनिमय” मत्ता लेक्का आंता। मति असल ते, मजदूरी पूंजीपतिर मजदूर लोरा शोषण तुन मकिह कींता।

मार्क्स बेहता लेक्का “मजदूरी दिसस्सोर मत्ता लेक्का मन्नो। अदु श्रम ता मूल्य लेवेके दर आयवा श्रमशक्ति मूल्य लेवेके दर ता मकसी मत्ता रूप आंदू।”<sup>10</sup> पूंजीपतिर मजदूरी तुन “श्रम ता मूल्य लेवेके दर” इंजी वेहानद सही हिल्ले।

इदिना कुंजी श्रमशक्ति ओसो श्रम नइमा ता अंतर लोप्पा मंता। इद “राजनीतिक अर्थशास्त्र ता उंदी वेल्ले महत्वपूर्ण सवाल संबंधित मंता।”<sup>11</sup> पूंजीवादी व्यवस्था लोप्पा वस्तु माल लेक्का अस्सना-वम्मना आंता, अदु श्रम आयवा श्रमशक्ति मंदिंता।

श्रम माल बारांकु मन्नो ओसो इदिन अस्सना लेवेके वम्मना बारांकु कियमूझायो? बारांकु इत्तेके सबसे मुन्ने श्रम उंदी माल मत्तेके बाकी माल लेक्का वम्मना मुन्ने अदिना अस्तित्व मंदाना जरूरी मंता। मति असल ते श्रम श्रमशक्ति ता इस्तेमाल आंदु। वम्मना मुन्ने इदिना अस्तित्व मन्नो आंता। इदु वम्मना ओसो श्रम प्रक्रिया ते दिसता पेरके अस्तित्व ते वांता। इदे आयवा किराया ते तेहता पेरके मजदूर लोरा श्रम पोरो ओना बदे अधिकार मन्नो आंता। ओना श्रम पोरो पूंजीपति ना अधिकार मंदिंता। दूसरा, श्रम उंदी माल मत्तेके मूल्य नियम अनुसार इदिना विनिमय समतुल्य मूल्य ते आयनास्के पूंजीपति मजदूर पुट्टी कित्ता पूरा मूल्य मजदूर लोरा मजदूरी ओसो ओरा श्रम ता भुगतान लेक्का हियाना। इद्रम आतेके पूंजीपतिरा आय ता स्त्रोत खत्म आयर अनि अतिरिक्त मूल्य वेने खत्म आयर। पूंजीवाद खत्म आयर। तीसरा, श्रम उंदी माल मत्तेके अदिना बदे मूल्य वेने मंदिंताए। इद मूल्य बद्रम तय

कियाना? माटु सब्बे माल कुना मूल्य ताना लोप्पा लागता श्रम तल तय आंता इंजी पुत्तोमे। श्रम ता मूल्य वेने श्रम ता मात्रा तल तय आतेके श्रम ता मात्रा तल श्रम ता तुलना आयार।

इद्रम आतेके माकिन श्रम माल आयो इंजी समजेमांता। इदिना बदे मूल्य हिल्ले। “श्रम ता मूल्य लेवेके दर” लेक्कटा बदे वस्तु हिल्ले।

पूजीवाद लोप्पा पूजीपति मजदूर लोरगडल श्रम आयवा श्रमशक्ति अस्सिंतोर। पूजीपतिर मजदूर लोर किन हिता मजदूरी सिर्फ श्रमशक्ति ता मूल्य ता बराबर मंदिता। श्रमशक्ति ता मूल्य तुकू ज्यादा मजदूर लोरा श्रम अतिरिक्त मूल्य मंदिता अनि अदिने पूजीपति हड़पे कींतोर। अदिन काजे पूजीवादी मजदूरी किराया ते एतना पूजीपति ओसो ओसो किराया ते एतना मजदूर नइमा ता संबंध कुन तोहिंता।

### **मजदूर लोरा असल मजदूरी कम आसोर दायना**

पूजीपति सामान्य रूप ते मुद्रा लेक्का मजदूरी हींतोर। मजदूर तम्मा श्रमशक्ति वम्मिंतोर ओरु उचुन धनराशी मुद्रा लेक्का दोरकी कींतोर। मुद्रा रूप ते हियाना मजदूरी तुन सांकेतिक मजदूरी इंतोर। मुद्रा ता मात्रा मजदूर लोरा असल पिस्वल स्तर तुन तोहो आंता। असल पिस्वल स्तर सिर्फ मुद्रा मजदूरी संगे अस्सनोरा पिस्वल ता साधन संगे ने दिसिंता। इद मजदूरी मजदूर लोरा असल पिस्वल स्तर तुन तोहिंता, अदिन असल मजदूरी इंतोर।

सांकेतिक मजदूरी ओसो असल मजदूरी हमेशा उंदे लेक्का मन्नो आंता। सांकेतिक मजदूरी स्थिर मंजी वेने असल मजदूरी घटेमाया परिंता। मुद्रा ता अस्सना शक्ति कम आसोर दांता अनि पिस्वल पिस्सना साधन कुना कीमत बेरससोर दांता, इत्तेके सांकेतिक मजदूरी ता बदला ते पिस्वल पिस्सना कम साधन दोरकिया परिंतोर। इद्रम असल मजदूरी लोप्पा कमी वाया परिंता। बरके-बरके सांकेतिक मजदूरी उचुन बेरसिंता, मति पिस्वल ता साधन कुना मूल्य लोप्पा आत्ता वृद्धि तल कम बेरसिंता, अस्के वेने असल मजदूरी कम आया परिंता। बुर्जुआ वर्ग हमेशा मुद्रास्फिति, महंगाई, किराया बेरसिसी सांकेतिक मजदूरी, असल मजदूरी ता अंतर तुन बेरसी कियाना ओसो मजदूर लोरा शोषण कींता।

पाइना चीन लोप्पा “मजदूरी घोंगी ताकन लेक्का बेरसिंता अनि वस्तु ना रेट फुग्गा लेक्का फुगेमासोर दांता।” तम्मा प्रतिक्रियावादी शासन तुन मत्ता लेक्का तासना ओसो जनता तुन लूटे कियाला काजे च्यांग-काई-शेक

हुकुमत नोट छापे कियाना रफ्तार बेरसी कित्ता। 1937 ओसो 1949 नइमा 12 साल लोप्पा जारी कित्ता नोट कुना संख्या 14,000 करोड़ गुना ओसो मूल्य सूचकांक 8,50,000 करोड़ गुना बेरसता। पाइना चीन लोप्पा मजदूर लोर किन मुद्रास्फिति कारण ते बेहिसाब कष्ट किया लागिता। च्यांग ना शासन पतन आयना उचुने मुन्ने हर वेतन दिवस ते “नूकांग ना रेट सड़क वेंडसोर-वेंडसोरे 3 बेरांग बेरसिता।” पाइना चीन लोप्पा मजदूर लोर किन सिर्फ कम मजदूरी हियाना कारण ते ओरु अस्सना सामान ओसो वेने कम मंदानादू। मजदूरी वेल्ले-वेल्ले कम मत्ता। परिवार पोसे कियाना वेल्ले मुश्किल मत्ता। बस्के-बस्के हड़ताल कित्ता पेरके सांकेतिक मजदूरी उचुन बेरसनदू मति कीमत इदिनकु बचोनो ज्यादा बेरसनदू। मजदूर लोरा पिस्वल दिव्या-दिव्या तुकू बिगड़ेमासोर दायनदू। ओरु मंदाना लोहकुना किराया वेल्ले मंदानदू। “उंदी परलोन लेक्कटा लोन काजे वेने कमाई ता बेहरा हिस्सा खर्च किया लागनदू।” मार्क्स ओसो एंगेल्स रास्ता लेक्का “कारखाना मालिक ना शोषण पेरके बुर्जुआ लोरा ओसो उंदी गुट (लोन मालिक, होटल मालिक, गिरवी तासानोर) मजदूर लोरा लोप्पटल वरोन पेरके वरोर तन्ना हिस्सा पिङ्गला काजे केपसोर मंदानोर।”<sup>12</sup>

### **पूँजीवादी शोषण विरुद्ध मजदूर वर्ग ता संघर्ष**

असल मजदूरी लोप्पा कमी वातांकु मजदूर लोरा बेहरा संख्या तुन करविने ओसो तिप्पल ते वाटसिता। अद्रमासी मजदूर वर्ग पूँजीवादी शोषण विरोध ते तेदता। तन्ना पिस्वल ता अधिकार ता रक्षा कियाला ओसो पूँजीपतिरा क्रूर शोषण ता विरोध ते मजदूर वर्ग मजदूरी बेरसी कियाला काजे कित्ता आर्थिक संघर्ष वेल्ले महत्वपूर्ण मत्ता। बारांकु इतेके इदु सिर्फ असल मजदूरी वेल्ले कम कियाना तुन रोमी कियानादे आयवा मजदूर वर्ग ता एकता तुन वेने मजबूत कित्ता ओरा वर्ग चेतना तुन विकसित कित्ता ओसो ओरा जुझारू विचार तुन मजबूत कित्ता। मति आर्थिक संघर्ष ता महत्व तुन बेरसी कीसी पेश कियानायो। मार्क्स वेहता लेक्का मजदूर वर्ग “तम्मा रोज ता संघर्ष लोप्पा सिर्फ प्रभाव ता विरोध किया मंता, इद प्रभाव तुन पुट्टी कियाना कारण ता आयवा सिर्फ (मजदूरी) दोड़ अरना रुझान तुन रोमी किया मंता, अदु सिर्फ लक्षण तुन दबे किया मंता, बीमारी ता इलाज कीसोर हिल्ले इंजी मरंगनायो।”<sup>13</sup> अदिन काजे मजदूर वर्ग पूर्ण समाधान कियाला काजे तन्ना आर्थिक संघर्ष एवनले सीमित आयवा अदिन आर्थिक संघर्ष तल राजनीतिक

संघर्ष बगिल ओया लागियर, बुर्जुआ वर्ग ता प्रतिक्रियावादी हुकुमत तुन तेहकसी वाटा लागियर अनि पूंजीवादी शोषक व्यवस्था तुन ध्वस्त किया लागियार।

मति हर रकम ता गद्दार लोर आर्थिक संघर्ष कीसोर मंदानाए जरूरी मंता इंजी वेहींतोर। ओरु फैले कित्ता गलत प्रचार कुना अनुसार मजदूर वर्ग तुन हिंसक क्रांति संगे राजनीतिक सत्ता पोरो कब्जा कियाना ओसो पूंजीवादी व्यवस्था तुन नाश कियाना बदे जरूरत हिल्ले। ओरु मजदूरी लोप्पा उचुन बढ़ोत्तरी ओसो काम ता परिस्थितिंग लोप्पा उचुन सुधार तले खुश आयना इंतोर। मुट्टामेंड गद्दार लोर फैले कित्ता गलत प्रचार कुना विफल उद्देश्य सर्वाहारा क्रांतिकारी आंदोलन तुन भटके कीसी बुर्जुआ सुधारवाद हर्षी ते ओंता। ओरु मजदूर वर्ग तुन हमेशा पूंजीपतिरा किराया ता गुलाम बने कियाना इंजी आल्सानोर। “मजदूर लोर इद अनुदारवाद (illiberalism) नारा पोयसी ताकनायो, ‘पोइदमेटा काम कियाना बदला ते पोइदमेटा मजदूरी!’ इंजी ओरु तम्मा झंडा पोयसी क्रांतिकारी नारा वाटना: ‘किराया ता श्रम व्यवस्था खत्म कियाना!’”<sup>14</sup>

## अध्ययन काजे प्रमुख संदर्भ

- ☞ मार्क्स, पूंजी, भाग 1, अध्याय 4,5,10,17
- ☞ मार्क्स, उजरती श्रम ओसो पूंजी
- ☞ मार्क्स, मजदूरी, दर ओसो मुनाफा
- ☞ माओ, “चीनी समाज लोप्पा वर्ग ता विश्लेषण”
- ☞ माओ, “चीनी क्रांति ओसो चीनी कम्युनिस्ट पार्टी” अध्याय 1 भाग 3, अध्याय 2, भाग 4

## समीक्षात्मक सवाल

1. अतिरिक्त मूल्य बद्रम पुट्टिता? अतिरिक्त मूल्य ता उत्पादन पूंजीवादी उत्पादन ता प्रकृतु आंदू इंजी बारांकु इंतोर?
2. पूंजीपति मजदूर लोरा शोषण-उत्पीड़न कियाला बद्रम ता तरीकांग पोयंतोर?
3. पूंजीवाद मजदूरी सिर्फ श्रमशक्ति ता मूल्य लेवेके दर ता मकसी मत्ता रूप आंदू इंजी बारांकु इंतोर?
4. मार्क्स ना अतिरिक्त मूल्य ता सिद्धांत ता समजदारी दोरकी कियाना बारांकु जरूरी मंता? मार्क्स ना अतिरिक्त मूल्य ता सिद्धांत ता इस्तेमाल माटु ल्यू शाओ-ची ओसो ओना मंडली ता “शोषण ता तन्ना फायदा मंता” इंदाना दृष्टिकोण ता आलोचना बद्रम कियाना?

## टिप्पणिंग

1. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 219।
2. पोरो वेहतादु।
3. पोरो वेहतादू।
4. मार्क्स, उजरती श्रम ओसो पूंजी, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972, पे. 326।
5. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 679।
6. मार्क्स, पूंजी, भाग 3, चीनी संस्करण, 1966, पे. 280।
7. पोरो वेहतादे पे. 272।



8. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 578।
9. पोरो वेहताद, पे. 325।
10. मार्क्स, गोथा कार्यक्रम ता आलोचना, मार्क्स-एंगेल्स ना चुने कित्ता रचनांग, भाग 3, चीनी संस्करण, 1972, पे. 17।
11. एंगेल्स, “उजरती श्रम ओसो पूंजी ता भूमिका”, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972, पे. 341।
12. कम्युनिस्ट घोषणापत्र, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972, पे. 258-259।
13. मार्क्स, मजदूरी, दर ओसो मुनाफा, मार्क्स-एंगेल्स ना चुने कित्ता रचनांग, भाग 2, चीनी संस्करण, 1972, पे. 253
14. पोरो वेहताद, पे. 203-204।

# पूँजीवादी समाज लोप्पा अमीर ओसो गरीब नइमा बेरसना कोहड़ा

## पूँजी संचय ओसो मजदूर वर्ग ता कंगालीकरण

मजदूर लोरा शोषण-उत्पीड़न कियाला काजे पूँजीपति बेहरा स्तर ते शुद्ध ओसो सापेक्षित अतिरिक्त मूल्य पीड़ंगना अनि अदिन पूँजी लेक्का बदले कियाना परताचोन कोशिश कींतोर। **अतिरिक्त मूल्य तुन पूँजी लेक्का बदले कियाना प्रक्रिया तुन पूँजी संचय इंतोर।** पूँजी संचय ता विश्लेषण तले माटु पाड़ना समाज लोप्पा बद्रम पूँजीपतिर बस्केने श्रम कियवा लेवा धनी आसोर दांतोर अनि मोरकुल उरंगनल मेहनत कीसी वेने मजदूर ना परिस्थिति वेल्ले तिप्पल ते अरसोर दांता इंजी समजेमांतोम। इदु माकिन शोषण बद्रम खत्म आंता, पूँजीवाद खत्म आसी समाजवाद ता जीत तुन बद्रमाई प्रतिक्रियावादी ताकतकु रोमी किया परवोंग अनि बारांकु क्रूर पूँजीवादी व्यवस्था तुन तेहकसी वाटना सर्वहारा वर्ग ता महान ऐतिहासिक मिशन आंदू इंजी बेस समजेमायला मदद कींता।

## पूँजी संचय मजदूर लोरा शोषण तुन बेरसी कींता

**पूँजीवादी साधारण पुनरुत्पादन ता विश्लेषण संगे**

**पूँजीपति मजदूर लोर किन पोसे कींतोर इंदाना**

**झूठ तुन पर्दाफाश कियाना।**

माटु मुन्ने वेहता लेक्का पूँजीपतिर हड़पे कित्ता अतिरिक्त मूल्य ता पूँजी लेक्का बदले मायनदू पूँजी संचय आंदू। पूँजी संचय ता विश्लेषण कियाना मुन्ने माटु पूँजीपति हड़पे कित्ता अतिरिक्त मूल्य तुन पूँजी लेक्का बदले कियवा पूरा खर्च कीतेके बातल आयर इंजी समजेमायकाल। इद्रम ता परिस्थिति ते पूँजीपति ना उत्पादन विस्तार आया परवो आंता। ओरु सिर्फ साधारण पुनरुत्पादन जारी तासा परितोर।

उदाहरण तुकू वरोर पूँजीपति 10,000 युआन संगे उंदी कारखाना शुरू कींतोर, ताना लोप्पा 8,000 युआन कारखाना ता बिल्डिंग, कच्चा माल ओसो मशीनकु अस्सला खर्च आतांग (उदाहरण तुन हल्को कियाना इत्तेके 8000 युआन ता उत्पादन साधन सालमेटे पूरा खर्च आतांग अविना मूल्य उत्पाद कुना लोप्पा बदलेमाता) अनि 2000 युआन श्रमशक्ति अस्सला खर्च आतांग। उदाहरण तुकू अतिरिक्त मूल्य दर सौ प्रतिशत मत्ता। इत्तेके वार्षिक उत्पाद ता मूल्य  $8000 \text{ सी} + 2000 \text{ वी} + 2000 \text{ एम} = 12,000$  युआन, ताना लोप्पाटल 2000 युआन अतिरिक्त मूल्य आंता।

पूँजीपति इद 2000 युआन तुन तम्मा ओसो तम्मा परिवार ता विलासिता पोरो खर्च कीतेके दूसरा साल शुरू ते पूँजीपतिरा पूँजी मुन्ने मत्ताचोने मंदिंता, इत्तेके  $8000 \text{ सी} + 2000 \text{ वी} = 10000$  युआन।

अतिरिक्त मूल्य लोप्पा बदे बदलाव आयवेके दूसरा साल ता उत्पाद कुना मूल्य ओसो उंदी बेरा  $8000 \text{ सी} + 2000 \text{ वी} + 2000 \text{ एम} = 12000$  युआन आंता। पुनरुत्पादन आयनास्के पूरा क्रिया-व्यापार ता स्तर विस्तृत आयवा शुरूआती स्तर तेने मंदिंता। शुरूआती स्तर पोरो आधार आसी मत्ता इद पुनरुत्पादन तुन साधारण पुनरुत्पादन इंतोर।

**पूँजीवादी साधारण पुनरुत्पादन बाताल वेहिंता?**

पहली, माटु पूँजीवादी समाज लोप्पा बोर बोनकिन पोसे कींतोर इंजी स्पष्ट हूड़ा परितोम? बदे उंदी उत्पादन प्रक्रिया संगे हूड़तेके पूँजीपति तम्मा पूँजी तुन मजदूरी हीसी मजदूर किन पोसे कीसोर मत्ता लेक्का दिसिंता। असल ते पूँजीपति इदिन इद्रमे पेश किया परितोर। मति माटु पुरुत्पादन

प्रक्रिया संगे हूड़तेके पूंजीपति ना झूठ हल्कोए मुन्ने वांता। मजदूरी उत्पादन प्रक्रिया लोप्पा खुद मजदूर लोर पुट्टी कित्ता मूल्य ता उंदी हिस्साए मंदिता। मजदूर पुट्टी कित्ता पूना मूल्य लोप्पा सिर्फ मजदूर लोरा तम्मा पोटा निह्हतना ओसो श्रमशक्ति ता पुनरुत्पादन ता मूल्य आयवा पूंजीपति ना पोटा निह्हतना अनि ओरा ऐशो-आराम ता पिस्वल काजे अतिरिक्त मूल्य वेने शामिल आंता। अदिन काजे पूंजीपति मजदूर किन आयवा मजदूर पूंजीपति किन पोसे कींतोर।

दूसरा, साधारण पुनरुत्पादन प्रक्रिया तल माटु अतिरिक्त मूल्य पूंजीपति ना पूंजी लेक्का बदलेमायनास्के हूड़ितोम। मना मुन्नेटा उदाहरण लोप्पा 10,000 युआन तल शुरू कियाना पूंजीपति तम्मा निजी उपभोग पोरो 2000 युआन खर्च कींतोर। इद्रम 5 साल पेरके ओना शुरूआती पूंजी खत्म आया परिता। मति पुनरुत्पादन संगे 5 साल पेरके वेने ओनगा पूंजी लेक्का 10,000 युआन पिसिस मंदिता। इद 10,000 युआन ओरु शुरू कित्ता पूंजी आयवा 5 साल लोप्पा लगातार तेंडता अतिरिक्त मूल्य आंदू। मार्क्स वेहता लेक्का, “बद्रमताई संचय कियवेके, उत्पादन प्रक्रिया ता साधारण रूप ते जारी मंदाना लेवेके साधारण पुनरुत्पादन उचुन जोम पेरके बदे वेने पूंजी तुन संचित पूंजी लेवेके पूंजीकृत अतिरिक्त मूल्य लेक्का बदले कींता।”

पूंजीपतिना पूंजी मजदूर पुट्टी कित्ता अतिरिक्त मूल्य ता बदलेमाता रूप आंदू, अदिन काजे मजदूर वर्ग राजनीतिक सत्ता पोरो कब्जा कित्ता पेरके पूंजीपति निगडल ऊंदिता उत्पादन साधन कुना पोरो सर्वहारा राज्य ता अधिकार मंदानादे सही मंता। इद मजदूर वर्ग ता पुरखा नोरा श्रम संगे बनेमाता सम्पदा तुन वापिस पोयना लेक्काने मंता।

आखरी ते साधारण पुनरुत्पादन प्रक्रिया संगे माटु पूंजीवादी पुनरुत्पादन सिर्फ विभिन्न माल तुन पुनरुत्पादित कियाना आयवा पूंजीवादी उत्पादन संबंध कुना वेने पुनरुत्पादन कींता इंजी हूड़ा परितोम। पुनरुत्पादन प्रक्रिया लोप्पा मजदूर लोर लगातार श्रमशक्ति अरस्सला इस्तेमाल कियाना परिवर्तनशील पूंजी ता उत्पादन कींतोर। उत्पादन प्रक्रिया पूरा आतेके मजदूर मुन्नेटा लेक्काने खाली कै किराया ता कामगार मंदितोर ओसो पूंजीपति इंजे वेने मजदूर ना शोषण ता सब्बे साधन कुना मालिक मंदितोर।

## पूँजीपति ज्यादा अतिरिक्त मूल्य पुट्टी कियाला काजे

### पुनरुत्पादन ता विस्तार कीतोर

पोरो माटु पूँजीपति पूरा अतिरिक्त मूल्य तम्मा निजी उपभोग पोरो खर्च कीतोर इंजी समजेमातोम। इदिना कारण पुनरुत्पादन शुरूआती स्तर ते ताकसोर मंदा परित। साधारण पुनरुत्पादन पूँजीवादी उत्पादन ता विशेषता मन्त्रो। पूँजीवादी उत्पादन ता विशेषता विस्तृत आत्ता पुनरुत्पादन आंदू।

विस्तृत आत्ता पुनरुत्पादन जारी तासला काजे पूँजीपति हड़पे कित्ता पूरा अतिरिक्त मूल्य तन्ना निजी उपभोग पोरो खर्चे किया परवोर। कारोबार विस्तार कियाना ओसो विस्तृत पुनरुत्पादन शुरू कियाना मुन्ने ओरकिन पूना मशीनकु ओसो औजार अस्सला काजे, अतिरिक्त मजदूर लोर किन्न किराया ते हियाला काजे अतिरिक्त मूल्य ता उंदी हिस्सा तुन पूँजी लेक्का बदले कियाला काजे तेंडला लागियर।

उदाहरण तुकू पूँजीपति 10,000 युआन तल शुरू कीतोर ताना लोप्पाटल 8000 युआन स्थिर पूँजी ओसो 2000 युआन परिवर्तनशील पूँजी मंदिता अनि अतिरिक्त मूल्य दर 100 प्रतिशत आंता। उत्पादन प्रक्रिया पूरा आत्ता पेरेके उत्पाद कुना मूल्य  $8000 \text{ सी} + 2000 \text{ वी} + 2000 \text{ एम} = 12,000$  युआन। इंजे, पूँजीपति 2000 युआन अतिरिक्त मूल्य ता आधा हिस्सा निजी उभोग काजे तासितोर अनि आधा तुन पूँजी लोप्पा बदले कियाला काजे संचय कीतोर। स्थिर पूँजी ओसो परिवर्तनशील पूँजी ता बराबर स्थिर मत्तेके इद 1000 युआन ता पूना पूँजी लोप्पा 800 युआन स्थिर पूँजी ओसो 200 युआन परिवर्तनशील पूँजी आंता। दूसरा साल ते पूँजी ता कुल मात्रा बेरसिसी 11000 युआन आंता। ताना संघटन इद्रम मंदिता:  $8800 \text{ सी} + 2200 \text{ वी} + 2200 \text{ एम} = 13200$  युआन। हत्ता साल ता उत्पाद कुना मूल्य 12000 युआन तुकू पूँजीपतिर पुनरुत्पादन ता विस्तार कित्तोर।

माटु विस्तार आत्ता पूँजीवादी पुनरुत्पादन अतिरिक्त मूल्य ता उंदी हिस्सा तुन पूँजी लेक्का बदले कित्तास्केने संभव आंता इंजी हूड़ा परितोम। साधारण पुनरुत्पादन लोप्पा पूँजीपतिर निवेश कित्ता पूँजी तुन अतिरिक्त मूल्य तले पूँजी ते बदलेमासी उचुन जोम आत्ता पेरेकेने दिसिंता, मति विस्तृत पुनरुत्पादन लोप्पा जोड़े कित्ता पूँजी तुन अतिरिक्त मूल्य तले पूँजी ते बदलेमायनदू हूड़ा परितोम।

पूँजीपतिर पूरा अतिरिक्त मूल्य तम्मा निजी उपभोग पोरो खर्च कियाना आयवा विस्तृत पुनरुत्पादन काजे पूँजी संचय बारांकु कींतोर? उचुन बुर्जुआ अर्थशास्त्रि लोर पूँजी संचय तुन पूँजीपति ना “संयम” गुण इंतोर। पूँजीपतिर पूँजी संचय पूरा समाज काजे मत्तेके ओसो उपभोग विचार तुन दबे कीतांकु आत्ता लेक्का।

माक्स इद “संयम” ता चरित्र तुन पर्दाफाश कित्तोर। माक्स पूँजीपति “अमीर आयना निरंकुश इच्छा” संगे ग्रस्त आंतोर इंजी वेहींतोर।<sup>2</sup> अतिरिक्त मूल्य काजे पूँजीपति ना लालच हंदी हिल्वाचोन मंता। अतिरिक्त मूल्य पूँजीपति लगातार संचय कित्तास्के, पूँजी बराबर बेरसी कियाना ओसो उत्पादन स्तर विस्तार कित्तास्केने लगातार बेरसा परित्ता। संगेने पूँजीवादी प्रतियोगिता वेने ओरकिन पूँजी संचय कियाला काजे मजबूर कींता। बोनगा ज्यादा पूँजी मंदिता ओरु औजार बेरसी कियाना, कच्चा माल अरस्सना ओसो पूना टैकनिक इस्तेमाल कीतांकु फायदा ते मंदिंतोर। श्रम उत्पादकता बेरसी कीसी माल ता व्यक्तिगत श्रमकाल तुन घटे कीसी सामाजिक रूप ते जरूरी श्रमकाल तुकू कम कियाना ओसो इद्रम पोटी ते मुन्ने हंजोर मंदाना संभावना वेने वेल्ले मंदिता। इदिना विपरीत मत्तेके ओरु पोटी लोप्पा असफल आंतोर अनि बेहरा पूँजीपतिर ओरकिन लोपसिंतोर। पोटी तुकू दबेमासी स्थाई स्रोत लेक्का बनेमांतोर। पोटी लोप्पा असफलता ओसो कंगाल आयना वेरीं तुकू पूँजीपति किन तन्ना पोटी क्षमता बेरसी कियाला काजे पूँजी संचय कीसोर दायला मजबूर कींता। “पोटी पूँजीवादी उत्पादन ता आंतरिक नियम तुन उंदी दोहची तासना नियम लेक्का बदले कींता अनि हर पूँजीपति किन नियंत्रित कींता। पोटी पूँजीपति किन तन्ना पूँजी तुन मत्ता लेक्का तासला काजे अदिना लगातार विस्तार कियाला मजबूर कींता। ओर लगातार बेरससोर दायना संचय संगे तन्ना पूँजी ता विस्तार कींतोर।”<sup>3</sup>

मजदूर निगडल पीरता अतिरिक्त मूल्य ता उंदी हिस्सा तुन पूँजी लेक्का बदले कियाना प्रेरणा पूँजीपति किन “संयम” तल आयवा लालच ओसो वेरीं तल दोरकी कींतोर। पूँजीपति बचोन ज्यादा शोषण कींतोर, संचित पूँजी अचोने ज्यादा मंदिता। संचित पूँजी बचोन ज्यादा मंदिता, अचोनो ज्यादा अतिरिक्त मूल्य पीरमूडांता। इद्रम संचित पूँजी सिर्फ मजदूर लोरा शोषण कीतांके आयवा उंदी साधन वेने मंता इदिना संगे पूँजीपति मजदूर लोरा शोषण बेरसी कींतोर।

## मजदूर लोरा बेरोजगारी

### पूँजी संचय ता जरूरी कारणकु

**पूँजी ता अवयवी संघटन (organic composition) लोप्पा वृद्धि आतेके मशीनकु मजदूर लोरकिन दोबसी वाटसिंतांग**

पूँजी संचय ता प्रक्रिया पूँजी ता कुल मात्रा बेरसी कियाना प्रक्रिया सिर्फ प्रक्रिया मन्त्रो आंता। इद प्रक्रिया लोप्पा पूँजी ता संघटन लोप्पा वेने बदलाव आंता अनि इदिना सर्वहारा वर्ग पोरो गलत प्रभाव अरिंता।

सामाग्री रूप ते पूँजी संघटन उत्पादन साधन (कारखाना, मशीन, औजार, कच्चा माल) ओसो श्रमशक्ति ता बराबर मंदिता। अस्सता उत्पादन साधन ओसो काम पोरो वाटता मजदूर लोरा संख्या नइमा उंदी संबंध मंदिता। उदाहरण तुकू वरोर मजदूर उंदी दिय्या ते उंदी तय कित्ता मात्रा ते रुई ता इस्तेमाल कीसोरे तय मत्ता लुम (चरखा) ना संख्या संभाले किया परितोर। इद बराबरी स्तर समाज लोप्पा उत्पादन टैकनिकल स्तर, विभिन्न उत्पादन लोप्पा विशेषतांग ओसो मशीनीकरण मात्रा पोरो आधार आसी मंदिता। इद विभिन्न उद्यम कुना टैकनिकल औजार कुना पोरो वेने आधार आसी मंता। अदिन काजे माटु इद अनुपात तुन पूँजी ता टैकनिकल संघटन इंदा परितोम।

पूँजी संघटन तुन मूल्य रूप ते वेने हूइमूड़ांता। उत्पादन साधन कुना मूल्य स्थिर पूँजी ओसो श्रमशक्ति ता मूल्य परिवर्तनशील पूँजी लेक्का दिसिंता। स्थिर नइमा अनुपात तुन पूँजी ता मूल्य संघटन इंतोर। पूँजी टैकनिक ओसो मूल्य संघटन नइमा गरें ता संबंध मंता। साधारण रूप ते पूँजी ता मूल्य संघटन पूँजी ता टैकनिक संगे-संगे बदलेमासोर मंदिता। “पूँजी ता टैकनिकल संघटन तल तय आयना ओसो अदिना बदलाव कुन तोहना पूँजी ता मूल्य संघटन तुने पूँजी ता अवयवी संघटन इंतोर।”<sup>4</sup> पूँजी ता अवयवी संघटन ता सूत्र ‘सी’ : ‘वी’ मंता। उदाहरण तुकू वरोर पूँजीपति निगा 10,000 युआन मंता, ताना लोप्पाटल 8000 युआन स्थिर पूँजी मंता ओसो 2000 युआन परिवर्तनशील पूँजी मंता। अस्के पूँजी ता अवयवी संघटन 8000 : 2000 इत्तेके 4:1 आंता।

पूँजीवाद विकास आयनास्के पूँजी ता अवयवी संघटन स्थिर मंदा परवो। वेल्ले अतिरिक्त मूल्य पीरना अनि पोटी लोप्पा मुन्ने दायला काजे

पूँजीपति किन कै संगे कियाना काम काजे मशीन वाटसी लेवेके पाड़ना मशीन कुना जागा ते पूना मशीनकु वाटसी तम्मा उद्यम ता टैकनिकल स्तर सुधरे किया लागियर। इद्रम पूँजीपतिर काजे मशीन औजार कुना लोप्पा पूँजी निवेश बेरसी कियाना जरूरी आंता। श्रम ता जागा ते मशीनकु वाटतेके मजदूर उंदी कालम तुकू ज्यादा कच्चा माल ता इस्तेमाल कीसी ज्यादा उत्पादन किया परितोर। पूँजीपति किन दुबारा कच्चा माल अस्सला काजे तम्मा पूँजी बेरसी किया लागियर। इद्रम लगातार पूँजी संचय संगे कुल पूँजी लोप्पा स्थिर पूँजी अनुपात लगातार बेरससोर मंदिता। दूसरा बगिल परिवर्तनशील पूँजी लगातार घटेमायना संगे पूँजी ता अवयवी संघटन लोप्पा वृद्धि आंता।

साधारण रूप ते पूँजी ता अवयवी संघटन ता मांग व्यक्तिगत पूँजी लोप्पा वृद्धि आयानद मंता। पूँजी लोप्पा वृद्धि रेंडु रूप ते आया परिता। पहली, पूँजी संचय संगे इत्तेके व्यक्तिगत पूँजी संचय संगे पूँजी ता कुल मात्रा लोप्पा वृद्धि आंता। दूसरा, पूँजी संकेद्रण इत्तेके बेहरा पूँजी संगे सुडला पूँजी लोप्पा काल्पनाद मंदिता। इद्रम ता पोटी लेवेके बचोनो कम्पनिंग ना उंदी ज्वाइंट स्टॉक कम्पनी ना लेक्का विलय आतेके आंता, अद्रमासी बिखरेमाता पूँजी बेहरा पूँजी लेक्का संकेद्रित आंता। पूँजी संचय ओसो पूँजी संकेद्रण अनिवार्य रूप ते पूँजी ता अवयवी संघटन लोप्पा वृद्धि कींतांग।

पूँजी ता अवयवी संघटन लोप्पा वृद्धि ता मजदूर वर्ग मुन्ने गंभीर प्रभावकु वातांग। पूँजी ता अवयवी संघटन स्थिर मत्तेके पूँजी संचय संगे-संगे श्रमशक्ति ता मांग बेरसिंता। इत्तेके मजदूर लोरा काजे रोजगार ता मौका बेरसिंता। मति पूँजी ता अवयवी संघटन बेरसता पेरके संचय ता रिजल्ट मुन्ने मत्तादे मन्ने आंता। इद श्रमशक्ति ता कुल मांग लोप्पा वृद्धि किया परिता। मति इद वृद्धि स्थिर पूँजी लोप्पा वृद्धि तुकू वेल्ले कम मंदिता। उचुन परिस्थितिंग लोप्पा श्रमशक्ति ता कुन मांग मुन्ने तुकू कम वेने मंदा परिता। इद्रम बारांकु आंता इत्तेके श्रमशक्ति ता मांग कुल पूँजी ता मात्रा पोरो आयवा परिवर्तनशील पूँजी ता मात्रा पोरो आधार आसी मंदिता। उदाहरण तुकू पूँजी ता अवयवी संघटन 4 : 1 मत्तेके कुल पूँजी ता हर 100 युआन लोप्पाटल 20 युआन मजदूर लोरा पोरो खर्च आया परिता। मति पूँजी ता अवयवी संघटन बेरसिंसी 9:1 आतेके हर 100 युआन लोप्पाटल सिर्फ 10 युआन मजदूर लोर किन दोरकिंता। इद्रम कुल पूँजी 10,000 तल 15,000 युआन वेने आतेके परिवर्तनशील पूँजी ता मात्रा 2000 तल घटेमासी 1500 युआन आयरा।



इद्रम पूंजी ता अवयवी संघटन लोप्पा वृद्धि मजदूर लोरा काजे रोजगार ता मौका कम कींता। पूंजीवादी समाज लोप्पा मजदूर वर्ग मशीनकु बने कींता। मति इव मशीनकु पूंजीपतिर इस्तेमाल कींतोर अस्के बेहरा संख्या ते मजदूर बेरोजगार आंतोर। पूंजीपतिर सिलाई मशीन इस्तेमाल कीतेके वेल्ले सिलाई मजदूर बेरोजगार आंतोर। पैकिंग मशीन इस्तेमाल कीतेके वेल्ले पैकिंग मजदूर सड़क ते वांतोर। टाईपसेटिंग मशीन वेल्ले टाईपसेटिंग मजदूर लोर किन बेरोजगार कीतांग। पूंजीवाद विकास प्रक्रिया लोप्पा टैकनिकल सुधार ओसो पूंजी ता अवयवी संघटन लोप्पा वृद्धि संगे-संगे मजदूर लोरा काजे रोजगार ता मौका कम आसोर दांतांग अनि बेरोजगार बेरससोर दांता। इदिन मशीन संगे मजदूर लोरकिन गुच्चिह (Expulsion) कियाना इंतोर।

## सापेक्षित अतिरिक्त आबादी

### पूंजी संचय ता अनिवार्य कारण आंदू

पूंजी ता अवयवी संघटन लोप्पा वृद्धि श्रमशक्ति ता मांग लोप्पा सापेक्षित कमी तत्तिंता। मति पूंजी संचय मुन्ने दायना संगे श्रमशक्ति ता सपलाई वेल्ले बेरसी कींता। पूंजीवादी उत्पादन टैकनिक कुना विकास ओसो मशीन कुना व्यापक रूप ते इस्तेमाल आतंकु बचोनो श्रम वेल्ले सरल आतांग। अद्रमासी आस्कु ओसो पिल्ला-पेकोर वेने किराया ता मजदूर लोरा लोप्पा शामिल आया परितोर। इदिना संगेने पूंजी संचय आयनास्के बेहरा संख्या ते सुडला माल उत्पादक ओसो सुडला पूंजीपतिर कंगाल आंतोर अनि तम्मा श्रमशक्ति वम्मला काजे मजबूर आंतोर। ग्रामीण इलाकांग लोप्पा पूंजीवाद विकास बेहरा संख्या ते किसान लोर किन वेने कंगाल कींता अद्रमासी ओरकिन पिस्वल पिस्सला काजे शहर ते दाया लागिंता। इव सब्बे कारण कुनल श्रमशक्ति ता सपलाई वेल्ले ज्यादा बेरसता।

इद्रम उंदी बगिल श्रमशक्ति ता मांग लोप्पा सापेक्षिक रूप ते कमी वात्ता अनि दूसरा बगिल श्रमशक्ति ता सपलाई वेल्ले बेरसता। अद्रमासी पूंजीवादी समाज लोप्पा हर कालम ते बेरोजगार ना उंदी बेहरा संख्या मंदिंता, सापेक्षिक अतिरिक्त आबादी मंदिंता।

इदु सापेक्षिक अतिरिक्त आबादी सिर्फ पूंजीवादी मांग तेने “अतिरिक्त” लेवेके “फालतू” मंदिंता। इत्तेके आबादी वेल्ले ज्यादा आतांकु समाज पुट्टी कियाना पिस्वल ता साधनकु हालसोर हिल्लेंग असल ते निरपेक्ष अतिरिक्त आबादी लेककटा बदे वस्तु मंदा परवो, बारांकु इत्तेके

व्यक्ति निगा सिर्फ तिंदला काजे टोड्डीए आयवा ओनगा रेंडु कैकु वेने मंतांग अविना संगे ओरु भौतिक सम्पदा वेने पुट्टी किया परितोर। मेहनतकश जनता ना कैदे समाज ता वेसड़ी मत्तेके अदु पिस्वल ता साधनकु पुट्टी कियाला उत्पादन ता गंभीरता ओसो विस्तार रेंडासी कुन विकसित किया, इद्रम आम आबादी मुन्ने तुकू बचोनो ज्यादा बेसता पिस्वल पिस्सा परिता। सिर्फ पूंजीवादी समाज लोप्पा मजदूर लोरा किस्मत ओरा तम्मा कैदे मन्त्रो ओसो मशीनकुन पूंजी लेक्का इस्तेमाल कियमूडांता, अगा मजदूर लोर किन सापेक्षिक अतिरिक्त आबादी लेक्का विस्थापित कियमूडांता। अदिन काजे मार्क्स सापेक्षिक अतिरिक्त आबादी तुन “पूंजीवादी उत्पादन प्रणाली लोप्पा जनसंख्या ता उंदी विशिष्ट नियम” इत्तोर। ओरु “अतिरिक्त मजदूर आबादी पूंजीवादी आधार ते सम्पत्ति ता संचय लेवेके विकास ता उंदी अनिवार्य कारण आंदू इत्तोर।”<sup>5</sup>

पूंजीवादी समाज लोप्पा अतिरिक्त आबादी ता 3 मूल रूप मंदितांग।

पहली, चलायमान अतिरिक्त आबादी। इदु उत्पादन प्रक्रिया लोप्पा अस्थाई रूप ते विस्थापित आत्ता बेरोजगार आबादी आंदू। इद्रम ता बेरोजगार आबादी औद्योगिक केंद्र लोप्पा सबसे ज्यादा मंदिता। आर्थिक संकट कालम ते लेवेक पूना मशीन ओसो पूना टैकनिक इस्तेमाल कित्तास्के उचुन मजदूर विस्थापित आंतोर। मति संकट मारतास्के लेवेके उद्योग वेल्ले विकसित आतेके इद्रम ता बेरोजगार मजदूर लोरा लोप्पाटल वेल्ले तोर वापिस कारखानांग लोप्पा वांतोर। बस्केने बेरोजगारी सहेमाया लागवा मंदाना मजदूर पूंजीवादी देश कुना लोप्पा वेल्ले कम मंतोर। ज्यादातर लोकुर बस्केने रोजगार दोरकी कींतोर लेवेके बस्केने सड़क पोरो मंदिंतोर।

दूसरा, मकसी मत्ता अतिरिक्त आबादी, इत्तेके ग्रामीण इलाकांग लोप्पा अतिरिक्त आबादी आंदू। कृषि, उत्पादन ता पूंजीवादीकरण ओसो पूंजी ता अवयवी संघटन लोप्पा वृद्धि पेरके कृषि मजदूर लोरा मांग घटेमांता। इदे आयवा कृषि लोप्पा श्रमशक्ति ता इद विस्थापन निरपेक्ष मंदिता। बस्के एवनल पूना जमीन कृषि कियाना लेक्का बनेमायो अस्के एवनल दुबारा श्रमशक्ति इस्तेमाल आया परवो। पूंजीवादी कृषि संगे विस्थापित मजदूर लोरा लोप्पा उचुन शहर कुना लोप्पा दांतोर। दूसरा जमीन ता सुडला हिस्सा संगे टुंडसी मंदिंतोर अनि संगेने हिवके-हक्के काम कीसी पोट्टा निहींतोर। ओरा स्वरूप बेरोजगार ता मत्तेकाई कृषि उत्पादन काजे ओरु फालतू मंदिंतोर। इदिने मकसी मत्ता अतिरिक्त आबादी इंतोर।

तीसरा, स्थिर अतिरिक्त आबादी। वीरु लोकुर स्थानीय कामकाज लेवेके हिवके-हक्के सुडला-बेहरा काम कियानोर मंदिंतोर। दोरकता श्रमशक्ति ता उंदी हिस्सा मत्तेकाई ओरा बदे स्थाई पेश मन्त्रो आंता। साधारण रूप ते ओरा काम ता घंटांग वेल्ले ओसो मजदूरी वेल्ले कम मंदिंता। ओरा पिस्वल स्तर मजदूर वर्ग ता औसत पिस्वल स्तर तुकू वेल्ले दोड़ मंदिंता।

पूँजीवादी समाज लोप्पा “फालतू” आबादी ता 3 रूप कु आयवा वेल्ले गरीब लोकुरा उंदी बेहरा संख्या मंदिंता इदु दूसरोरा दया पोरो आधार आसी मंदिंता अनि भीख तालकसी पिसिंता। वीरा लोप्पा मुयतोर, कमजोर, कानाल-कूटाल, पोर्टाल ओसो लोन हिलवोर शामिल मंतोर, वीरु विभिन्न कारण कुना कारण ते श्रम कियाना क्षमता पोहींतोर। वीरु सापेक्षिक अतिरिक्त आबादी ता सबसे दोड़ ता स्तर ते मंदिंतोर वीरा परिस्थिति सबसे खराब मंदिंता।

सापेक्षिक अतिरिक्त आबादी पूँजी संचय ता अनिवार्य कारण मंदिंता। मति संगेने वीरू पूँजी संचय लोप्पा उंदी औजार, पूँजीवादी उत्पादन प्रणाली मत्ता लेक्का तासना अनि अदिना विकास ता उंदी शर्त लेक्का वेने बनेमांतोर। पूँजीपति बेरोजगार मजदूर लोर मत्तेके काम ते मत्ता मजदूर लोरा शोषण-उत्पीड़न बेरसी कियाला काजे ‘ट्रम्प कार्ड’ लेक्का इस्तेमाल कींतोर। पूँजीपति ना टोड़ी तल वेल्ले बेहरा अपशब्द (गंदा पोल्लो) केंजा वांतांग। “सौ नैकु परहकना सौ मजदूर परहकना तुकू ज्यादा हल्को मंता।” पूँजीपति इचोन आक्रमक बारांकु मंदिंतोर? बारांकु इत्तेके कारखाना ता गेट बाहर हजारो बेरोजगार मजदूर मंतोर। पूँजीपति कारखाना लोप्पा मजदूर लोर किन धमके कियाना ओरा मजदूरी कम कियाला काजे इद्रम ता बेरोजगार लोरा इस्तेमाल कींतोर। दिना संगेने होड़ ओसो अराजकता नड़मा पूँजीवाद विकसित आसोर मंदिंता अनि अचानक कम आयना लेवेके फैलेमायना कालम इदिना विशेषता मंदिंता। उत्पादन अचानक विस्तृत आतेके पूँजीपति ना श्रम ता मांग श्रमशक्ति लोप्पा आयना वृद्धि संगे पूरा आयो आंता। पूँजीपति किन श्रमशक्ति ता “सुरक्षित भंडार” ता जरूरत मंदिंता। सापेक्षिक अतिरिक्त आबादी इद्रमे “सुरक्षित भंडार” ता काम कींता। इत्तेके पूँजीवादी समाज लोप्पा बेरोजगार ता बेहरा फौज तुन औद्योगिक रिजर्व फौज इंतोर। पूँजीवादी उत्पादन प्रणाली ता अस्तित्व ओसो विकास इदिना लेवा आया परवो आंता।

## माल्थस ना जनसंख्या ता सिद्धांत

**पूँजीवाद ता रक्षा काजे बने कित्ता उंदी प्रतिक्रियावादी धोखा आंदू**  
पूँजीवादी समाज लोप्पा बेरोजगार लोरा फौज मंदाना पूँजीपतिरा काजे “बेसे” मंदिता बारांकु इत्तेके इदु शोषण कियाला मदद कींता। इदु ओरा काजे लज्जा वायना लेक्कटा वेने मंदिता बारांकु इत्तेके इद फौज ता कारण ते ओरा सभ्य देश असभ्य दिसिंता। इद्रम ता परिस्थिति तल पेसला काजे बुर्जुआ वर्ग ता सेवा ते मत्ता बुद्धिजीविर तम्मा दिमाग पोरो जोर वाटसी पूँजीवादी व्यवस्था तुन सही साबित कियाला बचोने सिद्धांतकु पंडितोर। 19वीं शताब्दी तुकू मुन्ने वरोर अंग्रेज अर्थशास्त्री माल्थस रास्ता “जन संख्या ता सिद्धांत पोरो उंदी निबंध” इद्रमताए उंदी सिद्धांत आंदू।

माल्थस उंदी दुष्टतापूर्ण (wickedly) तर्क पेश कित्तोर। ओरु जन संख्या ज्यामितीय (Geometric) क्रम ते (1, 2, 3, 4, 8) बेरसिंता अनि पिस्वल ता साधन अंकगणितीय क्रम ते (1, 2, 3, 4...) बेरससोर दांता इंतोर। ओरु फालतू आबादी, बेरोजगार ओसो जनता ना गरीबी ता मूलभूत कारण इदे आंदू इत्तोर। इद तर्क ता उद्देश्य बेरोजगार ओसो गरीबी पूँजीवादी व्यवस्था ता गलतिंग आयवा प्रकृति ता नियम अनुसार मंता इंजी समजे कियानाद मत्ता। माल्थस ना अनुसार युद्ध ओसो महामारी मानव समाज काजे वरदान मंदिता। युद्ध ओसो महामारी लोप्पा बेहरा संख्या ते लोकुर डोलिंतोर अद्रमासी फालतू आबादी ता नकारात्मक प्रभाव कम आंता अनि जन संख्या लोप्पा वृद्धि पिस्वल ता साधन कुना लोप्पा वृद्धि तुकू अनुकूल आंता।

मति तथ्य तर्क तुकू ज्यादा ताकतवर मंदिता। माल्थस ना प्रतिक्रियावादी “जनसंख्या ता सिद्धांत पोरो उंदी निबंध” लोप्पा ज्यादा ताकत हिल्ले। जनसंख्या लोप्पा ज्यामितीय वृद्धि ओसो पिस्वल ता साधन कुना लोप्पा अंकगणितीय वृद्धि तोहना गुप्त विज्ञान बद्रम पुटता? असल इत्तेके माल्थस उंदी खास कालम ते अमेरिका ता जनसंख्या लोप्पा आत्ता वृद्धि तुन जनसंख्या वृद्धि ता दर अनि उंदी खास कालम ते फ्रांस लोप्पा अन्न उत्पादन लोप्पा आत्ता वृद्धि तुन पिस्वल पिस्सना साधन लोप्पा वृद्धि दर ता आधार बने कित्तोर। अस्के अमेरिका ता जन संख्या लोप्पा वृद्धि तेज आयना कारण जनसंख्या बेरसना आयवा बेहरा संख्या ते अप्रवासिरा वायना कारण ते बेरसता। फ्रांस ता अन्न उत्पादन तुन हूइतेके इदिना तुलना फ्रांस लोप्पा

वृद्धि आत्ता जन संख्या संगे आयवा अमेरिका लोप्पा वृद्धि आत्ता जनसंख्या संगे कीतेके इदु जनसंख्या वृद्धि तुकू वेल्लेये मंता। 1760 ते फ्रांस ता जनसंख्या 21 लाख मत्ता। हर मानेय औसत तिंदना अन्न उत्पादन 450 लीटर मत्ता। 80 साल पेरके 1840 ते फ्रांस ता जनसंख्या बेरसिसी 34 लाख आत्ता, इत्तेके इदिना लोप्पा 62 प्रतिशत ता वृद्धि आत्ता। मति तिंदाना अन्न उत्पादन लोप्पा वृद्धि अदिनकु वेने ज्यादा तेज आत्ता। 1840 ते हर मानेय औसत तिंदना अन्न उत्पादन 832 लीटर मत्ता इत्तेके इदिना लोप्पा 85 प्रतिशत ता वृद्धि आत्ता। बचोनो दूसरा पूंजीवादी देश कुना आंकड़ांग हूइसी जनसंख्या लोप्पा वृद्धि पिस्वल ता साधन कुना लोप्पा वृद्धि तुकू ज्यादा हिल्ला मत्ता इंजी स्पष्ट आंता। इदिना विपरीत पिस्वल ता साधन कुना लोप्पा वृद्धि जन संख्या वृद्धि तुकू बचोनो ज्यादा मत्ता। मति मेहनतकश जनता वेल्ले गरीब मत्तोर अनि ओरा परिस्थिति आल्सा परवा लेक्का मत्ता। माल्थस ना इद तर्क इंजेटा निरपेक्ष अतिरिक्त आबादी ता तर्क तल पूंजीवादी व्यवस्था गलतिंग कुन मुच्चना कोशिश कित्ता।

पाइना चीन लोप्पा माल्थस ना “जनसंख्या ता सिद्धांत पोरो उंदी निबंध” ता व्यापाक प्रभाव मत्ता। साम्राज्यवादी ओसो क्चोमिंगतांग प्रतिक्रियावादी चीनी जनता ना क्रांति ता विरोध कियाला काजे इद सिद्धांत तुन औजार लेक्का इस्तेमाल कियानोर। ओरु चीनी जनता ना संख्या वेल्ले मत्तांकु गरीब मत्तोर इंजी बोल्लानोर, ओरु साम्राज्यवाद, सामंतवाद ओसो नौकरशाही पूंजीवादी गलतिंग कुना दोष प्रकृति पोरो वाटना कोशिश कियानोर। राष्ट्रीय मुक्ति तुकू उचुन मुन्ने ओरु ओसो उंदी बेरा चीन ता आबादी वेल्ले बेहरा मंता इंजी बोल्लना शुरू कित्तोर। ओरा अनुसार जनता ना सरकार तिंदना अन्न ता संकट हल किया परवो ओसो उचुन महीना तुकू ज्यादा ताका परवो। माओ त्सेतुंग इद प्रतिक्रियावादी प्रचार ता दृढ़तापूर्वक खंडन कित्तोर। ओरु, “चीन ता बेहरा आबादी मंदानदू बेसे। माटु इदिनकु वेने बेहरा आबादी तुन पोसे किया परितोम। इदिना समाधान उत्पादन लोप्पा मंता। क्रांति ओसो उत्पादन कलियसी तिंदना अन्न समस्या तुन हल किया परितोम।”<sup>6</sup> स्थापना कालम तल समाजवादी चीन ता अनुभव कु माओ ना वैज्ञानिक आंकलन तुन सही सबित कीतांग। माओ ना क्रांतिकारी कार्यदिशा ता निर्देशन ते चीन लोप्पा बेरोजगारी खत्म कित्ता। समाजवादी अर्थव्यवस्था विकास किया मंता अनि लोकुरा पिस्वल-स्तर लगातार पोरो तेदा मंता। गरीब ओसो पेरके अरता चीन ता जागा ते इंजे समृद्धि ओसो विकास बगिल

हंजोर मत्ता उंदी समाजवादी देश एतिता। साम्राज्यवादिर फैले किता गलत प्रचारकु गुंडा पोयतांग।

## पूँजी संचय सर्वहारा तुन गरीबी ते दोबिंता

**अमीर ओसो गरीब नइमा धुवीकरण**

**पूँजी संचय ता सामान्य नियम आंदू**

पूँजी संचय ता पूँजीपति वर्ग ओसो सर्वहारा वर्ग काजे सबसे अलग कारण मंदिंतांग। बुर्जुआ वर्ग काजे पूँजी संचय ता प्रक्रिया पूँजी ता वृद्धि ओसो संकेंद्रण, अदिना सम्पत्ति ता विस्तार प्रक्रिया मंदिंता। सर्वहारा वर्ग काजे पूँजी संचय प्रक्रिया लोप्पा “मशीनकु मजदूर लोर किन विस्थापित कींतांग।” इद प्रक्रिया लोप्पा बेरोजगार लोरा लाईन बेरससोर दांता, मजदूर लोरा शोषण बेरससोर दांता अनि पूरा मजदूर वर्ग ता पिस्वल दिव्या-दिव्या तुकू बिगड़ेमासोर दांता। पूँजीवादी समाज लोप्पा पूँजी संचय आयनास्के अमीर-गरीब नइमा धुवीकरण बोनाए रोमी कीतेके वेने रोमा परवो आंता। समाज ता उंदी कोंटा ते सम्पत्ति संचय आतेके दूसरा कोंटा ते “गरीबी संचय” आंता। मार्क्स वेहता लेक्का “इद पूँजी संचय ता निरपेक्ष ओसो सामान्य नियम आंदू।”

मार्क्स ना इद नियम ता पर्दाफाश कियानादु वेल्ले महत्वपूर्ण मंता। इद माकिन सर्वहारा वर्ग ता काम कियाना परिस्थिति ओसो पिस्वल पूँजीवादी उत्पादन संबंध तले तय आंता इंजी वेहिंता। पूँजीवादी व्यवस्था लोप्पा उत्पादन विकास सर्वहारा वर्ग ता गरीबी ता कारण बनेमांता।

**राष्ट्रीय आय लोप्पा सर्वहारा वर्ग ता हिस्सा लगातार घटेमासोर**

**दायना सापेक्षिक गरीबी ता कारण बनेमांता**

राष्ट्रीय आय उंदी साल लोप्पा पूरा समाज ता पूना पुटता मूल्य ता कुल योग मंदिंता। पूँजीवादी समाज लोप्पा राष्ट्रीय आय मुन्ने रेंडु हिस्सा नें मंदिंता। उंदी मजदूर लोरा मजदूरी ते दांता अनि दूसरा हिस्सा अतिरिक्त मूल्य लेक्का पूँजीपति लूटे कींतोर। पूँजीवाद विकास आयनास्के मजदूर ओसो पूँजीपतिर किन दायना आय ता हिस्सा ने बाताल मंदिंता?

राष्ट्रीय आय पूराए मजदूर लोर पुट्टी कींतोर अनि विस्तृत पुनरुत्पादन प्रक्रिया लोप्पा इदु लगातार बेरससोर दांता। पूँजीवाद लोप्पा मजदूर लोर किन दोरकना मजदूरी ता हिस्सा लगातार घटेमासोर दांता, पूँजीपति वर्ग द शांघाई टेक्स्ट बुक, भाग उंदी

तुन दोकना अतिरिक्त मूल्य ता हिस्सा बेरससोर दांता। इद घटना तुन सर्वहारा वर्ग ता सापेक्षिक गरीबी करण इंतोर। अमेरिका सरकार जारी कित्ता आंकड़ा ना अनुसार राष्ट्रीय आय लोप्पा अमेरिका मजदूर लोरा मजदूरी ता हिस्सा 1843 ते 45.8 प्रतिशत मत्ता, 1866 ते 43.5 प्रतिशत, 1891 ते 42.7 प्रतिशत, 1938 ते 37 प्रतिशत, 1945 ते 33.3 प्रतिशत ओसो 1956 ते 29.7 प्रतिशत मत्ता। इव आंकड़ा नल माटु पूंजी संचय संगे मजदूर लोरा आय सापेक्षिक रूप ते लगातार घटेमासोर हत्ता अनि पूंजीपति वर्ग हड़पे कित्ता सम्पत्ति लगातार बेरससोर हत्ता।

## **श्रम परिस्थिति ओसो पिस्वल परिस्थिति ते लगातार घटेमायना**

### **सर्वहारा वर्ग तुन पूर्ण गरीबीकरण ते दोबसिता**

पूंजीवादी समाज लोप्पा सर्वहारा ता सापेक्षिक गरीबीकरणे आयवा पूर्ण गरीबीकरण वेने आंता। लेनिन वेहता लेक्का “मजदूर लोरा पूर्ण गरीबीकरण आंता। इत्तेके, ओरु गरीबी तल गरीबे आसोर दांतोर ओरा पिस्वल ओसो तिप्पल ते अरसोर दांता, ओरा तिंदना-उंडनाद बिगड़ेमासोर दांता अनि पोढ़ा वेने निंडा परवो आंता। ओरकिन लोहकु ओसो झोपड़िग लोप्पा गोहड़िग लेक्का मंदा लागिंता।”<sup>8</sup>

सर्वहारा ता पूर्ण गरीबीकरण ता प्रमुख रूप दोड़ रास्ता लेक्का मंता:

पहली, बेहरा संख्या ते बेरोजगार मजदूर लोर मंदानादु। पूंजीवादी समाज लोप्पा मजदूर लोरा मुन्ने बेरोजगार लोरा खतरा हमेशा मंदिता। बेरोजगार आत्तास्के ओरु तम्मा आय ता स्रोत पोह्हिचिंतोर। ओरा पिस्वल उंदी गंभीर समस्या बनेमांता। इद सर्वहारा ता भौतिक पिस्वल परिस्थिति कमजोर आसोर दायना ता उंदी महत्वपूर्ण इशारा आंदू। अमेरिका लोप्पा 1945 ते बेरोजगारी संख्या 11 लाख, 1955 ते 26,54 लाख, 1968 ते 28 लाख ओसो 1971 ते इदु 50 लाख आत्ता। इंग्लैंड ते वेने बेरोजगार ता परिस्थिति वेल्ले गंभीर मत्ता। बेरोजगार मजदूर लोरा संख्या 1952 ते 5 लाख मत्ता अदु फरवरी, 1972 एवनल 16 लाख तुकू ज्यादा आत्ता।

दूसरा, असल मजदूरी घटेमायना। बदे पूंजीवादी देश लोप्पा रोजगारी मजदूर लोरा परिस्थिति वेने इदिनकु बेस हिल्वा मंदिता। मजदूर लोरा मजदूरी श्रमशक्ति ता मूल्य संगे कम आंता अद्रमासी मजदूर लोरा काजे पिस्वल ता सामान्य स्तर मत्ता लेक्का तासना मुश्किल आंता। बस्के-बस्के, पूंजीपतिरा संगे संघर्ष संगे सांकेतिक मजदूरी लोप्पा उचुन वृद्धि आया

परिंता। मति पूंजीवादी देशकुना लोप्पा व्यापक मुद्रास्फीति ता कारण मुद्रा रूप ते मजदूरी लोप्पा वृद्धि दाम वृद्धि तुकू पेरके मंदिता। पेरके असल मजदूरी लोप्पा सिर्फ बदे वृद्धि तेने आयवा मुत्रे तुकू वेने कम आंता। उदाहरण तुकू, अमेरिका सरकार ता आंकड़ांग अनुसार दिसम्बर 1969 तल दिसम्बर 1970 नइमा मैन्युफैक्चरिंग मजदूर लोरा मजदूरी 2.6 प्रतिशत बेरसता। इदे नइमा उपभोक्ता मूल्य सूचकांक लोप्पा 5.5 प्रतिशत ता वृद्धि आत्ता। इद्रम मैन्युफैक्चरिंग मजदूर लोरा असल मजदूरी 2.90 प्रतिशत कम आत्ता। इदे आयवा पूंजीवादी देश कुना लोप्पा लागना बचोनो टैक्स मेहनतकश लोकुरा आय ता बेहरा हिस्सा मंदिता। अमेरिका सरकार ता आंकड़ांग अनुसार 1940 तल 1970 नइमा 30 साल लोप्पा कर ता मात्रा 16 गुना बेरसता। 1940 ते अमेरिका लोप्पा कुल निजी कर्ज (लोहकु गिरवी तासना ओसो उपभोक्ता ऋण संगे) मंता। 197.8 अरब डालर इत्तेके हर मानेय औसतन 1,133 डालर मत्ता। इद 1970 ता आखरी एवनल 577.9 अरब इत्तेके हर मानेय औसतन 2,832 डालर आत्ता। 1970 ते कर्ज ओसो सूद ता भुगतान अमेरिका जनता ना वार्षिक आय ता 22.3 प्रतिशत तिंता। टैक्स, कर्जा ओसो सूद ता भुगतान लोप्पा अमेरिका जनता ना वार्षिक आय ता लगभग आधा हिस्सा दांता।

तीसरा, खराब पिस्वल। असल मजदूरी कम आतां कु पूंजीवादी देश कुना मजदूर लोर किन खराब पिस्वल संगेने पिस्सा लागिंता। खासकर लोहकुना परिस्थितिंग वेल्ले खराब मंदितांग। पूंजीवादी समाज लोप्पा उत्पादन अराजक परिस्थितिंग ओसो औद्योगिक उत्पादन, आबादी ता अंधाधुंध संकेंद्रण ता कारण ते उचुन शहर कुना आकार लगातार बेरससोर दांता अनि मजदूर लोरा रिहायशी परिस्थितिंग बिगड़ेमांतांग। मार्क्स वेहता लेक्का “बदे औद्योगिक शहर लेवेके व्यापारिक शहर लोप्पा पूंजी संचय दर बचोन तेज मंदिता, अचोने तेज मानव सामग्री शोषण कियाला काजे वासोर दांता अनि अदिना रिहाइश काजे मत्ता अस्थाई परिस्थितिंग अचोने खराब मंदितांग।”<sup>9</sup> मार्क्स ओसो एंगेल्स तन्ना रचानांग लोप्पा पूंजीवादी समाज लोप्पा मजदूर लोरा मंदाना परिस्थिति कमजोर मंदाना पोरो बचोनो जागा वेहतोर अनि लंदन लेक्कटा बेहरा शहर कुना झोपड़िंग वाले नाहकुना वेल्ले खराब मत्ता परिस्थिति ता जायजा एतितोर। नेंडु वेने पूंजीवादी देश कुना बेहरा शहर कुना लोप्पा गंदा नाहकुना संख्या बेरसा मंता। अमेरिका ता सबसे बेहरा शहर न्यूयार्क लोप्पा 1950 ते 16.64 लाख लोकुर गंदा नाहकुना लोप्पा मंतोर। 1958 ते इद संख्या 25-72 लाख आत्ता। 1959 ते द शांघाई टेक्स्ट बुक, भाग उंदी



अमेरिका ता कुल जनसंख्या लगभग 18 करोड़ मत्ता ताना लोप्पाटल 2.2 करोड़ लोकुर शहर कुना गंदा नाहकुना लोप्पा ओसो लगभग 4.40 करोड़ लोकुर वेइसोर मत्ता लोहकुने मंदानोर।

कारखाना तल पेसना जहरिला गैस, वियार ओसो प्रदूषित आत्ता एर मजदूर लोरा रिहायशी परिस्थिति तुन खराब कीसिंतांग अनि ओरा स्वास्थ्य तुन प्रभावित कींतांग। उद्योग बचोन विकसित आंता शहर अचोने बेरससोर दांता। धनी पूंजीपतिर मेहनतकश आबादी तुन शहर ते कष्ट सहेमायला विइसिसी शहर तुकू बाहर हंदी इलाका ते पोरकांग-मर्माक मंदाना जागा ते तम्मा कोठी ने मंदा परितोर। पूंजीवादी देश कुना उचुन बेहरा शहर कुना लोप्पा (वायु प्रदूषण समस्या गंभीर मत्ता जागा ने) हर शहरी नेस्कना संगे बेहरा मात्रा ते जहरीली गैस लोप्पा ओंतोर। इव शहर कुना लोप्पा ब्रांकाइटिस, दमा ओसो नेस्कना (अस्थमा) लेक्कटा बीमारिंग संगे पीड़ित आत्ता लोकुरा संख्या वेल्ले मंता अनि वीरगडल डोल्लानोरा दर वेने वेल्ले मंता। यूरोप, अमेरिका ओसो जापान लोप्पा एम्फीसेमा (वातस्फीति) कारण ते काम तल तेंडता मजदूर लोरा संख्या बेरसा मंता।

अमेरिका लोप्पा चिकित्सा सुविधा ना बारे ते हूइतेके, “अस्पताल ता गेट खुलेमातांग मति अवु फीस निहहता परवा बीमार लोरा काजे आयो।” उंदी बेरा रजिस्ट्रेशन फीस मध्यम आय वाले मजदूर ना उंदी दिय्या ता मजदूरी ता एक तिहाई ता बराबर आंता। अपेंडिसाइटिस ता ऑपरेशन ता फीस रेंडु महीनांग ना मजदूरी तुकू वेने ज्यादा मंदानदू। इद साधारण मजदूर ना परिवार तुन डिलीवरी फीस जमा कियाला काजे बचोनो महीनांग मुन्नेटल बचत किया लागिंता। 1972 तल 1972 एवनल अस्पताल कुना फीस लोप्पा औसतन 12.3 प्रतिशत वार्षिक वृद्धि आत्ता। परामर्श शुल्क औसतन 6.1 प्रतिशत वार्षिक दर तुकू बेरसता। वेल्ले मजदूर बीमार आतेके वेने काम कीसोर मंतोर बारांकु इत्तेके ओरु डॉक्टर किन तोहना खर्चा हिया परवोर आंतोर अनि डोलिंतोर।

चौथा, वेल्ले सघन श्रम ओसो गलत काम ता परिस्थिति। उद्योग कुना लोप्पा मशीनीकरण ओसो स्वचालन विकास संगे सिर्फ मजदूर मशीन कुना संगे जुड़ेमासी मत्ता गौण नट-बोल्ट कुना लोप्पा बदलाव आसोर दायनादे आयवा श्रम सघनता वेने वेल्ले बेरसता। वरोर अमेरिका ऑटोमोबाईल मजदूर ना माटा ते “प्राचीन यूनान ओसो रोमन साम्राज्य लोप्पा वरोर माइजी वेने बेकेटले वायना वड़िय अनुकूल आत्तास्के हुक्कुड़ तासिसी रोमा परितोर।

मति इंजे कनवेयर बेल्ट गर्रे नितसी मत्ता मजदूर किन नेस्कना टाईम वेने मन्नो आंता उंदी पेरके उंदी मशीन ता पार्टकु मुन्ने वांतांग।” मजदूर ना शोषण काजे “फौरी प्रणाली” लागू कीतांकु अमेरीकी कारखानांग लोप्पा उचुन मजदूर लोरा 8 तल 10 साल काम किता पेरके श्रम कियाना क्षमता मारिंता। वेल्ले मजदूर लोर 40 साल ता उमर एवनल काम ता रफ्तार तेज कींतोर। काम तेज ओसो बचाव सुविधा ना कमी ता कारण ते दुर्घटनांग आसोर दांतांग। अमेरिकी सरकार तुन कम से कम 85 प्रतिशत मजदूर लगातार नोमुर आयना खतरा ते मंजी काम कीसोर मंतोर इंजी स्वीकार किया लागता। हर साल अमेरिका लोप्पा 3-5 प्रतिशत मजदूर औद्योगिक दुर्घटनांग लोप्पा डोल्लिंतोर लेवेके घायल आंतोर। इद्रम पूंजीवादी देश कुना लोप्पा विज्ञान ओसो प्रौद्योगिकी ता प्रगति, मजदूर वर्ग ता लगातार बेरससोर मत्ता गरीबी ओसो तिप्पल कुना कीमत ते दोरकींता।

पोरो हिता तथ्य कुनल पूंजीवादी देश कुना मेहनतकश समूह गरीबीकरण आंता इंजी स्पष्ट आंता। बुर्जुआ वर्ग ओसो सर्वहारा लाईन ते मकसी मत्ता तन्ना एजेंट लोर उचुन अस्थाई, स्थानीय ओसो आंशिक सुविधा बगिल इशारा कीसी सर्वहारा ता गरीबीकरण तुन मकिह कियाना कोशिश कीसोर मंदिंतोर।

पहली, माटु सर्वहारा ता गरीबीकरण सवाल तुन वर्ग दृष्टिकोण संगे विश्लेषण कियाना। ताना लोप्पटल पूंजीपति वर्ग कैदे खुद किन वम्मसिता मजदूर लोर किन गरीब मजदूर लोरा गिनती तल बाहार कियाना। मुद्रामेंड मजदूर लोर खुद किन पूंजीपति वर्ग ता जुट्टा तिंजी पिस्ससोरे निज्जमे उच्च स्तर ता पिस्वल पिसिंतोर। मति ओरु मजदूर लोरा लाईन ता सदस्य आयवा सर्वहारा वर्ग ता गद्दार मंदिंतोर।

सर्वहारा ता गरीबीकरण मुद्दा तुन ऐतिहासिक ओसो ठोस दृष्टिकोण संगे विश्लेषण कियाना। अलग-अलग कालम ते अलग-अलग देश कुना लोप्पा पिस्वल स्तर उंदी लेक्का मन्नो आंता अदिन काजे हत्ता कालम तुन वर्तमान संगे सीधा तुलना कियाना सही मन्नो आंता। हत्ता कालम ते बादशाह लोर किन वेने निर्य्य संगे पोतना चिवनी ता इस्तेमाल किया लागिंदू। नेंडु पूंजीवादी देश कुना ज्यादातर मजदूर बिजली वेहच ता इस्तेमाल कींतोर। मति मजदूर लोरगा बिजली वेहच मंता अदिनके ओरु गरीब हिल्लेर इनमूझायो। नेंडु वरोर मजदूर ना पिस्वल बादशाह किनकु बेस मंता इंदानदु मजाक कियाना लेक्का आंता।

सर्वहारा ता गरीबीकरण मुद्दा तुन समग्र रूप ते हूइना। इत्तेके मजदूर लोरा पिस्वल परिस्थिति ता आकलन उंदी कारखाना, बदे विशेष इलाका लेवेके विशेष कालम पोरो आधार आसी कियानायो। मजदूर वर्ग ता पिस्वल परिस्थिति ता आकलन उंदी दीर्घकालीन कालम पोरो आधार आसी कियाना। दूसरा माटा ते वेहाना इत्तेके सिर्फ रोजगार ते मत्ता मजदूर लोरा पिस्वल ता परिस्थिति तुने आयवा बेरोजगार ओसो अर्ध बेरोजगार मजदूर लोरा पिस्वल परिस्थिति तुन वेने हूइना। सिर्फ साम्राज्यवादी देश कुना लोप्पा मजदूर लोरा पिस्वल ता परिस्थिति तुने आयवा उपनिवेश, नवउपनिवेश कुना मजदूर लोरा पिस्वल ता परिस्थिति तुन वेने हूइना। मजदूर लोरा पिस्वल ता परिस्थिति तुन तीव्र पूंजीवादी गलत प्रचार कुना नइमाए आयवा आर्थिक संकट कालम ते वेने हूइना। अस्के, अलग-अलग कारखानांग ओसो इलाकांग लेवेके बदे खास कालम ते मजदूर लोरा पिस्वल सुधरे मासी मत्तेकाई पूरा सर्वहारा वर्ग ता परिस्थिति दिव्या-दिव्या तुकू बिगड़ेमासोर दाया मंता इंजी समजेमायला मुश्किल आयो आयर।

### सर्वहाराए पूंजीवाद ता हामुर गुमिया कारिंता

पूंजी संचय प्रक्रिया लोप्पा पूंजीपति ओसो अमीर आसोर दांतोर अनि सर्वहारा ओसोए गरीब आसोर दांतोर। इद प्रक्रिया लोप्पा पूंजीवादी उत्पादन संबंध ओसो उत्पादक शक्तिंग ना अंतरविरोध वेने ज्यादा तीव्र आसोर दांता। पूंजीवादी अर्थव्यवस्था ता विकास प्रक्रिया ते बिखरेमाता अलग-अलग ओसो सुडला स्तर ता निजी उत्पादन बेहरा स्तर ता सामाजिक उत्पादन लेक्का बदलेमांता। पूंजीवाद लोप्पा सामाजिक उत्पादन विकास ता रेंडु पहलू मंदिंतांगः पहली पूंजीवादी कारखाना निजी दस्तकार लोरा सुडला वर्कशॉप तुकू अलग मंदिंता। दस्तकार तम्मा वर्कशॉप ते वरोरे उत्पादन प्रक्रिया पूरा कींतोर। पूंजीवादी कारखाना ते दसियों, सैकड़ों, हजारों मजदूर विभिन्न वर्कशॉप ओसो विभाग कुना लोप्पा काम कींतोर। ओरु पूंजीपति ओसो ओरा एजेंट लोरा आदेश ते श्रम विभाजन ओसो सहकार संगे माल उत्पादन कींतोर। दूसरा श्रम विभाजन लगातार विकसित आसोर दांता। विशेष रूप ते परताचोन उत्पादन आसोर दांता। सामाजिक उत्पादन लोप्पा विभिन्न विभाग ओसो उद्यम उंदी-दूसरा संगे जुड़ेमासी ओसो उंदी-दूसरा पोरो आधार आसी मंतांग। श्रम ता सामाजिक विभाजन ओसो उंदी कारखाना लोप्पा इदिना विभाजन संगे उत्पादन, “व्यक्तिगत काम तल सामाजिक काम

लेक्का बदलेमांता। उत्पाद व्यक्तिगत उत्पाद तल सामाजिक उत्पाद लेक्का बदलेमांता।”<sup>10</sup> खराद मशीन (lathe) मोटर, सूती गेते ओसो तोला ता बूटकु वेल्ले मजदूर लोरा संयुक्त श्रम ता उत्पाद मंदानदू। बोर वेने “इद नावा उत्पाद आंदू” इंदो परबोर।

उत्पादन ता प्रकृति सामाजिक आंता। उत्पादन साधन ओसो सामाजिक श्रम ता उत्पाद कुना पोरो समाज ता मालिकाना मन्त्रो आंता। अविना पोरो पूंजीपति ना मालिकाना मंदिता। इद्रम सामाजिक उत्पादन ओसो पूंजीवादी निजी मालिकाना नइमा अंतरविरोध पुटिंता। इद पूंजीवाद ता मूलभूत अंतरविरोध आंदू। पूंजीवादी निजी मालिकाना बेहरा स्तर ते सामाजिक उत्पादन ता विकास तुन वेल्ले नुकसान कींता। पूंजीवादी उत्पादन संबंध उत्पादन शक्तिंग ना विकास तुन वेल्ले रोमी कींतांग अनि अविना कालकुन दोहची मत्ता साकरी बनेमातांग। सिर्फ निजी मालिकाना ध्वस्त आयाना अनि समाजवादी सामूहिक मालिकाना ता स्थापना, पूंजीवादी उत्पादन संबंध गुच्चिह कीसी समाजवादी उत्पादन संबंध कुना स्थापना कीसीए इद मूलभूत अंतरविरोध तुन हल कियमूडांता। अदिन काजे पूंजीवाद ता पतन ओसो समाजवाद ता स्थापना ऐतिहासिक विकास ता अनिवार्य रुख मंदिता इदिन बोरे वेने तन्ना विचार वात्ता लेक्का बदले किया परबोर।

पूंजीवाद तुन गुच्चिह कीसी समाजवादी स्थापना ता ऐतिहासिक प्रक्रिया स्वतःस्फूर्त तरीका ते सम्पन्न आया परवो। पूंजीवादी व्यवस्था तल फायदा एतना बुर्जुआ वर्ग सामाजिक बदलाव तुन बद्रमाई रोमी कियाना कोशिश कींता। इद बदलाव तत्ताला काजे बुर्जुआ वर्ग ता प्रतिरोध तुन पोच्यांग कियाना लेक्का उंदी सामाजिक शक्ति मंदाना अनिवार्य मंता। अनि अद सामाजिक शक्ति सिर्फ सर्वहारा वर्गे आंदू। सर्वहारा विकसित उत्पादक शक्तिंग ना प्रतिनिधि आंदू। इद शोषित-उत्पीडित मंदिता, मति इदे सबसे ज्यादा चेतना मंदाना ओसो सबसे विकसित क्रांतिकारी वर्ग वेने आंदू। मार्क्सवादी शिक्षा संगे लैस आसी इदु पूंजीवादी व्यवस्था तुन तेहकसी वाटला जरूर तेंदिता। “सामाजिक उत्पादन ओसो पूंजीवादी तानाशाही ता अंतरविरोध सर्वहारा ओसो बुर्जुआ वर्ग नइमा ता अंतरविरोध लेक्का दिसिंता।”<sup>11</sup> पूंजी संचय प्रक्रिया लोप्पा सर्वहारा वेल्ले जल्दी परिपक्व आंता अनि अदिना लाईन बेरससोरे दांता।

पूँजी संचय ओसो विस्तृत पुनरुत्पादन प्रक्रिया पिस्वल ता भौतिक संसाधन कुना विस्तृत पुनरुत्पादने आयवा पूँजीवादी उत्पादन संबंध कुना वेने विस्तृत पुनरुत्पादन आंदू। उंदी बगिल बेहरा पूँजीपतिर किन अनि दूसरा बगिल वेल्ले किराया ता मजदूर लोर किन पुट्टी कींता। इद्रम पूँजी संचय प्रक्रिया सिर्फ पूँजीवाद तुन विनाश कियाना परिस्थितिंग इत्तेके सामाजिक आधार ते बेहरा स्तर ता उत्पादन तैयार कियानाए आयवा पूँजीवाद ता हामुर गुमिया कारला काजे सर्वहारा तुन वेने पुट्टी कींता। “बुर्जुआ वर्ग सिर्फ खुद तन्ना विनाश ता हथियार बने कियानाए आयवा अदु हथियार कुना इस्तेमाल कियाना आधुनिक मजदूर (सर्वहारा) लोर किन वेने प्रशिक्षित कित्ता।”<sup>12</sup> सर्वहारा पूँजीवाद पुट्टना संगे पुटता ओसो पूँजी संचय प्रक्रिया ते मजबूत ओसो वर्ग जागरूक आत्ता। पूँजी संचय विकास संगे सर्वहारा लाईन लगातार बेरससोर दांता; बेहरा स्तर ते सामाजिक उत्पादन संगे सर्वहारा सांगठनिक अनुशासन संगे लैस आंता; सर्वहारा गरीबीकरण संगे सर्वहारा ओसो बुर्जुआ वर्ग नइमा अंतरविरोध गंभीर आसोर दांतांग। वर्ग संघर्ष ता अनुभव ओसो मार्क्सवाद लैस सर्वहारा वर्ग क्रांतिकारी ताप संगे तपेमासी हिरावल वर्ग बनेमांता।

पूँजी संचय प्रक्रिया लोप्पा सामाजिक उत्पादन ता जबरदस्त विकास उंदी पोक्कना लेक्का आसी मत्ता पूँजीवादी उत्पादन संबंध कुन नेस्का परवा लेक्का कींता। मार्क्स “इद बम पोक्कन लेक्का आत्ता। पूँजीवादी निजी मालिकाना ता हामुर गरे एवता। सत्ता पोरो कब्जा कियानोरा सत्ता तुन कब्जा कियमूझायर”<sup>13</sup> वेल्ले विश्वास संगे घोषणा कित्तोर। पूँजीवाद ता हामुर ओसो समाजवाद ता जीत तय आत्ताद मंता। इदु पूँजी संचय ता ऐतिहासिक समाप्ति आंदू।

## अध्ययन काजे प्रमुख संदर्भ

- ☞ मार्क्स, पूंजी, भाग 1, भाग 7।
- ☞ मार्क्स, “पूंजीवादी समाज ता गरीबीकरण”
- ☞ माओ त्सेतुंग “इतिहास ता आदर्शवादी धारणा ता कंगाली”

## समीक्षात्मक सवाल

1. साधारण पुनरुत्पादन ओसो विस्तृत पुनरुत्पादन ता विश्लेषण संगे बाता निष्कर्ष तेंडमूडांता?
2. पूंजीवाद समाज लोप्पा सर्वहारा ता गरीबी ओसो मजदूर लोरा बेरोजगारी ता कारण बातल आंदू?
3. सर्वहारा तुन पूंजीवाद ता हामुर गुमिया कारिंता इंजी बारांकु इंतोर?

## टिप्पणिंग

1. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 625।
2. पोरो वेहतादे पे. 649।
3. पोरो वेहतादे पे. 649-650।
4. पोरो वेहतादे पे. 672।
5. पोरो वेहतादे पे. 692।
6. “इतिहास ता आदर्शवादी धारणा ता कंगालीपन” माओ त्सेतुंग ना संकलित रचनांग भाग 4, चीनी संस्करण, 1968, पे. 1400-1401।
7. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 707।
8. “पूंजीवादी समाज ता कंगालीकरण” लेनिन ना सम्पूर्ण रचनांग, भाग 18, पे. 430।
9. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 725।
10. एंगेल्स, ड्यूहरिंग मत-खंडन, मार्क्स-एंगेल्स ना चुने कित्ता रचनांग, भाग 3, चीनी संस्करण, 1972, पे. 257।
11. पोरो वेहतादे पे. 311।

12. कम्युनिस्ट घोषणा पत्र, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972 पे. 257।
13. मार्क्स, पूंजी, भाग 1, मार्क्स-एंगेल्स ना सम्पूर्ण रचनांग, भाग 23, पे. 831-832।

## आरुंग

### पूँजी ताकना प्रक्रिया, अतिरिक्त मूल्य ता शोषण ओसो टेंडना प्रक्रिया

#### पूँजी ता प्रवाह, पूँजी ता कारोबार ओसो सामाजिक पूँजी ता पुनरुत्पादन

पूँजी तुन पूँजी लेक्का तासला काजे अदिन लगातार ताकिहचोर मंदाना जरूरी मंता। इद बार-बार रिपीट कियाना उंदी हंदी हिल्वाचोन ताकसोर मंदाना विनिमय प्रक्रिया तल उत्पादन प्रक्रिया ओसो उत्पादन प्रक्रिया तल विनिमय प्रक्रिया नइमा वायना-दायना कीसोर मंदिता।

हत्ता रेंडु अध्याय लोप्पा माटु विनिमय प्रक्रिया तुन उचुन जोम काजे नजरअंदाज कीसी उत्पादन प्रक्रिया लोप्पा पूँजी पोरो कोंडा वाटतोम। इद अध्याय लोप्पा माटु पूँजी ता गति ओसो इदिना लोप्पा मत्ता अंतरविरोध कुना विनिमय ता दृष्टिकोण ते विश्लेषण कियाकाल।

#### पूँजी ता सरकुलेशन 3 चरण ते मंदिता अनि 3 रकम ता मंदिता

##### पूँजी-सरकुलेशन ता 3 चरण

**उत्पादन प्रक्रिया ओसो विनिमय प्रक्रिया ता एकता तुन तोहिंता**

तन्ना गति ते मत्तास्के पूँजी तीरम-तीरम 3 चरण ते ताकिंता अनि अदिना अनुसार अदु 3 रूपकु एतिंता।

पूँजी गति ता पहली चरण लोप्पा पूँजीपति किन हाटुम तल उत्पादन साधन ओसो श्रमशक्ति अस्सला काजे सही मात्रा ते मुद्रा तेंडा लागिंता। मुद्रा तुन G, माल तुन W, श्रमशक्ति तुन A ओसो उत्पादन साधन कुन Pm संगे तोहतेके इद प्रक्रिया तुन दोड़ तोहता लेक्का तोहमूड़ांता।



G-W

A

Pm

इद चरण ते पूंजीपति ना मुद्रा अस्सना ओसो भुगतान साधन कुना काम कींता। मति इदिना संगेने इदु पूंजी ता वेने काम कींता बारांकु इत्तेके पूंजीपतिर बद वस्तु अस्सितोरो अदु श्रमशक्ति ओसो उत्पादन साधनकु मंदिंतांग अविना इस्तेमाल मजदूर लोर अतिरिक्त मूल्य पुट्टी कीयाला काजे कींतोर। इगा मुद्रा मुद्रा-पूंजी बनेमांता। उत्पादन साधन ओसो श्रमशक्ति अस्सना संगे मुद्रा-पूंजी उत्पादन-पूंजी लेक्का बदलेमांता। मुद्रा-पूंजी ता काम अतिरिक्त मूल्य पुट्टी कियाना तैयारी कियानद मंदिंता।

पूंजी ता गति ते दूसरा लोप्पा पूंजीपति उत्पादन साधन ओसो श्रमशक्ति ता मेल संगे उत्पादन शुरू कींतोर। इद्रम पूंजी ता विनिमय प्रक्रिया खत्म आंता अनि उत्पादन प्रक्रिया शुरू आंता। इद प्रक्रिया नइमा श्रमशक्ति खर्च आंता, कच्चा माल पोरो काम ताकिंता, औजार घिसेमांतांग अनि उंदी सही मात्रा ते माल ता उत्पादन आंता। उत्पादन-पूंजी माल-पूंजी लेक्का बदलेमांता।

इद चरण लोप्पा माल-पूंजी लोप्पा मजदूर पुट्टी कित्ता अतिरिक्त मूल्य शामिल मंदिंता। इदु मुन्ने अस्सता माल तुकू सिर्फ अलग दिस्सनदे आयवा अदिना मूल्य वेने मूल पूंजी तुकू ज्यादा मंदिंता।

इदु प्रक्रिया तुन दोड़ हिता मत्ता लेक्का तोहमूडांता:

W

A

Pm

...p ...w'.

इगा P उत्पादन प्रक्रिया लोप्पा उत्पादन-पूंजी ता प्रतिनिधित्व कींता। P तुकू मुन्ने ओसो पेरकेटा बिंदु वाले रेखा विनिमय खत्म आयनदु ओसो उत्पादन शुरू कियानदिन तोहिंता। W माल ता प्रतिनिधित्व कींता ताना लोप्पा अतिरिक्त मूल्य मंदिंता।


इद चरण लोप्पा उत्पादन साधन ओसो श्रमशक्ति उत्पादन ता कारक कुनाए आयवा, पूंजी ता वेने भूमिका निभे कीतांग बारांकु इत्तेके पूंजीपतिर इव उत्पादन साधन ओसो श्रमशक्ति ता मेल संगे अतिरिक्त मूल्य ता उत्पादन कींतोर। इद्रम उत्पादन-पूंजी ता काम अतिरिक्त मूल्य ता उत्पादन कियानद मंदिता।

पूंजी ता गति ता तीसरा चरण लोप्पा पूंजीपतिर उत्पादित माल तुन बिक्री कियाला काजे हाटुम ते ओंतोर। माल ता बिक्री संगे माल-पूंजी ओसो उंदी बेरा मुद्रा-पूंजी लेक्का बदलेमांता। इद्रम पूंजी वापिस मुद्रा लेक्का वांता। इदिन दोड़ हित्तालेक्का तोहमूड़ांताः

### W' - G'

इगा G' मुद्रा-पूंजी तुन तोहिंता, इदिना मूल्य लोप्पा वृद्धि आसी मंदिता। इदिना लोप्पा पूंजीपतिर वाटता पूंजी ओसो उत्पादन आत्ता अतिरिक्त मूल्य कलियसी मत्ता मूल्य मंदिता। इद्रम W'-G' सिर्फ माल ओसो मुद्रा नइमा बदलाव प्रक्रियाए आयवा इदिनकु वेने ज्यादा महत्वपूर्ण रूप ते इदिना लोप्पा माल लोप्पा मंदाना ओसो पूंजीपतिर विनियोजित अतिरिक्त मूल्य ता जन्म आंता। माल-पूंजी ता काम अतिरिक्त मूल्य पुट्टी कियानाद मंदिता।

पूंजी ता 3 चरण ओसो 3 रूप कु पूंजी तन्ना हर चरण ओसो रूप लोप्पा उंदी स्वतंत्र काम कींता इंजी तोहिंतांग। उंदी काम पूरा आत्ता पेरके दूसरा चरण ते नेंगिता अनि दूसरा रूप एतिंता। इविन उंदी पेरके उंदी बदलाव आसोर दायना पूंजी औद्योगिक पूंजी इंतोर। इद औद्योगिक पूंजी लोप्पा सिर्फ मैनुफैक्चरिंग पूंजीए आयवा कृषि ओसो निर्माण लेक्कटा दूसरा उत्पादन कुना लोप्पा पूंजी वेने शामिल आंता। इदु पूंजी तीरम-तीरम तन्ना रूप बदले कींता अनि 3 चरण संगे तन्ना मूल्य बेरसी कींता अनि शुरूआती बिंदू तेने मलसी वांता। इद गति पूंजी ता सर्कुलेशन आंदू। इदिना सम्पूर्ण प्रक्रिया तुन दोड़ हित्ता लेक्का समजेमायमूड़ांताः



औद्योगिक पूंजी ता सर्कुलेशन लोप्पा मुन्ने ओसो तीसरा चरण विनिमय प्रक्रिया मंदिता अनि दूसरा चरण उत्पादन प्रक्रिया मंदिता। इव 3 चरण कुना लोप्पा उत्पादन प्रक्रिया ता महत्वपूर्ण भूमिका मंदिता बारांकु इत्तेके इदे प्रक्रिया लोप्पा अतिरिक्त मूल्य पुट्टिता। पहली ओसो तीसरा चरण लोप्पा पूंजी ता सिर्फ रूप बदलेमांता, अदिना मूल्य स्थिर मंदिता। मति औद्योगिक पूंजी ता सर्कुलेशन काजे पहली ओसो तीसरी प्रक्रियांग अनिवार्य मंदितांग। विनिमय प्रक्रियांग नइमा पूंजीपति अतिरिक्त मूल्य ता उत्पादन ओसो जन्म आया परवो आंता। अदिन काजे औद्योगिक पूंजी ता प्रवाह उत्पादन ओसो विनिमय प्रक्रिया ना एकता आंदू। इदिना कारण ते औद्योगिक पूंजी ता 3 चरण उंदी-दूसरा संगे जुड़ेमासी मंदाना अनि पूंजी उंदी चरण तल दूसरा चरण ते हंजोर मंदाना, पूंजी ता सर्कुलेशन मुन्नेटा चरण (G-W) तेने रोमतेके अदु जमा कीसी तासता धन बनेमांता अनि भूमिका निभे किया परवो आंता। इदिना सर्कुलेशन दूसरा चरण ते रोमतेके अतिरिक्त मूल्य ता उत्पादन आया परवो आंता। इदिना सर्कुलेशन तीसरा चरण ते रोमतेके अतिरिक्त मूल्य ता जन्म आया परवो आंता।

औद्योगिक पूंजी ता सर्कुलेशन 3 प्रवाह नइमा एकता ता प्रतिनिधित्व कींतांग

लगातार अतिरिक्त मूल्य पुट्टिहचोर मंदाला काजे पूंजीपति किन पूंजी ता सर्कुलेशन लगातार जारी तासना इंजी तय किया लागयिर। इद्रम औद्योगिक पूंजी ता सर्कुलेशन सूत्र हंदी हिल्वाचोन मंदिता:

$$\begin{array}{c}
 \text{2} \\
 \text{G - W...P...W}' - \text{G}' \quad \text{G - W...P...W}' - \text{G}' \quad \text{G-W...P...etc.} \\
 \text{1} \qquad \qquad \qquad \text{3}
 \end{array}$$

पोरो हिता सूत्र औद्योगिक पूंजी ता लगातार गति आयवा 3 प्रवाह मंदितांग: 1) मुद्रा-पूंजी ता सर्कुलेशन: G...G', 2) उत्पादन-पूंजी ता सर्कुलेशन: P...P; 3) माल-पूंजी ता सर्कुलेशन: W...W'; पूंजी ता सर्कुलेशन लगातार जारी तासला काजे पूंजीपति किन तन्ना पूंजी उंदी बेरा 3 रूप कुने तासा लागिता अनि अदिना प्रवाह जारी तासा लागिता। उदाहरण

तुक् वरोर पूंजीपति निगा 60,000 युआन ता पूंजी मंता। ओरु अदिन 3 हिस्सा ने तूसिंतोर - 20,000 युआन मुद्रा-पूंजी, 20,000 युआन उत्पादन-पूंजी ओसो 20,000 युआन ता माल-पूंजी तुन मुद्रा-पूंजी ते बदलेमांता, अस्केने 20,000 युआन ता उत्पादन-पूंजी माल-पूंजी लोप्पा ओसो 20,000 युआन मुद्रा-पूंजी उत्पादन-पूंजी ते बदलेमासोर मंदिता। 60,000 युआन ता पूरा पूंजी उंदे रूप ते मत्तेके उत्पादन लगातार आयवा रोमसी-रोमसी ताकी कियमूडांता। 3 लोप्पटल बदे वेने रूप ते पूंजी सर्कुलेशन ता गति इद्रम रोमतेके, माल ता बिक्री आयवेके ओसो माल-पूंजी तुन मुद्रा-पूंजी लेक्का बदलेमाया परवेके पूरा पूंजी सर्कुलेशन खत्म आथार अनि पूंजी ता गति रोमियर। इद्रम आतेके पूंजीपति किन उत्पादन बंद किया लागिघर।

## **पूंजी ता कारोबार (टर्नओवर) अतिरिक्त मूल्य ता लगातार उत्पादन ओसो जन्म आंदू**

**उत्पादन ओसो विनिमय ते लागना कालम**

**पूंजी ता कारोबार ता गति तय कींता।**

पूंजी सर्कुलेशन हंदी हिल्वाचोन बदलेमासोर जारी मंदिता। पूंजी ता इद सर्कुलेशन तुन पूंजी ता कारोबार (टर्नओवर) इंतोर। मार्क्स वेहता लेक्का “पूंजी सर्कुलेशन तुन अलग-अलग घटनांग ने आयवा उंदी प्रक्रिया लेक्का हूइतेके अदिन पूंजी ता कारोबार इंतोर।”<sup>1</sup>

पूंजी ता कारोबार उत्पादन ओसो विनिमय सेक्टर कुनल वेंडसोर दांता। बचोन जोम पूंजी उत्पादन लोप्पा मंदिता, अदिन पूंजी ता उत्पादन कालम इंतोर। बचोन जोम पूंजी विनिमय लोप्पा मंता अदिन पूंजी ता विनिमय कालम इंतोर। इव रेंडासी ना योग पूंजी ता कारोबार कालम मंदिता।

पूंजी ता उत्पादन कालम लोप्पा दोइ रास्ता 3 हिस्सांग मंदितांगः पहली, उत्पादन साधन उत्पादन लोप्पा तम्मा काम पूरा कियाना कालम। मुख्य रूप ते इद श्रमकाल मजदूर लोर पुट्टी कित्ता उत्पादन काजे वाटता कालम मंदिता। इदिना लोप्पा श्रम ता कालम बचोन मंदिता, इद रेंडु पोल्लो नल तय आंता। इविना लोप्पाटल उंदी उत्पादन सेक्टर ता रूप। उदाहरण तुक्, उंदी नूल मील उंदी दिय्या ते उंदी तय मात्रा तेने नूल-गट्टि बने किया परिता, अनि उंदी जहाज निहतना लेक्का नूल-गट्टि बने कियाला बचोनो

महीनांग, ओसो बस्के-बस्से साल वेने लागिंता। अदिन काजे जहाज मेंड बने कियाला काजे नूल मील तुकू बचोनो ज्यादा श्रमकाल ता जरूरत मंदिता। श्रमकाल तय कियाना दूसरा पोल्लो उद्यम ता श्रम उत्पादकता आंदू। उंदी लेक्कटा उत्पाद बने कियाना उद्यम कुना लोप्पटल बोना श्रम उत्पादकता ज्यादा आंता अगा श्रमकाल सुडला आंता। दूसरा बगिल कम श्रम उत्पादकता वाले उद्यम कुना लोप्पा वेल्ले कालम ता जरूरत मंदिता। उचुन उत्पादन सेक्टर कुना लोप्पा उत्पादन साधन उत्पादन प्रक्रिया लोप्पा तम्मा काम कीसोर मंदानास्के, ताना लोप्पा श्रमकाल संगे-संगे प्राकृतिक शक्तिंग तम्मा काम कीसोर मंदाना कालम वेने शामिल आंता। उदाहरण तुकू दाइंगो उद्योग लोप्पा बोमुल पेसिहला वासांग वत्तिह कियाला ओसो फसल बेरसी कियाला लागना कालम मंता।

दूसरा, उत्पादन रोमता, मति उत्पादन साधन उत्पादन जागा ते मंदिता। उदाहरण तुकू, मशीन ओसो औजार नरका लेवेके गड़बड़ी ता कारण ते बंद मंदितांग।

तीसरा, उत्पादन साधन उत्पादन जागा ते एविंतांग मति उत्पादन प्रक्रिया ते एवताद हिल्वा मंदाना कालम। उदाहरण तुकू उत्पादन शुरू कियाला काजे कच्चा माल ता भंडार बने कियाना कालम।

इव कालम कुना लोप्पा श्रमकाल सबसे महत्वपूर्ण मंता। सिर्फ इदे कालम ते मजदूर मूल्य ओसो अतिरिक्त मूल्य पुट्टी किया परितोर। अदिन काजे पूंजीपतिर हमेशा दूसरा कालम तुन सुडला कियाना पूरा कोशिश कीतोर, इद्रम कीसी उत्पादन कालम तुन लगभग श्रमकाल ता बराबर कीतेके ओसो उंदी सही मात्रा ते पूंजी ते सही कालम ते ज्यादा अतिरिक्त मूल्य पुट्टी कीतोर।

पूंजी ता विनिमय कालम लोप्पा मुद्रा पूंजी ता उत्पादन-पूंजी ते बदले कियाना कालम इत्तेके पूंजीपति उत्पादन साधन ओसो श्रमकाल अस्सिंतोर, अनि माल-पूंजी ता मुद्रा-पूंजी लोप्पा बदले कियाना कालम इत्तेके पूंजीपति तम्मा माल वम्मना कालम रेंडासी शामिल मंतांग।

पूंजी सर्कुलेशन कालम बचोन बेहरा मंता, इद मुख्य रूप ते हाटुम लोप्पा मांग, सपलाई ता परिस्थितिंग, उत्पादन जागा तल हाटुम ता दूरी ओसो परिवहन परिस्थिति पोरो आधार आसी मंता।

विभिन्न उत्पादन सेक्टर ओसो उद्यम कुना लोप्पा पोरो वेहता कारक कुना अलग-अलग प्रभाव मत्तांकु पूंजी ता उत्पादन कालम ओसो विनिमय

कालम बदलेमासोर मंदिता, अद्रमासी पूंजी ता कारोबार (टर्नओवर) कालम उंदी लेक्का मन्त्रो आंता।

पूंजी ता कारोबार कालम लोप्पा अंतर मत्तांकु कारोबार ता गति वेने बदलेमासोर मंदिता (पूंजी ता कारोबार गति ता गणना हर साल आंता)। उदाहरण तुकू बोरे पूंजीपति ना पूंजी, मुद्रा तल उत्पादन पूंजी ते अनि ओसो उंदी बेरा माल तल मुद्रा पूंजी ते बदलेमायला उंदी महीना ता कालम पोयंता अनि पूंजी ता उत्पादन कालम 3 महीनांग मंदिता। अस्के पूंजी कारोबार ता उंदी राउंड 4 महीनांग लोप्पा पूरा आंता। इद्रम उंदी साल लोप्पा 3 बेरांग पूंजी कारोबार आंता। इंजे बोरो दूसरा पूंजीपति ना पूंजी आधार साल लोप्पा उंदी बेरा तन्ना कारोबार पूरा कींतोर इत्तेके पूंजी कारोबार ता वार्षिक दर रेंडु आंता।

पोरो वेहता विश्लेषण तल पूंजी कारोबार दर पेरके पूंजी उत्पादन ओसो सर्कुलेशन कालम तल तय आंता इंजी स्पष्ट आंता।

### **पूंजी कारोबार ता दर ते पूंजी ता संघटन ता प्रभाव**

पोरो वेहता विश्लेषण लोप्पा माटु उत्पादन पूंजी ता हर हिस्सा उंदे प्रक्रिया ते माल पूंजी लेक्का बदलेमांता इंजी आल्सिंतोम। मति असल ते उत्पादन साधन कुना विभिन्न हिस्सा ना रूप ओसो सर्कुलेशन तरीका अलग-अलग मंदिता। इद दृष्टिकोण ते उत्पादन पूंजी कारखानांग, मशीनकु ओसो औजार कुना रूप ते आंता। अदिना मूल्य उंदे बेरा हियमूडांता। इद पूरा हिस्सा लोप्पा उत्पादन प्रक्रिया लोप्पा भागीदारी कींता ओसो इदिना इस्तेमाल उंदे बेरा आंता। इदिना मूल्य मूल्यहास नियम अनुसार तीरम-तीरम पूना उत्पाद कुना संगे बदलेमासोर मंदिता। इद पूंजी मूल्य ता बदलाव ता विशेष तरीका ना कारण ते इदिन स्थिर पूंजी इंतोर। उदाहरण तुकू, उंदी खराद मशीन ता लागत 4000 युआन वांता अनि अदु 10 साल एवनल ताकसोर मत्तेके हर साल 400 युआन पूंजी मूल्य पुट्टी कित्ता वस्तुंग ना संगे बदलेमांतांग। उत्पाद कुन वम्मता पेरके 400 युआन पूंजी मूल्यहास ता रूप ते पूंजीपति निगा वापिस वांता। 10 साल लोप्पा इद खराद मशीन ता पूरा कीमत बदलेमांता।

कार्यशील पूंजी, पूंजी ता (कच्चा माल, ईंधन, सहायक सामग्रिग लेक्कटवु) रूप ते मंदितांग लेवेके श्रमशक्ति अस्सना काम कींतांग। कच्चा माल, ईंधन ओसो सहायक सामग्रिग उंदी उत्पादन प्रक्रियांग लोप्पाने तम्मा मूल भौतिक रूप पोह्चिंतांग अनि अविना मूल्य उंदी उत्पादन प्रक्रिया

लोप्पाने पूरा पूना उत्पादन कुना संगे बदलेमांता। उत्पाद कुन वम्मता पेरके इद पूंजी ता पूरा मूल्य मुद्रा रूप ते पूंजीपतिरगा मलसी वांता। अदिन काजे कच्चा माल, ईंधन ओसो सहायक सामग्रिं अस्सला लागना पूंजी तुन कार्यशील पूंजी इंतोर। श्रमशक्ति अस्सला काजे इस्तेमाल आयवा पूंजी कार्यशील पूंजी ता हिस्सा ता मूल्य पूना उत्पादन कुना संगे बदलेमायवा लेवा मजदूर ना श्रम पूना उत्पादन लोप्पा ताना बराबर लागता मूल्य पुट्टी कींता। इद विशेषता मतेकाई इदिना मूल्य सर्कुलेशन पद्धति कच्चा माल, ईंधन ओसो सहायक सामग्रिं अस्सला इस्तेमाल आता कार्यशील पूंजी ता हिस्सा लेक्काने मंता। मजदूर ना उत्पादन प्रक्रिया लोप्पा श्रमशक्ति ता मूल्य बराबर पुट्टता मूल्य वेने उंदे प्रक्रिया ते उत्पादन तुकू बदलेमांता अनि उत्पादन कुना बिक्री संगे मलसी वांता अदिन काजे श्रमशक्ति अस्सला इस्तेमाल आता पूंजी वेने कार्यशील पूंजी मंदिता।

माटु मार्क्स पूंजी तुन रेंडु श्रेणि ते तूस्तोर इंजी पुतोमे। (इद पुस्तक ता) अतिरिक्त मूल्य ता उत्पादन संबंधित अध्याय कुना लोप्पा अतिरिक्त मूल्य उत्पादन लोप्पा पूंजी ता विभिन्न भूमिकांग पोरो आधार आसी पूंजी ता स्थिर (constant) ओसो परिवर्तनशील (variable) पूंजी लोप्पा वर्गीकरण ता चर्चा कित्ताद मत्ता। इद वर्गीकरण अतिरिक्त मूल्य परिवर्तनशील पूंजी संगे उत्पादित आंता अनि संगे ने इदु पूंजीपतिर कियाना मजदूर लोरा शोषण तुन वेने स्पष्ट कींता। इद अध्याय लोप्पा पूंजी ता अचल (fixed) ओसो कार्यशील (working) पूंजी लोप्पा वर्गीकरण पूंजी ता विभिन्न अंग कुना प्रकृति ओसो अविना कारोबार तरिका पोरो आधार आसी कियमूडांता।

पूंजी ता इव रेंडु वर्गीकरण कुन हित्ता लेक्का समजे कियमूडांता:

अतिरिक्त मूल्य उत्पादन लोप्पा भूमिका	कारोबार रूप ओसो तरिका
स्थिर पूंजी	{ संयंत्र, बिल्डिंग, मशीन, औजार, } अचल पूंजी
परिवर्तनशील पूंजी	{ कच्चा माल, ईंधन, सहायक सामग्रि वेतन } कार्यशील पूंजी

माटु पोरो अचल पूंजी ता मूल्य मूल्यहास दर अनुसार उंदी पेरके उंदी पूना उत्पाद कुना संगे बदलेमांता इंजी चर्चा कीतोम। इद मूल्यहास अचल पूंजी संगे बदलेमायना मूल्य आकार ओसो कारोबार गति पोरो सीधा प्रभाव अरिंता। अचल पूंजी कारोबार ता विशेषता ओसो अध्ययन काजे माटु अचल पूंजी मूल्य ता विश्लेषण कियाना।

अचल पूंजी मूल्यहास ता कारण कुना अनुसार इदिन दिस्सना ओसो दिसवा मंदाना रेंडु वर्ग लेक्का तूसमूडांता। दिसना मूल्यहास मुख्य रूप ते उत्पादन प्रक्रिया लोप्पा इस्तेमाल ओसो गौण रूप ते प्राकृतिक शक्तिंग ना प्रभाव ता कारण ते आंता; वर्किंग कड़ियाना लेवेके कच्ची जंग पोय्यना लेक्का। अदिन काजे इद मूल्यहास तुन भौतिक मूल्यहास वेने इंतोर। दिसवा मंदाना मूल्यहास उत्पादन टैकनिक कुना लोप्पा सुधार कीसी अवे मशीन कुना उत्पादन लोप्पा लागना सामाजिक रूप ते जरूरी श्रमकाल घटेमायना ओसो मूल अचल पूंजी मूल्य कम आयना कारण ते आंता। इद्रम पूना ओसो बेसता मशीनकु वात्तास्के वेने आंतांग अद्रमासी मूल मशीन कुना मूल्य कम आंता। मूल मशीन कुना कीमत कम आत्तास्के आयना मूल्यहास तुन गैर-भौतिक लेवेके दिसवा मंदाना मूल्यहास इंतोर। इद्रम ता मूल्यहास तल बचेमायला काजे पूंजीपति काम ता घंटांग बेरसी कीसी, श्रम सघनता बेरसी कीसी ओसो बचोनो पाड़िने काम एतसी पूंजी कारोबार ता गति तेज कियाना ओसो मजदूर लोरा शोषण बेरसी कियाना कोशिश कींतोर अनि अचल पूंजी ता मूल्य वसूल कींतोर।

अचल ओसो कार्यशील पूंजी कारोबार गतिंग लोप्पा अंतर मत्तांकु पूंजी कारोबार ता गति इत्तेके कारोबार ता औसत गति मंदिंता। वाटता पूंजी साधारण कारोबार गति पूंजी ता विभिन्न घटक कुना औसत कारोबार गति तल तय आंता। इदिना गणना काजे वाटता कुल पूंजी तल उंदी साल लोप्पा पूंजी ता कुल कारोबार लोप्पा हिस्सा एतिंतोर। दोड़ हिता तालिका पूंजी ता सामान्य कारोबार तुन तोहिंता। सब्बे आंकड़ांग काल्पनिक मंतांग।

उत्पादन-पूंजी ता घटक	मूल्य (युआन)	उंदी साल लोप्पा कारोबार ता संख्या	हर साल कारोबार ता कुल मात्रा (युआन)
अचल पूंजी	100,000	1/10	10,000
संयंत्र	30,000	1/30	1,000



मशीन	60,000	1/10	6,000
सुइला औजार	10,000	3/10	3,000
कार्यशील पूंजी	50,000	4	200,000
वाटता			
कुल पूंजी	150,000	1.4	210,000

पोरो हिता टेबल तल माटु कुल वाटता पूंजी 150,000 युआन तुकू कुल पूंजी कोरोबार 210,000 युआन तुन विभाजित कीतेके वाटता पूंजी ता सामान्य कोरोबार गति तुन पुंतोम अदु उदाहरण लोप्पा 1.4 मंता। माटु पूंजी संघटन ता वेने पूंजी कोरोबार गति पोरो प्रभाव अरिंता इंजी हूइंतोम। अचल पूंजी ता कोरोबार गति तीरम मंता अनि कार्यशील पूंजी ता कोरोबार गति तेज आंता। कुल पूंजी लोप्पा अचल पूंजी ता हिस्सा बेहरा मत्तेके कोरोबार ता गति तीरम आंता। दूसरा बगिल, कार्यशील ता हिस्सा बेहरा मत्तेके कुल पूंजी ता कोरोबार गति तेज आंता।

### **पूंजीपति वेल्ले अतिरिक्त मूल्य पुट्टी कियाला काजे पूंजी कोरोबार गति तुन तेज कियाना पूरा कोशिश कींता**

पूंजी कोरोबार गति ता सीधा प्रभाव अतिरिक्त मूल्य उत्पादन पोरो अरिंता। पूंजी कोरोबार गति बेरसी कीतेके सिर्फ वाटता पूंजी ता मात्रा घटे कियानाए आयवा कार्यशील पूंजी लोप्पा परिवर्तनशील पूंजी ता कोरोबार गति वेने बेरसा परिंता इद्रम आतेके अतिरिक्त मूल्य उत्पादन आया परिंता। उदाहरण तुकू इरवुर पूंजीपतिरगा 2000 युआन ता परिवर्तनशील पूंजी मंता अनि अतिरिक्त मूल्य दर इरवुरासी ना काजे 100 प्रतिशत मंता। 'क' ना पूंजी कोरोबार उंदी महीना लोप्पा पूरा आंता अनि 'ख' ना पूंजी 6 महीनांग लोप्पा 'क' हर साल 24,000 युआन अतिरिक्त मूल्य हासिल कींतोर अनि 'ख' सिर्फ 4000 युआन दोरकी किया परिंतोर। ओरा अतिरिक्त मूल्य ता वार्षिक दर (उंदी साल लोप्पा उत्पादित कुल अतिरिक्त मूल्य ओसो उंदी साल लोप्पा वाटता कुल परिवर्तनशील पूंजी ता बराबर) अलग-अलग मंदिता:

$$\text{'क' ना अतिरिक्त मूल्य ता वार्षिक दर} = \frac{M}{V} = \frac{24000}{2000} = 120\%$$

$$\text{'ख' ना अतिरिक्त मूल्य ता वार्षिक दर} = \frac{M}{V} = \frac{4000}{2000} = 200\%$$

इद्रम पूंजीपति 'क' ओसो पूंजीपति 'ख' वाटता परिवर्तनशील पूंजी ता मात्रा बराबर मंदिता, मति 'क' ना पूंजी कारोबार गति 'ख' ना तुलना ते 6 गुना ज्यादा आंता। अद्रमासी, दोरकी कित्ता अतिरिक्त मूल्य वेने 6 गुना ज्यादाए आंता।

पूंजीपति वेल्ले अतिरिक्त मूल्य दोरकी कियाला काजे हमेशा पूंजी कारोबार कालम इत्तेके उत्पादन कालम ओसो विनिमय कालम घटे कियाला आल्सिंतोर, अनि कारोबार गति बेरसी कींतोर। इदिना काजे पूंजीपति मजदूर लोरा काम ता घंटांग बेरसिंतांग, श्रम सघनता बेरसिंता, ओसो उत्पादन कालम कम कियाला काजे उत्पादन प्रणाली लोप्पा सुधार कींतोर।

विनिमय कालम घटे कियाला काजे ओरु विनिमय परिवहन, डाक, संचार सेवा ना विकास कींतोर अनि व्यापार ढांचा तुन सुधरे कींतोर। मति, पूंजीवाद लोप्पा मत्ता अंतरविरोध टैकनिक कुना लोप्पा सुधार कुन रोमी कींतांग अनि माल बिक्री लोप्पा मुश्किल कुन निल्पी कींतांग। अदिन काजे पूंजी कारोबार गति तेज कियाना पूंजीपतिरा कोशिश हमेशा विफल आंता।

## पूंजीवादी पुनरुत्पादन

### दुश्मनीपूर्ण अंतरविरोध कुना नइमा तन्ना-तन्नाए ताकिंता

#### सामाजिक पूंजी व्यक्तिगत पूंजी ता मेल आंदू

पूंजीवादी समाज लोप्पा बचोनो पूंजीवादी उद्यम मंतांग। हर उद्यम ता व्यक्तिगत पूंजी तन्ना मूल्य लोप्पा वृद्धि कियाला काजे दूसरा पूंजी तुकू स्वतंत्र काम कींता। मति इदु व्यक्तिगत पूंजी दूसरा तुकू अलग मन्नो आंता। इद उंदी-दूसरा लोप्पा मत्ता संबंध ओसो उंदी-दूसरा पोरो आधार आसी मंदिंतांग बारांकु इत्तेके मूल्य बेरसी कियाला काजे हर निजी पूंजी तुन विनिमय प्रक्रिया तुन दूसरा पूंजी संगे जुड़ेमाया लागिंता। उंदी नूल मील ता उदाहरण हूड़ा। इदिन नोटना मशीन ओसो कापूस ता सपलाई कियाना

उद्यम कुना संगे जुड़ेमाया लागिंता। दूसरा बगिल, इदिन तन्ना उत्पाद कुना उपभोक्ता उद्यम लेक्कटा गेते मील कुना संगे वेने जुड़ेमाया लागिंता। अदिन काजे विभिन्न, उद्यम कुना नइमा गरें ओसो उंदी-दूसरा पोरो आधार आसी मंदाना संबंध मंता। इव संबंध कुना संगे निजी पूंजी ता मेल सामाजिक पूंजी ता निर्माण कींता। निजी पूंजी ता गति ता मेल सामाजिक पूंजी ता गति मंदिता।

इंजे एवनल माटु निजी पूंजी ता गति ता अध्ययन कित्ताद मंता। इदिना लोप्पा मुख्य रूप ते अतिरिक्त मूल्य ता उत्पादन ओसो जन्म ता विश्लेषण कियमूडांता। माटु पूंजीपति तम्मा माल बेगा वम्मिंतोर, ओरु उत्पादन साधन बेगाडल अस्सिंतोर, पूंजीपति ओसो मजदूर तम्मा पिस्वल पिस्सना साधन बेगाडल अस्सिंतोर इंजी विश्लेषण कित्ताद हिल्ले। मति सामाजिक पूंजी पुनरुत्पादन ता विश्लेषण कियानास्के परिस्थितिंग अलग मंदितांग। सामाजिक पूंजी लोप्पा पूरा निजी पूंजी शामिल मंदिता अदिन काजे इदिना पुनरुत्पादन प्रक्रिया लोप्पा इस्तेमाल आयना सब्बे भौतिक साधन कुना भरपाई कुल सामाजिक उत्पाद तल आंता। अदिन काजे सामाजिक पुनरुत्पादन बद्रम तार्किंता, चालू उत्पादन लोप्पा लागना विभिन्न इनपुट्स कुना सकल सामाजिक उत्पादन (gross social output) तल भौतिक रूप ते भरपाई आया परिंता या परवो, इद्रम आया परिंता इत्तेके अदु बद्रम आया परिंता इंदानद उंदी महत्वपूर्ण सवाल मंता। लेनिन वेहता लेक्का “मजदूर ओसो पूंजीपति तम्मा उपभोक्ता वस्तु बेगाडल दोरकी कींतोर, पूंजीपति तम्मा उत्पादन साधन बेगाडल दोरकी कींतोर अनि उत्पाद बद्रम इव जरूरत कुन पूरा कीसी विस्तृत पुनरुत्पादन परिस्थितिंग बने कींतांग इंजी सवाल तेदिंता। इगा सिर्फ मूल्य भरपाई आयवा उत्पाद कुना भौतिक रूप ते भरपाई ता वेने सवाल तेदिंता।”<sup>2</sup> अदिन काजे सामाजिक पूंजी पुनरुत्पादन ता परीक्षण मूल्य भरपाई संगे-संगे अविना भौतिक रूप ते भरपाई ता दृष्टिकोण ते वेने कियाना।

मार्क्स स्पष्ट रूप ते पूंजीवाद सम्पूर्ण सामाजिक उत्पाद तुन मूल्य ता रूप ते स्थिर पूंजी (सी), परिवर्तनशील पूंजी (वी) ओसो अतिरिक्त मूल्य (एम) लेक्का विभाजित कियमूडांता इंतोर। भौतिक रूप ते इदिन पुनरुत्पादन प्रक्रिया ते कार्य अनुसार उत्पादन साधन, उपभोक्ता साधन लोप्पा वर्गीकृत कियमूडांता इंतोर।

उत्पाद कुना भौतिक वर्गीकरण पोरो आधार आसी माक्स कुल सामाजिक उत्पाद तुन रेंडु श्रेणी ते तूसमूडांता इत्तोरः पहली, उत्पादन साधन कुना उत्पादन (1) इत्तेके, मशीन, औजारकु ओसो कच्चा माल ता उत्पादन, दूसरा उपभोक्ता साधन कुना उत्पादन (2) इत्तेके गाटो, गेत्तेंग ओसो रोज ता जरूरत मत्ता वस्तुंग ना उत्पादन। इव रेंडासी हिस्सा ने उत्पादन ता बचोनो विभाग शामिल मंदितांग।

### साधारण पुनरुत्पादन काजे जरूरी परिस्थितिंग

उदारहण तुकू साधारण पुनरुत्पादन संगे उंदी उत्पादन चक्र उंदी साल लोप्पा पूरा आंता, स्थिर पूंजी ता सम्पूर्ण मूल्य उंदी उत्पादन चक्र लोप्पा पूना उत्पाद कुना संगे बदलेमांता। सब्बे माल अविना मूल्य अनुसार वम्मना आंता अनि अविना मूल्य, दाम लोप्पा बदे कम-ज्यादा मन्त्रो आंता। विदेशी व्यापार वेने मन्त्रो आंता। इद्रम ता परिस्थिति ने साधारण पुनरुत्पादन संगे सम्पूर्ण सामाजिक उत्पादन ता जन्म तुन दोड़ हित्ता लेक्का समजेमायमूडांता:

1. 4000 सी + 1000 वी + 1000 एम = 6000
2. 2000 सी + 500 वी + 500 एम = 3000

इगा माटु पहली श्रेणि लोप्पा स्थिर पूंजी 4000, परिवर्तनशील पूंजी 1000 ओसो अतिरिक्त मूल्य 1000 मंता। उत्पाद कुना कुल मूल्य 6000 मंता। इदिना भौतिक रूप ते उत्पादन साधन मंता। दूसरा श्रेणि लोप्पा स्थिर पूंजी 2000, परिवर्तनशील पूंजी 500 ओसो अतिरिक्त मूल्य 500 मंता। उत्पाद कुना कुल मूल्य 3000 मंता। इदिना भौतिक रूप ते उपभोग साधन मंदिता।

पुनरुत्पादन जारी तासला काजे रेंडासी सेक्टर कुना उत्पादन कुना वसूली आयना। उत्पाद कुना वसूली बाताल आंदू? इदिना उद्देश्य उपभोग कित्ता वस्तुंग ना मूल्य ता भरपाई आयना अनि संगे ने अविना जागा ते पूना वस्तु ना उत्पादन आयाना। साधारण भाषा ते वेहाना इत्तेके उत्पाद कुन वम्मना ओसो मलसी वम्मना संभव मंदाना। इदिना पेरके माटु इव रेंडासी सेक्टर ना उत्पादन कुना वसूली बद्रम आंता इंजी समजेमायकाल।

सबसे मुन्ने पहली श्रेणी लोप्पा आयवा आंतरिक विनिमय मंता। साल ता शुरू ते पहली श्रेणी लोप्पा उत्पादन प्रक्रिया शुरू आतेके 4000 मूल्य

ता उत्पादन साधन मंदितांग। साल ता आखरी ते उत्पादन प्रक्रिया पूरा आतास्के अबु पूरा खर्च आंतांग। दूसरा साल लोप्पा साधारण पुनरुत्पादन जारी तासला काजे 4000 मूल्य ता पूना उत्पादन साधन कुना भरपाई आयना। पूंजीपतिर इव उत्पादन साधन कुन बद्रम हासिल किया परितोर? इव अदे श्रेणि लोप्पा विनिमय संगे हासिल कियमूडांता, बारांकु इत्तेके कच्ची-इस्पात कारखाना ता पूंजीपति कोकिंग संयंत्र ता पूंजीपति नगडल कोयला (कोरसे) अनि मशीन उत्पादक नगडल मशीन अस्सिंतोर। इद्रम पहली श्रेणी लोप्पा विनिमय संगे 4000 'सी' ता मूल्य अनि भौतिक रेंडासी ना भरपाई आया परिता। मार्क्स वेहता लेक्का “इद उंदी रकम ता स्थिर पूंजी तल दूसरा रकम ता स्थिर पूंजी इत्तेके उंदी रकम ता उत्पादन साधन संगे दूसरा उत्पादन साधन ता विनिमय आंता।”<sup>3</sup>

इदिना पेरके दूसरा श्रेणी ते आयना आंतरिक विनिमय वांता। दूसरा श्रेणी लोप्पा साल ता आखरी ते उत्पादन प्रक्रिया पूरा आतास्के मजदूर लोर किन व्यक्तिगत उपभोग पोरो खर्च कियाला काजे 500 मजदूरी दोरकिंता। पूंजीपति किन 500 अतिरिक्त मूल्य दोरकिंता। साधारण पुनरुत्पादन संगे पूंजी संचय आया परवो आंता। 500 अतिरिक्त मूल्य वेने उपभोग साधन पोरो खर्च आंता। अस्के पूंजीपति तन्ना जरूरत ता उपभोग साधन बेगाडल अस्सिंतोर? सिर्फ दूसरा श्रेणी लोप्पाने उपभोग साधन उत्पादन आंता। दूसरा श्रेणी लोप्पा आंतरिक विनिमय संगे 500 'वी' ओसो 500 'एम' लेक्का हिता उत्पाद कुना मूल्य रूप ते ओसो भौतिक रूप ते भरपाई आया परिता।

आखरी ते रेंडासी सेक्टर नइमा विनिमय आंता। पोरो वेहता रेंडु रकम ता विनिमय कुना पेरके पहली श्रेणी लोप्पा 1000 'वी' ओसो 1000 'एम' मूल्य ता उत्पाद पिसिंता। दूसरा श्रेणि ते 2000 'सी' मूल्य ता उत्पाद पिसिंता। उत्पाद कुन इव रेंडु पिस्ता हिस्सा ना सेक्टर लोप्पा वसूली आया परवो बारांकु इत्तेके पहली श्रेणि लोप्पा 1000 'वी' ओसो 1000 'एम' (मूल्य रूप ते) ता इस्तेमाल मजदूर ओसो पूंजीपतिर व्यक्तिगत उपभोग काजे कियाना। मति उत्पाद उपभोग साधन आयवा उत्पादन साधन आंदू। दूसरा श्रेणि लोप्पा 2000 'सी' (मूल्य रूप ते) इस्तेमाल पूंजीपतिर उत्पादन साधन कुना भरपाई काजे कियाना; इद उत्पाद उत्पादन साधन आयवा उपभोग साधन आंदू। इव अंतरविरोध कुना समाधान बद्रम आया परिता? रेंडासी सेक्टर नइमा विनिमय संगेने इद्रम आया परिता। इव विनिमय कुना कारण ते पहली श्रेणि लोप्पा मजदूर ओसो पूंजीपति किन उपभोग साधन दोरकिंता

अनि दूसरा श्रेणि लोप्पा पूंजीपति किन वायना साल पुनरुत्पादन जारी तासला काजे जरूरी उत्पादन साधन दोरकितांग। इव रेंडासी सेक्टर नइमा विनिमय कुन दोड़ हिता लेक्का समजेमायमूडांताः

1. 4000 सी + 1000 वी + 1000 एम = 6000
2. 2000 सी + 500 वी + 500 एम = 3000

सम्पूर्ण विनिमय प्रक्रिया ता रिजल्ट साधारण पूंजीवादी उत्पादन संगे रेंडासी सेक्टर नइमा जरूरत मत्ताचोन संबंध मंदाना इंजी तोहिंता; इत्तेके पहली श्रेणि ता परिवर्तनशील पूंजी ओसो अतिरिक्त मूल्य ता मेल मूल्य रूप ते दूसरा श्रेणि ता स्थिर पूंजी बराबर मंदाना। दूसरा माटा ते वेहाना इत्तेके 1 (1000 वी+1000 एम) 2) 2000 सी ता बराबर मंदाना जरूरी मंता। इद्रम बराबर संबंध कुन मत्ता लेक्का तासतेकेने साधारण पूंजीवादी पुनरुत्पादन जारी तासमूडांता। अदिन काजे साधारण पूंजीवादी पुनरुत्पादन संगे सामाजिक उत्पाद ता वसूली शर्तः 1) (वी+एम)=2) सी मंदिंता।

### **विस्तृत पुनरुत्पादन काजे जरूरी परिस्थितिंग**


माटु पूंजीवादी पुनरुत्पादन ता विशेषता विस्तृत पुनरुत्पादन आंदू इंजी पुत्तोम। विस्तृत पुनरुत्पाद जारी तासला काजे पूंजीपति पूरा अतिरिक्त मूल्य ता उपभोग कियवा मंदाना जरूरी मंता। ओरु उत्पादन स्तर विस्तार कियाला काजे लगातार अतिरिक्त मूल्य ता उंदी हिस्सा तुन पूंजी लेक्का बदले कीसोर मंदाना। इद्रम कियाला काजे पूंजीपति किन तन्ना पूना पुट्टी किन्ता पूंजी ता उंदी हिस्सा तुन स्थिर पूंजी लेक्का इस्तेमाल कियाना अनि विस्तृत पुनरुत्पादन काजे जरूरी मशीन ओसो कच्चा माल अस्सना। पिस्तादिन अतिरिक्त मजदूर लोर किन किराया ते पोयला काजे परिवर्तनशील पूंजी लेक्का बदले कियाना। अदिन काजे विस्तृत पूंजीवादी पुनरुत्पादन जारी तासला काजे पहली श्रेणि ता कुल वार्षिक उत्पादन लोप्पा पहली ओसो दूसरा श्रेणि ते साल ता खर्च आत्ता उत्पादन साधन कुना भरपाई आयवा अतिरिक्त उत्पादन साधन शामिल आयना। इद परिस्थिति तुन इद्रम समजे

मायमूडांता: 1) (सी+वी+एम) > 1 सी +2 सी<sup>\*1</sup>। असमानता ता चिन्हा ता रेंडासी पक्ष कुना लोप्पा 1 सी मंता, तानिगडल पहली श्रेणि लोप्पा खर्च आत्ता उत्पादन साधन कुना भरपाई अदे श्रेणि लोप्पाटल आया परिंता इंजी स्पष्ट आंता। माटु आंतरिक भरपाई तुन विइसतेके पहली, दूसरी श्रेणि ता संबंध कुना पोरो केंद्रित कीतेके पोरो वेहता सूत्र इद्रम मंता: 1 (वी+एम) + >2 सी। इत्तेके पहली श्रेणि ता परिवर्तनशील पूंजी ओसो अतिरिक्त मूल्य ता मेल दूसरा श्रेणि ता स्थिर पूंजी तुकू ज्यादा मंदाना। इद विस्तृत पूंजीवादी पुनरुत्पादन ता उंदी पहली शर्त मंदिता।

इगा विस्तृत पूंजीवादी पुनरुत्पादन संगे सामाजिक उत्पाद ता वसूली बद्रम आत्ता इंजी तोहताद मंता:

1. 4000 सी + 1000 वी + 1000 एम = 6000
2. 1500 सी + 750 वी + 750 एम = 3000


इवु पहली साल काजे उत्पादन ता काल्पनिक आंकड़ांग आंदुंग, इवु 1) (सी+वी+ एम)>1 सी+2 सी लेवेके 1 (वी+सी)>2 सी सूत्र अनुसार मंदितांग। इंजे पूंजीपति पुनरुत्पादन ता विस्तार कियाला आल्सितोर, अदिन काजे ओरु पुट्टी कित्ता पूरा अतिरिक्त मूल्य तुन उपभोग पोरो खर्च किया परवोर आंतोर। उदाहरण तुकू पहली श्रेणि ता पूंजीपति 1000 एम ता आधा पूंजी तुन व्यक्तिगत उपभोग पोरो खर्च कींतोर अनि पिस्ता आधा हिस्सा तुन पूंजी ता मूल हिस्सा ताए बराबर इत्तेके 4 :1 (4000 सी:1000वी) लोप्पा अतिरिक्त पूंजी ते बदले कींतोर। अस्के 1000 एम ता बंटवारा इद्रम मंदिता:



<sup>1</sup> \*>इद चिन्हा इदिना डावड़ बगिल ता राशि तिन्ड बगिल राशि तुकू बेहरा मंता इंजी तोहिंता।

माटु पहली श्रेणि लोप्पा 400 अतिरिक्त स्थिर पूंजी उत्पादन साधन पोरो खर्च आसोर मत्तादू हूइंतोम। इदिना भौतिक रूप वेने उत्पादन साधन मंदिता। अदिन काजे अविन पहली श्रेणि लोप्पा आंतरिक विनिमय संगे दोरकी कियमूडांता। पहली श्रेणि लोप्पा 100 अतिरिक्त परिवर्तनशील पूंजी अतिरिक्त मजदूर लोर किन किराया ते एतला काजे खर्च आंता। अदिन काजे उपभोग साधन दोरकी कियाला इदिना दूसरा श्रेणि संगे विनिमय जरूरी आंता।

पहली श्रेणि लोप्पा 100 ता अतिरिक्त परिवर्तनशील पूंजी भौतिक रूप उत्पादन साधन मंदितांग अनि उपभोग साधन कुना काजे इविना दूसरा श्रेणि संगे विनिमय आयना जरूरी आंता, इदिना काजे इद दूसरा श्रेणि लोप्पा विस्तृत पुनरुत्पादन परिस्थितिंग तैयार कींता। इदिना काजे दूसरा श्रेणि वेने विस्तृत पुनरुत्पादन काजे जरूरी पूंजी संचय जारी तासना जरूरी मंता। इद्रम कीसी रेडांसी सेक्टर लोप्पा विस्तृत पुनरुत्पादन ता कारण ते उपभोग साधन कुना बेरसता मांग कुन पूरा कियमूडांता। उदाहरण तुकू दूसरा श्रेणि ता पूंजीपति अतिरिक्त स्थिर पूंजी लोप्पा बदलेमायला काजे तम्मा अतिरिक्त मूल्य ता उंदी हिस्सा (100 एम) तल पहली श्रेणि संगे उत्पादन साधन कुना विनिमय कींता अनि दूसरा श्रेणि लोप्पा पूंजी ता मूल हिस्सा ता बराबर 2 : 1 (1500 सी: वी 750) लोप्पा 50 एम तुन अतिरिक्त परिवर्तनशील पूंजी लेक्का इस्तेमाल कींता। अस्के 750 एम ता बंटवारा तुन दोड़ हिता लेक्का समजेमायमूडांता:



पोरो हिता पूंजी संचय संगे रेंडासी सेक्टर ना उत्पादन कुना पुनर्संयोजन तुन इद्रम समजेमायमूडांता:

1.  $(4000\text{सी} + 400\text{सी}) + (1000\text{वी} + 100\text{वी}) + 500\text{एम} = 6000$
2.  $(1500\text{सी} + 100\text{सी}) + (750\text{वी} + 50\text{वी}) + 600\text{एम} = 3000$



इद्रम रेंडासी सेक्टर ना पूंजी शुरू ते वाटता पूंजी तुकू बेहरा मंता अनि वायना साल ते रेंडासी सेक्टर लोप्पा उत्पादन स्तर ता विस्तार परिस्थितिग जरूर बनेमांतांग।

मति विस्तृत पुनरुत्पादन परिस्थिति लोप्पा रेंडासी सेक्टर कुना उत्पादन वसूली बद्रम आंता?

विस्तृत पुनरुत्पादन परिस्थितिग संगे साधारण पुनरुत्पादन परिस्थिति ना लेक्काने सामाजिक उत्पादन वसूली ता 3 आयाम मंदितांगः पहली श्रेणि लोप्पा आंतरिक विनिमय, दूसरा श्रेणि लोप्पा आंतरिक विनिमय ओसो रेंडासी सेक्टर कुना नइमा विनिमय। इदिन दोड़ हिता लेक्का समजेमायमूडांताः

$$1. (4000 \text{ सी} + 400 \text{ वी}) + (1000 \text{ वी} + 100 \text{ वी}) + 500 \text{ एम} = 6000$$

$$2. (1500 \text{ सी} + 100 \text{ सी}) + (750 \text{ वी} + 50 \text{ वी}) + 600 \text{ एम} = 3000$$

पोरो हिता विनिमय संगे हर सेक्टर ता पूंजी शुरू ते वाटता पूंजी तुकू बेहरा मंदिता। दूसरा साल ते पूंजी ता संघटन इगा हिता लेक्का मंदिताः

$$1. 4400 \text{ सी} + 1100 \text{ वी} = 5500$$

$$2. 1600 \text{ सी} + 800 \text{ वी} = 2400$$

शोषण दर इयेंड वेने 100 प्रतिशत मत्तेके पेरेंड रेंडासी सेक्टर कुना उत्पादन इगा वेहता लेक्का आंताः

$$1. 4400 \text{ सी} + 1100 \text{ वी} + 1100 \text{ एम} = 6600$$

$$2. 1600 \text{ सी} + 800 \text{ वी} + 800 \text{ एम} = 3200$$

इदु पहली साल तुकू विस्तृत पुनरुत्पादन आंदू।

### पूंजीवादी पुनरुत्पादन ता अंतरविरोध शत्रुतापूर्ण मंदिता

पोरो वेहता विश्लेषण तल माटु पूंजीवादी साधारण ओसो विस्तृत पुनरुत्पादन संगे सामाजिक उत्पाद ता वसूली काजे जरूरी परिस्थितिग कुन पुतोम। मति इव परिस्थितिग पूंजीवादी समाज लोप्पा हर कालम ते मंदितांग इंदा परवोम। असल ते पूंजीवादी समाज लोप्पा इव परिस्थितिग ना बार-बार अतिक्रमण आंता। लेनिन “वसूली ता शुद्ध सिद्धांत पूंजीवादी उत्पादन ता विभिन्न विभाग कुना लोप्पा उत्पाद कुना बराबर बंटवारा इंजी

मानेमांतोर। मति इद्रम पूंजीवादी समाज लोप्पा उत्पाद कुना हमेशाए बराबर बंटवारा आंता लेवेके आया परिंता इंजी आयो इंजी चिन्हित कित्तोर।”<sup>4</sup> इदिना कारण पूंजीवादी समाज लोप्पा उत्पादन साधन ओसो उत्पाद कुना पोरो पूंजीपतिरा निजी मालिकाना मंदिंता अनि पूना सामाजिक उत्पादन पोटी, अराजक उत्पादन परिस्थिति ना संगे नियंत्रित आंता। इद्रम रेंडासी सेक्टर नइमा हर सेक्टर लोप्पा विभिन्न उत्पादन विभाग नइमा ता बराबर बंटवारा संबंध ता बार-बार अतिक्रमण आंता। पूंजीवादी समाज लोप्पा उत्पादक शक्तिंग लोप्पा वेल्ले वृद्धि अनि इदिना तुलना ते मेहनतकश जनता ना बगिल तल प्रभावी मांग कमी मत्तांकु पुट्टसी मत्ता तीव्र अंतरविरोध कुना कारण ते रेंडासी सेक्टर नइमा जरूरी बराबर बंटवारा संबंध कुन हमेशा मत्ता लेक्का तासमूझायो आंता। अदिन काजे पूंजीवादी पुनरुत्पादन हर रकम ता मुश्किल कु ओसो तिप्पल कुना सामना कींता।

पूंजीवादी पुनरुत्पादन प्रक्रिया लोप्पा तीव्र अंतरविरोध कुना उंदी पूरा लिस्ट मंदिंता। इव अंतरविरोध विकसित आर्थिक संकट पुट्टी कियानदु अनिवार्य आंता।

## अध्ययन काजे प्रमुख संदर्भ

1. मार्क्स, पूंजी, भाग 2, अध्याय 1,2,3,7,8,20,21
2. लेनिन, “हाटुम समस्या ता बारे ते” लेनिन ना सम्पूर्ण रचनांग, भाग 1

## समीक्षात्मक सवाल

1. पूंजीपति पूंजी सरुकूलेशन ओसो कारोबार संगे वेल्ले अतिरिक्त मूल्य बदरम पुट्टी कींतोर?
2. पूंजीवादी पुनरुत्पादन कियाना शर्त बातल मंदिता? इव शर्त कु पूंजीवादी समाज लोप्पा हमेशा पूरा आंतागा? बारांकु?

## टिप्पणिंग

1. मार्क्स, पूंजी, भाग 2, मार्क्स-एंगेल्स ना सम्पूर्ण रचनांग, भाग 24 पे. 174 .
2. “रूस लोप्पा पूंजीवादी विकास” लेनिन ना सम्पूर्ण रचनांग, भाग 3, पे. 31 .
3. मार्क्स, पूंजी, भाग 2, मार्क्स-एंगेल्स ना सम्पूर्ण रचनांग, भाग 24, पे. 473
4. “दि थियरी ऑफ रियलाइजेशन वन्स अगेन”, लेनिन ना सम्पूर्ण रचनांग, भाग 4, पे. 61 .

# पूरा पूंजीपति वर्ग कलियसी मजदूर लोरा शोषण ओसो उत्पीड़न कींता

## अतिरिक्त मूल्य ता बंटवारा

पूंजीवादी समाज लोप्पा मजदूर लोरा शोषण-उत्पीड़न सिर्फ ओरु काम कीसोर मत्ता उद्यम कुना पूंजीपतिरे कीवोर आंतोर। औद्योगिक पूंजीपति, वाणिज्यिक पूंजीपति, बैंकिंग पूंजीपति ओसो भूस्वामी वर्ग संगे पूरा पूंजीपति वर्ग कलियसी ओरकिन लूटे कींतोर। औद्योगिक मुनाफा, वाणिज्यिक मुनाफा, बैंकिंग मुनाफा, ब्याज ओसो भूमि लगान इव सब्बे मजदूर लोर श्रम तले लूटे कींतोर अनि अतिरिक्त मूल्य ताए बदलेमाता रूप मंदिंता। मति विभिन्न शोषक गुट कुना नइमा अतिरिक्त मूल्य ता बंटवारा बद्रम आंता? अतिरिक्त मूल्य मुनाफा, ब्याज, भूमि लगान ओसो बाकी ठोस रूप ते बदलाव बद्रम आंता? माटु इद अध्याय लोप्पा इदे सवाल पोरो चर्चा कियाकाल।

## औद्योगिक पूंजीपतिरा नइमा पोटी मुनाफा दर तुन उंदी लेक्का बने कींता

### मुनाफा अतिरिक्त मूल्य ताए बदलाव रूप आंदू

अतिरिक्त मूल्य ता बस्केने कम आयवा मंदाना लालच पूंजीपति स्वभाव आंदू। पूंजीपति मजदूर लोरा अतिरिक्त श्रम संगे पुट्टता अतिरिक्त मूल्य ता शोषण कींता। मति इद पूंजीपतिरा मुनाफा रूप ते दिसिंता। मुनाफा ओसो अतिरिक्त मूल्य नइमा बाता अंतर मंता ओसो अविना नइमा संबंध बाताल मंता?

मजदूर लोर पुट्टी कित्ता अतिरिक्त मूल्य ता शोषण काजे पूंजीपतिर किन उचुन पूंजी वाटा लागिंता। इद पूंजी ता उंदी हिस्सा उत्पादन साधन अस्सला ओसो पिस्ता श्रमशक्ति अस्सला खर्च आंता। चौथा अध्याय लोप्पा पूंजी ता उत्पादन साधन अस्सला खर्च आयना ओसो मूल्य उत्पादन प्रक्रिया लोप्पा बदलेमायवा मंदाना हिस्सा तुन स्थिर पूंजी इंतोर। श्रमशक्ति अस्सला वाटता हिस्सा तुन परिवर्तनशील पूंजी इंतोर। उत्पादन प्रक्रिया नइमा इदिना मूल्य बेरसिंता अनि इदिनगडल पूंजीपति किन अतिरिक्त मूल्य दोरकिंता। इद्रम अतिरिक्त मूल्य मजदूर वर्ग संगे पुट्टिंता अनि परिवर्तनशील पूंजी ता उत्पाद मंदिंता। मति पूंजीपति तन्ना मुनाफा दर ता गणना कियानस्के ओरु अतिरिक्त मूल्य ता कुल वाटता पूंजी संगे कींतोर (अतिरिक्त मूल्य कुल पूंजी ता उत्पाद मत्ता लेक्का)। इद्रम “अतिरिक्त मूल्य, कुल पूंजी ता बदले ते दोरकता पुरस्कार लेक्का मानेमासोरे, मुनाफा लेक्का बदलेमांता।”

अतिरिक्त मूल्य मुनाफा लोप्पा बदलेमाता लेक्का अतिरिक्त मूल्य दर मुनाफा दर लोप्पा बदलेमांता। अतिरिक्त मूल्य ओसो परिवर्तनशील पूंजी ता बराबर अतिरिक्त मूल्य दर मंदिंता। इदिना सूत्रः अतिरिक्त मूल्य/परिवर्तनशील पूंजी लेवेके एम/वी। अतिरिक्त मूल्य ओसो कुल पूंजी ता बराबर मुनाफा दर मंदिंता। इदिना सूत्रः अतिरिक्त मूल्य/ कुल वाटता पूंजी लेवेके एम/सी+वी।

अतिरिक्त मूल्य मुनाफा लेक्का बदलेमातास्के इदिना असल स्रोत मकसी मंदिता, स्थिर पूंजी वेने अतिरिक्त मूल्य पुट्टना लेक्का। अतिरिक्त मूल्य दर मुनाफा दर लेक्का बदलेमातास्के पूंजीपतिर मजदूर लोरा शोषण कियाना तीव्र रूप वेने मकसी मंदिंता। उदाहरण तुकू वरोर पूंजीपति कुल 10,000 युआन ता पूंजी वाटिंतोर। ताना लोप्पाटल 8000 युआन स्थिर पूंजी ओसो 2000 युआन परिवर्तनशील पूंजी मंता। उंदी साल लोप्पा 2000 युआन अतिरिक्त मूल्य जन्म आंता। अतिरिक्त मूल्य दर  $2000/2000$  लेवेके 100 प्रतिशत ते, मुनाफा दर  $2000/8000+2000$  इत्तेके 20 प्रतिशत आंता, इदु अतिरिक्त मूल्य दर तुकू वेल्ले कम मंता। अदिन काजे अतिरिक्त मूल्य तुन कुल वाटता पूंजी उत्पादन रूप ते पेश कियाना पूंजीपति ना उद्देश्य मंदिंता अतिरिक्त मूल्य ता असल स्रोत अनि मजदूर लोरा शोषण ता तीव्र रूप मकसी मंदिंता।

## विभिन्न सेक्टर कुना लोप्पा पूंजीपतिर नइमा पोटी

### मुनाफा लोप्पा वांता।

परताचोन मुनाफा कमई कीसोर मंदाना पूंजीपति ना वर्गीय रुझान मंदिता। ओरु हमेशा कम से कम पूंजी वाटसी ज्यादा से ज्यादा मुनाफा कमई कियाना कोशिश कींतोर। पूंजीपति सिर्फ मजदूर लोरा क्रूरतापूर्वक शोषणे आयवा ओरा लोप्पा आपस ते वेने उग्र पोटी तार्किता।

इद पोटी उंदे सेक्टर ता अलग-अलग उद्यम कुना नइमा ओसो अलग-अलग सेक्टर नइमा, रेंडासी स्तर ते तार्किता। उंदे सेक्टर ता अलग-अलग उद्यम कुना नइमा पोटी लोप्पा पूना टैकनिक इस्तेमाल कियाना पूंजीपतिरा फायदा तेने मंदिता। ओरा उद्यम कुना श्रम-उत्पादकता ज्यादा मंदिता अनि व्यक्तिगत श्रमकाल सामाजिक रूप ते जरूरी श्रमकाल तुकू कम मंदिता, अद्रमासी वेल्ले अतिरिक्त मूल्य दोरकिता। इद अतिरिक्त मूल्य वेल्ले मुनाफा ते बदलेमांता अनि पूना टैकनिक इस्तेमाल कियाना पूंजीपति ना कीसा ते दांता। विभिन्न सेक्टर नइमा पोटी ता कारण इदिनकु अलग मंदिता। इद विभिन्न श्रेणि नइमा ता मुनाफा दर कुन उंदी लेक्का बने कींता। मजदूर लोर पुट्टी कित्ता अतिरिक्त मूल्य ता बराबर पूंजी काजे बराबर मुनाफा ता सिद्धांत अनुसार विभिन्न सेक्टर कुना पूंजीपतिरा नइमा बंटवारा आंता।

इंजे माटु इदिना विश्लेषण विभिन्न सेक्टर कुने पूंजीपतिरा नइमा पोटी मुनाफा दर लोप्पा बराबरी बद्रम तर्तिता इंजी कियाकाल।

पूंजीवादी समाज लोप्पा विभिन्न उत्पादन श्रेणि नइमा मुनाफा दर अविना लोप्पा पूंजी ता हिस्सा अनुसार अलग-आलग मंदिता। माटु पूंजी ता हिस्सा स्थिर पूंजी ओसो परिवर्तनशील पूंजी ता बराबर मंता अनि अतिरिक्त मूल्य परिवर्तनशील पूंजी ता आकार बेरसतांकु मंदिता इंजी पुत्तोमे। अदिन काजे अतिरिक्त मूल्य दर बराबर मत्तेके पूंजी ता हिस्सा बचोन बेहरा मंता, इत्तेके परिवर्तनशील पूंजी तुकू स्थिर पूंजी ता हिस्सा बचोन बेहरा मंदिता, अतिरिक्त मूल्य अचोने कम मंदिता। मुनाफा दर वेने कम आंता। दूसरा बगिल, पूंजी ता हिस्सा बचोन दोड़ मंदिता, मुनाफा दर अचोने बेहरा मंदिता। उदाहरण तुकू बूट उद्योग, नोटना-हरहाना ओसो मशीन निर्माण समाज ता 3 उत्पादन सेक्टर मंतांग। पूंजी ता हिस्सा बूट उद्योग लोप्पा 7 : 3, नोटना-हरहाना लोप्पा 8 : 2 ओसो मशीन निर्माण सेक्टर लोप्पा 9 : 1 मंता। इव 3 सेक्टर ना पूंजी 10,000 मंता अनि अतिरिक्त मूल्य दर 100 प्रतिशत मंता।

विश्लेषण तुन ओसो हल्को कियाला काजे इव 3 सेक्टर लोप्पा पूंजी कारोबार (टर्नओवर) दर उंदी साल लोप्पा उंदी बेरा वांता। उंदी साल लोप्पा स्थिर पूंजी ता पूरा मूल्य अद साल ता उत्पादन लेक्का बदलेमांता। इद्रम अतिरिक्त मूल्य 100 प्रतिशत दर ते बूट उद्योग 3000 मुनाफा दोरकी कींता अनि नोटना-हरहाना श्रेणि ओसो मशीन निर्माण श्रेणि तीरम-तीरम 2000 ओसो 1000 ता मुनाफा कमई कींतोर। पूंजी ता हिस्सा बूट उद्योग ते सबसे कम मत्ता। इदिना मुनाफा दर 30 प्रतिशत मत्ता। मशीन निर्माण श्रेणि लोप्पा पूंजी ता हिस्सा सबसे ज्यादा मत्ता ताना लोप्पा मुनाफा दर सिर्फ 10 प्रतिशत मत्ता।

बराबर निवेश ता असमान मुनाफा परिस्थिति मुनाफा पूंजीवादी समाज लोप्पा ज्यादा दिख्यंग ताका परवो आंता। पूंजीपति हमेशा सबसे ज्यादा मुनाफा हियाना उत्पादन सेक्टर लोप्पा निवेश कियाना कोशिश कींतोर। अदिन काजे पोरो वेहता परिस्थिति ते बदलाव तत्ताना जरूरी मंता। सबसे मुन्ने, मशीन निर्माण सेक्टर ता उचुन पूंजीपति उत्पादन बंद कीसी वेल्ले मुनाफा कमई कियाला काजे बूट उद्योग लोप्पा निवेश कींतोर। पूंजी ता इद बदलाव तल बूट उद्योग कुना उत्पादन वेल्ले बेरसिंता। तीरम-तीरम सपलाई मांग तुकू ज्यादा आत्ता कारण दर कम आंता। दूसरा बगिल मशीन निर्माण श्रेणि ता उत्पादन तीरम-तीरम कम आंता। मशीन सपलाई मांग तुकू कम आतेके तीरम-तीरम अविना दर बेरसिंता। पूंजी ता बदलाव ओसो दर लोप्पा समन्वय ता कलियता-मिलियता प्रभाव तल मुनाफा दर लोप्पा समानता वांता। इदु मुनाफा ता औसत दर मंदिंता। इदु समाज ता सकल अतिरिक्त मूल्य ओसो समाज ता सकल पूंजी ता तुलना कित्तास्के दोरकिंता। माटु पोरो वेहता 3 सेक्टर समाज ता सकल उत्पादन कीसोर मत्तेके समाज ता सकल अतिरिक्त मूल्य 6000 मंदिंता अनि समाज ता सकल पूंजी 30,000 मंदिंता। इद्रम ता परिस्थिति ते मुनाफा ता औसत दर  $6000/30,000 = 20$  प्रतिशत मंता। इद दर तल दोरकता मुनाफा तुन औसत मुनाफा इंतोर। मार्क्स रास्ता लेक्का, “औसत मुनाफा अतिरिक्त मूल्य ता मात्रा हर उत्पादन सेक्टर तुन पूंजी हिस्सा ता बराबर बंटवारा आंता।”<sup>2</sup> औसत मुनाफा मेहनतकश वर्ग पुट्टी कित्ता अतिरिक्त मूल्य ता बंटवारा लोप्पा विभिन्न श्रेणि ना पूंजीपतिरा आपसी संबंध कुन तोहिंता।

औसत मुनाफा पूंजीवादी शोषक संबंध कुन ओसो मकिह कींता। अतिरिक्त मूल्य पूंजी लेक्का बदलेमायनदु अतिरिक्त मूल्य ता स्रोत ता बारे ते मुन्ने ने श्रम पुट्टी कींता। मति विभिन्न उत्पादन सेक्टर लोप्पा पूंजीपतिर

दोरकी कित्ता मुनाफा सेक्टर कुना मजदूर लोर पुट्टी कित्ता अतिरिक्त मूल्य बराबरे मंदिता। औसत मुनाफा बनेमाता पेरेके विभिन्न सेक्टर कुना पूंजीपति अतिरिक्त मूल्य तुन आपस ते बंटवारा कींतोर अद्रमासी विभिन्न सेक्टर पुट्टी कित्ता मुनाफा अलग-अलग सेक्टर लोप्पा पुट्टता अतिरिक्त मूल्य ता बराबर मन्नो आंता। हर श्रेणि लोप्पा बराबर पूंजी मत्तेके बराबर अतिरिक्त मूल्य दोरकी कियमूझांता। मुनाफा ता मात्रा वाटता पूंजी ता मात्रा पोरो आधार आसी मंदिता। इद मुनाफा ता प्रकृति ओसो शोषक संबंध तुन उम्मा ते वाटसिंता इदिना प्रतिनिधित्व मुनाफा कींता।

## **मुनाफा दर लोप्पा समानता**

### **माल ता मूल्य तुन उत्पादन दर लोप्पा बदले कींता**

औसत मुनाफा निर्माण पेरेके पूंजीपति माल तुन ओरा मूल्य अनुसार आयवा ओरा उत्पादन दर अनुसार वम्मिंतोर। उत्पादन दर लागत ओसो औसत मुनाफा कलियसी बराबर आंता। पोरो हूइता उदाहरण कुना पोरो आधार आसी उत्पादन दर ता निर्माण प्रक्रिया मुन्ने टेबल लोप्पा तोहताद मंता।

इद टेबल संगे मशीन निर्माण सेक्टर लोप्पा (अगा पूंजी ता हिस्सा बेहरा मंदिता) माल उत्पादन दर अदिना मूल्य तुकू ज्यादा मंदिता। अनि बूट उद्योग सेक्टर लोप्पा (पूंजी ता हिस्सा कम मंदिता) उत्पादन दर मूल्य तुकू कम मंदिता। सिर्फ नोटना-हरहाना सेक्टर लोप्पा उत्पादन दर मूल्य समान मंता।

औसत मुनाफा ता निर्माण ओसो मूल्य उत्पादन दर लोप्पा बदलेमाता पेरेके हाटुम दर घटेमायना-बेरसना आयवा उत्पादन दर हेरे-गरे मंदिता। उत्पादन दर पुटतास्के मूल्य नियम ता बदे जरूरत मन्नो आत्ता या? इद्रम हिल्ले। विभिन्न सेक्टर लोप्पा अलग-अलग पूंजीपतिरा कोंडा ते हूइतेके उचुन तम्मा माल तुन मूल्य तुकू वेल्ले उत्पादन दर ते वम्मसी तम्मा सेक्टर संगे पुट्टी कित्ता अतिरिक्त मूल्य तुकू कम मुनाफा दोरकी किया परितोर। मति पूना समाज स्तर ते माल ता कुल मूल्य कुल उत्पादन दर ता बराबर मंदिता। औद्योगिक पूंजीपतिर कुल दोरकता औसत मुनाफा औद्योगिक मजदूर लोर कुल मिले कीसी पुट्टी कित्ता अतिरिक्त मूल्य ता बराबर मंदिता। अदिन काजे उत्पादन दर सिर्फ मूल्य ता रूप मंदिता।



## माल ता व्यापार संगे वाणिज्यिक पूंजीपति वेने अतिरिक्त मूल्य लोप्पा हिस्सा एतितोर

**वाणिज्यिक पूंजी ता काम अतिरिक्त मूल्य पुट्टी कियाना मंता।**

पोरो वेहता विश्लेषण लोप्पा माटु मजदूर वर्ग पुट्टी कित्ता अतिरिक्त मूल्य पोरो औद्योगिक पूंजीपति ना एकाधिकार मंदिता इंजी हूडितोम। मति असल ते औद्योगिक पूंजीपतिर इद्रम किया परवोर आंतोर। ओरकिन मजदूर निगडल लूटे कित्ता अतिरिक्त मूल्य ता उंदी हिस्सा वाणिज्यिक पूंजी तुन बदले किया लागिंता। वाणिज्यिक पूंजीपति माल उत्पादन कियवा ओरु सिर्फ पूंजी वाटसी औद्योगिक पूंजीपति नगडल थोक माल अस्सितोर अनि अविन वम्मसी अतिरिक्त मूल्य पुट्टी कियाला औद्योगिक पूंजीपति ना मदद कींतोर। वाणिज्यिक पूंजीपतिर दोरकीकित्ता अतिरिक्त मूल्य तुन वाणिज्यिक मुनाफा इंतोर।

औद्योगिक पूंजीपति तन्ना माल वम्मला काजे वाणिज्यिक पूंजीपति ना जरूरत बारांकु मंदिता, ओरु अतिरिक्त मूल्य तुन ओना संगे तूसला काजे बारांकु तैयार आंतोर? बारांकु इत्तेके पूंजीवादी विकास संगे औद्योगिक पूंजीपतिर पुट्टी कित्ता माल कुना माप लगातार बेरससोर दांता। माल ता हाटुम वेने विस्तृत आसोर दांता। औद्योगिक पूंजीपतिर माल तुन वम्मना काम वेने संभाले कीतेके, ओरु उंदी बेहरा वाणिज्यिक व्यापार निल्पी किया परितोर। अनि बेहरा संख्या ते सेल्समैन लोर तासा परितोर। औद्योगिक पूंजीपतिरा काजे इद्रम कियानादू फायदा मन्ने आंता बारांकु इत्तेके वेल्ले बेहरा पूंजी विनिमय प्रक्रिया संगे जुड़ेमांता अद्रमासी अदिना उत्पादन स्तर ओसो पोटी क्षमता प्रभावित आंता। माल बिक्री काम माल व्यापार लोप्पा निपुणता ते काम कीसोर मत्तेके वाणिज्यिक पूंजीपति किन सौपे कीसोर मत्तेके, ओरकिन माल व्यापार लोप्पा निपुणता ता फायदा दोरकियर ओसो विनिमय आयनास्के खर्च तुन वेने कम किया परितोर। इंदे आयवा औद्योगिक पूंजीपति तम्मा माल तुन वाणिज्यिक पूंजीपति किन वम्मसी माल पूंजी ता मुद्रा पूंजी लेक्का बदले कियाना तुन जल्दी पूरा किया परितोर। इदिना कारण ते ओना पूंजी वेल्ले जोम उत्पादन लोप्पा क्रियाशील आंता अनि वेल्ले अतिरिक्त मूल्य वसूल काजे वेल्ले जोम एवनल उत्पादन पूंजी ता भूमिका निभे किया परित्ता।

उत्पादन क्षेत्र	स्थिर पूंजी (1)	परिवर्तनीय पूंजी (2)	अतिरिक्त मूल्य (3)	माल ता मूल्य (4) (1)+(2)+(3)	औसत मुनाफे की दर (%) (5)	औसत मुनाफा (6) = [(1) + (2)] x (5)	माल ता उत्पादन दाम (7) = (1) + (2) + (6)	उत्पादन दाम ओसो मूल्य ता अंतर (8) = (7) - (4)
जूता कारखाना	7,000	3,000	3,000	13,000	20	2,000	12,000	-1,000
कपड़ा	8,000	2,000	2,000	12,000	20	2,000	12,000	0
मशीन-निर्माण	9,000	1,000	1,000	11,000	20	2,000	12,000	+1,000
कुल	24,000	6,000	6,000	36,000	20	6,000	36,000	0

इद्रम अतिरिक्त मूल्य ता उंदी हिस्सा वाणिज्यिक पूंजीपति किन बदले कियांना आंता, मति पेरके इदिना लोप्पा औद्योगिक पूंजीपति ना फायदाए आंता। अदिन काजे वाणिज्यिक पूंजी औद्योगिक पूंजी तल अलग मंदिता।

वाणिज्यिक पूंजी वेने औसत मुनाफा ता निर्माण लोप्पा शामिल मंदिता। वाणिज्य लोप्पा निवेश कीसी औद्योगिक पूंजीपति ना अतिरिक्त मूल्य पुट्टी कियाला मदद कियाला काजे वाणिज्यिक पूंजीपति किन सिर्फ वाणिज्यिक मुनाफा ताए जरूरत मन्ने आंता, ओरु मुनाफा औद्योगिक पूंजी ता औसत मुनाफा तल कम आयनायो इंजी वेने आल्सितोर। इद्रम आयवेके वाणिज्यिक पूंजीपति वेने वाणिज्य आयवा उत्पादन श्रेणि लोप्पा ने निवेश कीतोर।

वाणिज्यिक मुनाफा बेगाडल वांता? पोरो वेहता पोल्लो तल वस्तु कुन अविना मूल्य तुकू ज्यादा दर ते वम्मतागडल वांता। बुर्जुआ वर्ग इदिना फायदा एतसी वाणिज्यिक मुनाफा विनिमय तल वांता इंतोर। इद्रम कीसी ओरा वाणिज्यिक मुनाफा ता असल स्रोत ओसो शोषण प्रक्रिया पोरो पर्दा वार्टितोर।

असल ते, वाणिज्यिक मुनाफा वेने औद्योगिक पूंजीपतिर मजदूर लोरगडल ऊंदिता अतिरिक्त मूल्य ता उंदी हिस्सा मंदिता। औद्योगिक

पूँजीपति वाणिज्यिक पूँजीपति ओना काजे तन्ना माल वम्मना इंजी आल्सिंतोर, अदिन काजे ओरु तम्मा माल अविना उत्पादन दर अनुसार आयवा अदिन कम दर ते वम्मनद आंता। ताना पेरके वाणिज्यिक पूँजीपतिर माल तुन अविना उत्पादन दर अनुसार उपभोक्ता लोर वम्मिंतोर। इद्रम औद्योगिक पूँजीपतिर मजदूर लोरगल लूटे कित्ता अतिरिक्त मूल्य ता उंदी हिस्सा वाणिज्यिक पूँजीपति किन दांता।

उदाहरण तुकू समाज लोप्पा औद्योगिक पूँजीपति उंदी साल लोप्पा कुल 40 अरब युआन निवेश कींतोर, ताना लोप्पा 30 अरब युआन स्थिर पूँजी, 10 अरब युआन परिवर्तनशील पूँजी ओसो 10 अरब युआन अतिरिक्त मूल्य मंता। उत्पादन चक्र उंदी साल ता मंदिता अनि स्थिर पूँजी ता मूल्य उंदी साल लोप्पा पूरा उत्पाद कुना काजे दांता। इद्रम माल ता कुल मूल्य, लेवेके कुल उत्पादन दर  $30 \text{ अरब} + 10 \text{ अरब} = 50 \text{ अरब युआन आंता।}$  मुनाफा दर  $10/40 = 25$  प्रतिशत आंता। मति माल व्यापार वाणिज्यिक पूँजीपति किने किया लागिंता। वाणिज्यिक पूँजी ता कुल मूल्य 10 अरब युआन मत्तेके उत्पादन ओसो विनिमय लोप्पा कुल पूँजी 50 अरब युआन आंता। 10 अरब ता अतिरिक्त मूल्य 50 अरब औद्योगिक, वाणिज्यिक पूँजी नइमा बराबर बंटवारा आयना। औसत मुनाफा दर इंजे 25 प्रतिशत आयवा 20 प्रतिशते मंदिता। 20 प्रतिशत औसत मुनाफा दर संगे औद्योगिक पूँजीपति 8 अरब युआन, वाणिज्यिक पूँजीपति 2 अरब युआन दोरकी कींतोर। वाणिज्यिक पूँजीपति इद 2 अरब युआन तुन औद्योगिक पूँजीपति तन्ना माल उत्पादन दर तुकू कम दर इत्तेके 48 अरब युआन ते वम्मतांकु (40 अरब युआन लागत ओसो 8 अरब मुनाफा) कमई किया परितोर। वाणिज्यिक पूँजीपति माल तुन 50 अरब युआन उत्पादन दर ते वम्मसी 2 अरब युआन कमई किया परितोर। इद्रम मजदूर पुट्टी कित्ता 10 अरब युआन अतिरिक्त मूल्य औद्योगिक ओसो वाणिज्यिक पूँजीपति नइमा ओरु वाटता पूँजी ता बराबर बंटवारा आंता।

## वाणिज्यिक पूँजीपति

### तम्मा कर्मचारिरा क्रूरतापूर्वक शोषण कींतोर

वाणिज्यिक कर्मचारी वेने औद्योगिक मजदूर लोरा लेक्का मंदिंतोर। ओरु किराया ता मजदूर मंदिंतोर अनि पूँजीपति वर्ग शोषण ता शिकार आंतोर। इरवुरा नइमा अंतर वेल्ले मत्तांकु औद्योगिक मजदूर पूँजीपति ना निगरानी

ते उत्पादन लोप्पा ओना काजे अतिरिक्त मूल्य पुट्टी कींतोर अनि वाणिज्यिक कर्मचारी पूंजीपति ना निगरानी ते विनिमय लोप्पा ओरा काजे अतिरिक्त मूल्य पुट्टी कींतोर। वाणिज्यिक कर्मचारी औद्योगिक मजदूर ना लेक्का ने शोषण ता शिकार बदरम आंतोर? बारांकु इत्तेके इरवुरासी तम्मा श्रमशक्ति वम्मसी पिस्सिंतोर। ओरा श्रमशक्ति ता मूल्य श्रमशक्ति ता पुनरुत्पादन काजे जरूरी श्रमकाल तले तय आंता। वाणिज्यिक कर्मचारी माल व्यापार संबंध ते तन्ना श्रम संगे मूल्य लेवेके अतिरिक्त मूल्य पुट्टी कीवोर आंतोर मति माल मूल्य ओसो अदिना लोप्पा मत्ता अतिरिक्त मूल्य ओना श्रम तले पुट्टिता। अदिन काजे ओरु कर्मचारी ना श्रमकाल ता वेने जरूरी श्रमकाल ओसो अतिरिक्त श्रमकाल लेक्का रेंडु हिस्सांग मंदितांग। कर्मचारीर बिक्री कियाना माल संगे जरूरी श्रम कियानास्के पुट्टी कित्ता अतिरिक्त मूल्य संगे वाणिज्यिक पूंजीपति कर्मचारी ना श्रमशक्ति अस्सना परिवर्तनशील पूंजी ता भरपाई आंता। अतिरिक्त श्रमकाल लोप्पा कर्मचारी मुफ्त काम कींतोर, अद्रमासी वाणिज्यिक पूंजीपति वाणिज्यिक मुनाफा लेक्का अतिरिक्त मूल्य लोप्पा तम्मा हिस्सा हिया परिंतोर। इद्रम वाणिज्यिक कर्मचारी वेने औद्योगिक मजदूर लोरा लेक्का शोषित आंतोर।

वाणिज्यिक पूंजीपतिर कर्मचारी ना शोषण वेने अचोने क्रूर आंता। वेल्ले मुनाफा कमई कियाला काजे वाणिज्यिक पूंजीपति हर कालम ते श्रमकाल बेरसी किसी, श्रम-सघनता बेरसी कीसी श्रम-उत्पादनकता बेरसी कियाला हरीं हूडसोर मंतोर। ओरु वेतन कटौती ओसो बाकी निर्मम तरीकांग पोयंतोर। उदाहरण तुकू पाइना शंघाई ता सिएह-ता-सियांग रेशमी (कोसा) गेत्ते कम्पनी कर्मचारिरा शोषण बेरसी कियाला काजे 120 शर्त वाटिंतोर। कर्मचारीर किन रोज परताचोन कड़ी मेहनत किया लागिंता। ओरा वेतन तल वेल्ले कटौती आतांकु पिस्वल ता न्यूनतम स्तर तासना मुश्किल आंता। पूंजीपति ना निर्मम शोषण संगे लाखों आम कर्मचारी, औद्योगिक मजदूर लोराए लेक्का तम्मा श्रम आयवा पिस्वल वेने वम्मला मजबूर आंतोर।

## वित्तीय पूंजीपति कर्जा ओसो सूदखोरी संगे अतिरिक्त मूल्य लोप्पा हिस्सा आंतोर

### ब्याज ता स्रोत वेने अतिरिक्त मूल्य मंदिता

पूंजीवादी समाज लोप्पा औद्योगिक, वाणिज्यिक पूंजीपति आयावा वित्तीय पूंजीपति वेने अतिरिक्त मूल्य लोप्पा हिस्सा आंतोर।

पूंजीपति कर्जा एतना-हिय्यना ता उचुन वस्तुगत जरूरत कु मंतांग बारांकु इत्तेके पूंजीवादी पुनरुत्पादन प्रक्रिया लोप्पा पूंजीपति किन बस्केने वेने पूंजी ता कमी आया परित्ता। उदाहरण तुकु उत्पादन बिक्री आयवास्के मशीन ओसो कच्चा माल अस्सना, मजदूरी हियाना जरूरी मत्तास्के मुद्रा पूंजी कर्जा लेक्का इस्तेमाल आंता। बस्के-बस्के पूंजीपतिरगा निष्क्रिय मुद्रा जमा आंता। उदाहरण तुकू अचल पूंजी ता जन्म आयना जोम पूंजीपति नगा मूल्यहास व्यय (depreciation charges) मुद्रा रूप ते जमा मंदा परित्ता। बस्केने माल ता बिक्री आत्तास्के कच्चा माल अस्सला ओसो मजदूरी हियाना मुन्ने मुद्रा पूंजी निष्क्रिय वेने मंदा परित्ता। इद्रम ता परिस्थिति ते पूंजीपतिरगा मुद्रा पूंजी मंता ओरु तात्कालिक रूप ते निष्क्रिय मत्ता मुद्रा पूंजी तुन जरूरत मत्ता पूंजीपतिर कुन उधार हिया परित्ते। इद्रम मुद्रा पूंजी तुन उधार पोयना पूंजीपति इदिना इस्तेमाल अतिरिक्त मूल्य पुट्टी कियाला काजे माल उत्पादन लेवेके वम्मला खर्चा कींतोर। अद्रमासी मुद्रा पूंजी ता मालिक इदिन दूसरा पूंजीपति किन मुफ्त हीवोर आंतोर। ओरु उधार एतना पूंजीपति कर्जा हींतोर। उधार एतना पूंजीपति किन तन्ना लूटे किन्ता अतिरिक्त मूल्य ता उंदी हिस्सा कर्जदार पूंजीपति ना संगे तूसिंतोर। अतिरिक्त मूल्य ता इद हिस्सा तुने ब्याज इंतोर।

ब्याज काजे उधार हिता मुद्रा तुन ऋण पूंजी इंतोर। ब्याज ओसो ऋण पूंजी अनुपात (Ratio) तुन ब्याज दर इंतोर। ब्याज ता अधिकतम दर वेने औसत मुनाफा दर तुकू ज्यादा मन्ने आंता। इद्रम हिल्चेके उधार एतना पूंजीपति किन ऋण तल बदे फायदा आयो आंता अनि ओरु ऋण एतोर आंतोर। ब्याज ता स्रोत अतिरिक्त मूल्य मंदिता। मति पूंजीवादी अर्थशास्त्री “बेहरा पूंजी सुडला पूंजी तुन पाले कींतोर” अनि “ब्याज मुद्रा तले पेसिंता” इंजी गलत सिद्धांत पेश कींतोर। इद्रम कीसी ओरु ब्याज रूप ओसो स्रोत तुन पूंजीपतिरा शोषक संबंध कुन मकिह कियाना कोशिश कींतोर।

## **ऋण एतना ओसो ऋण हीतास्के ब्याज दर लोप्पा अंतर तले बैंक किन मुनाफा दोरकींता**

पूंजीवादी समाज लोप्पा मुद्रा ता ऋण रूप ते हियाना-एतना मुख्य रूप ते बैंक संगेने आंता। जमा (डिपॉजिट) रूप ते बैंक अद निष्क्रिय पूंजी ओसो रकम तुन जमा कींता, लोकुर किन इदिना उचुन जोम जरूरत मन्नी आंता। मति ओरु इद धन तुन काम कीसोर मत्ता पूंजीपतिर कुन उधार हींतोर। बैंक पूंजी तुन आकर्षित कियाला काजे ब्याज ता भुगतान कींता अनि हित्ता ऋण पोरो ब्याज वसूल कींता। ऋण पोरो ब्याज दर, जमा पोरो ब्याज दर तुकू ज्यादा मंदिता। हियाना-एतना ता ब्याज दर कुना लोप्पा मंदाना अंतरे बैंक ता संचालन काजे खर्च तेंडता पेरके बैंक ता मुनाफा मंदिता। ब्याज लेक्काने मुनाफा वेने मजदूर पुट्टी कित्ता उत्पादन लोप्पा पुट्टा अतिरिक्त मूल्य तल वांता। बैंकिंग पूंजीपति वेने हियाना-एतना ब्याज दर कुना अंतर संगे मजदूर पुट्टी कित्ता अतिरिक्त मूल्य लोप्पा हिस्सा आंतोर।

बैंक ताकी कियाला काजे पूंजी वाटता पेरके बैंकिंग पूंजीपति ना उद्देश्य मुनाफा कमई कियाना मंदिता। अदिन काजे बैंक मुनाफा दूसरा पूंजीपतिर पुट्टी कित्ता औसत मुनाफा तुकू कम आया परवो। बैंक मुनाफा औसत मुनाफा तुकू कम मत्तेके बैंकिंग पूंजीपति वेने बैंक ताकी कियाना आयवा कारखाना लेवेके वाणिज्यिक प्रतिष्ठान कुना लोप्पा पूंजी वाटिंतोर।

## **शेयर बाजार पूंजीवाद ता परजीवी स्वरूप**

### **बेरससोर दायनद मंदिता**

जीवादी उत्पादन विकास संगे उद्यम कुना स्तर बेरसिंता। बेहरा उद्यम कुन ताकी कियाला काजे जरूरी बेहरा पूंजी जमा कियाना वरोर पूंजीपति ना काजे मुश्किल आंता। बचोनो पूंजीपतिर कलियसी ज्वाइंट स्टॉक कारपोरेश बने कियाना जरूरत मुन्ने वांता। ज्वाइंट स्टॉक कारपोरेशन उद्यम लोप्पा बचोनो लोकुरा पूंजी संयुक्त रूप ते वाटतद मंदिता। बेहरा पूंजी मध्यम ओसो सुडला पूंजी तुन नियंत्रित कियाना ओसो पूंजी ता विचार वात्ता लेक्का इस्तेमाल कियाना महत्वपूर्ण स्रोत मंदिता।

ज्वाइंट स्टॉक कम्पनी तम्मा स्टॉक लेवेके शेयर जारी कींता अनि अविन अस्सनोर शेयरधारक बनेमांतोर। शेयरधारक लोर किन तम्मा शेयर कुना अनुपात तो उद्यम कुना मुनाफा तल हिस्सा दोरकी कियाना अधिकार मंदिता। शेयर मंदाना आय तुन लाभांग (डिविडेंड) इंतोर।

शेयर कुना मालिक पूंजीपति किन काम कियाना जरूरत मन्नो आंता। ओरु पोड़दमैंड मस्ती कीसोर मंदितोर, लाभांश ता सहारा ते ऐशो-आराम ते मंदा परितोर। शेयरधारक हमेशा शेयर कुना सट्टा वेने कीतोर। शेयर बाजार लोप्पा बेईमानीपूर्ण पोटी मंदिता। ब्याज ता पर्ची तेंडसी, शेयर कुना सट्टाबाजारी कीसी पिस्सनोर पुट्टना पूंजीवाद ता परजीवी स्वरूप बेरसोर मत्तादिन तोहिंता।

## भूस्वामी वर्ग वीतवा लेवाए कोय्यंता

### जमीन पोरो पूंजीवादी एकाधिकार ता कारण ते

#### विभेदी लगान मुन्ने वांता

भूस्वामी पूंजीवादी समाज ता उंदी शोषक वर्ग मंदिता। अदु जमीन मालिक मंदिता ओसो अदु औद्योगिक, कृषि पूंजीपतिर किन लगान हीसी अतिरिक्त मूल्य लोप्पा हिस्सा आंता। पूंजीवादी भूमि लगान ता स्वरूप तुन उजागर कियाला काजे माटु इदिना रेंडु रूपकु विभेदी लगान (Differencntial Rent) ओसो शुद्ध लगान (Absolute Rent) तल शुरू कियाकाल।

भूमि कृषि उत्पादन काजे उत्पादन ता मूल साधन आंदू। मति उत्पादन ता बाकी साधन कुना विपरीत इदु सीमित मंदिता। इदिना लोप्पा वेने सबसे बेस उपजाऊ, सबसे कम लेवेके वेल्ले लब्बड़ ता भूमि मंता। पूंजीवादी समाज लोप्पा भूमि सीमित मत्तांकु पूंजीपतिरा भूमि पोरो एकाधिकार मालिकाना मुन्ने वांता।

भूमि पोरो पूंजीवादी एकाधिकार मत्तांकु उचुन कृषि पूंजीपति सबसे बेसता, उचुन बेसता, उचुन लब्बड़ ता भूमि पोरो कृषि कींतोर। सबसे बेसता ओसो उचुन बेसता भूमि ता उत्पादन हाटुम ता मांग पूरा कीवो आंता, अदिन काजे उत्पाद कुना रेट बेरसिंता। बस्के एवनल इदु लब्बड़ ता भूमि पोरो कृषि कियाना कृषि पूंजीपति किन औसत मुनाफा दोरको आंता अस्के एवनल इद्रमे मंदिता। मार्क्स रास्ता लेक्का “सबसे दोड़ स्तर ता भूमि ता उत्पादन रेट हाटुम रेट तुन नियंत्रित कींता।”<sup>3</sup> इद्रम, सबसे बेसता ओसो उचुन बेसता भूमि पोरो कृषि कियाना कृषि पूंजीपतिर किन अतिरिक्त मुनाफा दोरकिंता। इदु अतिरिक्त मुनाफा तुने विभेदी लगान इंतोर।

विभेदी लगान रेंडु रकम ता मंता। उंदी रकम ता विभेदी लगान उत्पादकता ओसो भौगोलिक परिस्थिति ते अंतर ता कारण ते पुट्टिता, इदिन

विभेदी लगान 1 इंतोर। दूसरा भूमि ता उंदी हिस्सा पोरो लगातार निवेश कितांकु पुट्टिता, अदिन विभेदी लगान 2 इंतोर।

मूंडासी रकम ता भूमि पोरो उंदी-उंदी कीसी 200 युआन पूंजी निवेश कित्ताद मता। इत्तेके उदाहरण तुकू सम्पूर्ण पूंजी उत्पाद तुकू हत्ता इंजी आल्साट्ट। मूंडासी ना लोप्पा उत्पाद कुना लागत 200 युआन आंता। मति अलग-अलग उत्पादकता वाले भूमि पोरो कृषि मजदूर ना श्रम उत्पादकता अलग-अलग मंदिता। उदाहरण तुकू कृषि उपज उंदी पेरके उंदी 4000 चिन, 5000 चिन ओसो 6000 चिन (वजन ता चीनी इकाई) आंता। इत्तेके औसत मुनाफा 20 प्रतिशत मत्तेके, भूमि ता हर हिस्सा ता कुल उपज ता उत्पादन रेट (लागत+औसत मुनाफा) 240 युआन आंता। मति अलग-अलग भूमि पोरो अलग-अलग उपज मंता, अदिनके इकाई उपज ता उत्पादन दाम अलग-अलग मंदिता। लब्बड़ ता भूमि पोरो इदु 0.060 युआन आंता, उचुन बेसता भूमि पोरो 0.048 युआन ओसो सबसे बेसता भूमि पोरो 0.040 युआन आंता। हाटुम लोप्पा सामाजिक उत्पादक दाम लब्बड़ ता भूमि पोरोटा उत्पादन दाम तल तय आंता, इदु 0.060 युआन हर चिन आंता। इद्रम लब्बड़ ता खेती कियाना कृषि पूंजीपति 240 युआन दोरकी कींतोर। 200 युआन लागत घटेमाता पेरके 40 युआन ता औसत मुनाफा दोरकिंता। ओरकिन बदे अतिरिक्त मुनाफा लेवेके विभेदी लगान दोरको आंता। लब्बड़ ता ओसो सबसे बेसता भूमि पोरो खेती कियानोर किन उंदी पेरके उंदी 300 युआन ओसो 360 युआन दोरकिंता। 200 युआन लागत घटे कित्ता पेरके ओरकिन 40 युआन औसत मुनाफा आयवा उंदी पेरके उंदी 60 युआन ओसो 120

Unit: yuan

Type of land	Capital invested (1)	Average profit (2)	Output (chin) (3)	Individual production price		Social production price		Differential Rent I (8)
				Total output (4) = (1)×(2)	Unit output (5) = (4)÷(3)	Unit output (6)	Total output (7) = (6)×(3)	
Inferior	200	40	4,000	240	0.060	0.060	240	0
Medium	200	40	5,000	240	0.048	0.060	300	60
Superior	200	40	6,000	240	0.040	0.060	360	120



युआन ता अतिरिक्त मुनाफा दोरकिता। इदु अतिरिक्त मुनाफा विभेदी लगान 1 आंदू।

इंजे, विभेदी लगान 2 तुन समजेमायला काजे कृषि भूमि ता उंदी हिस्सा पोरो निवेश कियाना उदाहरण हूडाकाल। उदाहरण तुकू लब्बड़ ता भूमि पोरो पूंजीपति बार-बार निवेश कींतोर। ओरु पहली बेरा 200 युआन निवेश कींतोर। उपज 4000 चुन आंता अनि औसत मुनाफा 40 युआन, ताना लोप्पा बदे अतिरिक्त मुनाफा लेवेके विभेदी लगान शामिल हिल्ले। पूंजीपतिर दूसरी बेरा सिंचाई सुविधा ना सुधार, खाद मात्रा बेरसी कियाना, पूना औजार अस्सना, वेल्ले कृषि मजदूर लोर वाटना ओसो श्रम उत्पादकता बेरसी कियाला काजे 200 युआन तुकू ज्यादा निवेश कीतेके ओना उपज 5000 चिन बेरसिंता (इत्तेके ओरु कल 400 युआन निवेश कींतोर अनि 9000 चिन दोरकी कींतोर)। उत्पाद ता सामाजिक उत्पादन दाम स्थिर मत्तेके बेरसता निवेश तल दोरकता 5000 चिन ता कुल दाम 300 युआन आंता। 200 युआन लागत ओसो 40 युआन औसत मुनाफा घटे कित्ता पेरके वेने ओरकिन 60 युआन अतिरिक्त मुनाफा दोरकिता। इदु 60 युआन विभेदी लगान आंदू।

इगा, लगान राशि कृषि पूंजीपतिर भूस्वामी ना संगे कॉन्ट्राक्ट कित्तास्केने आसी मत्ता इंजी स्पष्ट कियाना जरूरी मंता। अदिन काजे कॉन्ट्राक्ट जारी मंदाना जोम निवेश तल दोरकना अतिरिक्त मुनाफा कृषि पूंजीपति ना खाता ते दायर। मति कॉन्ट्राक्ट ता कालम मारता पेरके, भूस्वामी लगान बेरसी किया परितोर। इद्रम ता परिस्थिति ते अतिरिक्त मुनाफा विभेदी लगान 2 लेक्का भूस्वामी ना खाता ते दांता।

माक्स रस्ता लेक्का “विभेदी लगान ता उंदी खास गुण मंदिता: भूमि मालिक किन सिर्फ अतिरिक्त मुनाफा दोरकिता। बदे अलग परिस्थिति ते इद अतिरिक्त मुनाफा किसान किन दोरकिता, अनि कॉन्ट्राक्ट जारी मंदानास्के पूंजीपति किने दोरकिता।”<sup>4</sup> अदिन काजे कृषि पूंजीपति हमेशाए कॉन्ट्राक्ट कालम बेहरा तासला आल्सिंतोर अनि भूस्वामी इदिन परताचोन कम कियाना कोशिश कित्तोर। कृषि पूंजीपति ओसो भूस्वामी नइमा इद अंतरविरोध मत्ताकु कृषि पूंजीपति कॉन्ट्राक्ट मारना मुन्ने भूमि ता उपज तल परताचोन दोहन कियाना कोशिश कींतोर।

## एकाधिकार निजी भूस्वामित्व शुद्ध लगान तुन पुट्टी कींता

लब्बड़ ता भूमि तल विभेदी लगान दोरको आंता। मति इद भूमि ता मालिक किन बदे लगान दोरकवेके ओरु इदिन बोनकिने पूहतना हियाना जागा ते फड़ी तसला आल्सिंतोर। असल इत्तेके लब्बड़ ता भूमि पोरो खेती कियाना कृषि पूंजीपति किन वेने भूस्वामी किन लगान हिया लागिंता। निजी भूस्वामित्व एकाधिकार तल पुट्टता इद लगान तुन शुद्ध लगान इंतोर।

लब्बड़ ता भूमि पोरो खेती कियाना कृषि पूंजीपति किन औसत मुनाफा वेने दोरकना इत्तेके लगान बेगाडल वाया परिंता?

पूंजीवादी समाज लोप्पा कृषि तकनॉलजी मैनुफैक्चरिंग तकनॉलजी तुकू हमेशा पेरके मंदिता। कृषि लोप्पा पूंजी ता हिस्सा मैनुफैक्चरिंग तकनॉलजी तुकू हमेशा दोड़ मंदिता। माट्र मुत्रे हूड़ता लेक्का अतिरिक्त मूल्य परिवर्तनशील पूंजी तल वांता। कृषि लोप्पा पूंजी ता हिस्सा मैनुफैक्चरिंग तुकू दोड़ मत्तांकु पूंजी उंदी समान मात्रा उद्योग तुकू कृषि लोप्पा वेल्ले अतिरिक्त मूल्य पुट्टी किया परिंता। उदाहरण तुकू मैनुफैक्चरिंग लोप्पा पूंजी ता औसत हिस्सा 8:2 मंता अनि अतिरिक्त मूल्य दर 100 प्रतिशत मंता। इत्तेके पूंजी ता हर 100 युआन लोप्पा 20 युआन परिवर्तनशील पूंजी मंता, इदु 20 युआन अतिरिक्त मूल्य पुट्टी कींता। औसत मुनाफा दर 20 प्रतिशत मंता। माल ता मूल्य ओसो उत्पादन दाम 120 युआन मंता। उदाहरण तुकू कृषि लोप्पा पूंजी ता हिस्सा 6: 4 मंता अनि अतिरिक्त मूल्य दर 100 प्रतिशत। इत्तेके हर 100 युआन लोप्पा 40 युआन परिवर्तनशील पूंजी मंता, इदु 40 युआन अतिरिक्त मूल्य पुट्टी कींता। उत्पाद ता मूल्य 140 युआन ओसो मुनाफा दर 40 प्रतिशत आंता। पूंजीवादी समाज लोप्पा कृषि उपज तम्मा मूल्य (140 युआन) ते वम्मनद आंता। मति मुनाफा दर लोप्पा समरूपता प्रक्रिया मत्तांकु कृषि पूंजीपति औद्योगिक पूंजीपति ना बराबरे इत्तेके 20 युआन ता औसत मुनाफा दोरका परिंता। इद्रम उपज ता उत्पादन दाम 120 युआन आंता। मति कृषि उपज इदिना उत्पादन दाम तुकू ज्यादा ते वम्मनद आंता। 20 युआन ता औसत मुनाफा ता अतिरिक्त कृषि पूंजीपति किन 20 युआन ओसो दोरकिंतांग इवु कृषि उपज ता मूल्य ओसो उत्पादन दाम ता अंतर मंदिता। इदु शुद्ध लगान वस्तु लेक्का दांता।

कृषि उपज तन्ना उत्पादन दाम तुकू ज्यादा दाम ते बद्रम वम्मनद आंता? इद्रम एकाधिकार निजी भूस्वामित्व ता कारण ते आंता। मैनुफैक्चरिंग

लोप्पा, विभिन्न विभाग कुना लोप्पा पूंजी ता हिस्सा उंदी लेक्का मन्नो आंता। पूंजी ता सुडला हिस्सा वाले विभाग साधारण रूप ते ज्यादा अतिरिक्त मूल्य पुट्टी कींतांग। मति, विभाग कुना नइमा पोटी ओसो पूंजी ता बदलाव आतांकु सब्बे औद्योगिक पूंजीपति सिर्फ औसत मुनाफा दोरकी किया परितोर। अदिन काजे औद्योगिक उत्पाद सिर्फ उत्पादन दाम तेने वम्मनद आंता। मति कृषि लोप्पा एकाधिकार निजी मालिकाना उंदी बाधा लेक्का मंदिता इदु पूंजी उद्योग तल कृषि लेक्का बदलेमायना तुन रोमी कींता। इदिना कारण ते कृषि लोप्पा अतिरिक्त मूल्य मुनाफा लोप्पा समरूपता तत्तना प्रक्रिया ते शामिल आया परवो आंता। कृषि उत्पाद इदिना उत्पादन दाम तुकू ज्यादा मूल्य ते वम्मनद आंता।

अदिन काजे कृषि लोप्पा लब्बड़ ता भूमि वेने पूंजी ता समान मात्रा ते, वेल्ले अतिरिक्त मूल्य दोरकी किया परिता। इद अतिरिक्त मूल्य मैनुफैक्चरिंग सैक्टर संगे तूसमूडायो। इद कृषि लोप्पाने मंदिता अनि भूस्वामी ना काजे शुद्ध लगान लेक्का बदले मांता।

### **पूंजीवादी लगान वेने अतिरिक्त मूल्य ता उंदी हिस्सा आंदू**

विभेदी ओसो शुद्ध लगान पुट्टना परिस्थितिंग अलग-अलग मंतांग, मति अविना लोप्पटा विषय ओसो स्रोत उंदे मंदिता। भूमि ता पूंजीवादी एकाधिकारी खेती कारण उत्पाद ता दाम लब्बड़ भूमि तिंची आत्ता उत्पादन दाम तल तय आंता। इद्रम सबसे बेसता ओसो उचुन बेसता भूमि पोरो खेती कियाना कृषि पूंजीपति अतिरिक्त मुनाफा कमई कींतोर। निजी भूस्वामित्व आयवेकाई सबसे बेसता ओसो उचुन बेसता भूमि पोरो खेती कियाना कृषि पूंजीपति इद अतिरिक्त मुनाफा दोरकी कींतोर। मार्क्स वेहता लेक्का “निजी मालिकाना इद अतिरिक्त मुनाफा ता कारण ते आयवा इदिना लगान लोप्पा बदलाव आयाना कारण ते” आंता।<sup>5</sup> निजी भूस्वामित्व पुट्टतांकु इद अतिरिक्त मुनाफा विभेदी लगान लेक्का बदलेमांता। संगेने, एकाधिकारी निजी भूस्वामित्व कारण ते कृषि उत्पाद ता दाम इदिना उत्पादन दाम तुकू ज्यादा तासमूडंता। लब्बड़ ता भूमि पोरो खेती कियाना कृषि पूंजीपति वेने अतिरिक्त मुनाफा दोरकी किया परितोर इदु भूस्वामी ना काजे शुद्ध लगान लेक्का बदलेमांता। विभेदी लगान ओसो शुद्ध लगान ता स्रोत अतिरिक्त मुनाफा आंदू। कृषि मजदूर कृषि लोप्पा सम्पूर्ण अतिरिक्त मूल्य पुट्टी किता लेक्का ओरु अतिरिक्त मुनाफा वेने पुट्टी कींतोर। कृषि पूंजीपति भूस्वामी

नगडल लगान ते भूमि पोयंतोर, उत्पादन साधन अस्सिंतोर, कृषि मजदूर लोर किन किराया ते काम हींतोर अनि कृषि मजदूर लोरगडल अतिरिक्त मूल्य ता दोहन कींतोर। इद अतिरिक्त मूल्य तल कृषि पूंजीपति औसत मुनाफा दोरकी कींतोर। औसत मुनाफा आयवा पिस्ता अतिरिक्त मूल्य लगान लेक्का बदलेमांता। अदिन काजे लगान ता अंतर्वस्तु वेने अतिरिक्त मूल्यए आंदू।

मति भूस्वामी वर्ग ओसो ओरा समर्थक लोर भूस्वामी ओसो कृषि पूंजीपतिर कृषि मजदूर लोरा शोषण तुन मुच्चला काजे सबसे बेसता ओसो उचुन बेसता भूमि ता उत्पादन नइमा अंतर पोरो जोर हीसी “लगान ता स्रोत भूमि मंदिता” इंजी साबित कियाना कोशिश कितोर। इद पोल्लो ता बुनियाद हिल्ले। सबसे बेसता ओसो उचुन बेसता भूमि सिर्फ श्रम-उत्पादकता लोप्पा वृद्धि काजे अनुकूल परिस्थितिंग ओसो अतिरिक्त मुनाफा पुट्टी कियाना प्राकृतिक आधार हीता। मति कृषि मजदूर ना श्रम लेवा सबसे बेसता भूमि वेने बदे मूल्य पुट्टी किया परवो आंता। मार्क्स रास्ता लेक्का “सब्बे रकम ता लगान अतिरिक्त मूल्य मंदिता अनि अतिरिक्त श्रम ता उत्पादन मंदिता।”<sup>6</sup> मार्क्स ना लगान ता सिद्धांत भूस्वामी ओसो ओरा समर्थक लोरा गलत प्रचार कुना पर्दाफाश कींता।

पूंजीवादी लगान ओसो सामंती लगान निजी भूस्वामित्व कारण ते मंदिता, मति ओरा शोषण संबंध कुना लोप्पा अंतर मंता। सामंती लगान कुल अतिरिक्त श्रम लेवेके अतिरिक्त उपज आंदू, इदु सामंती भूस्वामी किसान निगडल दोरकींता। पूंजीवादी लगान कृषि पूंजीपतिर कृषि मजदूर लोरगडल दोरकता औसत मुनाफा आयवा पिस्ता अतिरिक्त मूल्य मंदिता। सामंती लगान सामंती भूस्वामी ओसो किसान शोषक संबंध कुन तोहिंता। पूंजीवादी लगान भूस्वामी, कृषि पूंजीपति ना गटजोड़ ओसो कृषि मजदूर नइमा ता शोषक संबंध कुन तोहिंतांग।

पोरो वेहता विश्लेषण तल पूंजीवादी समाज लोप्पा बुर्जुआ वर्ग विभिन्न शोषक गुट कुना लेक्का बंटेमासी मंदिता। इविना लोप्पा मैनुफैक्चरिंग, कृषि, वाणिज्यिक ओसो बैंकिंग पूंजीपति मंदितांग। भूस्वामी पूंजीवादी समाज ता उंदी दूसरा शोषक वर्ग मंदिता। इव सब्बे उंदे नस्ल ता जानवर मंदितांग, इद वर्ग मजदूर वर्ग पुट्टी कित्ता अतिरिक्त मूल्य ता आपस ते बंटवारा कींता अनि कलियसी अदिना शोषण-उत्पीड़न कींता। अदिन काजे, पूंजीवादी समाज लोप्पा बुर्जुआ वर्ग मजदूर वर्ग पोरो हावी मंदिता। मजदूर ओसो पूंजीपति ना अंतरविरोध पूरा मेहनतकश वर्ग ओसो पूरा बुर्जुआ वर्ग द शांघाई टेक्स्ट बुक, भाग उंदी

नइमा ता अंतरविरोध मंदिता। इद पूंजीवादी समाज ता मूलभूत अंतरविरोध आंदू। मेहनतकश वर्ग खुद किन आजाद कियाला आल्सतेके अदु उंदी वर्ग लेक्का उंदी आयना, क्रांति कियाला काजे कैदे हथियार पोया लागियर, पूरा बुर्जुआ वर्ग तुन तेहकसी वाटा लागियर अनि पूंजीवादी शोषक संबंध कुन नष्ट किया लागियर।

### अध्ययन काजे प्रमुख संदर्भ

- ☞ मार्क्स, पूंजी भाग 3, अध्याय 1,2,9,17,21,38,45
- ☞ माओ, “चीनी समाज लोप्पा वर्ग कुना विश्लेषण”
- ☞ माओ, “चीनी क्रांति ओसो चीनी कम्युनिस्ट पार्टी” अध्याय 2, भाग 2,4

### समीक्षात्मक सवाल

1. पूंजीवादी समाज लोप्पा विभिन्न शोषक गुट मजदूर वर्ग पुट्टी कित्ता अतिरिक्त मूल्य ता शोषण बढ़म आंता?
2. अतिरिक्त मूल्य ता बंटवारा ते मार्क्स ना सिद्धांत ता बाता महत्व मंता?

### टिप्पणिंग

1. मार्क्स, पूंजी भाग 3, चीनी संस्करण, 1966, पे. 16
2. पोरो वेहतादु पे. 180
3. पोरो वेहतादु पे. 772
4. पोरो वेहतादु पे. 881
5. पोरो वेहतादु पे. 759
6. पोरो वेहतादु पे. 744

## पूँजीवाद ता इलाज हिल्वा बीमारी आर्थिक संकट

आर्थिक संकट पूँजीवादी आर्थिक विकास ता स्वाभाविक उपज आंदू। अदु पूँजीवादी उत्पादन, विनिमय, वितरण ओसो पुनरुत्पादन ता विभिन्न अंतरविरोध कुना ज्यादा आसोरे दायना (Condensate) लोप्पा स्पष्ट दिसिंता। पूँजीवादी आर्थिक संकट बदरम पुट्टिंतांग? अविना प्रभाव पूँजीवादी विकास पोरो बदरम अरिंता? माटु इद अध्याय लोप्पा इवे सवाल कुना पोरो चर्चा कियाकाल।

### आर्थिक संकट पूँजीवाद ता मूलभूत अंतरविरोधकु तीव्र आसोर हत्तांकु वांतांग

#### पूँजीवादी आर्थिक संकट अतिउत्पादन ता संकट आंदू।

पूँजीवाद तुकू मुन्ने वेने (उदाहरण तुकू, चीन ता सामंती समाज ता दीर्घकालीन इतिहास लोप्पा) बचोनो सामाजिक, आर्थिक ओसो पिस्वल संबंधित संकट पुट्टसी मत्तांग। भूस्वामी वर्ग ता किसान लोरा पोरो बर्बर शोषण, युद्ध ता तबाही, बाढ़ (ऊसा), मुसुर वायवा कालम, कीटनाशक लेवेके तूफान लेक्कटा प्राकृतिक मुश्किल कुना कारण ते कृषि ओसो उत्पादन तुन वेल्ले नुकसान आयनदू, मेहनतकश लोरा लोन हिल्वा आयनोर ओसो लाखो लोकुर करविने लेवेके प्लेग लेक्कटा महामारी संगे डोलिंतोर। अद कालम ते सामाजिक, आर्थिक लेवेके पिस्वल संबंधित संकट ता विशेषता हालनाचोन खाद्यन्न (तिंदाना-उंडाना चीजकु) उत्पादन हिल्वा मत्तादु मत्ता। पूँजीवादी आर्थिक संकट ता विशेषता कम उत्पादन आयवा

अतिरिक्त उत्पादन मत्ता। बेहरा मात्रा ते माल बिक्री आयवांकु कारखाना बंद आंता, बैंक कारोबार ठप्प आंता, शेयर भाव घटेमांतांग, बेरोजगारी वेल्ले बेरससोर दांता, उत्पादन शक्तिंग कुन वेल्ले नुकसान कींता ओसो पूरा अर्थव्यवस्था कै-काल हिल्ला लेक्का ओसो तोड़-फोड़ आंता अनि इदे पूंजीवादी आर्थिक संकट ता मुख्य लक्षण आंदू।

पूंजीवादी आर्थिक संकट अतिरिक्त उत्पादन संकट आंदू। मति इद “अतिरिक्त उत्पादन” निरपेक्ष अतिरिक्त उत्पादन मन्त्रो। इत्तेके समाज पुट्टी किता वस्तु वेल्ले मत्तांकु लोकुर अविना इस्तेमाल किया परवोर आंतोर। आर्थिक संकट नइमा इद्रम ता पोल्लोंग साधारणें मंदितांगः गेत्ते मजदूर लोर किन नूल ओसो गेत्ते ता उत्पादन वेल्ले आतांकु अविना बिक्री आयो आंता अदिनके उत्पादन लोप्पा कटौती ओसो मजदूरी घटेकियाना जरूरी मंता इंजी नोटिस हींतोर। मति गेत्ते मजदूर ओसो ओरा परिवार मुश्किल ते तम्मा मेंदुल मुच्चा परितोर। गेत्ते उत्पादन कियानोरे गेत्ते अस्सा परवा मंदिंतोर। खान मजदूर लोर किन कोरसे (कोयला) ता अतिरिक्त उत्पादन आत्तास्के उत्पादन ओसो मजदूर लोरा संख्या घटे कियाना जरूरी मंता इंजी नोटिस हींतोर। मति खान मजदूर ओसो ओरा परिवार हिरंगम ते कस्सिंगसोर मंतोर, बारांकु इत्तेके ओरगा कोरसे अस्सला पैसा मन्त्रो आंता। अदिन काजे पूंजीवादी अतिरिक्त उत्पादन संबंधित अतिरिक्त उत्पादन आंता। दूसरा माटा ते वेहाना इत्तेके सामाजिक अतिरिक्त उत्पादन सिर्फ लोकुरा अस्सनाशक्ति संबंधित मंदिता। आर्थिक संकट कुना कालम ते मांग ता कमी, पूंजीपतिरा गोदाम लोप्पा माल स्टॉक जमा आंता। विभिन्न माल जमा आसी-आसी कड़ियंता लेवेके अदिन पुंजी-पुंजी नष्ट कियमूडांता। दूसरा बगिल व्यापक मेहनतकश जनता लोप्पा तिंदला गाटो ओसो केरदला गेत्ते अस्सना क्षमता वेने मन्त्रो आंता अनि करविना शिकार आंता।

अतिरिक्त उत्पादन ता आर्थिक संकट पूंजीवादी अर्थव्यवस्था ता उंदी विशेष लक्षण आंदू। माल अर्थव्यवस्था ता विकास प्रक्रिया लोप्पा शुरू तले आर्थिक संकट ता संभावना मकसी मंदिता। माल उत्पादक तम्मा माल तुन वम्मतास्के हमेशा ओरु दोरकता माल संगे तत्काल उत्पादन साधन अस्सा परवोर आंतोर लेवेके बस्के-बस्के अदिना संगे कारोबार कियाना दूसरा माल उत्पादक तन्ना जरूरत ता माल वेने ओरकिन वम्मा परवोर आंतोर। इद्रम ता परिस्थिति ते अस्सना ओसो वम्मना नइमा संबंध गड़बड़ आया परितंग अनि संकट ता संभावना मत्ता लेक्काने मंदिता। मति सुडला उत्पादक लोर

उत्पादन कींतोर, व्यक्तिगत (Individual) मालिकाना पोरो आधार आसी मत्तास्के उत्पादन ता उद्देश्य इदिना बदला ते उत्पादन जारी तासना ओसो निजी उपभोग काजे जरूरी माल दोरकी कियाना मत्ता। अदिनके बिक्री आत्ता पेरके ने तम्मा जरूरत ता सामान अस्सा परमूडांता। संगेने उत्पादक शक्तिंग कम विकसित मत्तांग अनि उत्पादन स्तर सुडला मत्ता। समाज ता श्रम विभाजन बेस विकसित आयवा मत्ता ओसो उत्पादक लोरा आत्मनिर्भरता वेल्ले हिल्ला मत्ता। अस्सना ओसो वम्पना नइमा गइबइ आतेके वेने अदिना प्रभाव स्थानीय मंदानदु पूरा समाज तुन प्रभावित कियाना आर्थिक संकट वायो आयनदू। अदिन काजे माल उत्पादन लोप्पाने संकट ता संभावना मंदिता, मति पूंजीवादी आर्थिक व्यवस्था लोप्पा संकट अनिवार्य आंता।

## आर्थिक संकट कुना स्रोत

### पूंजीवाद ता बुनियादी अंतरविरोध लोप्पा मंता

पूंजीवादी समाज लोप्पा आर्थिक संकट अनिवार्य मंदिता। इद पूंजीवाद ता बुनियादी अंतरविरोध तले तय आंता। स्टालिन वेहता लेक्का “अतिरिक्त उत्पादन ता आर्थिक संकट कुना स्रोत ओसो कारण खुद पूंजीवादी व्यवस्था लोप्पाने मंदितांग। संकट ता स्रोत उत्पादन ता सामाजिक रूप ओसो निजी मालिकाना ता अंतरविरोध लोप्पा मंदिता।”

पूंजीवाद ता बुनियादी अंतरविरोध अनिवार्य रूप ते आर्थिक संकट कुन बारांकु पुट्टी कींता?

मुन्ने, पूंजीवाद ता बुनियादी अंतरविरोध अनिवार्य रूप ते इद अंतरविरोध लोप्पा उत्पादक शक्तिंग बेहरा स्तर ते बेरससोर दांतांग अनि मेहनतकश जनता ना अस्सनाशक्ति घटेमासोर दांता। पूंजीवादी बेहरा स्तर ते सामाजिक उत्पादन व्यक्तिगत दस्तकारी उत्पादन तुकू वेल्ले अलग मंता। साधारण पुनरुत्पादन व्यक्तिगत उत्पादन ता विशेषता आंदू। हाटुम ता वेल्ले अनुकूल परिस्थितिंग लोप्पा वेने उत्पादन वृद्धि कम आंता। बेहरा मशीन कुना संगे आयना पूंजीवादी उत्पादन लोप्पा वेल्ले बढ़ोत्तरी आया परिंता। पूंजीपति वेल्ले मुनाफा दोरकी कियाला काजे परताचोन उत्पादन ता विस्तार कियाना कोशिश कींतोर बारांकु इत्तेके बचोन बेहरा स्तर ते उत्पादन आंता अचोने ज्यादा अतिरिक्त मूल्य दोरकी किया परिंतोर। संगेने बाकी पूंजीपतिर ओरकिन होइ तल दोबसी वाटनायो इंजी तम्मा टैकनिक लोप्पा सुधार कियाना ओसो उत्पादन ता स्तर बेरसी कियाना वेने जरूरी मंदिता। बेरसता



माल उत्पादन तुन वम्मला ओसो सामाजिक उत्पादन जारी तासला काजे उत्पादन ता विस्तार संगे-संगे उपभोग स्तर वेने बेरसी कियाना जरूरी मंता। उत्पादन साधन ता निजी मालिकाना लोप्पा पूंजीपति हमेशा मजदूरी तुन न्यूनतम संभव स्तर एवनल घटे कियाना कोशिश कींतोर। पूंजीवादी उत्पादन ता विकास ओसो पूना टैकनिक कुना इस्तेमाल कियाना अनिवार्य रूप ते बेहरा संख्या ते किसान ओसो दस्तकार लोर किन कंगाल बने कींता अद्रमासी सुडला पूंजी तुन बेहरा पूंजी लोपिंता। इद्रम, उंदी बगिल उत्पादन ता जबर्दस्त विस्तार आंता अनि दूसरा बगिल मेहनतकश आबादी ता अस्सनाशक्ति घटेमासोर दांता। इद अंतरविरोध अतिरिक्त उत्पादन ता आर्थिक संकट तुन अनिवार्य बने कींता।

अलग-अलग कारखानांग लोप्पा उत्पादन संगठित आतेकाई सामाजिक उत्पादन लोप्पा अराजकता फैलेमासी मंदिता अदिनके पूंजीवाद ता बुनियादी अंतरविरोध अनिवार्य आर्थिक संकट कुन पुट्टी कींता। इद पोल्लो इद अंतरविरोध लोप्पा अनिवार्य रूप ते दिसिंता। उत्पादन ता सामाजिक आसोर दायना संगे उत्पादन सेक्टर कुना नडमा ओसो विभिन्न उद्यम कुना नडमा ता संबंध ओसो उंदी-दूसरा पोरो आधार आयनाद बेरससोर दांता। उदाहरण तुकू, गेते मील ता नूल ता जरूरत तुन कृषि सेक्टर पूरा कींता अनि नोटना ओसो हरिहना मशीनकु मशीन निर्माण उद्योग तल वांतांग। अदिन काजे उंदी सही टाईम ते नूल, गेते ओसो नोटना-हरिहना मशीन कुना जरूरत मत्ता मात्रा तय कियाला काजे बदे एकिकृत योजना ओसो व्यवस्था मंदांना अस्केने सामाजिक उत्पादन जारी मंदां परिंता। मति पूंजीवादी निजी मालिकाना पूरा समाज तुन विभिन्न छूट पूंजीवादी उद्यम कुना लेक्का तूसिंता। बदे उंदी उद्यम कुना हिसाब ते हूडतेके इदिना सब्बे मजदूर उंदी पूंजी संगे नियंत्रण आंतोर अनि इदिना आंतरिक उत्पादन संगठित आंता। मति समाजिक रूप ते अलग-अलग पूंजीपतिरा विभिन्न उद्यम बातल ओसो बचोन उत्पादन कींतोर, इद वरोर-वरोर पूंजीपति ना निजी समस्या मंदिता। अदिन काजे पूरा समाज ता उत्पादन अराजक परिस्थिति ने जारी मंदिता। सामाजिक उत्पादन संगठित हिल्वा कारण ते अलग-अलग पूंजीपतिरा काजे बदे माल ता असल मांग तुन पुंदाना संभव मन्नी आंता। मुनाफा आतेके पूंजीपति उत्पादन ता विस्तार कियाला काजे आपस ते होइ वाटिंतोर। संगेने समाज ता असल अस्सनाशक्ति तुन मकिह कियाना पूंजीवादी वाणिज्यिक गतिविधिं नकली मांग वेने पुट्टी किया

परिंतांग। उत्पादन असल ते आम लोकुरा अस्सना शक्ति तुकू ज्यादा मंदिता मति बस्के एवनल हाटुम ते दाम बेरससोर मंदिता अस्के एवनल वाणिज्यिक पूंजीपति औद्योगिक पूंजीपतिर किन माल ऑर्डर कीसोर मंदितोर अनि वित्तीय पूंजीपति औद्योगिक, वाणिज्यिक पूंजीपतिरा कर्ज निहचोर मंदितोर। इद्रम कीसी औद्योगिक पूंजीपतिर उत्पादन ता विस्तार किया परितोर अनि हाटुम लोप्पा उंदी नकली समृद्धि मत्ता लेक्का तासा परितोर। इद नकली समृद्धि अतिरिक्त उत्पादन मत्तेके विकास पोरो पर्दा मुच्चना काम कीता। पेरके अतिरिक्त उत्पादन पोरोटल पर्दा गुचतास्के तुरंत आर्थिक संकट ता रूप ते मुन्ने वांता।

इद्रम माटु आर्थिक संकट कुना स्रोत खुद पूंजीवादी व्यवस्था लोप्पा ओसो पूंजीवाद ता बुनियादी अंतरविरोध लोप्पा उत्पादन सामाजिक आंता मति उत्पादन साधन कुना पोरो निजी अधिकार मंता इंजी पुंतोम। बस्के एवनल पूंजीवाद मंदिता, आर्थिक संकट पुटसोर मंदितांग। संकट खत्म कियाला काजे मुन्ने पूंजीवादी व्यवस्था ता विनाश किया लागियर।

### **आर्थिक संकट ता मार्क्सवादी सिद्धांत संकट तुन मुच्चला काजे बने किता बुर्जुआ वर्ग ता सब्बे झूठी सिद्धांत कुन ध्वस्त कीता**

बुर्जुआ वर्ग ओसो इदिना वकालत कियाना पूंजीवादीर आर्थिक संकट कुना बारे ते मार्क्सवाद ता वैज्ञानिक निष्कर्ष वेल्ले वेरियंतोर। संकट ओसो पूंजीवादी व्यवस्था ता आपस ते बदे संबंध हिल्ले इंजी तोहतला काजे ओरु तम्मा दिमाग पोरो जोर वाटसी सब्बे रकम ता झूठ बनेकीसी मेहनकश जनता तुन धोखा हीसी शोषक व्यवस्था मत्ता लेक्का तासितोर। उदाहरण तुकू, इदिना लोप्पाटल उचुन मुल संकट ता स्रोत “अल्प उपभोग” (under consumption) कुन वेहींतोर अनि संकट कुन खत्म कियाला काजे “उपभोग उत्प्रेरण”(consumption stimulation) ता इस्तेमाल कियाना सुझाव हींतोर। असल ते, मेहनतकश लोकुर अल्प उपभोग पूंजीवाद वायना संगेने अस्तित्व ते वायो आंता। मानव समाज शोषक ओसो शोषित वर्ग लेक्का बनेमातास्केटले इद वेने मंता। मति अतिरिक्त उत्पादन सिर्फ पूंजीवाद लोप्पा मत्ता। अद्रमासी “अल्प उपभोग” पोरो बोजा वाटसी अतिरिक्त उत्पादन ता बारे ते वेहा परमूझायो इंजी स्पष्ट आंता।

दूसरी विश्वयुद्ध पेरके राष्ट्रीय अर्थव्यवस्था ता सैन्यीकरण आतांकु उचुन पूंजीवादी देश कुना लोप्पा नकली समृद्धि वात्ता। बुर्जुआ वर्ग ता

वकालत कियानोर किन सहारा दोरकिता। ओरु जल्दी-जल्दी “पूँजीवादी देश अनिवार्य रूप ते आर्थिक महासंकट कुना लोप्पा हिरकिता इंजी आल्सानोर गलत किया मंतोर” इंजी घोषणा कितोर। पूँजीवादी राज्य कुना सरकारकु राष्ट्रीय आर्थिक गतिविधिग लोप्पा शामिल आयनदू बेरससोर मत्तादिन ओरु “नियंत्रक”(Automatic regulators) लेक्का हूड़तोर, इदु पूँजीवादी अर्थव्यवस्था ता विकास तुन उचुन “स्थिरता बगिल ओयना” काम कीता। इद वेने झूठ आंदू। बुर्जुआ राज्य अर्थव्यवस्था ता सैन्यीकरण लेवेके आर्थिक पिस्वल तुन नियंत्रित कियाला काजे कियाना सब्बे गतिविधिग जनता ना शोषण तुन तेज कियाना विभिन्न तरिकांग संगे आंतांग। लेनिन वेल्ले मुन्ने चिन्हित कित्ता लेक्का “संयुक्त राज्य अमेरिका लोप्पा लेवेके जर्मनी लोप्पा ‘आर्थिक पिस्वल तुन नियंत्रित’ कीतांकु मजदूर लोर ओसो किसान लोरा उंदी हिस्सा काजे सैनिक श्रम शिविर कुना निर्माण, बैंकर, पूँजीपतिरा काजे स्वर्ण ता निर्माण कियानाद आंता। इव देश कुना नियंत्रक तरिकांग इतेके मजदूर वर्ग तुन करविने हामुर गरे एवसी कींतोर अनि दूसरा बगिल (गुप्त ओसो प्रतिक्रियावादी नौकरशाही तरीका ते) पूँजीपति ना मुनाफा युद्ध तुकू मुन्ने तुकू वेने ज्यादा आयना इंजी तय कींतोर।”<sup>2</sup> बुर्जुआ देश कुना लोप्पा आर्थिक पिस्वल तुन नियंत्रित कीतेके पूँजीवादी अर्थव्यवस्था “तन्नाए स्थिर” आत्ताद हिल्ले; इदिना विपरीत इदु हाटुम तुन घटे कित्ता, मेहनतकश जनता तुन ओसो गरीब बने कित्ता अनि पूँजीपतिर ओसो ज्यादा अमीर आसोर हत्तोर। पूँजीवाद ता बुनियादी अंतरविरोध लगातार तीव्र आसोर हत्ता अनि पूँजीवाद ता आर्थिक संकट ओसो गंभीर आतांग।

## **पूँजीवादी आर्थिक संकट कु लगातार गंभीर आसोर दायना रुझान**

### **पूँजीवादी आर्थिक संकट टाईम-टाईम ते पुटसोर मंदितांग**

बस्के एवनल पूँजीवादी व्यवस्था मंदिता, पूँजीवाद ता बुनियादी अंतरविरोध तन्ना काम कीसोर मंदिता। पूँजीवादी आर्थिक संकट उंदी लेवेके रेंडु बेराए पुटवा लेवा इद अनिवार्य रूप ते टाईम-टाईम ते पुटसोरे मंदिता। इतिहास लोप्पा पेरके मलसी हूड़तेके माटु बेहरा स्तर ते पहली आर्थिक संकट 1825 ते इंग्लैंड लोप्पा वात्तादू हूड़ितोम। ताना पेरके 1836, 1848, 1857 ओसो

1867 ते इद्रम ता आर्थिक संकटकु वातांग। औसतन हर 10 साल लोप्पा उंदी बेरा वांतांगे। इदिना पेरके इत्तेके ओसो वेने गंभीर संकट वातांग।

आर्थिक संकट ता चक्र रेंडु संकट कुना नडमा ता कालम मंदिता। इदिना लोप्पा साधारण रूप ते संकट, मंदी, संकट तल पेसना ओसो आर्थिक रूप ते कोड्डी ते एव्वना नालुंग कालमकु मंदितांग। इविना लोप्पा संकट ता चरण बुनियादी मंदिता। इदु मुन्नेटा संकट मारना अनि पूना शुरू आयनदू मंदिता।

**संकट कालम:** संकट लगातार हमला किसिंता। अविना वायना मुन्ने हाटुम लोप्पा नालुंग बगिल नकली समृद्धि दिसिंता अनि विभिन्न उद्योग कुना लोप्पा “कारोबार कु” पुटसोर मंदितांग। उत्पादन असल जरूरत कुन मुन्ने ने पूरा कीसी मंदितांग मति क्रेडिट सिस्टम ओसो सट्टाबाजी गतिविधिं ग ना कारण ते ऑर्डर पूरा कियाना ओसो गोदाम निहहतला काजे कारखानांग पूरा गति संगे ताकसोर मंदितांग। पूंजीवादी अर्थव्यवस्था साकरी ता बदे उंदी कड्डी लोप्पा विस्थापन संगे अचानक उंदी आर्थिक संकट वासी अरिंता। उंदी बेरा बदे उंदी सेक्टर लोप्पा अतिरिक्त उत्पादन ता बारे ते पुंदा वांता अनि बिक्री मुश्किल आंता, अस्के दूसरा सेक्टर वेने जल्दिए प्रभावित आंतांग ओसो ‘चेन रिएक्शन’ शुरू आंता। उदाहरण तुकू, अतिरिक्त उत्पादन कारण ते ऑटोमोबाइल उद्योग लोप्पा उत्पादन कटौती लेवेके निलम्बन अनिवार्य रूप ते कोरसे, विद्युत ऊर्जा ओसो परिवहन उद्योग कुन प्रभावित कींता। शुरू ते नकली समृद्धि तुन बेरसी कियाला मदद कियाना वाणिज्यिक सट्टाबाज लोर घटेमाता दाम ते तम्मा माल तुन जल्दी-जल्दी वम्मिंतोर अद्रमासी परिस्थिति ओसो ज्यादा बिगड़ेमांता। इंजे गोदाम क्षमता तुकू ज्यादा निहहमूडांता, बिक्री मुश्किल आंता अनि दाम वेल्ले घटेमासोर दांता। दाम घटेमायना तुन रोमी कियाला काजे पूंजीपति किन बेहरा मात्रा ते माल तुन नष्ट कियाना सहारा वेने एता लागिंता। तीरम बिक्री ओसो घटेमासोर मत्ता दाम कुना देब्बा संगे वेल्ले सुडला, मध्यम उद्योग उंदे बेरा कंगाल आसोर दांतांग अनि बचोनो बैंक बंद आंतांग। ताकसोर मत्ता कारखानांग तम्मा उत्पादन दर कम कीसिंतांग। अस्केने सब्बे उद्योग कुना बेरोजगार मजदूर लोरा संख्या बेरसिंता अनि पूरा आर्थिक परिस्थिति बिगड़ेमासोर दांता।

**मंदी ता कालम:** संकट कालम ता उर्रा वड़िय लेक्कटा हमलांग पेरके औद्योगिक ओसो वाणिज्यिक उद्यम कुना लोप्पा कंगाल आयना ज्वार रोमिंता। संकट तल बचेमाता उद्यम तम्मा गतिविधिं मुन्ने तुकू कम स्तर ते द शांघाई टेक्स्ट बुक, भाग उंदी

ताकी कींतांग। दुकानकु चमक-दमक आसी निंडसी मत्तादु दिसिंतांग, अविना सेल्समेन जोर-शोर ते केयंतोर मति व्यापार निराशाजनके मंदिंता। बेहरा संख्या ते मजदूर इंजे वेने बेरोजगारे मंदिंतोर। ओरगा रोजी-रोटी ता बदे हर्षी मन्नी आंता। पूंजीवादी उद्योग, वाणिज्य ओसो बैकिंग व्यवसाय निराश परिस्थिति ते मंदिंता। मति इदे कालम ते सामाजिक उपभोग जारी मंदिंता। बेहरा नुकसान आत्ता पेरके माल ता गोदाम तीरम-तीरम वेल्ले कम दाम ते बिक्री आंता। निराशा दोड़ उत्पादन संकट तल पेसना तुन प्रोत्साहित कियाना कारक तीरम-तीरम जमा आसोर मंदिंतांग।

**संकट तल पेसना कालम:** जमा आत्ता माल गोदाम कुना लोप्पा कमी वायना संगे घटेमाता दाम तीरम-तीरम बेरससोर दांता अनि मुनाफा लगातार बेरससोर दांता। पूंजीपति उंदी बगिल मजदूर शोषण बेरसी कींतोर अनि दूसरा बगिल टैकनिक कुना सुधार कींतोर, पूना औजारकु अस्सिंतोर। इद्रम पहली श्रेणी ता उद्योग (विद्युत ऊर्जा, लोहा-इस्पात ओसो मशीन निर्माण) लोप्पा सबसे मुन्ने उत्पादन विस्तार आंता। इद श्रेणी लोप्पा रोजगार तीरम-तीरम बेरसिंता अनि रोजगार वृद्धि आसी उपभोक्ता सामग्री ना मांग वेने वृद्धि आंता (इद बाकी सेक्टर लोप्पा उत्पादन तुन बेरसी कींता)। इद्रम उत्पादन संकट तल पेसिंता अनि बेरोजगार लोरा संख्या कम आंता। मंदी ते अरता पूंजीवादी अर्थव्यवस्था ओसो उंदी बेरा संकट तल पेसना हरदे तार्किता।

**कोट्टी ते एव्वना कालम:** इद कालम ता बुनियादी विशेषता - हाटुम लोप्पा माल ता बिक्री तेज आयना, उच्च मुनाफा, उत्पादन ओसो विनिमय तेज आयना अनि क्रेडिट, सट्टाबाजी गतिविधिं दुबारा शुरू आयनाद मंता। हाटुम लोप्पा नालुंग बगिल “समृद्धि” मंदिंता। सब्बे पूंजीपति उत्पादन ता विस्तार कियाला काजे पूरा जोर वार्टिंतोर अनि व्यापक “समृद्धि” दोड़ ओसो उंदी संकट ता पूना कारक लगातार जमा आसोर दांतांग। एंगेल्स पूंजीवादी अर्थव्यवस्था ता जिंदा घटना ता बारे इद्रम वेहिंतोर: “रफ्तार तेज आंता; तीरम मत्ता डाका तेज आंता। औद्योगिक रूप ते इव वित्तसोर मत्ता डाकांग लेक्का बदलेमांतांग। वित्तसोर मत्ता डाकांग उद्योग, वाणिज्य, क्रेडिट ओसो सट्टाबाजी गतिविधिं ना लंगड़ी रेस ते गुन्नेल गोटी बनेमांतांग। पेरके, वेल्ले पेरके होश हिल्ला डेयता पेरके अबु ध्वस्त आयना पोदिय गुमिया ते अरिंतांग।”<sup>3</sup>

संकट-मंदी-पेसना-कोट्टी ते एव्वना-संकट इद आर्थिक संकट ता चक्र लेक्कटा रुझान कुना विशेषता आंदू। इद पूंजीवादी उत्पादन ता चक्र रुझान

तुन वेने तोहिंता। इदु पूंजीवादी उत्पादन लगातार प्रगति आयवा सिर्फ उंदी विंको-वंको हरीं पोयसी तार्किता।

### **पूंजीवादी आर्थिक संकट लगातार बिगड़ेमासोर दांता**

पूंजीवादी उत्पादन विकास प्रक्रिया लोप्पा आर्थिक संकट बार-बार वांता। मति हर संकट पाड़ना संकट लेक्काने मन्नी आंता। पूंजीवादी आर्थिक संकट लोप्पा लगातार बिगड़ेमासोर दायना रुझान मंदिंता। विशेष रूप ते दूसरा विश्वयुद्ध पेरकेटल आर्थिक संकट बार-बार वायना ओसो गंभीर आयनदू बेरसता। दोड़ रास्ता परिस्थिति नल इद पोल्लो स्पष्ट आंता:

पहली, आर्थिक संकट ता चक्र सुडला मत्ता अनि आर्थिक संकट वेल्ले वायनादु शुरू आत्ता।

दूसरी विश्वयुद्ध ता पहली आर्थिक संकट 10 साल लोप्पा उंदी बेरा वायनदू। दूसरी विश्व युद्ध पेरके लगभग 20 साल लोप्पा आर्थिक संकट ता चक्र सुडला आत्ता।

मुन्ने हिता टेबल संगे माटु दूसरी विश्व युद्ध पेरके (1970 एवनल) अमेरिका ओसो जापान लोप्पा 5 आर्थिक संकट वातांग। पहली ओसो पांचवी संकट नड़मा औसत कालम अमेरिका लोप्पा 5 साल तुकू कम ओसो जापान लोप्पा 4 साल तुकू कम मत्ता। दूसरी विश्व युद्ध पेरके आर्थिक संकट ता चक्र उल्लेखनीय रूप ते सुडला आत्ता बारांकु इत्तेके एकाधिकार पूंजी ता राज लोप्पा मेहनतकश जनता ना शोषण बेरसिंता अनि अदिना अस्सना शक्ति घटेमांता, स्थानीय हाटुम संकट तीव्र आंता। इदे आयवा बाहरी दबाव, विभिन्न साम्राज्यवादी देश कुना विस्तारवाद कारण ते साम्राज्यवाद, उपनिवेश, नवउपनिवेश कुना जनता नड़मा ता अंतरविरोध तीव्र आंता। इव उपनिवेश ओसो नवउपनिवेश कुना लोप्पा राष्ट्रीय क्रांति तुन बेरसी कींतांग, अद्रमासी विदेशी हाटुम कुना आकार घटेमांता। बिक्री उंदी स्थाई समस्या बनेमांता। इद्रम उत्पादन ओसो उपभोग नड़मा अंतरविरोध लगातार तीव्र आंता। इव सब्बे पूंजीवाद ता बुनियादी अंतरविरोध तीव्र आसोर दाय मंता अनि पूंजीवादी उत्पादन संबंध उत्पादक शक्तिंग ना विकास हरदे मुन्ने तुकू वेने बेहरा बाधा बनेमांतांग इंजी तोहिंता।

दूसरा, अचल पूंजी ता अंधाधुंध विस्थापन पूंजीवादी पुनरुत्पादन ता अनुपात तुन वेल्ले बगिड़े कीसिंता। दूसरी विश्व युद्ध तुकू मुन्ने आर्थिक संकट वात्तास्के अचल पूंजी लोप्पा निवेश घटेमायनदू तेज आंता। मति दूसरी

विश्वयुद्ध पेरके अचल पूंजी लोप्पा निवेश युद्ध तुकू मुत्रे तुकू ज्यादा मत्ता। संकट कालम ते वेने निवेश स्तर बेरससोर मत्ता। युद्ध पेरके अमेरिका लोप्पा पांचवी संकट कालम अचल पूंजी लोप्पा निवेश सिर्फ घटेमायवा लेवा वेल्ले बेरसता। 1969 ओसो 1970 नइमा इदिना लोप्पा 3.5 प्रतिशत वृद्धि आत्ता। जापान लोप्पा युद्ध पेरके पांचवी संकट कालम 1971 लोप्पा अचल पूंजी निवेश 1970 तुकू 3.2 प्रतिशत ज्यादा मत्ता।

युद्ध पेरके अचल पूंजी निवेश ता बेरसता स्तर उंदी बगिल एकाधिकारी पूंजीपति वर्ग मेहनतकश जनता ना शोषण बेरसी कियाला काजे राज्य मशीनरी ता इस्तेमाल कींता, मजदूर लोर पट्टी कित्ता अतिरिक्त मूल्य तुन पूंजी लोप्पा बदले कींता। इद पूंजी संचय तुन तेज कींता मति ताना संगेने सर्वहारा वर्ग तुन कंगाल वेने कींता अनि जनता ना अस्सनाशक्ति तुन वेल्ले घटे कियानदू तोहिंता। दूसरा बगिल इदु युद्ध पेरके अमेरिका लोप्पा अचल पूंजी निवेश मुख्य रूप ते सैनिक तैयारिग ओसो शस्त्र उद्योग लोप्पा मंता इंजी तोहिंता। सिर्फ बेहरा मात्रा ते सामाजिक संसाधन कुन बर्बाद कियानदे आयवा पहली श्रेणी ता उद्योग कुना बेहिसाब विस्तार वेने आत्ता। अद्रमासी सामाजिक पुनरुत्पादन स्तर ओसो ज्यादा बिगड़ेमाता अनि पूंजीवादी पुनरुत्पादन ता अंतरविरोध ओसो तीव्र आत्ता। पूंजीवादी आर्थिक संकट कु बार-बार वायना ओसो गंभीर आसोर दायनदू बेरसता।

युद्ध पेरके वात्ता आर्थिक संकटकु- जापान						
औद्योगिक उत्पादन						
संकट कालम	संकट तुकू मुत्रे	संकट कालम ते न्यूनतम	घटे माता	घटे माता महीनांग	अधिकतम बेरोजगारी (लाख)	औद्योगिक उत्पादन घटेमायनास्के

युद्ध पेरके वात्ता आर्थिक संकट- अमेरिका						
संकट कालम	औद्योगिक उत्पादक				अधिकतम बेरोजगारी (लाख लोकुरा लोप्पा)	औद्योगिक उत्पादन घटेमायना कालम ते कंगाल आत्ता सेक्टरकु
	संकट तुकू मुत्रे अधिकतम उत्पादन	संकट कालम ते न्यूनतम उत्पादन	घटेमाता (प्रतिशत)	घटेमायना महीनांग		
पहला 1948-49	अगस्त 1948	जुलाई 1949	8.6	11	41	9,246
दूसरा 1953-54	जुलाई 1953	अप्रैल 1954	9.9	9	37	7,724
तीसरा 1957-58	मार्च 1957	अप्रैल 1958	14.8	13	52	15,579
चौथा 1960-61	जनवरी 1960	जनवरी 1961	7.5	12	57.1	15,668
पांचवी 1969-70	सितम्बर 1969	नवम्बर 1970	8.1	14	55	13,629

	अधिकत म		(प्रति शत)		लोकुरा लोप्पा)	कंगाल आत्ता सेक्टरकु
पहला	दिसम्बर	अगस्त				
1953-54	1953	1954	5.0	8	6.8	565
दूसरा	जुलाई	जून				
1957-58	1957	1958	10.7	11	9.2	1.565
तीसरा	जनवरी	दिसम्बर				
1963	1962	1962	2.7	11	6.2	1.652
चौथा	दिसम्बर	मई				
1964-65	1964	1965	2.0	5	5.4	2.464
पांचवा	जुलाई	मई				
1970-71	1970	1971	5.7	10	8	8.427

तीसरा, मैनुफैक्चरिंग लोप्पा वायना संकट कृषि संकट संगे जुड़े मासी मंदितांग। इवु समग्र आर्थिक संकट तीव्र क्रियानाविन प्रभावित कींतांग। पूंजीवादी व्यवस्था लोप्पा आर्थिक संकट सिर्फ मैनुफैक्चरिंग लोप्पाने आयवा कृषि लोप्पा वेने पुट्टिंतांग। कृषि लोप्पाटा संकट कृषि पूंजीपति ना गोदाम कुना लोप्पा जमा आयना भंडार, थोक मूल्य घटेमायना, कृषि एरिया घटेमायना, खेतिहर मजदूर लोरा बेरसना बेरोजगारी, घटेमासोर मत्ता मजदूरी ओसो सब्बे किसान लोरा कंगाल दिस्सानदू मंदिता। मैनुफैक्चरिंग संकट लेक्काने कृषि संकट लोप्पा वेने अतिरिक्त उत्पादन तल वांता अनि इदिना मूल पूंजीवाद ता बुनियादी अंतरविरोध मंदिता। बस्के एवनल पूंजीवादी व्यवस्था मंदिता अस्के एवनल कृषि लोप्पा अतिरिक्त उत्पादन संकट मैनुफैक्चरिंग लोप्पा अतिरिक्त उत्पादन संकट लेक्काने अनिवार्य मंदिता।

मति मैनुफैक्चरिंग संकट ता तुलना ते कृषि संकट वेल्ले जोम ताकिंता। 1948 ते मैनुफैक्चरिंग संकट संगे-संगे पहली बेरा कृषि संकट वात्ता पेरके 23 साल लोप्पा कृषि बस्केने अतिरिक्त उत्पादन तल मुक्त आया परवो आत्ता।

औद्योगिक, कृषि संकट जुड़ेमासी मंदाना ओसो प्रभावित कियानादु अमेरिका अर्थव्यवस्था ता उंदी गंभीर समस्या बनेमाता। औद्योगिक संकट बेहरा संख्या ते उद्यम कुन कंगाल कियाना, उत्पादन लोप्पा कटौती, बेरोजगारी ओसो वेतन घटे कियाना लेक्कटविन पुट्टी कींता। इदिना कारण ते कृषि उत्पाद कुना मांग घटेमांता अद्रमासी कृषि लोप्पा अतिरिक्त उत्पादन



समस्या वेल्ले बिगड़ेमांता। इदे कालम ते कृषि संकट कृषि उत्पाद कुन वेने नुकसान कींता अनि खेतिहर मजदूर लोर किन वेल्ले गरीबी ते वाटसिंता। अदिना कारण ते कृषि लोप्पा उत्पादन साधन, मैन्युफैक्चरिंग उत्पाद कुना मांग घटेमांता अनि औद्योगिक अतिरिक्त संकट तीव्र आंता। औद्योगिक ओसो कृषि संकट कुना प्रभाव ते पूंजीवादी आर्थिक संकट अनिवार्य रूप ते बिगड़ेमासोर दांतांग।

चौथा पूंजीवादी अतिरिक्त उत्पादन संकट राजस्व ओसो वित्तीय संकट कुना संगे अभिन्न रूप ते जुड़ेमासी मंदिंता। दूसरी विश्वयुद्ध पेरके, पूंजीवादी आर्थिक संकट ता चक्र सुडला मंदिंता अगाने राजस्व ओसो वित्तीय संकट कुना फ्रिक्वेन्सी बेरससोर हत्ता। राजस्व ओसो वित्तीय संकट आर्थिक संकट संगे-संगे पुट्टिंतांग। राजस्व ओसो वित्तीय संकट, आर्थिक संकट कुनाए लेक्का पूंजीवाद ता बुनियादी अंतरविरोध कुन ओसो तीव्र आसोर दायना कारण ते पुट्टिंता। अविना मुख्य लक्षणः बजट घाटा, अंधाधुंध मुद्रा प्रसार, महंगाई, भुगतान असंतुलन, स्वर्ण भंडार कम आयना अनि मुद्रा घटेमासोर दांता।

दूसरी विश्व युद्ध पेरके साम्राज्यवादी शक्तिंग राष्ट्रीय आर्थिक विकास तुन प्रोत्साहित कियाला काजे सैन्य तैयारी ओसो हथियार जमा कियाना संगे लगातार बिगड़ेमासोर मत्ता आर्थिक संकट तल मुक्त आयना विफल कोशिश कीतांग। मति सैनिक खर्चा ओसो प्रतिरक्षा उद्योग कुना उत्पादन व्यय लगातार बेरससोर हत्तांग अनि बदे इलाज हिल्वा बजट घाटा तुन पुट्टी कीतांग। बेहरा मात्रा ते प्रतिरक्षा खर्चा तुन पूरा कियाला काजे साम्राज्यवादी देश कर बेरसी कियाना, विदेशी ऋण बेरसी कियाना, मुद्रा जारी कियाना ओसो मुद्रास्फीति ता सहारा एतना किया मंतांग, अद्रमासी राजस्व संकट उंदी स्थाई घटना बनेमांता। राजस्व 1946 तल 1971 नइमा अमेरिका ता बजट घाटा 137.9 अरब डॉलर आत्ता। सार्वजनिक ऋण 424.1 अरब डॉलर आत्ता। खुद अमेरिका सरकार ता अधिकारि “अमेरिका ता सार्वजनिक ऋण बाकी सब्बे देश कुना सार्वजनिक ऋण ता बराबर आत्ता” इंजी स्वीकार कितोर। “इद सार्वजनिक ऋण तुन उंदी डॉलर ता नोट कुना लेक्का बदले कीतेके अदु 35 फुट चौड़ा पट्टी बनेमांता अनि अदिना संगे भूमि तुन 1520 बेरा घेराव कियमूडांता।”

मुद्रास्फीति परिस्थिति बिगड़ेमायना संगे, मुद्रा ता मूल्य घटेमासोर दांता अदिना कारण ते महंगाई मोय्योल पोरो एव्विंता। हत्ता कालम ते

आर्थिक संकट वायना मुन्ने मंहगाई स्तर घटेमासी मत्ता। मति दूसरा विश्व युद्ध पेरके पूंजीवादी देश राष्ट्रीय अर्थव्यवस्था ता सैन्यीकरण पोरो जोर हित्ता अनि सब्बे तोर मुद्रास्फीति नीति लागू कितोर। अद्रमासी संकट कालम ते मंहगाई वेल्ले बेरसता। उदाहरण तुक्क दूसरी विश्व युद्ध पेरके अमेरिका लोप्पा 5 आर्थिक संकट वातांग। 1948-49 ता संकटे आयवा बाकी 4 संकट कुना कालम ते मंहगाई बेरसता। अद्रमासी अस्सना शक्ति घटेमातादु स्पष्ट मंता। देश लोप्पा मुद्रा मोला घटेमायनदू दुनिया ता हाटुम लोप्पा क्रेडिट कुन प्रभावित कींता। अमेरिका साम्राज्यवाद उंदी पेरके उंदी युद्ध शुरू कित्ता। दूसरा देश कुना लोप्पा तैनात मत्ता सेना ओसो कुल सैनिक खर्च लोप्पा वेल्ले वृद्धि आतांकु बेहरा मात्रा ते अमेरिका डॉलर बाहर हत्तांकु अदिना अंतरराष्ट्रीय क्रेडिट वेल्ले दोड़ रेयता। दूसरा विश्व युद्ध पेरकेटल पूंजीवादी दुनिया ता वित्तीय हाटुम लोप्पा वित्तीय संकट लगातार पुटसोर हत्तांग। अमेरिका डॉलर ता वेल्ले बिक्री ओसो सोना ता मांग बेरससोर हत्तांकु अमेरिका सरकार तुन रेंडु बेरा डॉलर मुद्रा कम कियाला मजबूर आया लागता। उंदी बेरा 1971 आखरी ते अनि दूसरा फरवरी 1973 ते। पूंजीवादी दुनिया लोप्पा अमेरिका डॉलर ता प्रभुत्व खत्म आत्ता।

आर्थिक ओसो वित्तीय संकट संगे-संगे पुट्तांकु पूंजीवादी अर्थव्यवस्था उंदी बेहरा चिकला गुमिया ते हिरकता। उंदी बगिल आर्थिक संकट ता कारण ते उत्पादन घटेमाता, मेहनतकश जनता ना गरीबी बेरसता अनि पूंजीवादी देश कुना राजस्व घटेमाता। अदिना कारण ते वेल्ले घाटा ओसो भुगतान गड़बड़ आत्ता अनि राजस्व, वित्तीय संकट ओसो ज्यादा गंभीर आसोर हत्ता। दूसरा बगिल राजस्व, वित्तीय संकट कु बिगड़ेमायना संगे-संगे, मुद्रास्फीति, वेल्ले कर वाटना, असल मजदूरी कम कियाना अनि जनता ना अस्सनाशक्ति कम कियानद अतिरिक्त उत्पादन ता आर्थिक संकट तुन ओसो ज्यादा गंभीर कीसिता।

इद्रम माटु पूंजीवादी आर्थिक संकट ता चक्रीय रूप दिव्या-दिव्या ते मुन्ने तुक्क ज्यादा बिगड़ेमासोर दायना चक्र निर्माण कियानद हुंनुतोम। पूंजीवाद लोप्पा मत्ता अंतरविरोध ओसो तीव्र आंता। उंदी पेरके उंदी वायना संकट कु पूंजीवादी दुनिया तुन उर्वा वड़िय लेक्का होले कीसिंता।

## आर्थिक संकट पूंजीवादी शासन ता बुनियाद कमजोर कीतांग

आर्थिक संकट पूंजीवाद ता बुनियादी अंतरविरोध कुन ओसो तीव्र कीता। संकट नइमा पूंजीपतिरा नइमा होइ वेल्ले तीव्र आंता, बेहरा उद्यम कुना संगे होइ ते टिकेमाया परवा वेल्ले लघु ओसो मध्यम स्तर ता उद्यम मुन्ने ने कंगाल आंतांग। कर्जा निहहतला काजे वेल्ले जोम तल मध्यम ओसो लघु उद्यम नीलाम आंतांग इविन उचुन बेहरा उद्यम कु मौका ता फायदा एतसी सस्ता दाम हीसी असिंतांग। इद्रम पूंजीवादी समाज लोप्पा हर संकट पेरके पूंजी उचुन पूंजीपतिरा कैदे ओसो ज्यादा संकेंद्रित आंता। उत्पादन ओसो पूंजी ता संकेंद्रण तेज आंता। उत्पादन ओसो पूंजी ता बेरसना संकेंद्रण इत्तेके पूंजीवाद ता बुनियादी अंतरविरोध इत्तेके सामाजिक उत्पादन ओसो पूंजीवादी निजी मालिकाना नइमा ता अंतरविरोध ओसो तीव्र आसोर दायनद आंदू।

आर्थिक संकट पूंजीवाद समाज लोप्पा वर्ग अंतरविरोध तुन तीव्र कीतांग। संकट ताकनास्के तम्मा घाटा कम कियाला काजे पूंजीपति सीधा जनता पोरो हमला कींतोर। ओरु मजदूर लोर किन बेहरा संख्या ते तेंडसिंतोर, मजदूरी घटे कींतोर, मुद्रास्फीति ता सहारा एतिंतोर, टैक्स बेरसी कींतोर अनि पूरा बोजा मेहनतकश जनता ना मोरकुल पोरो वाटना कोशिश कींतोर। इदिना संगेने संकट कालम ते पूंजीवादी उद्योगकु कृषि तुन अनि शहरी इलाकांग ग्रामीण इलाकांग ना शोषण वेने बेरसिंता, इदिना कारण ते बेहरा स्तर ते किसान लोरा नुकसान आंता। इद्रम पूंजीवादी आर्थिक संकट मजदूर वर्ग ओसो दूसरा मेहनतकश समूह कुना काजे वेल्ले मुश्किल पुट्टी कीतांग। अवु मजदूर-किसान, पूंजीपतिर ओसो बेहरा भूस्वामिरा नइमा ता अंतरविरोध कुन ओसो तीव्र कीसी बुर्जुआ वर्ग विरुद्ध सर्वहारा वर्ग संघर्ष ता ज्वार बेरससोर दायना परिस्थिति तैयार आंतांग। इद्रम पूंजीवादी शासन ता बुनियाद पोरो लगातार हमला आसोर दांता।

आर्थिक संकट पूंजीवादी उत्पादन संबंध ओसो उत्पादक शक्तिंग नइमा ता अंतरविरोध कुन उजागर कीसी पूंजीवाद मानव इतिहास लोप्पा हमेशा काजे मंदाना व्यवस्था आयो इंजी स्पष्ट कीतांग। पूंजीवादी उत्पादन संबंध बेहरा सामाजिक उत्पादक शक्तिंग काजे वेल्ले सुडला मंदिंतांग। इव उत्पादक शक्तिंग ना विकास तुन वेल्ले नुकसान कीतांग। संकट कालम ते उत्पादक शक्तिंग ना बेहरा स्तर ते विनाश ओसो उत्पादन लोप्पा कटौती

आता पेरकेने उत्पादन ओसो उपभोग नइमा ता अंतरविरोध अस्थाई रूप ते हल आंतांग। मति इदे कालम ते ओसो उंदी संकट कुन पुट्टी कियाना कारक जमा आसोर मंदितांग। आर्थिक संकट बिगड़ेमासोर मंदाना रुझान पूंजीवादी अर्थव्यवस्था ना विकास प्रक्रिया लोप्पा मंदितांग। अद्रमासी पूंजीवादी उत्पादन संबंध कड़ियसोर मंता अनि इविन गुच्ची कीसी पूना उत्पादक शक्तिंग ना विकास कुना जरूरत कुन पूरा कियाना पूना उत्पादन संबंध कुना स्थापना अनिवार्य मंदिता इंजी स्पष्ट आंता। इवु समाजवादी उत्पादन संबंधकु मंदितांग।

### प्रमुख संदर्भ

- ☞ एंगेल्स, **ड्यूहरिंग मत-खंडन**, भाग 3, अध्याय 2
- ☞ लेनिन, “संकट कुना सबक”, **लेनिन ना सम्पूर्ण रचनांग**, भाग 5

### समीक्षात्मक सवाल

1. पूंजीवादी आर्थिक संकट ता स्रोत बाताल मंता?
2. आर्थिक संकट पूंजीवाद ता पतन तुन तेज कींतांग। बद्रम?

### टिप्पणिंग

1. “सोवियत संघ ता कम्युनिस्ट पार्टी (बोल्शेविक) ता केंद्रीय कमेटी ता 16वी कांग्रेस लोप्पा पेश कित्ता राजनीतिक रिपोर्ट”, **स्टालिन ना सम्पूर्ण रचनांग**, भाग 12, पे. 214.
2. “आसन्न महामंदी तल पिस्सना हरीं बाताल मंता?”, **लेनिन ना सम्पूर्ण रचनांग**, भाग 25, पे. 324.
3. एंगेल्स, **ड्यूहरिंग मत-खंडन**, मार्क्स-एंगेल्स ना चुने कित्ता रचनांग, भाग 3 चीनी संस्करण, 1972, पे. 316.

## साम्राज्यवाद ता बदलेमायवा मंदाना रूप

### साम्राज्यवाद

#### एकाधिकारी (monopoly) पूंजीवाद आंदू

19वीं शताब्दी ता 8वीं दशक तक मुन्ने पूंजीवाद स्वतंत्र रूप ते होइ लोप्पा शामिल आयना मंजिल ते मत्ता। ताना पेरके स्वतंत्र होइ तल एकाधिकार (उंदेअधिकार) रूप ते विकसित आसोर हत्ता। 19वीं शताब्दी ता आखरी ते ओसो 20वीं शताब्दी ता शुरू ते पूंजीवाद स्वतंत्र होइ तल एकाधिकार मंजिल ते वात्ता अनि साम्राज्यवाद लेक्का विकसित आत्ता। लेनिन साम्राज्यवाद पोरो सही ओसो स्पष्ट रूप ते “साम्राज्यवाद पूंजीवाद ता उंदी विशेष चरण आंदू। इदु अलग-अलग मूंड रूप कुने दिसिंता इंजी वेहतोरः अबु 1) साम्राज्यवाद एकाधिकारी पूंजीवाद आंदू; 2) साम्राज्यवाद परजीवी ओसो नाश आसोर मत्ता पूंजीवाद आंदू; ओसो 3) साम्राज्यवाद डोलसोर मत्ता पूंजीवाद आंदू।” इद अध्याय लोप्पा सबसे मुन्ने एकाधिकारी पूंजीवाद लेक्का साम्राज्यवाद ता बुनियादी विशेषता ता बारे ते चर्चा कियाकाल। लेनिन साम्राज्यवाद ता आर्थिक पहलु कुना 5 बुनियादी विशेषतांग मंतांग इंजी चिन्हित कितोर। “1) उत्पादन ओसो पूंजी ता संकेंद्रेण ता परिमाण आर्थिक पिस्वल पोरो एकाधिकारी संगठन कुना अधीन आयनाचोन विकसिता आंता; 2) बैंकिंग पूंजी ओसो औद्योगिक पूंजी उंदी दूसरा लोप्पा कलियंतांग अनि इद वित्तीय पूंजी ता बुनियाद पोरो उंदी वित्तीय अल्पतंत्र ता जन्म आंता; 3) माल निर्यात तक पूर्ण रूप ते अलग पूंजी निर्यात ता उंदी विशेष महत्व ग्रहण कींता; 4) अंतरराष्ट्रीय

एकाधिकार संघ कुना निर्माण आंता; अनि 5) सबसे शक्तिशाली पूंजीवादी शक्ति ना नइमा पूरा दुनिया ता एरिया हिसाब ते बंटवारा आसी मंदिता;”<sup>2</sup> लेनिन ना साम्राज्यवाद संबंधित सिद्धांत साम्राज्यवादी प्रतिक्रियावादी चरित्र तुन समजेमायला काजे मना दूरदर्शी ओसो सूक्ष्मदर्शी आंदू।

## एकाधिकार साम्राज्यवाद ता आर्थिक बुनियाद आंदू

### एकाधिकार पूंजीवाद ता अनिवार्य विकास आंदू

स्वतंत्र होइ तल एकाधिकार लोप्पा संक्रमण पूंजीवाद तल साम्राज्यवाद लोप्पा विकास आयना सबसे महत्वपूर्ण आर्थिक घटना आंदू। साम्राज्यवाद ता बाकी सब्बे विशेषतांग एकाधिकार संबंधित मंतांग अनि उंदेअधिकार पोरो आधार आसी विकसित आतांग। अदिन काजे साम्राज्यवाद तुन उंदेअधिकारी पूंजीवाद लेक्का पुनमूडांता। उंदेअधिकारी पूंजीवाद ता जन्म 3 मंजिल कुने आंता।

19वीं शताब्दी ता 7वीं ओसो 8वीं दशक लोप्पा पहली मंजिल ते पूंजीवाद लोप्पा स्वतंत्र होइ तन्ना विकास ता कोड्डी ते एविंता। मैन्युफैक्चरिंग लोप्पा विद्यत मोटर, आंतरिक दहन इंजन ओसो इस्पात जांच कियाना उंदी पूना नियम पुटता। उत्पादक शक्तिंग ना विकास सुडला ओसो बेहरा उद्योग कुना हिस्सेदारी तुन वेने बेहरा उद्योग कुना पक्ष ते बदले कित्ता। पूंजी ता उच्च स्तर ता बेहरा उद्योग कु पूंजी ता संकेंद्रण तुन तेज कींतांग। अद्रमासी एकाधिकारी संगठन अस्तित्व ते वातांग।

1873 ते 19वीं शताब्दी ता तीव्र आर्थिक संकट ता विस्फोट पेरके दूसरी मंजिल लोप्पा उद्यम कुना नइमा ता होइ वेल्ले तीव्र आत्ता। बचोनो मध्यम ओसो सुडला उद्यम बंद आतांग। इदिना कारण ते बेहरा स्तर ते एकाधिकारी संघ कुना विकास तुकू हरीं आत्ता। 1879 ते संयुक्त राज्य अमेरिका लोप्पा रॉकफेलर स्टैंडर्ड ऑयल कम्पनी पोरोल ता पहली ट्रस्ट स्थापित कितोर। 1880 ते एन्थ्रासाइट कोयला ता पूरा उत्पादन पोरो 7 कम्पनिंग ना एकाधिकार मत्ता। मति इंजे वेने एकाधिकार ता पूरा कब्जा आत्ताद हिल्ले। इजारेदारिरा वेल्लेय समझौतांग उचुने कालम काजे ओसो अस्थाई मत्तांग। 19वीं शताब्दी ता आखरी ते 30 साल लोप्पा उंदी पेरके उंदी भाप टरबाइन, ऑटोमोबाइल ओसो डीजल इंजन ता आविष्कार आत्ता। इंजे

एवनल उत्पादक शक्तिंग ना विकास वेल्ले आत्ता। अद्रामामी बेहरा उद्योग कुना हिस्सेदारी बेरसता। इद्रम एकाधिकार ता मंजिल तल संक्रमण ता परिस्थितिंग बुनियादी रूप ते पूरा आतांग।

19वी शताब्दी ता आखरी ओसो 20वी शताब्दी ता शुरू ते तीसरी मंजिल ते पूंजी संचय ओसो संकेंद्रण गति वेल्ले तेज आत्ता। बेहरा उद्योग कुना कैदे पूंजी ता संकेंद्रण बेरससोर हत्ता। प्रमुख मैन्युफैक्चरिंग पोरो तम्मा नियंत्रण कियाना नीति तल एकाधिकारी संगठन ता विकास तेज आसोर हत्ता अनि पूरा आर्थिक पिस्वल ता बुनियाद बनेमातांग। 20वी शताब्दी ता शुरू ते संयुक्त राज्य अमेरिका ता एकाधिकारी संगठन 70 प्रतिशत धातु उद्योग, 66 प्रतिशत कच्ची ओसो इस्पात उद्योग, 61 प्रतिशत रासायनिक उद्योग, 85 प्रतिशत एल्युमिनियम उत्पादन, 80 प्रतिशत बुस्साक (पोग्गा) ओसो चीनी जांच उद्योग ओसो 95 प्रतिशत कोरसे, निर्य उत्पादन कुन नियंत्रण कीतांग। अस्केटल स्वतंत्र होड़ पूंजीवाद ता एकाधिकारी पूंजीवाद लेक्का विकसित आता अनि पूंजीवाद साम्राज्यवाद लेक्का बदलेमांता। अदिन काजे लेनिन “एकाधिकार साम्राज्यवाद ता मजबूत आत्ता बुनियाद आंदू”<sup>3</sup> इंतोर।

स्वतंत्र होड़ वाले पूंजीवाद तल साम्राज्यवाद लोप्पा संक्रमण आयनदू पूंजीवाद ता मूलभूत रूप ते लोप्पा बदे बदलाव कीवो। इंजे वेने इदिना आर्थिक आधार मत्ता उत्पादन साधन कुना पोरो पूंजीवादी निजी मालिकानाए मंता। इंजे वेने सर्वहारा वर्ग ओसो पूंजीपति वर्ग नड़मा ता अंतरविरोधे इदिना वर्ग अंतरविरोध आंदू। गुड़ंगा कोयदना होड़ ओसो उत्पादन अराजकता लेक्कटा दीर्घकालीन आर्थिक नियम इद मंजिल लोप्पा वेने तम्मा सक्रिय भूमिका निभे किया मंतांग। माओ त्से-तुंग “पूंजीवाद स्वतंत्र होड़ ता मंजिल तल साम्राज्यवाद ते विकास आत्तास्के पूंजीपति वर्ग ओसो सर्वहारा वर्ग नड़मा ता मूलभूत अंतरविरोध ओसो पूंजीवादी समाज ता रूप लोप्पा बदे बदलाव वात्ताद हिल्ले”<sup>4</sup> इंजी चिन्हित कींतोर। साम्राज्यवादी मंजिल लोप्पा उचुन विशेषतांग दिसतांग अबु पूंजीवाद तुक्कु मुन्ने मत्ता अंतरविरोध कुन तीव्र कींतांग।

## एकाधिकारी संगठन उच्च एकाधिकारी फायदा तुन पीरना गांरटी हींतांग

एकाधिकारी संगठन सबसे बेहरा पूंजीवादी उद्यम मंदिता लेवेके बचोनो पूंजीवादी उद्यम कुन काल्पसी बनेमासी मंदितांग। अवु उचुन उत्पाद कुना उत्पादन ओसो वितरण पोरो नियंत्रण तासिंतांग अनि उच्च एकाधिकार फायदा ना प्रक्रिया ते एकाधिकारी अनुसार एकाधिकार दाम तय कींतांग। इद्रम पूंजीवादी देश कुना आर्थिक नब्ज अविना जोड़-तोड़ ता हंदी ते वांतांग।

एकाधिकारी संगठन बचोनो रकम ताव मंदितांग। उचुन “अल्प कालम वाले दाम समझौता” लेक्का मंदितांग इविना लोप्पा बचोनो उद्यम कलियसी दाम तय कींतांग। उचुन “कार्टेल” कुना रूप ते मंदितांग अविना लोप्पा उद्यम उत्पादन लोप्पा स्वतंत्र मंदितांग मति हाटुम लोप्पा हिस्सेदारी कियाना ओसो कोटा, दाम तय कियाला काजे समझौता आसी मंदिता। उचुन “सिण्डिकेट” कुना रूप ते मंदितांग अविना लोप्पा उद्यम उत्पादन स्वतंत्र रूप ते कींतोर मति लागत कुन अस्सना ओसो उत्पादन कुना बिक्री कलियसी कींतोर। ओसो उचुक “ट्रस्ट” कुना रूप ते मंदितांग इवु उंदे वस्तु पुट्टी कियाना उद्यम कलियसी बनेमासी मंदितांग अनि उचुक “कन्सोर्टियम” लेवेके साझेदारी संघ मंदितांग अविना लोप्पा विभिन्न व्यवसाय वाले उद्यम शामिल मंदितांग (मैनुफैक्चरिंग ओसो खनन, व्यापारिक कम्पनिंग, परिवहन, समुद्र जहाजकुना कम्पनिंग ओसो बैंक लेक्कटवु)। विभिन्न रकम ता एकाधिकार संगठन विकसित आसी तीरम-तीरम पूंजीवादी देश कुना सब्बे आर्थिक सेक्टर ओसो आर्थिक नब्ज पोरो नियंत्रण तासिंतांग। विशेष रूप ते दूसरी विश्व युद्ध मारता पेरकेटल सामाजिक उत्पादन ओसो सामाजिक सम्पदा उंदी पेरके उंदी मुट्टामेंड एकाधिकारी पूंजीपतिरा कैदे वासोर दांता। इदु इगा हिता रूप कुन तोहिंता:

1. उद्यम कुना आकार लगातार विस्तार ओसो एकाधिकारी आयना ता लगातार विकास। संयुक्त राज्य अमेरिका ता उदाहरण हूडाटू। अगा 1901 ते उंदी अरब तुकू ज्यादा पूंजी परिसम्पत्ति मंदाना सिर्फ उंदे कम्पनी मत्ता। 1960 ते इदु संख्या 96 आत्ता। 1970 ते इदु 282 एवता।
2. पूरा औद्योगिक सेक्टर पोरो मुट्टामेंड एकाधिकारी पूंजीपतिरा नियंत्रण बेरसता। बचोनो औद्योगिक सेक्टर कुना लोप्पा मुट्टामेंड



बेहरा कम्पनिंग उत्पादन ता बेहरा हिस्सा ओसो सम्पूर्ण उत्पादन पोरो नियंत्रण कीतांग। संयुक्त राज्य अमेरिका लोप्पा 1969 ते बेहरा ऑटोमोबाईल कम्पनिंग राष्ट्रता सब्बे ऑटोमोबाइल उत्पादन ता 78.1 प्रतिशत पोरो एकाधिकार किता। इंग्लैंड लोप्पा 1970 ते उंदी कच्ची ओसो इस्पात कम्पनी ता सम्पूर्ण उत्पादन ता 93 प्रतिशत पोरो एकाधिकार मत्ता। 1970 ते जापान लोप्पा उंदी एकाधिकारी संगठन देश ता सम्पूर्ण जलपोत निर्माण ता 95.5 प्रतिशत पोरो तम्मा एकाधिकार किता। फ्रांस लोप्पा 1968 ते उंदी विद्युत शक्ति कम्पनी पूरा देश ता विद्युत शक्ति उत्पादन पोरो तम्मा कब्जा किता।

3. कृषि उत्पादन लोप्पा बेरसना संकेंद्रेण अनि एकाधिकारकरण। 1939 ते संयुक्त राज्य अमेरिका लोप्पा कुल 69.97 लाख फार्म मत्तांग। 1959 ते इदु 37.01 लाख आतांग अनि 1971 एवनल सिर्फ 28 लाख फार्म पिस्तांग। हर साल औसतन 90,000 फार्म कंगाल आयनवु। असल ते संयुक्त राज्य अमेरिका लोप्पा 50,000 तुकू कम संख्या ते बेहरा एकाधिकारी फार्म (इवु कुल फार्म कुन सिर्फ 2 प्रतिशत मत्तांग) सम्पूर्ण अमेरिका कृषि उत्पादन ता 80 प्रतिशत ओसो अस्सना-वम्पना कियानवु।
4. एकाधिकारी संगठन ता बेरसना विविधीकरण। हत्ता कालम ते वेल्ले कम्पनिंग सिर्फ उंदी लेवेके रेंडु वस्तुंग ना उत्पादन कियानवु। मति 1960 दशक ता आखरी एवनल अविना हंदी बचोनो इलाकांग लोप्पा फैलेमाता। उदाहरण तुकू यूनाइटेड स्टेट्स इंटरनेशनल टेलीफोन एंड टेलीग्राफ कम्पनी 1920 ते स्थापित आत्ता। शुरआत ते 40 साल लोप्पा अदु दूरसंचार उपकरण कुना उत्पादन कियाना संगे बदे संबंध हिल्ला 50 कम्पनिंग अस्सता। अविना हंदी ब्रेड उत्पादन, नकली फाइबर, भवन निर्माण, होटल ओसो बीमा कियाना लेक्काटविना रूप ते विस्तार आत्ता। इद दुनिया ता 150 कम्पनिंग ना नियंत्रण मत्तांग अनि इविना वितरण सौ तुकू ज्यादा देश ओसो इलाकांग लोप्पा फैलेमासी मत्ता।

एकाधिकारी संगठन कुना विभिन्न रूप ते भिन्नतांग मत्तांग अनि इविना लोप्पा मुन्ने ओसो विकसित आया परिता मति अविना रूप उंदी लेक्काने मदिता। अवु उत्पादन ओसो हाटुम पोरो एकाधिकार कीसी एकाधिकारी

पूँजीपतिरा काजे उच्च एकाधिकारी फायदा ना गारंटी दोरकी कियाला आल्सिंतांग।

उच्च एकाधिकारी मुनाफा औसत मुनाफा तुकू वेल्ले मंता इदु एकाधिकारी पूँजीपतिर एकाधिकार मत्ता कारण ते दोरकी कींतोर। इदु उच्च एकाधिकार मुनाफा बेगाडल वांता? इदु इंजे वेने एकाधिकारी उद्यम कुना मजदूर लोर उत्पादित कित्ता अतिरिक्त मूल्य तले वांता। एकाधिकारी संगठन श्रम बेरसी कियाना ओसो मजदूर लोरा शोषण कियाला काजे नेतुर ओसो हेपुर पोहना उंदी तंत्र निल्पी कींतोर। अदे आयवा एकाधिकारी पूँजीपति उपभोक्ता वस्तु ना दाम बेरसी कीसी मजदूर ओसो बाकी लोकुरा आय ता हिस्सा वेने हड़पे कींतोर। तम्मा एकाधिकारी मत्तादिना फायदा एतसी पूँजीपती कृषि उत्पाद कुना अस्सना दाम घटे कीसी, औद्योगिक उत्पाद कुना वम्पना दाम बेरसी कियाना संगे पुट्टी कित्ता मूल्य ता उंदी हिस्सा तुन वेने लोपितोर। एकाधिकार दाम-तय कियाना संगे एकाधिकारी संगठन तुकू बाहर ता पूँजीपतिरा फायदा ता उंदी हिस्सा वेने अवु हड़पे कींतांग। असमान विनिमय संगे एकाधिकारी पूँजीपति उपनिवेश, निर्भर मत्ता देश ओसो बाकी देश कुना जनता तुन लूटे कींतांग। इदु उच्च एकाधिकारी फायदा लेक्का एकाधिकारी संगठन मजदूर, सुडला उत्पादक ओसो उपनिवेश, निर्भर मत्ता देश कुना जनता पोहहतना वस्तु मत्ता लेक्का दिसिंता। उंदी सुडला हिस्सा गैर एकाधिकारी मध्यम ओसो सुडला पूँजीपतिनगडल वेने ऊंदितोर। अनि पूरा पूँजीवादी दुनिया ता कोंडा ते हूडतेके एकाधिकारी दाम तय कियानद मूल्य ता योग तुन ओसो पूँजीवादी दुनिया पुट्टी कित्ता अतिरिक्त मूल्य तुन बदले कीवो आंता। दूसरा माटा ते वेहाना इत्तेके एकाधिकारी दाम तय कियाना मूल्य नियम ता हंदी तेने काम कींता। इद नियम दिस्सना रूप ते बदले कींता। इद्रमे पूँजीवाद ता मूलभूत आर्थिक नियम (अतिरिक्त मूल्य नियम) एकाधिकार ता मंजिल ते वेने काम कींता। इदिना प्रभाव ओसो रूप बदलेमासी मंदिंता। एकाधिकार मंजिल तुकू मुन्ने, इदु औसत मुनाफा संगे दिसिंता अनि एकाधिकार मंजिल लोप्पा उच्च मुनाफा संगे दिसिंता।

एकाधिकार मुनाफा ता बढ़ोत्तरी लोप्पा मजदूर वर्ग ओसो मेहनतकश जनता लगातार बेहरा शोषण चक्की ते पिंडी पोयंता अनि एकाधिकारी पूँजीपतिरा शोषण कियाना तरीकाना हमेशा मुन्ने तुकू ज्यादा कूर आसोर दांता। 1940 तल 1949 नड़मा अमेरिका एकाधिकारी कम्पनिंग हर साल द शांघाई टेक्स्ट बुक, भाग उंदी

औसतन 24.356 अरब डालर उच्च एकाधिकारी मुनाफ़ दोरकी कींतांग। 1960 तल 1969 नइना इदु 67.47 अरब डालर एवता। जापान लोप्पा 1930 ते अतिरिक्त मूल्य ता दर 182 प्रतिशत बराबर मत्ता। 1954 ते इदु 313 प्रतिशत आत्ता अनि 1960 ते 345 प्रतिशत। इव रेंडासी रकम ता आंकड़ांग पोरो आधार आसी माटु पूंजीपति देश कुना लोप्पा धनी ओसो गरीब नइमा तीव्र धुवीकरण तुन हूड़ा परितोम।

## एकाधिकार होड़ तुन ओसो तीव्र कींता

खुला होड़ तल एकाधिकार पुट्टिता। मति एकाधिकार होड़ तुन खत्म किया परवो। इदिना विपरित, इद होड़ तुन ओसो तीव्र कींता बारांकु इत्तेके होड़ पूंजीवाद निजी मालिकाना ता देन आंदू। एकाधिकार पूंजीवाद निजी मालिकाना लेक्का बदलेमायो आंता अदिनके होड़ वेने खत्म आया परवो आंता। बारांकु इत्तेके उत्पादन साधन लगातार मुट्टामेंड एकाधिकारिरा कैदे दांता। तम्मा विरोधिर किन खत्म कियाला काजे एकाधिकारी संगठन हर संभव तरिका ना सहारा एतिंता अनि तम्मा प्रतिद्वन्द्विर किन पेरके दोब्बिता। होड़ वेल्ले तीव्र अनि क्रूर आसोर दांता। साम्राज्यवादी मंजिल लोप्पा पूंजीपतिर ओसो पूंजीवादिरा नइमा हायना-पिस्सना संघर्ष दोड़ रास्ता लेक्का ताकिंता:

एकाधिकार ओसो गैर एकाधिकार संगठन कुना नइमा होड़। पूंजीवाद ता परिस्थिति लोप्पा उत्पादन संकेंद्रण बचोन आतेकाई पूर्ण एकाधिकार दोरकी कियाना संभव मन्नो आंता। उंदी सही संख्या ते गैर एकाधिकारी संगठन हमेशा मंदिंतांगे। इदे आयवा एकाधिकारी पूंजीवाद सबसे विकसित मत्ता देश कुना लोप्पा वेने बेहरा संख्या ते मध्यम ओसो सुडला उद्यम इंजे वेने मंतांग। उदाहरण तुकू संयुक्त राज्य अमेरिका लोप्पा 40 लाख मैनुफैक्चरिंग उद्यम लोप्पा मध्यम ओसो सुडल उद्यम कुना संख्या 30 लाख तुकू ज्यादा मंता। एकाधिकारी ओसो गैर एकाधिकारी उद्यम कुना नइमा होड़ अनिवार्य मंदिंता।

एकाधिकार संगठन कुना नइमा आपस ते वेने कच्चा माल ता स्रोत, हाटुम ओसो परिवहन सुविधांग काजे तीव्र होड़ मंदिंता।

उंदे एकाधिकारी संगठन ता अलग-अलग उद्यम कुना नइमा वेने हाटुम, उच्चतर उत्पादन ओसो बिक्री कोटा काजे वेल्ले होड़ मंदिंता। इदे

आयवा इद्रम ता होइ उचुन एकाधिकारी संगठन कुन विघटन बगिल ओंतांग  
अनि पूना एकाधिकारी संगठन ओसो पूना होइ कुन पुट्टी कींतांग।

ट्रस्ट ओसो साझेदार संघ लोप्पा नेतृत्व काजे, स्टॉक नियंत्रण काजे  
ओसो मुनाफा ता बंटवारा काजे होइ बस्केने मारो आंता।

बुर्जुआ वर्ग ओसो संशोधनवादीर वेहाना लेक्का एकाधिकार पूंजीवाद  
“संगठित पूंजीवाद” हिल्ले। इदिना विपरीत, एकाधिकार होइ तुन तीव्र  
कींता अनि सामाजिक उत्पादन, निजी मालिकाना नइमा ता अंतरविरोध,  
अलग-अलग उद्यम कुना संगठित उत्पादन, सामाजिक उत्पादन ता  
अराजकता ता परिस्थितिंग नइमा ता अंतरविरोध कुन वेल्ले बेरसी कींता।  
लेनिन “खुला होइ तल पुटता एकाधिकार होइ तुन खत्म किया परवो। इदु  
होइ पोरो आरोप मंता अनि होइ संगेने पुट्टी कित्ताद मंता अदिन काजे बचोनो  
तीव्र अंतरविरोध, टकराव कुन पुट्टी कींता”<sup>5</sup> इंजी वेल्ले मुन्ने चिन्हित कित्तोर।  
“होइ ओसो एकाधिकार ता रेंडु अंतरविरोधी ‘सिद्धांत’ कुना संगठन  
पूंजीवाद ता असल रूप तुन तोहिंतांग। इदे संगठन इदिना विघटन इत्तेके  
समाजवादी क्रांति बगिल ओंता।”<sup>6</sup>

## वित्तीय पूंजी उंदी शक्तिशाली एकाधिकारी आंदू

**वित्तीय पूंजी ता निर्माण बैंकिंग पूंजी ओसो**

**औद्योगिक पूंजी ता मिलेमासी आंता**

साम्राज्यवाद ता पहली आर्थिक विशेषता एकाधिकार आंदू। दूसरा विशेषता  
वित्तीय पूंजी ता निर्माण ओसो वित्तीय अल्पतंत्र ता शासन। मैनुफैक्चरिंग  
लोप्पा इजारेदारी ता जन्म संगेने बैंकिंग उद्योग वेने पुट्टिता। खुला होइ ता  
कब्जा कियाना लोप्पा बैंक बिचौलिया ता भूमिका निभे कींता। इद समाज  
लोप्पा निष्क्रिय मत्ता धन तुन कम टाईम ता ऋण लेक्का मैनुफैक्चरिंग  
कियाना ओसो वाणिज्यिक पूंजीपतिरा इस्तेमाल काजे जमा कींता।  
साम्राज्यवाद ता मंजिल वायना संगे बैंक बिचौलिया तल मुन्ने हंजी उंदी  
शक्तिशाली एकाधिकार लेक्का बदलेमाता। बैंकिंग उद्योग लोप्पा  
एकाधिकार बैंकिंग ओसो मैनुफैक्चरिंग उद्योग कुना संबंध मूलभूत  
बदलाव तत्ता। बेहरा बैंक मैनुफैक्चरिंग स्टॉक कुन अस्सिसी  
मैनुफैक्चरिंग उद्योग लोप्पा घुसपैठ कींतांग। संगेने मैनुफैक्चरिंग  
एकाधिकारी संगठन वेने बैंक कुना स्टॉक अस्सिसी बैंकिंग उद्योग लोप्पा

घुसपैठ शुरू कीतांग। अदिना कारण ते एकाधिकारी बैंकिंग पूंजी ओसो एकाधिकारी मैन्युफैक्चरिंग पूंजी तीरम-तीरम उंदी दूसरा संगे कलियतांग अनि वित्तीय पूंजी ता जन्म आंता। “पूंजी ता संकेंद्रण; संकेंद्रण तल इजारेदारी (एकाधिकारी संगठन) कुना विकास; बैंकिंग ओसो मैन्युफैक्चरिंग उद्योग कुना विलय ओसो अविना कलियसी आयना विकास इव वित्तीय पूंजी पुट्टना ता मूल आंदू अनि इदिना सारवस्तु आंदू।”<sup>7</sup> “साम्राज्यवाद ता विशेषता मैन्युफैक्चरिंग पूंजी आयवा वित्तीय पूंजी आंदू।”<sup>8</sup> मुट्रामेंड मत्ता सबसे बेहरा पूंजीपतिर हंदी हिल्वा वित्तीय पूंजी ता मालिक बनेमांतोर, वित्तीय सम्राट बनेमांतोर। “हिस्सेदारी व्यवस्था” वित्तीय पूंजी राष्ट्रीय अर्थव्यवस्था तुन नियंत्रित कियाना मुख्य तरीका मंदिता। वित्तीय पूंजीपतिर नियंत्रण कियाना बदे बेहरा ज्वाइंट स्टॉक कम्पनी (मातृ कम्पनी), दूसरा ज्वाइंट स्टॉक कम्पनिंग ना स्टॉक (शेयर) अस्सिंतांग। उंदी बेरा अविना स्टॉक नियंत्रण ता कब्जा ते वात्ता इत्तेके अवु “पुत्र कम्पनिंग” बनेमांतांग। इव “पुत्र कम्पनिंग” अवे तरिकांग पोयसी बाकी “पोता कम्पनिंग” पोरो वेने तम्मा कब्जा कींतांग। इद तरीका संगे पूंजी ता तूलनात्मक रूप ते सुडला परिमाण वेने मूल पूंजी तुकू बचोनो गुना ज्यादा पूंजी तुन नियंत्रित ओसो मैन्युप्लेट किया परिंता। राष्ट्रीय अर्थव्यवस्था, मेहनतकश ओसो जनता पुट्टी कित्ता सम्पदा ता बेहरा हिस्सा मुट्रामेंड वित्तीय सम्राट लोरा कब्जा ते वांता। 1986 ते सिर्फ 18 अमेरिकी वित्तीय समूह 678.4 अरब डालर पूंजी तुन नियंत्रित कींतांग। इविना लोप्पाटल मॉर्गन ओसो रॉकफेलर समूह रेंडु सबसे बेहरा वित्तीय एकाधिकारी संगठन मत्तांग। अविनगा सबसे ज्यादा आर्थिक शक्ति मत्ता अनि अविना प्रभाव पूरा पूंजीवादी दुनिया लोप्पा फैलेमासी मत्ता। 1970 एवनल इव रेंडु वित्तीय समूह कुल 330.4 अरब डालर पूंजी तुन नियंत्रित कियानवु अमेरिका ता 18 बेहरा एकाधिकारी संगठन कुना नियंत्रित पूंजी एसेट्स कुना आधा मत्ता अनि इंग्लैंड, फ्रांस, जापान ओसो पश्चिमी जर्मनी ता सब्बे वित्तीय एकाधिकारी संगठन कुना पूंजी एसेट्स कुनक ज्यादा मत्तांग। मॉर्गन समूह नियंत्रति उद्यम राष्ट्रीय अर्थव्यवस्था ता विभिन्न सेक्टर कुना लोप्पा फैलेमासी मत्तांग। खासकर बुनियादी रूप ते कच्ची, इस्पात, विद्युत ओसो गैस, इलेक्ट्रानिक्स ओसो रसायन लेक्कटविना लोप्पा। सार्वजनिक सेवांग ओसो परिवहन कुना लोप्पा मॉर्गन समूह ता परिस्थिति वेल्ले मजबूत मत्ता अनि अदु अमेरिकी अर्थव्यवस्था लोप्पा महत्वपूर्ण भूमिका निभे कीसोर मत्ता। रॉकफेलर समूह

नियंत्रित उद्यम वेल्ले संकेद्रित मत्ता। 1970 ते इदिना 5 प्रमुख निर्य कम्पनिंग पूरा अमेरिका ता निर्य उत्पादन ता 94.1 प्रतिशत हिस्सा तुन नियंत्रित किता। इव रेडु समूह अमेरिकी अर्थव्यवस्था लोप्पा निर्णायक प्रभुत्व तासिंतांग।

## वित्तीय पूंजी राजनीतिक सत्ता ओसो

### बाकी ढांचा तुन सीधा नियंत्रित कींता

लेनिन “उंदी बेरा इजारेदारी बनेमाता इत्तेके अणु पूंजी ता बेहरा मात्रा तुन नियंत्रित कींतांग अस्के समाज ता पिस्वल विभिन्न सेक्टर कुना लोप्पा अविना घुसपैठ आंता”<sup>9</sup> इंजी चिन्हित किंतोर। उच्च एकाधिकारी मुनाफा ता जरूरत मत्तांकु मेहनतकश जनता ना वेल्ले शोषण ओसो उत्पीड़न कियाला काजे वित्तीय पूंजी राज्य ता आर्थिक प्राणशक्ति पोरो ने आयवा राजनीतिक शक्ति तुन वेने नियंत्रण कियाला पदकिंतांग। वित्तीय समूह उच्च अधिकारिर ओसो राज्य विधायक लोर किन रिश्त हींतांग अद्रमासी ओरु राज्य मशीनरी तुन नियंत्रित कियाला काजे ओरा गद्दा लेक्का काम कींतोर। बस्के-बस्के ओरु व्यक्तिगत रूप ते राज्य लोप्पा नेतृत्वकारी बनेमांतोर। युद्ध पेरके आइजेनहावर प्रशासन तुन उदाहरण लेक्का हूडाटू। आइजेनहावर, रॉकफेलर ओसो मॉर्गन समूह ता सहयोग ते सत्ता ते वांतोर। ओरा प्रशासन ता 271 उच्च अधिकारिरा लोप्पटल 150 बेहरा पूंजीपतिर मत्तोर। ओरा लोप्पटल गृह सचिव, डलेस, रॉकफेलर फाउंडेशन ता ट्रस्टी मत्तोर। रक्षा सचिव, विल्सन, जनरल मोटर्स कम्पनी ता मैनेजर मत्तोर। वरोर दूसरा रक्षा सचिव, गेट्स, मॉर्गन समूह लोप्पा वरोर महत्वपूर्ण मानेय मत्तोर अनि 1965 ते मॉर्गन गारंटी ट्रस्ट कम्पनी ता निर्देशक लेक्का चुनेमातोर, वित्त सचिव, हम्फ्री, क्लीवलैंड समूह ता वरोर प्रमुख उद्यम हान-ना माइनिंग कम्पनी ता जिम्मेदार अधिकारी मत्तोर। वित्तीय सम्राट राज्य ता राजनीतिक शक्ति तुने नियंत्रित कियवा ढांचा ता बाकी सेक्टर कुना पोरो वेने कब्जा कींतोर। समाचार पत्र, प्रकाशन, प्रसारण, दूरदर्शन ओसो फिल्म उद्योग सब्बे एकाधिकारी पूंजी ओसो वित्तीय सम्राट कुना अधीन आंतांग। रॉकफेलर समूह बेहरा “लोकहितैषी उद्यम” (फाउंडेशन, विद्वत सभाग, संग्रहालय, अस्पताल, “कल्याणकारी संगठन” ओसो सांस्कृतिक केंद्र) ना वेने मालिक मंदिता। इव सब्बे रॉकफेलर वित्तीय समूह संगे सामाजिक पिस्वल ता विभिन्न हंदिंग लोप्पा घुसपैठ कियाना हथियार आंदू।

## राजकीय एकाधिकारी पूंजीवाद

### पूँजी ओसो श्रम संबंध कुन कोड्डी ते एवसी कीतांग

एंगेल्स उंदी पूंजीवाद उंदी विशिष्ट मंजिल ते एर्विता इत्तेके “पूँजीवादी समाज ता असली एजेंट मत्ता राज्य उत्पादन प्रबंधन ता जिम्मेदारी जरूर तन्ना कैदे पोयंता”<sup>10</sup> इंजी भाविष्यवाणी कित्तोर। साम्राज्यवादी मंजिल लोप्पा उत्पादक शक्तिंग ना जबर्दस्त विकास आंता अस्के उचुन एकाधिकारी पूंजी समूह उत्पादक शक्तिंग कुन नियंत्रित कियाला लगातार विफल आसोर दांतांग। अद्रमासी “राज्य वेल्ले शक्तिशाली पूंजीपतिरा संघ संगे वेल्ले गरें आंता अनि मेहनतकश जनता ना क्रूर रूप ते उत्पीड़न कींता।”<sup>11</sup> इद राजकीय एकाधिकारी पूंजीवाद आंदू। राजकीय एकाधिकारी पूंजीवाद, पूंजीवादी मालिकाना ओसो एकाधिकारी पूंजी, राजनीतिक सत्ता ता संगठन पोरो टिकेमासी मत्ता एकाधिकारी पूंजीवाद आंदू।

राजकीय एकाधिकारी पूंजीवाद ता तीव्र विकास समकालीन साम्राज्यवाद ता उंदी प्रमुख विशेषता आंदू। दूसरी विश्व युद्ध कालम तल साम्राज्यवादी देशकु “राष्ट्रीयकरण” नीतिंग लागू कींतांग, इविना संगे राज्य निजी उद्यम कुन अस्सना लेवेके “सरकारी उद्यम” कुना लोप्पा सीधा निवेश कीतांग। कुल पूंजीवादी उद्यम कुना लोप्पा इव राजनीतिक एकाधिकारी पूंजीवादी उद्यम कुना वेल्ले बेहरा अनुपात शामिल मंता। 1986 ते पश्चिमी यूरोप ता 4 बेहरा देश कुना लोप्पा राजकीय एकाधिकारी पूंजीवादी उद्यम कुना हिस्सा दोड़ हिता लेक्का मत्ता।

देश	कर्मचारि ओसो मजदूर लोरा प्रतिशत हिस्सा	एसेट्स लोप्पा प्रतिशत हिस्सा
फ्रांस	11.2	33.5
पश्चिमी जर्मनी	8.7	22.7
इटली	11.6	28.0
युनाइटेड किंगडम	8.5	17.7

अमेरिका लोप्पा राजकीय एकाधिकारी पूंजीवाद ता विकास तन्ना विशेषतांग मत्तांग। दूसरी विश्व युद्ध ताकनास्के अमेरिकी सरकार बेहरा संख्या ते “राजकीय उद्यम” कुना स्थापना कित्ता। युद्ध पेरके अविन

एकाधिकारी पूंजीवादी समूह तुकू सत्ता दाम ते वमसिता। संगेने, अमेरिकी सरकार जनता तल कर पोयना संगे एकाधिकारी पूंजीवादी समूह तुन साहारा हियाना “रक्त संचारण” टैकनिक इस्तेमाल कित्ता।

“राष्ट्रीयकरण” ओसो “राजकीय उद्यम” कुना अतिरिक्त साम्राज्यवादी देश कु एकाधिकारी समूह कुना उच्च एकाधिकारी मुनाफा कुन तय कियाला काजे एकाधिकारी पूंजीपति वर्ग कुन हियाना सेवांग दोड़ हिता लेक्का मंता:

1. निवेश ता खतरा एतनास्के पूंजीपतिर सब्सिडी हियाला काजे राजकीय कोष ता इस्तेमाल कियाना;
2. कानून बने कीसी बजट पेश कियाना संगे एकाधिकारी पूंजी संगठन कुना पक्ष ते राष्ट्रीय आय ता उंदी बेहरा हिस्सा ता पुनर्वितरण कियाना;
3. एकाधिकारी पूंजीपतिरा पूंजी संकेंद्रण, संचय ओसो मध्यम, सुडला उद्यम कुन हड़पे कियाला अनुकूल परिस्थितिंग बने कियाना;
4. साम्राज्यवादी देश कु एकाधिकारी पूंजीपतिरा सेवा कियाना तरिकांग अलग-अलग मंदितांग, मति अविना लक्ष्य उंदे मंदिता (सर्वहारा वर्ग ता पूंजीवादी गुलामी तुन मजबूत बने कियाना)। “बुर्जुआ वर्ग उत्पादक शक्तिंग कुन बचोन ज्यादा कब्जा कीसोर दांता अचोने ज्यादा असली पूंजीवादी आसोर दांता अनि जनता ना शोषण अचोने ज्यादा कींता। मजदूर लोर ओसो उंदी बेरा श्रमिक ओसो सर्वहारा बनेमांतोर। पूंजीवादी संबंध सिर्फ मत्ता लेक्का मनवा लेवा अबु वेल्ले पोरो कोड्डी ते एर्वितांग।”<sup>12</sup>

बुर्जुआ वर्ग ता पक्ष कियानोर ओसो आधुनिक संशोधनवादिर विपरीत राजकीय एकाधिकारी पूंजीवाद लोप्पा राष्ट्रीय अर्थव्यवस्था पोरो नेतृत्व लागू कियाना लेक्कटा बदे वेने रकम ता समाजवादी तत्व हिल्ले इंतोर। इदिना उल्टा राजकीय एकाधिकारी पूंजीवाद उत्पादन संबंध कुना पूंजीवादी रूप तुन उचुन वेने बदले कीवो। इद साम्राज्यवादी देश कु एकाधिकारी संगठन कुना सेवा कियाना ओसो वित्तीय सम्राट लोरा शासन कुन मजबूत कियाना उंदी औजार आंदू। राजकीय एकाधिकारी पूंजीवाद एकाधिकारी पूंजी मजदूर वर्ग ओसो मेहनतकश जनता पोरो कियाना शोषण तुन मजबूत कींता, उपनिवेश लोरा लूट तुन पक्का कींता, शस्त्रीकरण ओसो युद्ध-तैयारिग ना गति तेज कींता अनि होड़ तुन तीव्र कीसिंता अद्रमासी पूंजीवादी समाज लोप्पा मत्ता अंतरविरोध वेल्ले तीव्र आंतांग। इदिन सर्वहारा वर्ग द शांघाई टेक्स्ट बुक, भाग उंदी



ओसो व्यापक मेहनतकश जनता ना लगातार बेरससोर मत्ता विरोध कुना सामना किया लागिता अनि संगेने इदु सर्वहारा क्रांति ता भौतिक परिस्थितिंग तैयार कियाना दिशा ते उंदी डाका ओसो मुन्ने दांता।

## **पूँजी निर्यात वित्तीय पूँजी ता दुनिया पोरो कब्जा पुट्टी कींता**

### **पूँजी निर्यात पूँजी ता अतिरिक्त ता उंदी इशारा आंदू**

“खुला होड़ ता कब्जा वाले पाड़ना पूँजीवाद ता विशेषता माल ता निर्यात कियानाद मत्ता। एकाधिकार ता कब्जा वाले पूना पूँजीवाद ता विशेषता पूँजी निर्यात कियानदु आंदू।”<sup>13</sup> पूँजी ता निर्यात एकाधिकार तुकू मुन्नेटा पूँजीवाद ता मंजिल लोप्पा वेन मंदिता; मति एकाधिकारी पूँजीवाद ता मंजिल ते एवसी इदिना व्यापक ओसो महत्वपूर्ण भूमिका बनेमांता। इदिना कारण साम्राज्यवादी देश कुना लोप्पा एकाधिकारी संघ मेहनतकश जनता क्रूर शोषण कियानदू पूँजी जमा कियाला मदद आंता। देश लोप्पा सब्बे मुनाफा हियाना कारोबार कुना पोरो मुन्ने ने एकाधिकार आत्ताद ता अनि बाकी कम विकसित स्थानीय कारोबार कुना लोप्पा उच्च एकाधिकारी मुनाफा ता गारंटी आया परतद हिल्ले, अद्रमासी बेहरा मात्रा ता जमा पूँजी “बेशी पूँजी” (surplus capital) आंता। इद “बेशी पूँजी” काजे मुनाफा आयना निकास बेगा दोरकिंता? स्पष्ट रूप ते बेगा पूँजी कमी मंदाना, मजदूरी कम मंदाना, जमीन, कच्चा माल सस्ता मंदाना ओसो उच्च मुनाफा दोरकी किया परना लेक्कटा विकासशील देश कुना लोप्पा दोरकिंता। सीधा (खनन, मैन्युफैक्चरिंग, रेलमार्ग, दुकान) ओसो पेरके मंजी (ऋण) निवेश संगे उच्च एकाधिकारी मुनाफा दोरकी कियाला काजे पूँजी ता निर्यात कियमूड़ांता अनि इद्रम विकासशील देश कुना व्यापक मेहनतकश जनता ना निर्मम शोषण आंता। पूँजी ता निर्यात 20 वी शताब्दी ता शुरू ते ने विकसित आया परता। 1970 ते प्रमुख पूँजीवादी देश कुना कुल पूँजी निर्यात 300 अरब डालर तुकू वेने ज्यादा आत्ता अनि इदु 1914 तुकू 5 गुना ज्यादा मत्ता।

पूँजी ता निर्यात विभिन्न देश कुना जनता ना शोषण ओसो उत्पीड़न कियाना उंदी साम्राज्यवादी हथियार आंदू

पूँजी निर्यात एकाधिकारी मुनाफा ओसो देश तुकू बाहर लूटे कियाना खोज लोप्पा एकाधिकारी पूँजीपति वर्ग इस्तेमाल कियाना उंदी महत्वपूर्ण

हथियार आंदू। इदिना संगे ओरु विभिन्न देश, विशेष रूप ते एशिया, अफ्रीका ओसो लेटिन अमेरिका देश कुना जनता तुन लूटे कींतोर। पाड़ना चीन ता उदाहरण हूडाटू। जापान विरोधी युद्ध कालम ते चीन लोप्पा कुल 4.3 डालर विदेशी पूंजी लागता। युद्ध मारता पेरके अदु 9.8 अरब डालर आत्ता, इदिना लोप्पा जापानी साम्राज्यवादीर निवेश ता हिस्सा सबसे बेहरा 6 अरब डालर मत्ता। इद विदेशी पूंजी चीन ता 70 प्रतिशत आधुनिक उद्योग ओसो परिवहन, 95 प्रतिशत कच्ची, इस्पात ओसो पेट्रोलियम उद्योग, 75 प्रतिशत विद्युत शक्ति, कोयला उद्योग कुन नियंत्रित कींता। आधा तुकू ज्यादा खाद्य प्रोसेसिंग उद्योग विदेशी पूंजी संगे ताकसोर मत्तांग। 1945 ते जापानी साम्राज्यवादिरा आत्मसमर्पण पेरके अमेरिकी साम्राज्यवाद चीन लोप्पा जापानी साम्राज्यवाद ता कब्जा तुन विस्थापित कित्ता। 1948 ते अमेरिकी साम्राज्यवाद ता चीन लोप्पा निवेश (“अमेरिकी मदद” तुन काल्पसी) चीन लोप्पा कुल विदेशी पूंजी निवेश ता 80 प्रतिशत मत्ता। विदेशी पूंजीवाद ता आक्रमण “सिर्फ चीन ता सामंती आर्थिक आधार तुने कमजोर कियवा लेवा इदु चीन लोप्पा पूंजीवादी विकास काजे जरूरी परिस्थितिंग वेने तैयार कित्ता।”<sup>14</sup> “साम्राज्यवादी ताकतकु चीन पोरो कियाना आक्रमण ता उद्देश्य, बदे डावुट हिल्ला सामंती चीन ता पूंजीवाद चीन लोप्पा बदले कियानाद हिल्ला मत्ता। अवु चीन तुन तम्मा अर्ध उपनिवेश लेवेके उपनिवेश लेक्का बदले कियाला आल्सतांग।”<sup>15</sup> दीर्घकालीन रूप ते बेहरा मात्रा ते विदेशी पूंजी ता ऊसा चीन ता सामाजिक उत्पादक शक्तिंग कुन वेल्ले कमजोर कित्ता। इदु चीनी जनता ना पिस्वल तुन वेल्ले तिप्पल ते दोब्बता अनि चीन तुन अर्ध सामंती-अर्ध औपनिवेशिक परिस्थिति ते वाटता।

दूसरी विश्व युद्ध पेरके पूंजीवादी देश कुनल पूंजी निर्यात वेल्ले बेरसता अनि अमेरिका सबसे बेहरा पूंजी निर्यात देश बने माता। 1914 ते अमेरिका सिर्फ 3.5 अरब डालर ता पूंजी निर्यात कीसी मत्ता। 1970 ते इदु उर् कोटसोरे 155.5 अरब डालर एवनल पोरो हत्ता इत्तेके 56 साल लोप्पा 43 गुना तुकू वेने ज्यादा बेरसता। पूंजी ता निर्यात लोप्पा तीव्र रूप ते बेरसना संगे एकाधिकारी पूंजीपतिरा उच्च एकाधिकारी मुनाफा लोप्पा वेने बेरसता। 1950 तल 1970 नड़म विदेश ते अमेरिकी निजी पूंजी निवेश तल आयना मुनाफा 88.77 अरब डालर बराबर मत्ता अनि 1970 ता आखरी एवनल इद मुनाफा विदेश ते कुल निजी निवेश मात्रा तुकू 14 प्रतिशत ज्यादा आत्ता। साम्राज्यवाद एशिया, अफ्रीका ओसो लेटिन अमेरिका लोप्पा निवेश आयना द शांघाई टेक्स्ट बुक, भाग उंदी

मुनाफा आश्चर्य रूप ते हिंदी हिल्ला मत्ता। उदाहरण तुकू 1970 ते एशिया, अफ्रीका ओसो लेटिन अमेरिका तल वायना मुनाफा कुल सीधा विदेशी पूंजी निवेश तल दोरकना मुनाफा ता 43.5 प्रतिशत मत्ता। वर्तमान कालम ते साम्राज्यवाद दुनिया बेहरा इलाका ता जनता ना सबसे ज्यादा नेतुर उंडना ओंडे बनेमाता।

दूसरी विश्व युद्ध पेरके निजी पूंजी निवेश ता परिमाण लोप्पा लगातार आसोर मत्ता वृद्धि ता अतिरिक्त साम्राज्यवादी देशकु राजकीय पूंजी निवेश बगिल वेल्ले ध्यान हियाणा शुरू कीतांग। राजकीय पूंजी निवेश ता प्रमुख रूप विदेशी “मदद” आंदू। 1945 नडमा तल 1917 नडमा एवनल अमेरिका विदेशी “सहायता” ता कुल परिमाण 149.6 अरब डालर एवनल हत्ता। इद विदेशी “मदद” तुन “अनुदान” ओसो “ऋण” लोप्पा वर्गीकृत कित्ताद मत्ता। “अनुदान” पोरो-पोरो मुफ्त हियमूडांता मति असल ते अविना संगे शर्तकु जुड़ेमासी मंदितांग इविना संगे अनुदान कित्ता देश कुन नियंत्रण कियमूडांता। माओ त्से-तुंग वेल्ले जोम मुन्ने अमेरिकी साम्राज्यवादी “मदद” ता प्रतिक्रियावादी राजनीतिक उद्देश्य ता पर्दाफाश कित्ताद मत्ता (“अनुदान पाहिजे, इत्तेके खुशी-खुशी ते एताटू, मति संगेने शर्त कुन वेने। अव शर्तकु-मीकिन नावा हर्दे ताका लागियर।”<sup>16</sup> इंजेटा उचुक साल कुना लोप्पा साम्राज्यवादी देश कुनल दोरकना ऋण कुना अनुपात बेरससोर दांता अनि “अनुदान” ता अनुपात घटेमासोर दांता। इव ऋण 5 प्रतिशत तुकू ज्यादा ब्याज हर संगे हींतोर। ब्याज ता उच्चतम दर 8 प्रतिशत आत्ता। संगेने बचोनो आर्थिक, राजनीतिक ओसो सामारिक शर्तकु वाटसिंतोर। इद सिर्फ नेतुरे उनवा लेवा साम्राज्यवादी आक्रमण ओसो विस्तावादी नीति ना अमल ओसो विश्वव्यापी कब्जा काजे आयना लड़ाई लोप्पा इस्तेमाल आयना उंदी महत्वपूर्ण हथियार वेने आंदू।

साम्राज्यवादी देश कुना संगे पूंजी निर्यात औपनिवेशिक, अर्धऔपनिवेशिक देश ओसो अगाटा जनता तुकू पिस्सा परवाचोन तिप्पल कु तत्तांग। साम्राज्यवादी ओसो संशोधनवादीर इव आक्रमक सही कार्यवाहिंग कुन सही साबित कियाना पूरा कोशिश कींतोर। ओरु पूंजी ता निर्यात आर्थिक रूप ते अल्पविकसित देश कुना आर्थिक रूप ते समृद्ध बनेमायला “मदद” आंतांग इंतोर। सोवियत संशोधनवादी गद्दार लोरा इव पोल्लोंग कुन केंजानोरा संख्या दिय्या-दिय्या तुकू कम आसोर दाया मंता।

## अंतरराष्ट्रीय एकाधिकारी एकता संगे दुनिया ता आर्थिक रूप ते बंटवारा

### अंतरराष्ट्रीय एकाधिकारी एकता उंदी अति एकाधिकार आंदू

बदे देश ता एकाधिकारी संगठन सबसे मुन्ने स्थानीय हाटुम ता बंटवारा कींता। पूंजीवाद लोप्पा स्थानीय हाटुम विदेशी हाटुम संगे गटिंग जुड़ेमासी मंदिता। पूंजी ता निर्यात बेरसना, अंतरराष्ट्रीय सहयोग ओसो सबसे बेहरा एकाधिकारी एकता ता प्रभाव विस्तार आतेके बचोनो देश कुना मुद्रामेंड एकाधिकारी संगठन कलियसी दुनियामेंड उचुन माल उत्पाद ओसो वितरण पोरो कब्जा किया परितंग। इव बेहरा एकाधिकारी संगठन कुना ताकत लगभग उंदी लेक्काने मंदिता अनि इवु तम्मा मुनाफा काजे उचुन विशेष परिस्थितिंग लोप्पा, अस्थाई अंतरराष्ट्रीय समझौता किया परितंग, एकाधिकारी कीमत तय कियाला काजे एकता बने किया परितंग, कच्चा माल ता स्रोत ओसो वितरण-हाटुम ता बंटवारा किया परितंग, उत्पादन कोटा तुन तय किया परितंग अनि इद्रम उंदी अंतरविरोधी एकाधिकारी संगठन बने किया परितंग। इव एकाधिकारी संगठन मुन्ने ने उंदी देश ता हंदी तुन वेंडसी मंदितांग। लेनिन इविन “अति-एकाधिकारीर” (Super monopolies) पोरोल हींतोर।

इव अति-एकाधिकारी संगठन 1870 दशक गरें पुटसी मत्तांग अनि 20वीं शताब्दी लोप्पा वेल्ले विकसित आतांग। दूसरी विश्व युद्ध पेरके पूना अंतरराष्ट्रीय एकाधिकारी संगठन बनेमातांग अनि उचुन पाड़नावु विघटित आतांग। आंकड़ा अनुसार 1968 एवनल अंतरराष्ट्रीय एकाधिकारी कम्पनिंग ना कुल पूंजी एसेट्स (खाता मूल्य) 94 अरब डालर मत्ता। अविना विदेशी सहायक कम्पनिंग ना वार्षिक उत्पादन मूल्य 240 अरब डालर मत्ता। 5 सबसे बेहरा अंतरराष्ट्रीय एकाधिकारी संगठन मत्तांग-जनरल मोटर्स कम्पनी, न्यू जर्सी स्टैण्डर्ड ऑयल कम्पनी, फोर्ड मोटर कम्पनी, ब्रिटिश-डच शेल ऑयल कम्पनी ओसो जनरल इलेक्ट्रिक कम्पनी। अंतरराष्ट्रीय एकाधिकारी कम्पनिंग विकास आतांकु दुनिया लोप्पा एकाधिकारी वित्तीय समूह कुना उत्पादन ओसो व्यापक एकाधिकार मजबूत आसोर हत्ता। पूंजीवादी दुनिया ता रबर, टायर, तेल, तम्बाखू (बुस्साक), फार्मास्युटिकल ओसो ऑटोमोबाइल लेक्कटा मैनुफैक्चरिंग लगभग पूराए अंतरराष्ट्रीय एकाधिकारी संगठन कब्जा ते मत्तांग। इंजे ग्रामीण स्तर ते अंतरराष्ट्रीय द शांघाई टेक्स्ट बुक, भाग उंदी

एकाधिकारी एकता विकास ता पूना वस्तुंग मुन्ने वातांग। पश्चिमी यूरोप ता हाटुम ओसो यूरोपीय मुक्त व्यापार, आर्थिक रूप ते अंतरराष्ट्रीय एकाधिकारी एकता ता पूना उदाहरण आंदु। अविना विकास, विस्तार अमेरिका ओसो सोवियत संघ ता दुनिया तुन तूसना कोशिश कुन रोमी कींता।

## अंतरराष्ट्रीय एकाधिकारी एकता नडमा

### संघर्ष तीव्र आसोर दाया मंता

साम्राज्यवाद मंजिल लोप्पा एकाधिकारी संगठन ता जबरदस्त विकास संसाधन कुना सपलाई, माल काजे पूना हाटुम ओसो पूंजी निवेश ता पूना इलाका ना जरूरत पुट्टी कींता। साल 1969 ता उदाहरण हूडाटू। अमेरिका एशिया, अफ्रीका, लेटिन अमेरिका तल कच्चा माल आयात ता अनुपात इद्रम मत्ता:- टिन अयस्क लगभग 100 प्रतिशत; मैंगनीज अयस्क 91.9 प्रतिशत; तांबा अयस्क 78.2 प्रतिशत; पेट्रोलियम 62.9 प्रतिशत; क्रोमियम ओसो बाकी 41.6 प्रतिशत। जापान, पश्चिमी जर्मनी ओसो इंग्लैंड एशिया, अफ्रीका, लेटिन अमेरिका तल कच्चा माल ता आयात प्रतिशत वेने वेल्ले मंता। अद्रमासी अंतरराष्ट्रीय एकाधिकार संगठन नडमा कच्चा माल ता स्रोत सपलाई काजे आयना संघर्ष लगातार बेरससोर दांता।

बचोनो देश कुना एकाधिकार पूंजीपतिर मध्य पूर्व ते निय्य काजे इव इलाकांग लोप्पा घुसपैठ कियाना पूरा कोशिश कींतोर, अदिना कारण ते इगा संघर्ष तीव्र ओसो जटिल आंता।

विभिन्न देश कुना एकाधिकारी संगठन कुना नडमा माल वम्मला काजे हाटुम काजे आयना संघर्ष वेने वेल्ले तीव्र मंता। दूसरी विश्व युद्ध पेरके अमेरिकी ता पूंजीवादी दुनिया ता हाटुम पोरो कब्जा मत्ता। इदिना कुल निर्यात ता परिमाण पूंजीवादी दुनिया ता निर्यात ता एक तिहाई मत्ता। मति पश्चिमी यूरोप ओसो जापान ता आर्थिक ताकत बेरसना संगे अमेरिका कब्जा शुरू आत्ता। 1917 ते पूंजीवादी दुनिया ता कुल निर्यात लोप्पा अमेरिका हिस्सा घटेमासी 14.2 प्रतिशत आत्ता। एशिया, अफ्रीका ओसो आस्ट्रेलिया ता एकाधिकारी संगठन हाटुम काजे तीव्र संघर्ष लोप्पा डेयता। अमेरिका ता पश्चिम ते जापानी ऑटोमोबाइल कुना रेले (Rayleigh) तुकू वेरियसी फोर्ड मोटर कम्पनी ता अध्यक्ष हेनरी फोर्ड “इदे आयवा जापानी लोर जल्दिए अमेरिका ता गुंडे ते नेंगसोर” वायनूर इंजी किलतोर। लेनिन “पूंजीपतिरा नडमा ता दुनिया ता बंटवारा आत्ता कारण ते ओरु दोड़ ता दर्जा ते हिल्लेर।

असल इत्तेके पूंजी ता संकेंद्रण मुनाफा कमई कियाला काजे ओरगा बदे दूसरा हरी हिल्वा मत्ता मंजिल ते एवतोर”<sup>17</sup> इंजी वेहतोर।

अंतरराष्ट्रीय एकाधिकारी एकता मुख्य रूप ते उंदी अंतरराष्ट्रीय एकाधिकारी संगठन आंदू इदिन उच्च एकाधिकारी मुनाफा काजे विभिन्न देश कुना पूंजीपतिर दुनिया ता हाटुम तुन तूसला काजे बने कीसी मत्तोर। मति दुनिया तुन तूसला काजे विभिन्न देश कुना एकाधिकारी पूंजीपतिर आपसी अंतरविरोध ओसो एकता अल्पकालीन मंदा परिता। उच्च एकाधिकारी मुनाफा पेरके वित्तना ओरा रुझान ओरा नइमा ता संघर्ष हमेशा मंदिता इंजी गारंटी कींता। साम्राज्यवाद ओसो संशोधनवाद पूंजी ता अंतरराष्ट्रीयकरण राष्ट्र नइमा शांति संभावना पुट्टी कियार इंतोर। इद भ्रम ता लेनिन तीखा आलोचना कित्तोर। ओरु “अलग-अलग स्थानीय ओसो तात्कालीन कारण कुनल अंतरराष्ट्रीय एकाधिकारी संगठन कुना नइमा बार-बार बदलेमाया परितांग। मति बस्के एवनल वर्ग मंदिता, अस्के एवनल संघर्ष ता रूप ओसो वर्ग संघर्ष बस्केने बदलेमायो इंजी स्पष्ट कित्तोर।”<sup>18</sup> हत्ता लगभग आधा सदी ता इतिहास लेनिन ना इद वैज्ञानिक निर्णय तुन पूरा सही साबित कित्तोर।

## **दुनिया ता विभाजन ओसो पुनर्विभाजन काजे साम्राज्यवादी ताकत कुना नइमा होइ**

### **उपनिवेश साम्राज्यवादिरा पिस्वल ता महत्वपूर्ण शर्त आंदू**

साम्राज्यवाद कालम ते साम्राज्यवादी पूंजी दुनिया ता आर्थिक बंटवारा अनिवार्य रूप ते उपनिवेश लेक्का दुनिया तुन तूसिता। उपनिवेशवादी नीति ता अमल ओसो उपनिवेश काजे पिङ्गना-ऊंदना आदिम पूंजी जमा कियाना मंजिल लोप्पाने शुरू आसी मत्ता। मति उपनिवेश काजे संघर्ष साम्राज्यवाद मंजिल लोप्पाने तीव्र आत्ता अनि साम्राज्यवादी देश कुना नइमा दुनिया ता बंटवारा काजे संघर्ष तेज आसोर हत्ता। इदिना कारण दोइ रास्ता लेक्का मंता:

पहली, उपनिवेश साम्राज्यवाद काजे कच्चा माल ता सबसे महत्वपूर्ण स्रोत मंता। एकाधिकार बेहरा स्तर ते उत्पादन तुन पुट्टी कींता। उत्पादन ता स्तर बेरसोर दायनास्के कच्चा माल ता जरूरत वेने बेरसिता, अविना स्रोत कुना पोरो कब्जा कियाना वेने अचोने महत्वपूर्ण आसोर दांता। लेनिन

“पूँजीवाद उन्नत आसोर दायना संगे-संगे कच्चा माल कमी आसोर दांता अनि इदिना संगेने दुनिया ता कच्चा माल स्रोत काजे संघर्ष वेने तीव्र आसोर दांता, अद्रमासी उपनिवेश तुन बने कियाला संघर्ष वेने तेज आंता इंजी स्पष्ट कित्तोर।”<sup>19</sup>

दूसरा, उपनिवेश साम्राज्यवादी पूँजी निर्यात काजे सबसे मुनाफा मत्ता निकास आंदू। उपनिवेश लोप्पा साम्राज्यवादी देश कुना एकाधिकारी संगठन मेहनतकश जनता ना ज्यादा निर्मम शोषण ओसो उत्पीड़न किया परितंग। इगा अबु एकाधिकारी तरीका संगे होइ तुन वेल्ले हल्कोए उंदी ओदा किया परितंग अनि तम्मा निर्यात पूँजी काजे उच्च एकाधिकार मुनाफा ता गारंटी किया परितंग।

तीसरा, एकाधिकारी संगठन काजे उपनिवेश सबसे ज्यादा मुनाफा मत्ता हाटुम आंदू। इगा तम्मा एकाधिकार तुन मत्ता लेक्का तासला काजे साम्राज्यवादी संरक्षणात्मक तरिका ना सहारा एता परितोर।

चौथा, साम्राज्यवादी देश कुना नइमा दुनिया पोरो कब्जा ता संघर्ष लोप्पा उपनिवेश महत्वपूर्ण रणनीतिक आधार-इलाका आंदू। साम्राज्यवादीर अगा बेहरा संख्या ते तम्मा सैन्य आधार इलाकांग स्थापित किया परितोर, बेहरा मात्रा ते रणनीतिक रूप ते महत्वपूर्ण सामाग्रि कुन लूटे किया परितोर अनि तम्मा साम्राज्यवादी नीतिंग कुना सेवा कियाला काजे बेहरा संख्या ते सैनिक भर्ती किया परितोर।

पूर्ण रूप ते उपनिवेश साम्राज्यवादी पिस्वल ता महत्वपूर्ण शर्त मंदिता। “उपनिवेश कुना पोरो कब्जा कीसीए एकाधिकारी संगठन कुना जीत आया परिता।”<sup>20</sup> अदिन काजे साम्राज्यवादी देश हमेशा उपनिवेश कुन बेरसी कियाला काजे पिड़गना- ऊंदना कीसोर मंदितांग। 1870 दशक पेस्के साम्राज्यवादी ताकत कुना नइमा दुनिया ता बंटवारा काजे संघर्ष वेल्ले तेज आत्ता। 1914 एवनल इंग्लैंड, रूस, फ्रांस, जर्मनी ओसो अमेरिका 6 करोड़ 50 लाख वर्ग किलोमीटर इलाका पोरो कब्जा कीतांग अनि 52 करोड़ 30 लाख लोकुरा पोरो राज कीसोर मत्तांग। इविना लोप्पा वेने इंग्लैंड पेस्के सबसे ज्यादा इलाकांग पोरो रूस कब्जा कीसी मत्ता। अस्के रूस ता कुल 2 करोड़ 80 लाख वर्ग किलोमीटर इलाका ते 1 करोड़ 74 लाख वर्ग किलोमीटर इलाका उपनिवेश कुना मत्ता। लेनिन “जारशाही सरकार बाकी राष्ट्रीय सरकार कुना तुलना ते वेल्ले खुल्लमखुल्ला तरीका जनता तुन लूटे

कियाना, गुलान बने कियाना ओसो युद्ध प्रतिक्रियावादी तरिका पोयता इंजी स्पष्ट वेहतोर।”<sup>21</sup> जारशाही रूस “बचोनो राष्ट्रीयतांग ना कारागार मत्ता।”<sup>22</sup>

चीन वेल्ले जोम तल साम्राज्यवादी ताकत कुना ऊंदना-पिङ्गना रण-मैदान बनेमासी मत्ता। 19वीं शताब्दी पेरके चीन पोरो हमला कियाना साम्राज्यवादी ताकतकु तम्मा-तम्मा आर्थिक ओसो सामरिक स्तर ता अनुपात लोप्पा तम्मा-तम्मा प्रभावित मत्ता इलाकांग तूसिसी अदिन उंदी अर्थ उपनिवेश लेक्का बदले कित्ता। उदाहरण तुकू यागंत्से डोड्डा ता नड्मा ओसो दोड़ ता इलाकांग लोप्पा वायना प्रांत ब्रिटिश कब्जा ते मत्ता; युनान, क्वांग तुंग ओसो क्वांगशी प्रांत फ्रांस ता प्रभावित मत्तांग। 1905 ते रूस-जापान युद्ध पेरके उत्तर-पश्चिम चीन ता दक्षिणी हिस्सा जापानी कब्जा ते वात्ता। चीन ता साम्राज्यवादी लूट काजे “तम्मा कूरता फैले कियाना”<sup>23</sup> पहली देश जारशाही रूस मत्ता। पाङ्गना जार चीन पोरो “कल्लेर लेक्का”<sup>24</sup> हमला कित्तोर अनि उंदी करोड़ पच्चास लाख वर्ग किलोमीटर चीनी इलाका पोरो कब्जा कित्तोर, इदु फ्रांस ता क्षेत्रफल ता 3 गुना ओसो चेकोस्लोवाकिया क्षेत्रफल ता 12 गुना मत्ता।

## उपनिवेश कुना विभाजन ओसो पुनर्विभाजन

### अनिवार्य रूप युद्ध तुन पुट्टी कींता

उच्च एकाधिकारी मुनाफा कमई कियाला काजे साम्राज्यवाद अनिवार्य रूप ते आक्रमक ओसो विस्तारवादी रूप एतिंता अनि दुनिया ता बंटवारा, पुनर्विभाजन काजे पिङ्गना-ऊंदना कींतोर। इद होड़ ता कारण ते साम्राज्यवादी देश कुना तुलनात्मक ताकत तय आंता। शक्तिशाली देश दुनिया पोरो कब्जा कींता। इद साम्राज्यवादी होड़ ता समाधान युद्ध संगे आंता। बस्के एवनल साम्राज्यवाद मंदिंता, अस्के एवनल युद्ध अनिवार्य रूप ते मंदिंता। साम्राज्यवादी उपनिवेश ओसो दुनिया पोरो कब्जा काजे आपस ते लडेमासोर मंदिंता अनि युद्ध संगे उच्च एकाधिकारी मुनाफा दोरकी कींतांग। लेनिन “आधुनिक युद्ध साम्राज्यवादे पुट्टि कित्ता इंजी चिन्हित कित्तोर।”<sup>25</sup> 20वीं शताब्दी तुकू मुन्ने आत्ता रेंडु विश्वयुद्ध दुनिया ता विभाजन ओसो पुनर्विभाजन, दुनिया पोरो कब्जा काजे साम्राज्यवादी ताकत आपसी संघर्ष ता कारण ते आत्ता।

आर्थिक एकाधिकारी साम्राज्यवाद ता बुनियादी अंतरविरोध कुन तीव्र कींता अनि पूंजीवादी राजनीतिक-आर्थिक संकट कुन मजबूत कित्ता।



राजनीतिक-आर्थिक संकट कुना समाधान काजे देश लोप्पा वर्ग अंतरविरोध कुन न्यूनीकृत कियाला काजे ओसो पूंजीवादी व्यवस्था तुन बचे कियाला काजे साम्राज्यवाद ताकत युद्ध शुरू कीतांग अनि आत्मघाती संघर्ष कुना लोप्पा डेयिंगांग। माओ त्सेतुंग “साम्राज्यवादी विश्व युद्ध साम्राज्यवादी देशकु खुद ता आर्थिक-राजनीतिक संकट कुना समाधान काजे कोशिश कियाना कारण ते शुरू आंता इंजी वेहतोर।”<sup>26</sup>

उंदी बेरा माटु साम्राज्यवाद ता आर्थिक सच्चाई तुन समजेमातेके माटु लेनिन ना “उत्पादन साधन कुना निजी मालिकाना ता बुनियाद पोरो साम्राज्यवाद युद्ध ताकना जरूरी मंता” इंदाना पोल्लो तुन समजेमांतोम।<sup>27</sup> अमेरिका साम्राज्यवाद युद्ध तल हादिता। रेंडासी विश्व युद्ध लोप्पा अमेरिका एकाधिकारी संगठन बेहरा स्तर ते हथियार कुना कारोबार कीसोर मत्ता अनि युद्ध तल हंदी हिल्वाचोन मुनाफा कमई कीतांग। पहली विश्व युद्ध अमेरिका एकाधिकारी पूंजीपतिर 38 अरब डालर ता मुनाफा कमई कित्ता; दूसरी विश्व युद्ध लोप्पा अवु 117 अरब डालर मुनाफा ओसो अमेरिका पूंजीवादी दुनिया ता सिरमौर बनेमाता। ताना पेरेकेटल अमेरिका एकाधिकारी पूंजीपति वर्ग तुरंत अमीर बनेमायना हर्री युद्ध ता रूप ते दिसिंता अनि लगातार आक्रमणकारी युद्ध कीसोर मत्ता। आंकड़ांग ना अनुसार कोरिया ता आक्रमणकारी युद्ध लोप्पा अमेरिका एकाधिकारी पूंजी 115.4 अरब डालर ता मुनाफा कमई कित्ता। वर्गए 1964 ओसो 1965 ते वियतनाम आक्रमणकारी युद्ध लोप्पा कमई कित्ता मुनाफा ता परिमाण 76 अरब डालर मत्ता। अमेरिका अरबपतिरा कीसा ते दायना हर डालर मेहनतकश लोकुरा नेतुर संगे मुइंदसी मत्ता। बस्के एवनल साम्राज्यवाद मंदिता अस्के एवनल आधुनिक युद्ध ता स्रोत मंदिता। युद्ध तुन खत्म कियाना इत्तेके अनिवार्य रूप ते साम्राज्यवाद तुन खत्म किया लागियर।

साम्राज्यवादी व्यवस्था ता रक्षा कियाना उद्देश्य ते जनता तुन धोखा हियाला काजे साम्राज्यवादी ओसो संशोधनवादी परताचोन पोंगडिंग कींतोर। इद्रमताए अंगडम ता पोल्लो ‘अतिसाम्राज्यवाद बारे ते’ पोरोल ता सिद्धांत लोप्पा मंता, इदिन पहली विश्व युद्ध ताकनास्के दूसरी इंटरनेशनल ता नेतृत्व काउत्स्की बने कित्तोर। ओरु साम्राज्यवाद बाहरी विस्तार ओसो आक्रमण एकाधिकारी पूंजीवाद ता सार तल तय आंता इंदाना तथ्य तुन ओरु पुंजी-पुंजी वेल्ले जोरदार तरिका ते इव सब्बे साम्राज्यवादी सचेतन नीतिंग आंदुंग इंजी वेहतोर। अदिनके “नव अति साम्राज्यवाद ता नीतिंग

दुनिया ता शोषण काजे अंतरराष्ट्रीय वित्तीय संघर्ष कुना जागा ते अंतरराष्ट्रीय सहयोग आंता इतोर।” अद्रमासी उंदी स्थाई शांति वायर। इदु भ्रम तुन तुकडेंग-तुकडेंग कीसोरे लेनिन “काउत्स्की ना ‘अतिसाम्राज्यवाद ता बारे ते’ लक्ष्य पूंजीवाद लोप्पा स्थाई शांति दोरकी कियमूडांता इंजी भ्रम पुट्टी कियाना मत्ता। इदु जनता तुन बकवल बने कियाना प्रतिक्रियावादी विचार आंदू। इदु नेटा कालम ते तीव्र अंतरविरोध ओसो समाधान हिल्ला समस्यांग नल ध्यान भटके कीसी ‘नव अतिसाम्राज्यवाद’ ता भ्रम ते भविष्य तुन लेसी कियाना तरीका आंदू इंजी वेहतोर।”<sup>28</sup> काउत्स्की “अतिसाम्राज्यवाद ता बारे ते” ना सिद्धांत बने कियानास्केटले सब्बे संशोधनवादिर इदिन उंदी कीमती खजाना लेक्का हूडितोर। ओरु अलग रूप ओसो परिस्थितिंग लोप्पा इद “सिद्धांत” तुन बार-बार प्रचार कींतोर। ब्रेझनेव ना नेतृत्व ते आधुनिक सोवियत रूसी संशोधनवादिर समकालीन दुनिया ता रेंडु महा शक्ति ना नड्मा पोरोल तुके आत्ता समझौतांग कुन “स्थाई शांती ता ढांचा” लेक्का पेश कितोर। अविना नड्मा गंभीर अंतरविरोध पोरो पर्दा वाटना हर संभव कोशिश किया मंतोर, इद्रम कीसी जनता तुन धोखा हीसोरे विरोधी पक्ष तुन शांत कियाना अनि तम्मा साम्राज्यवादी विस्तार कुना हरी पंडितोर। साम्राज्यावद लोप्पा होइ अनि षडयंत्र वेने मंदितांग। वायना कालम ते बेहरा स्तर ते होइ ते रैन्या इंजी षडयंत्रंग कींतोर। होइ निरपेक्ष, दीर्घकालीन मंदितांग अनि षडयंत्र अल्पजीवी मंदिता। नेटा अस्थाई समझौता नाड़ी ता व्यापाक होइ काजे मंच तैयार कींता।

एकाधिकार साम्राज्यवाद ता सबसे मजबूत आर्थिक बुनियाद मंता। इद साम्राज्यवाद ता आक्रमक ओसो लुटेरे रूप तुन तोहिंता अनि बदलेकीसोर मंदिता। माओ त्सेतुंग “माटु साम्राज्यवाद वेल्ले खतरनाक मंता इंतोम इत्तेके इदिना रूप बस्केने बदलेसोर हिल्ला मंदिता। साम्राज्यवादीर तम्मा विनाश आयनाजोम हथियार तासोर अनि खुद तम्मा इच्छा ते बौध वेने बनेमायोर इंतोम इंजी वेल्ले स्पष्ट रूप ते वेहतोर।”<sup>29</sup>

## प्रमुख अध्ययन संदर्भः

- ☞ लेनिन, साम्राज्यवाद, पूंजीवाद ता कोड्डी ते एवसी मत्ता कालम,
- ☞ माओ, “नवजनवाद ता बारे ते”
- ☞ माओ, “भ्रम कुन दूर कियाना अनि संघर्ष कुना तैयारी कीमुट”

## समीक्षात्मक सवालः

1. साम्राज्यवाद ता बुनियादी विशेषता बाताल? माटु एकाधिका साम्राज्यवाद ता सबसे गंभीर आर्थिक बुनियाद आंदू इंजी बारांकु इंतोम?
2. माटु साम्राज्यवाद ता रूप बदलेमायवा मंता इंजी बारांकु इंतोम? ‘अति साम्राज्यवाद ता बारे ते’ ओसो इदिना बाकी संस्करण कुना आलोचना कीमुट।

## टिप्पणिगः

1. “साम्राज्यवाद ओसो समाजवादी आंदोलन लोप्पा आत्ता फूट”, लेनिन ना संकलित रचनांग, भाग 2, चीनी संस्करण, 1972, पे. 883
2. पोरो रास्तादे पे. 808
3. पोरो रास्तादे पे. 817
4. “अंतरविरोध कुना बारे ते”, माओ त्सेतुंग ना संकलित रचनांग, भाग 1, चीनी संस्करण, 1968, पे. 289
5. “साम्राज्यवाद, पूंजीवाद ता कोड्डी ते एवसी मत्ता कालम”, लेनिन ना संकलित रचनांग, भाग 2, चीनी संस्करण, 1972, पे. 807-808
6. “पार्टी चार्टर लोप्पा सुधार काजे सामग्री”, लेनिन ना संकलित रचनांग, भाग 24, पे. 431-432
7. “साम्राज्यवाद, पूंजीवाद ता कोड्डी ते एवसी मत्ता कालम”, लेनिन ना संकलित रचनांग, भाग 2, चीनी संस्करण, 1972. पे. 769
8. पोरो रास्तादे पे. 810
9. पोरो रास्तादे पे. 779
10. एंगेल्स, “ड्यूहरिंग मत-खंडन”, मार्क्स-एंगेल्स ना चुने कित्ता रचनांग, भाग 3, चीनी संस्करण, 1972, पे. 317
11. “राज्य ओसो क्रांति”, लेनिन ना संकलित रचनांग, भाग 3, चीनी संस्करण, 1972, पे. 171

12. एंगेल्स, “ड्यूहरिंग मत-खंडन”, मार्क्स-एंगेल्स ना चुने कित्ता रचनांग, भाग 3, चीनी संस्करण, 1972, पे. 318
13. “साम्राज्यवाद, पूंजीवाद ता कोड़ी ते एवसी मत्ता कालम”, लेनिन ना संकलित रचनांग, भाग 3, चीनी संस्करण, 1972, पे. 782
14. “चीनी क्रांति ओसो चीनी कम्युनिस्ट पार्टी” माओ त्सेतुंग ना संकलित रचनांग, भाग 2, चीनी संस्करण, 1968, पे. 589
15. पोरो रास्तादे पे. 591
16. “अलविदा लीटन स्टुअर्ट” माओ त्सेतुंग ना संकलित रचनांग, भाग 4, चीनी संस्करण, 1968, पे. 1384
17. लेनिन, “साम्राज्यवाद, पूंजीवाद ता कोड़ी ते एवसी मत्ता कालम”, लेनिन ना संकलित रचनांग, भाग 2, संकलित रचनांग, भाग 2, चीनी संस्करण, 1972, पे. 795
18. पोरो रास्तादे पे. 795
19. पोरो रास्तादे पे. 802-803
20. पोरो रास्तादे पे. 802
21. “समाजवाद ओसो युद्ध” लेनिन ना सम्पूर्ण रचनांग, भाग 21, पे. 313-314
22. “क्रांतिकारी सर्वहारा वर्ग ओसो राष्ट्रीय आत्मनिर्णय” लेनिन ना सम्पूर्ण रचनांग, भाग 21, पे. 392
23. “चीनी युद्ध”, लेनिन ना सम्पूर्ण रचनांग, भाग 4, पे. 335
24. पोरो रास्तादे पे. 336
25. “वामपंथी जिम्मरवाल्डिस्टों का मसौदा निर्णय”, लेनिन ना सम्पूर्ण रचनांग, भाग 21, पे. 324
26. “वर्तमान परिस्थितिंग ओसो पार्टी काम”, माओ त्सेतुंग ना संकलित रचनांग, भाग 2, चीनी संस्करण, 1968, पे. 568
27. ‘साम्राज्यवाद, पूंजीवाद ता कोड़ी ते एवसी मत्ता कालम, ता फ्रांस ओसो जर्मन संस्करण कुना भूमिका’, लेनिन ना संकलित रचनांग, भाग 2, चीनी संस्करण, 1972, पे. 733
28. “साम्राज्यवाद, पूंजीवाद ता कोड़ी ते एवसी मत्ता कालम” लेनिन ना संकलित रचनांग, भाग 2, चीनी संस्करण, 1972, पे. 836
29. “भ्रम तुन विइसाटु अनि संघर्ष कियाला तैयार आयमूट”, माओ त्सेतुंग ना संकलित रचनांग, भाग 4 चीनी संस्करण, 1968, पे. 13 75-76

**दस**

## **साम्राज्यवाद सर्वहारा समाजवादी क्रांति तुकू मुन्नेटा कालम आंदू**

**साम्राज्यवाद कड़ियसोर मत्ता  
अनि हामुर गरे मत्ता पूंजीवाद आंदू**

पूंजीवाद मुक्त होइ तल एकाधिकारी चरण ते दायनास्के इदिना बचोनो अंतरविरोध कु पुट्टितांग। इवु अंतरविरोध, ज्वालामुखी लेक्का साम्राज्यवाद तुकू खतरा बनेमांतांग। अस्के साम्राज्यवादी पिस्वल सीमित आंता। साम्राज्यवाद तन्ना खूंखार मुखौटा ते मत्तेकाई अदु उंदी कागज ता डुव्वले मंदिता। साम्राज्यवाद सर्वहारा समाजवादी क्रांति तुकू मुन्नेटा कालम आंदू।

**साम्राज्यवाद परजीवी लेवेके  
कड़ियसोर मत्ता पूंजीवाद आंदू**

**उत्पादन औसो टैकनिक ता विकास रोमसोर मत्ता रुझान**

पूंजीवाद साम्राज्यवाद लोप्पा नेंगिता अस्के इदु कड़ियसी खत्म आयना शुरू आंता। साम्राज्यवाद परजीवी लेवेके कड़ियसोर मत्ता पूंजीवाद आंदू। साम्राज्यवाद ता कड़ियना रूप एकाधिकारी व्यवस्था तल पुट्टिता। एकाधिकारे साम्राज्यवाद ता कड़ियसोर मत्ता रूप ता आर्थिक आधार आंदू।

साम्राज्यवाद ता कड़ियसोर मत्ता रूप सबसे मुन्ने एकाधिकारी व्यवस्था संगे उत्पादक शक्तिंग ना विकास लोप्पा बाधा वाटिता। इदु

टैकनिकल प्रगति तुन पोरो-पोरो बाधा वाटिंता अनि उत्पादन ओसो टैकनिकल विकास तुन रोमी कियाना रुझान पुट्टी कींता।

एकाधिकार तुकू मुन्ने, पूंजीपति तम्मा होइ संगे वेल्ले मुनाफा कमई कियाला काजे टैकनिकल प्रगति तुन नजरअंदाज किया परवोर आयानोर। मति एकाधिकार कालम ते वासी एकाधिकारी पूंजीपति उत्पादन पोरो उचुन नियंत्रण कीतांकु ओरु एकाधिकारी दाम तय कीसी परताचोन एकाधिकारी मुनाफा कमई किया परितोर। उन्नत टैकनिक विकसित कियाना प्रेरणा उचुन कमजोर आंता। एकाधिकारी व्यवस्था लोप्पा पूंजीपति उन्नत टैकनिक ओना एकाधिकार तुन कमजोर कींता बहे इंजी वेरियंतोर। अदिन काजे ओरु पूना टैकनिक कुना विकास आयला हीवोर आंतोर।

असल इतेके एकाधिकारी पूंजीपति उन्नत टैकनिक तल बारांकु वेरियंतोर अनि बारांकु इदिना लोप्पा बाधा वाटितोर? पहली, पूना टैकनिक ओसो पूना औजार कुन इस्तेमाल कीतेके उत्पाद कुना लागत कम आंता अनि उत्पादन बेरसिता। मति इदिना कारण ते पूंजी ता नुकसान आंता लेवेके अदिनकु मुन्नेटा मशीन ओसो औजारकु पाइना आयनुंग अनि अविना लोप्पा मूल्यहास आंता। दूसरा, पूना टैकनिक ओसो पूना औजार कुना इस्तेमाल कीतेके सस्ता माल संगे होइ वेने बेरसियर, इदिना कारण ते ओरा एकाधिकार तुकू खतरा आया परितं। अदिन काजे एकाधिकारी पूंजीपति एकाधिकार मत्ता लेक्का तासला काजे उत्पादन घटे मासोर मंता अनि इद्रम परताचोन एकाधिकार मुनाफा कमई कींतोर। अदिन काजे उत्पादन विकास तुकू फायदा मत्ता सब्बे पूना टैकनिक ओसो आविष्कार कुन एकाधिकारी पूंजीपति अस्सितोर अनि उंदी बगिल तासितोर। उदाहरण तुकू नकली पेट्रोलियम ता टेक्नोलोजी पेट्रोलियम कम्पनिंग ना एकाधिकार काजे उंदी खतरा मंता अदिन काजे इदिन ओरु पूरा 20 साल तल उंदी बगिल तासतोर। अद्रमे परमाणु ऊर्जा ता आविष्कार उंदी महान वैज्ञानिक सफलता आंदू, मति साम्राज्यवाद इदिना इस्तेमाल पूरा उद्योग ता उंदी प्रेरक शक्ति लेक्का इस्तेमाल कियवा लेवा युद्ध संबंधित परमाणु हथियार निर्माण काजे इस्तेमाल कींता।

एकाधिकार संगे उत्पादन ओसो टैकनिक ता विकास लोप्पा वायना बाधांग ना कारण ते पूंजीवाद संगे विस्तृत पुनरुत्पादन ता दाम घटेमासोर दांता। संयुक्त राज्य अमेरिका ता उदाहरण हूडातू। 1871 तल 1900 एवनल 30 साल लोप्पा इदिना औद्योगिक उत्पादन लगभग 3.9 गुना बेरसता। मति द शांघाई टेक्स्ट बुक, भाग उंदी

1901 तल 1929 एवनल 30 साल लोप्पा इदु सिर्फ 2.7 गुनाए मत्ता। 1930 तल 1959 एवनल 30 साल लोप्पा औद्योगिक उत्पादन लोप्पा औसत दर सिर्फ 4.4 प्रतिशत मत्ता। इद्रम माटु संयुक्त राज्य अमेरिका लोप्पा घटेमासोर मत्ता विकास दर साम्राज्यवाद ता कड़ियसोर मत्ता रूप तुन पूराए उजागर कींता।

मति साम्राज्यवादी कालम ते उत्पादन ओसो टैकनिक विकास लोप्पा बाधा ओसो कड़ियसोर मंदाना रुझान दिससोर मंता इत्तेके साम्राज्यवादी देश कुना लोप्पा उत्पादन टैकनिक ता विकास पूराए ठप्प आत्ता इंजी आयो। लेनिन “माटु इद कड़ियसोर मत्ता रुझान पूंजीवाद ता बदे वेने तीव्र विकास तुन बाधा वारिंत इंजी आल्सतेके, माटु गलत मंतोम। हिल्ले, साम्राज्यवादी चरण लोप्पा वेने व्यक्तिगत औद्योगिक, व्यक्तिगत बुर्जुआ वर्ग लेवेके स्तर ओसो अलग-अलग देश अलग-अलग मात्रा ते बस्के इद रुझान लेवेके बस्के अद रुझान तोहचोरे मंदितांग इंतोर।” इदु मुक्त होइ एकाधिकार तुन पुट्टी कींता मति एकाधिकार होइ तुन बदमाई खत्म किया परवो आंता। अदु सिर्फ होइ तुन ओसो तीव्र अनि निर्मम कींता। होइ लोप्पा विभिन्न एकाधिकारी पूंजी समूह बदे डावुट हिल्ला तम्मा होइ तुन खत्म कियाला काजे हिंसा, रिश्त, धोखा ओसो षड़यंत्र ता सहारा एतिंता, मति इदिना संगेने बचोनो बेहरा पूंजीवादी देश कुना नइमा आर्थिक ताकत कुना लोप्पा बदलाव वेने आसोर मंदिता। उत्पादक शक्तिंग ना रोमता विकास ता सामान्य रुझान लोप्पा उचुन पूंजीवादी देश कुना परिस्थिति खराब आंता अनि उचुन पूंजीवादी देश कुना परिस्थिति सुधरेमांता। इद्रम एकाधिकारी कालम लोप्पा साम्राज्यवादी देश कुना लोप्पा उत्पादन ओसो टैकनिक विकास रोमी कियाना रुझान ता शिकार आंता। मति बदे विशेष कालम ते बोरे मानेय लेवेके बदे विशेष इलाका ता उत्पादन टैकनिक ता वेल्ले तीव्र विकास आयना संभावना मन्नो आंता।

साम्राज्यवादी कालम ते बदे उंदी लेवेके उचुक देश कुना उत्पादन-टैकनिक दूसरोर किनकु ज्यादा तीव्र विकास वेने किया परिंतांग। मति हमेशा इद अस्थाई लेवेके अपवाद रूप तेने आंता। जापान ता उदाहरण हूड़ा। 1950 तल 1971 एवनल जापान ता राष्ट्रीय उत्पाद हर साल औसतन 10 प्रतिशत तुकू वेने ज्यादा दर संगे बेरसता। मति इदु दीर्घकालीन मंदा परवो। असल ते अमेरिका साम्राज्यवाद जापान एकाधिकार पूंजी तुकू हियाना सहायता कारण ते जापान ता उत्पादन तीव्र विकास आत्ता। कोरिया ओसो

वियतनाम विरुद्ध अमेरिका साम्राज्यवाद आक्रमक युद्ध जापान ता एकाधिकारी पंजीपतिर किन हंदी हिल्वा मुनाफा हीता। 1950-53 लोप्पा कोरिया विरुद्ध आक्रमक युद्ध शुरू कीसी अमेरिका साम्राज्यवाद तन्ना सैन्य संबंधित “विशिष्ट जरूरत” वाले ऑर्डर संगे लगभग दो अरब डालर जापान तुन भुगतान कित्ता। अद्रमे वियतनाम विरुद्ध युद्ध शुरू कित्तास्के तन्ना “विशिष्ट जरूरत” कुना संगे अमेरिका साम्राज्यवाद जापान तुन 30-40 करोड़ डालर भुगतान कित्ता। 1965 पेस्के हर साल 50-60 करोड़ डालर बेरससोरे हत्ता। इदे आयवा अमेरिका साम्राज्यवाद जापान ता एकाधिकारी पूंजी काजे बेहरा मात्रा ते ऋण वेने हीता, इदिना जापान ता बेहरा उद्योग कुना लोप्पा सीधा निवेश आत्ता अनि वेल्ले टैकनिक पेटेंट वेने जापान तुन निर्यात कियमूडाता। इदिना संगे जापानी एकाधिकारी पूंजी जापान ता मेहनतकश आबादी ता निर्मम शोषण वेने कित्ता, राजकीय बजट तल बेहरा मात्रा ते सब्सिडी वेने दोरकी कित्ता। इव सब्बे जापान ता तीव्र औद्योगिक विकास लोप्पा योगदान हीतांग। जापानी येन ता घटेमायनदु जापानी माल तुन विश्व हाटुम लोप्पा वेल्ले प्रतियोगी बनेकित्ता। इदु जापान ता औद्योगिक विकास तुन मुन्ने ओतांग अनि अबु दीर्घकालीन कारगर मंदाला हीवोंग इंजी तोहता। जापानी अर्थव्यवस्था ता तीव्र विकास सिर्फ अल्पकालीन आयवा असामान्य अनि ठोस आधार रहित वेने मत्ता। इदिना लोप्पा जापानी उद्योग कुना अंधाधुंध विकास ता कारण ते कृषि उत्पादन वेल्ले जल्दी घटेमासोर दाया मंता। दूसरी विश्व युद्ध पेस्के जापान लोप्पा गोहकु ना उत्पादन लगातार घटेमासोर हत्ता, बीन्स (नेयिंग) ना उत्पादन वेल्ले घटेमासोर हत्ता ओसो वंजी उत्पादन वेने 1968 तल घटेमासोर हत्ता। 1960 तल 1970 एवनल, जापान खाद्य उत्पाद कुना लोप्पा आत्मनिर्भरता दर 90 प्रतिशत तल 73 प्रतिशत आत्ता। दूसरा अदिन कच्चा माल ता बेहरा स्तर ते आयात किया लागिता, तैयार माल निर्यात हाटुम पोरो ने निर्भर मंता। तांबा, एल्युमिनियम, कच्ची, पेट्रोलियम ओसो कोरसे लेक्कटा कच्चा माल लोप्पाटल 10 प्रमुख कच्चा माल ता आयात अनुपात, 1960 लोप्पा 71 प्रतिशत मत्ता, अदु 1970 ते 90 प्रतिशत आत्ता। दूसरा बगिल, जापानी औद्योगिक उत्पाद कुना निर्यात अनुपात, 1950 लोप्पा 18.3 प्रतिशत मत्ता, 1969 ते 30.1 प्रतिशत आत्ता इदिना लोप्पा नकली धागा संगे बनेमाता माल ता निर्यात अनुपात 46.4 प्रतिशत, सिलाई मशीन कुना निर्यात अनुपात 67.4 प्रतिशत ओसो एर जहाज ता निर्यात अनुपात 68.9 प्रतिशत मत्ता। इव तथ्य कुनल जापानी द शांघाई टेक्स्ट बुक, भाग उंदी



आर्थिक विकास पोरो आधार आसी वेल्ले होलेमासोर मत्ता लेक्का मंता। वर्तमान दर कुना पोरो दीर्घकाल काजे इद विकास तुन मत्ता लेक्का तासना संभव हिल्ले। पेरके ठहराव ता रुझान हावी आयना अनिवार्य मंदिता।

राष्ट्रीय अर्थव्यवस्था ता सैन्यीकरण सामाजिक उत्पादन शक्ति तुन लोप्पटल पूरा कमजोर कींता

राष्ट्रीय अर्थव्यवस्था ता सैन्यीकरण अदिन उंदी गुप्प हीकट पोयसी मत्ता गली ते ओंता। अगा एवला काजे साम्राज्यवादी आर्थिक विकास अपवित्र आत्ता। असल ते इदु पूंजीवाद लोप्पा मत्ता अंतरविरोध विकास ता उंदी अनिवार्य कारण आंदू, संगेने इदु साम्राज्यवाद ता वेल्ले कडियसोर दायना रूप ते उंदी ठोस रूप वेने आंदू। पूंजीवादी उत्पादक शक्तिंग ओसो मेहनतकश जनता ना मांग नइमा ता अंतरविरोध तुन कम कियाना ओसो आर्थिक संकट ता समाधान, वेल्ले एकाधिकार मुनाफा कमई कियाना जरूरत दुनिया ता ओसो उंदी बंटवारा कियाला काजे, साम्राज्यवाद बेय्यल आत्ता लेक्का युद्ध तैयारी कियाला काजे वेल्ले शस्त्र विस्तार कींता। राष्ट्रीय आय ता बेहरा हिस्सा सेना पोरो खर्च कियाना, हथियार बने कियाना, युद्ध पोरो खर्च कियाना ओसो साम्राज्यवादी आक्रमक युद्ध लोप्पा वाटला काजे इस्तेमाल आया मंता।

साम्राज्यवादी देश कुना लोप्पा राष्ट्रीय आय ता सैन्यीकरण सबसे मुन्ने सैन्य खर्च बेरसना रूप ते दिसिंता। दूसरी विश्व युद्ध पेरके अमेरिका बजट लोप्पा सैन्य प्रतिरक्षा खर्च ता हिस्सा वेल्ले बेरसता। 1946 तल 1970 एवनल अमेरिका ता कुल सैन्य खर्च 1100 अरब डालर मत्ता, इत्तेके हर साल औसतन 45 अरब डालर मत्ता। 1972-73 ता वित्तीय साल लोप्पा, कुल सैन्य खर्च 78.3 अरब डालर बराबर मत्ता। इदिना लोप्पा रिटायर सैनिक लोर किन हियाना 11.7 अरब डालर ता सब्बिडी ओसो अंतरिक्ष कार्यक्रम काजे 3.2 अरब डालर ओसो इविन जोड़े कीसी कुल खर्च 93.2 अरब डालर एविंता। इदु रुझान सैन्य उद्योग ओसो सैन्य विज्ञान संबंधित रिसर्च लोप्पा बेरसना खर्च कुना रूप ते वेने दिसतांग। सामाजिक स्वास्थ्य संबंधित उत्पादन तल उंदी बेहरा श्रमशक्ति सैन्य विज्ञान संबंधित रिसर्च कुना लेक्का बदले कियमूझाता। 1967-68 ते संयुक्त राज्य अमेरिका ता विभिन्न इलाकांग लोप्पा कियाना शस्त्र उत्पादन लोप्पा रोजगार स्तर ओसो कुल श्रम शक्ति तुकू अदिना अनुपात लगातार इलेक्ट्रॉनिक उपकरण कुना लोप्पा 126,900 ओसो 33.8 प्रतिशत, रेडियो उपकरण, टेलीविजन सेट, दूरसंचार 201

द शांघाई टेक्स्ट बुक, भाग उंदी

उपकरण कुना लोप्पा 256,900 ओसो 38.6 प्रतिशत, विमान ओसो अविना सहायक पार्ट्स कुना लोप्पा 615,900 ओसो 72.4 प्रतिशत मत्ता। अमेरिका ता कुल वैज्ञानिक ओसो टैकनिकल श्रमशक्ति ता दो-तिहाई हिस्सा शस्त्र निर्माण अनि अंतरिक्ष रिसर्च कुना लोप्पाने लागिता। अमेरिका ता 7 करोड़ 70 लाख श्रमशक्ति (सशस्त्र सेनांग कुन विडचसी) ना लगभग 20 प्रतिशत प्रतिरक्षा विभाग तल दोरकना हथियार कुना ऑर्डर पोरोने आधार आसी मंता।

साम्राज्यवादी देश कुना राष्ट्रीय आय ता सामान्य सैन्यीकरण ता गंभीर प्रतिकूल कारण वेने मुन्ने वातांग। इंजेटा साल कुना लोप्पा अमेरिका शस्त्र निर्माण ओसो आक्रमण पोरो लगभग 100 अरब डालर खर्च कित्ता। इव उत्पाद युद्ध लोप्पा लोकर किन हौकला अनि सामाजिक सम्पदा तुन नष्ट कियाला इस्तेमाल आसोर मत्तांग, लेवेके गोदान लोप्पा कड़ियसोर मत्ता कूड़ा बनेमातांग। अवु कारखाना तल पेसिसी “पाइना” वेने आंतांग, बारांकु इत्तेके पूना-पूना हथियार आविष्कार आया मंतांग। इद्रमे राष्ट्रीय आय ता सैन्यीकरण ता वेल्ले तोका-तल्ला हिल्ला कारण पुट्टी कीताः शस्त्र उद्योग कुना स्फीतिकारी विस्तार ओसो नागरिक उद्योग कुना अपस्फीतिकारी कावता लेक्का। हत्ता 20 साल लोप्पा अमेरिका ता वैमान ओसो अंतरिक्ष रिसर्च संबंधित उद्योग कुना लोप्पा गाइडेड मिसाइल, विमान ओसो अंतरिक्ष जहाज कुना उत्पादन, अविना दाम लोप्पा 6 गुना बेरसता। उचुक उद्योग कुन तम्मा उत्पादन घटे किया वेने लागता। गेत्ते उद्योग कुनाए उदाहरण हूडाटू। 1970 ते गेत्ते उत्पादन 1950 तुकू सिर्फ 86 प्रतिशते पिस्ता। साम्राज्यवाद प्रोत्साहित आक्रमण ओसो युद्ध कुना नीति, राष्ट्रीय अर्थव्यवस्था ता सैन्यीकरण श्रमशक्ति, माल ओसो सम्पदा, सामाजिक सम्पदा ता बेहरा स्तर ते विनाश कित्ता। इद साम्राज्यवाद ता कड़ियता रूप ता उंदी महत्वपूर्ण विशेषता आंदू।

**बुर्जुआ वर्ग बार-बार उंदी स्तर बने कीसोर दांता**

**अदु पूरा सूदखोरी पोरो ने पिसिंता**

साम्राज्यवाद परजीवी ओसो कड़ियसोर मत्ता रूप बुर्जुआ वर्ग बार-बार उंदी स्तर बने कीसोर दांता अदु पूरा सूदखोरी पोरोने पिसिंता इंजे वेने उजागर आत्ता। इदु स्तर उत्पादन प्रक्रिया तल पूराए कटेमासी मत्ता अनि “सूदखोरी पोरोने पिस्सा मंतोर”। बुर्जुआ वर्ग उत्पादन संबंधित श्रम लोप्पा बस्केने

जुडेमासी मन्त्रो, इदु मजदूर लोरा शोषण कीसी आराम ता पिस्वल पिसिंता। साम्राज्यवाद कालम ते वासी बुर्जुआ वर्ग परजीवी रूप वेल्ले बेरसिंता। इंजे पूंजीवादी उद्यम पूराए विशेष प्रबंधकीय कर्मचारि सभ्भाले कींतोर। बुर्जुआ वर्ग ओसो एकाधिकारी बुर्जुआ वर्ग, उत्पादन प्रक्रिया तल कटेमासी मंता सिर्फ स्टॉक ओसो शेयर तल वायना आय पोरो परजीवी लेक्का पिस्सा मंता। लेनिन वेल्ले मुत्रे “साम्राज्यवाद सिर्फ उचुने देश कुना लोप्पा मुद्रा पूंजी ता उंदी बेहरा संकेद्रण मंता”, “इद्रम ता स्तर ते पिस्सना लोकर (सूदखोरी पोरो निर्भर मंजी, बदे काम कीवोर) वेल्ले बेरसिंतोर इतोर।”<sup>2</sup> उदाहरण तुकू, 1950 ते मुनाफा ओसो व्यक्तिगत सूद तल अमेरिका लोप्पा दोरकना कुल आय 19.5 अरब डालर मत्ता। मति 1963 ते इदु 50.3 अरब डालर आत्ता, इत्तेके 157 प्रतिशत बढ़ोत्तरी आत्ता। इद कालम ते राष्ट्रीय आय सिर्फ 102 प्रतिशते बेरसता। 1970 ते अमेरिका तुन मुनाफा ओसो व्यक्तिगत सूद तल दोरकना आय 89.7 अरब डालर एवता। अमेरिका ता एकाधिकारी मालिक शोषण तल दोरकता इद आय पोरो आराम ता पिस्वल पिस्सना शुरू कींतोर। वित्तीय समूह इद्रम ता उचुन मालिक लोर तम्मा ऐशो-आराम काजे बेहरा भूमि हिस्सा पोरो बेहरा-बेहरा किला, गोल्फ कोर्स ओसो शिकारगाह बने कियानाए आयवा आपस ते तम्मा धन-सम्पदा ता नकली दिखावा वेने कींतोर। 1964 ते अमेरिका ता वरोर बेहरा एकाधिकारी पूंजीपति फोर्ड तन्ना मिय्यइ ता पुटता दिय्या ता मौका ते उंदी पार्टी (पंडुम) पोरो 5 लाख डॉलर खर्च कित्तोर। ताना उचुने दिय्या पेरके वरोर दूसरा बेहरा एकाधिकारी पूंजीपति मेलोन, फोर्ड किन प्रभावित कियाला काजे “समाज” तुकू तन्ना मिय्यइ ता परिचय हियाला काजे हिता उंदी पार्टी पोरो दस लाख डालर खर्च कित्तोर। इव घटनांग एकधिकारी बुर्जुआ वर्ग ता परजीवी रूप तुन उजागर कींतांग।

साम्राज्यवाद ता उंदी दूसरा विशेषता लोप्पा पूंजी निर्यात तेज आसोर दायनदु मंता। पूंजी निर्यात बेरसतांकु उचुन धनी देश सूदखोर देश बनेमांतांग अनि आर्थिक रूप ते अल्पविकसित सब्बे देश कुना पोरो परजीवी लेक्का आसरा एतसी एकाधिकारी बुर्जुआ वर्ग ता सेवा कींतांग। अवु मजदूर लोरा लोप्पा कलियसी मजदूर वर्ग अधिकार कुन सौदा कियाना निपुणता दोरकी कींतांग अनि मजदूर आंदोलन कुन भटके कींतांग। इव मजदूर वर्गीय कुलीन साम्राज्यवादी देश कुना एकाधिकारी बुर्जुआ वर्ग ता नेय्य मंदिंतांग।

एकाधिकारी पूंजी तल आयना बेहरा मुनाफाए मजदूर आंदोलन लोप्पा संशोधनवाद ता आर्थिक आधार आंदू। साम्राज्यवादी परिस्थिति ते ओसो मजदूर वर्गीय कुलीन पिस्वल ते वात्तास्के ने साम्राज्यवादी शासन ता रक्षा कियाला उंदी संशोधनवादी सिद्धांत ओसो कार्यनीति ता जन्म आंता। इव मजदूर वर्गीय कुलीन बुर्जुआ तत्वए मजदूर लोरा रूप एतसी मंदिता। अदिन काजे संशोधनवाद मार्क्सवाद ता रूप एतसी मत्ता उंदी बुर्जुआ वर्गीय सिद्धांते आंदू। मजदूर वर्गीय कुलीन ओसो संशोधनवादी मजदूर आंदोलन ता सबसे विश्वासघात कियाना आंदोलन मंदिता, अविन उंदी चरम रोग लेक्का समजेमायना। इद्रम ता रोग कुन पूरा खत्म कियवेके साम्राज्यवाद तन्ना कड़ियसोर मत्ता कालम तुकू वेल्ले जोम मत्ता लेक्का तासा परिता। मति लेनिन “अवसरवाद ता तीव्र ओसो दुश्चक्र विकास इदिना सफलता तय कीवो इंतोर।”<sup>4</sup> लेनिन “साम्राज्यवाद विरुद्ध संघर्ष अवसरवाद विरुद्ध संघर्ष संगे गटिंग जुड़ेमासी हिल्वेके अदु पूराए ढोडरी आत्ता लेक्का मंदिता इंजी वेने वेहतोर।”<sup>5</sup>

## सम्पूर्ण राजनीतिक प्रतिक्रियावाद ओसो

### सामाजिक संकट कुना बेरससोर मत्ता रुझान

पूंजीवादी मुक्त प्रतियोगिता कालम ते बुर्जुआ वर्ग तन्ना बुर्जुआ तानाशाही पोरो पर्दा वाटसोर मंदिता काजे “जनतंत्र”, “स्वतंत्रता” ओसो “सार्वभौमिक प्रेम” ता पाटा पारसोर मंदिता, मति साम्राज्यवाद कालम ते वासी, इव मुखौटांग वेने रेयंतांग। अस्के बदे वेने उत्पीड़न ओसो शोषण ता विरोध कियाना परिस्थिति बनेमांता, अदिन क्रूरतापूर्वक दबे कियमूड़ांता। लेनिन “इद पूना व्यवस्था इत्तेके एकाधिकारी पूंजीवाद (इत्तेके साम्राज्यवाद) ता राजनीतिक ढांचा जनतंत्र तल बदलामसी राजनीतिक प्रतिक्रियावाद ता रूप ते एतिता। मुक्त होइ तुन जनतंत्र ता जरूरत मंदाना जागा ते अदिना विपरीत, एकाधिकार तुन राजनीतिक प्रतिक्रियावाद ता जरूरत मंदिता इंतोर।”<sup>6</sup> संयुक्त राज्य अमेरिका लोप्पा सिर्फ हिंसा ता विरोध कियानोराए दमन आयवा अहिंसा अभियान ताकी कियानोर किन वेने हौकमूड़ाता। 1968 ते मार्टिन लूथर किंग पोरोल ता कारियल अमेरिका नेता किन अमेरिका साम्राज्यवादीर ओरु नस्लवादी भेदभाव ता विरोदो कीतांकु, नागरिक अधिकार कुना काजे लड़ेमासोर मत्तांकु हौकतोर। इद्रम सम्पूर्ण प्रतिक्रियावादी नीति पोयसी ताकसोर साम्राज्यवाद तम्मा विचारधारा ओसो

संस्कृति लोप्पा वेने कड़ियता। साम्राज्यवादी देश कुना लोप्पा हिंसा ओसो सेक्स संगे निंडसी मत्ता प्रकाशन ओसो फिल्म हाटुम तुन मुचसिता। कैलीफोर्निया लोप्पा 30 कम्पनिंग सेक्स (पोर्न) फिल्म बने कीतांग। पूंजीवादी दुनिया लोप्पा, विचित्र ओसो बेय्यल लेक्का गेतेंग केरदना, नृत्य ओसो संगीत इंजे वेल्ले साधारण रूप ते तार्कितांग। आस्कु ना “किल्लना” ओसो उंदी साल तुक्क कम उम्र ता पिल्ला-पेकोरा मिंडा ने ताकना वेने अंतरराष्ट्रीय होड़ ता कबुर लेक्का दोरका मंतांग। साम्राज्यवाद दोड़ संस्कृति ओसो कला लोप्पा एवनल कड़ियता। चोरी-डकैती, गुंडागर्दी ओसो नशाखोरी खुद साम्राज्यवादी देश कुना लोप्पा सामाजिक संकट पुट्टी किया मंता।

इद्रम कड़ियसोर मत्ता समाज तुन हूडसी, वेल्ले नौजवान उंदी नैतिक रूप ते जीरो परिस्थिति ते मत्ता लेक्का मंतोर अनि पिस्वल अंगडम मत्ता लेक्का ओरा बदे भविष्य हिल्ला लेक्का आंता। उचुन अमेरिका इतिहासकार संयुक्त राज्य अमेरिका “लोकुर तम्मा आदर्श, तम्मा व्यवस्था ओसो तम्मा भविष्य पोरो विश्वास हिल्ला परिस्थिति ते एवतोर” अनि “हंदी हिल्ला संकट संगे घेराव आसी मंतोर इंतोर।” उचुन मुल स्पष्ट रूप ते “मना संकट कुना रूप नैतिक मंता अनि इदिना मोदोल स्पष्ट रूप ते माटु खुद फैलेमासोर मत्ता पूंजीवादी प्रणाली लोप्पाने परहका लागियर” (न्यूजवीक, 6 जुलाई, 1970) इंजी वेने इंतोर। मति साम्राज्यवाद इवे गंभीर अंतरविरोध कुना नड़मा उचुन प्रगतिशील तत्व वेने तेदा मंतांग, मार्क्सवाद तुन स्वीकार किया मंतोर, मार्क्सवादी पार्टी ओसो संगठन कुन पुनर्स्थापना कीसोर जनता तुन संगठित किया मंतोर, साम्राज्यवादी व्यवस्था विरुद्ध कड़ा संघर्ष शुरू किया मंतोर।

साम्राज्यवाद ता इद परजीवी कड़ियसोर मत्ता रूप (साम्राज्यवाद ता बुनियादी विशेषता) इतेके एकाधिकार तल पुट्टता रूप साम्राज्यवाद सिर्फ उंदी कागज ता डुव्वले आंदू इंजी तोहिंता। इदु हूडला काजे क्रूर दिसिंता मति असल ते इदिनगा बदे खास ताकत हिल्ले। असली ताकत जनता नगा मंता, साम्राज्यवाद लेवेक प्रतिक्रियावादीरगा आयो। माओ त्सेतुंग “उंदी रणनीतिक लेवेके दीर्घकालीन रूप ते लेवेके इदिना लोप्पा मत्ता विषय तुन हूडसोर माटु साम्राज्यवाद ओसो सब्बे प्रतिक्रियावाद तुन कागज ता डुव्वल समजेमायना इंजी वेहतोर।”<sup>7</sup>

## साम्राज्यवाद डोलसोर मत्ता पूंजीवाद आंदू

**साम्राज्यवादी देश कुना लोप्पा सर्वहारा वर्ग**

**ओसो बुर्जुआ वर्ग नइमा तीव्र आसोर मत्ता अंतरविरोध**

स्टालिन “लेनिन साम्राज्यवाद तुन डोलसोर मत्ता पूंजीवाद इत्तोर। बारांकु इत्तेके साम्राज्यवाद लोप्पा मत्ता पूंजीवादी अंतरविरोध कु अदिना हामुरके मंदितांग। इत्तेके क्रांति ता शुरुआत पक्का आंता इंजी वेहतोर।”<sup>८</sup> पूंजीवाद एकाधिकारी कालम ते वांता अस्के वेने सर्वहारा वर्ग ओसो बुर्जुआ वर्ग नइमा ता बुनियादी अंतरविरोध ओसो समाज ता पूंजीवादी रूप लोप्पा बदे बदलाव आयो। अद्रमासी इदु साम्राज्यवादी कालम ते वासी, एकाधिकार सिर्फ सामाजिक उत्पादन तुन मुन्ने तुकू ज्यादा व्यापक स्तर ते तत्तानदे आयवा उत्पादन साधन कुना निजी मालिकाना तुन वेने वेल्ले मजबूत कित्ता। इदिना कारण ते पूंजीवाद बेरससोर मत्ता बुनियादी अंतरविरोध साम्राज्यवाद ता सब्बे बाहरी ओसो लोप्पटा अंतरविरोध कुन वेने तीव्र कीसोर दांतांग। माओ “इव रेंडु वर्ग (सर्वहारा ओसो बुर्जुआ) नइमा बेरससोर मत्ता अंतरविरोध, औपनिवेशिक मालिक ओसो उपनिवेश नइमा बेरससोर मत्ता अंतरविरोध, साम्राज्यवादी देश कुना असमान विकास कारण ते अविना नइमा तीव्र आसोर मत्ता अंतरविरोधकु पूंजीवाद तुन उंदी विशेष कालम ते इत्तेके साम्राज्यवादी कालम ते ओंतांग।”<sup>९</sup> साम्राज्यवादी देश कुना लोप्पा सब्बे लोप्पटा ओसो बाहरी अंतरविरोध कुना गंभीर रूप तीव्र आसोर हत्तांकु साम्राज्यवाद डोलसोर मत्ता पूंजीवाद बनेमांता अनि सर्वहारा समाजवादी क्रांति तुकू मुन्नेटा चरण ते एविंता।

वेल्ले एकाधिकारी मुनाफा कमई कियाला काजे बुर्जुआ वर्ग मजदूर लोरा शोषण कियाना ओसो लूटे कियाना कोशिश तुन लगातार बेरसी कीसोर दांता अनि लाखो-लाख मेहनतकश लोकुर कुन करविने वाटिंता। एकाधिकारी बुर्जुआ वर्ग रकम-रकम ते श्रम-प्रणालिंग तत्तिंता, श्रम तुन बेरसी कींता, कार्य परिस्थिति तुन वेल्ले खराब कीसोर दांता अनि मजदूर शोषण तुन हंदी हिल्वा बेरसी कीसोर दांता। बुर्जुआ वर्ग असल मजदूरी तुन घटे कियाना ओसो अस्सनाशक्ति तुन वेल्ले कम कीसोर दायना जरूरत तुकू सचेत रूप ते मुद्रास्फीति ता वेने सहारा एतिंता। उदाहण तुकू 1963-1970 ते मुद्रास्फीति कारण ते वेल्ले पूंजीवादी देश कुना लोप्पा दाम ओसो पिस्वल पिस्सना खर्च लोप्पा हर साल बढ़ोत्तरी आंता। इद कालम ते संयुक्त राज्य

अमेरिका लोप्पा पिस्वल ता खर्च 25.8 प्रतिशत बेरसता। ब्रिटेन लोप्पा इदु 35.3 प्रतिशत बेरसता, फ्रांस लोप्पा 30.9 प्रतिशत, पश्चिम जर्मनी ते 20.6 प्रतिशत ओसो जापान लोप्पा 44.4 प्रतिशत मत्ता। मति मजदूरी मुद्रास्फिति ओसो बेरसना पिस्वल खर्चा तुन पूरा कियानाचोन बेरसताद हिल्ले। मेहनतकश लोकुरा पिस्वल वेल्ले तिप्पल ते अरता। एकाधिकारी पूंजी सरकार लेक्काने वेल्ले कर वाटसी मेहनतकश जनता ना वेल्ले शोषण कींता। 1940 तल 1970 एवनल अमेरिका लोप्पा कर राजस्व 6 गुना बेरसता इत्तेके 1940 लोप्पा 16.5 अरब डालर (राष्ट्रीय आय ता 20 प्रतिशत) मत्ता, अगाने 1970 ते 278 अरब डालर (राष्ट्रीय आय ता 35 प्रतिशत) आत्ता। इद्रम वेल्ले कर मेहनतकश आबादी तुन हौकींतोर।

तम्मा आर्थिक अधिकार कुना रक्षा ते एकाधिकारी पूंजी राज्य मशीनरी ता सहारा एतसी मजदूर लोरा पोरो वेल्ले दमन कियाला फासीवादी तानाशाही वेने लागू कींता। राजनीतिक प्रतिक्रियावाद असल ते एकाधिकारी पूंजीवादी अर्थव्यवस्थाए असल राजनीतिक रूप आंदू। फासीवादी तानाशाही लागू कियाना ओसो जनता ना दमन कियाना जरूरत, साम्राज्यवाद प्रतिक्रियावादी सरकारी मशीनरी तुन वेल्ले विस्तृत कींता। संयुक्त राज्य अमेरिका ताए उदाहरण हूडादू, अगा हर 20 लोकुरा लोप्पटल वरोर मानेय प्रतिक्रियावादी राज्य मशीनरी ता कर्मचारी मंतोर।

एकाधिकारी बुर्जुआ वर्ग कियाना क्रूर आर्थिक शोषण ओसो नेतुर उंडना राजनीतिक दमन सर्वहारा वर्ग ओसो बुर्जुआ वर्ग नडमा ता अंतरविरोध तुन वेल्ले तीव्र कींता। मति उत्पीड़न बचोन बेरसिंता, अचोने प्रतिरोध वेने बेरसिंता। अदिन काजे सर्वहारा वर्ग ओसो मेहनतकश जनता लोप्पा लाखो लोकुर रोज तेदा मंतोर अनि इद पूंजीवाद व्यवस्था विरुद्ध लगातार क्रांतिकारी संघर्ष किया मंतोर।

दूसरी विश्व युद्ध पेरकेटल सशक्त ओसो जन व्यापी मजदूर आंदोलन पुटता। साम्राज्यवाद विरुद्ध संघर्ष तेज आसोर दांता। अमेरिका ता स्पष्ट रूप ते कम कीसी पेश कियाना सरकारी आंकड़ां अनुसार वेने 1970 ते अमेरिका मजदूर लोर 5,600 बेरा हड़ताल कित्तोर, ताना लोप्पा 33 लाख मजदूर शामिल आत्तोर। 1971 ते, 500,000 टेलीफोन मजदूर लोर राष्ट्रव्यापी हड़ताल आत्ता अनि अदे साल 160,000 रेलवे मजदूर लोर वेने राष्ट्रव्यापी हड़ताल कित्तोर। इव हड़ताल कुना लोप्पा मजदूर संघर्ष ता नारा “आक्रमक युद्ध बंद कीमुट, गरीबी खत्म कीमुट, उत्पीड़न बंद कीमुट” इंजी

मत्तांग। ओरु आर्थिक संघर्ष तुन राजनीतिक संघर्ष संगे परताचोन जोड़े कियाना कोशिश कित्तोर। ब्रिटेन ता सरकारी आंकड़ांग अनुसार (अव वेने कम कीसी पेश कित्ताद मंता) 1970 ते 3,888 हड़ताल आतांग अविना लोप्पा 16.5 लाख मजदूर लोर शामिल आतोर। 1971 ते ब्रिटेन लोप्पा इव हड़ताल कुना कारण 13.5 लाख कार्य दिवस नष्ट आतांग। जापानी मजदूर वर्ग ता क्रांतिकारी संघर्ष वेने तीव्र आसोर हत्तांग। जापान ता सरकारी आंकड़ा अनुसार, “श्रम-पूँजी विवाद” (मजदूर ओसो पूँजीपति वर्ग ता संघर्ष) कुना संख्या 1955 ते 1345 मत्ता अदु 1969 ते 5,283 आत्ता। अद बढ़ोत्तरी 2.9 गुना मत्ता। इदे कालम ते इदिना लोप्पा शामिल आयनोरा संख्या लगभग 3 गुना बेरसता इत्तेके 37.48 लाख तल 1 करोड़ 44,83 लाख आत्ता।

मजदूर आंदोलन ता लहर साम्राज्यवाद ता महत्वपूर्ण अंग ता विद्रोह मत्ता। अद्रमासी पूँजीवादी आर्थिक ओसो राजनीतिक संकट वेल्ले तीव्र आसोर हत्ता इदु एकाधिकारी पूँजी ता शासन तुन लगातार गंभीर देब्बा वाटसोर हत्ता। इंजे साम्राज्यवाद ता भविष्य वेल्ले खतरा ते अरसोर दाया मंता।

## **साम्राज्यवाद ओसो उत्पीड़ित राष्ट्र कुना नड़मा**

### **अंतरविरोध बेरससोर दांता**

“बारूद ओसो तलवार संगे उपनिवेश पोरो कब्जा कित्तोर”<sup>10</sup> उपनिवेश ओसो अर्ध उपनिवेश कुना पोरो जबरदस्ती कब्जा कित्ता पेरके, साम्राज्यवाद क्रूरतापूर्वक शोषण कींता। तम्मा राजनीतिक कब्जा कियाला काजे तम्मा कठपुतली राज्य सत्ता ना समर्थ कींता, सशस्त्र सेनांग तैनात कींता अनि सैनिक अड्डा स्थापना कींता। तम्मा आर्थिक शोषण तुन हल्को कियाला काजे व्यापारिक बंदरगाह बने कींता, कस्टम ओसो विदेशी व्यापार पोरो नियंत्रण कींता, मुद्रा ओसो वित्त पोरो एकाधिकार कींता, जबरदस्ती दूसरा देश कुना लोप्पा खनन कीसी फैक्टरी ताकी कियाना ओसो जलमार्ग लोप्पा नौका ताकी कियाना अधिकार दोरकी कींता। परताचोन एकाधिकारी मुनाफा दोरकी कियाला काजे साम्राज्यवादी देश उपनिवेश ओसो अर्ध उपनिवेश कुना जनता ना क्रूर शोषण ओसो उत्पीड़न कींता। इद्रम साम्राज्यवाद ओसो उत्पीड़ित राष्ट्र ना नड़मा आल्सा परवा लेक्का तीव्र आंतांग। साम्राज्यवाद उपनिवेश ओसो अर्ध उपनिवेश ता आर्थिक नब्ज तुन तम्मा कब्जा ते कीसी तासिंता, स्थानीय सामंती शक्तिंग ओसो दलाल पूँजी संगे सांठगांठ कीसी



अविना राष्ट्रीय अर्थव्यवस्था विकास तुन रोमी कींता। साम्राज्यवाद उपनिवेश ओसो अर्थउपनिवेश कुना राष्ट्रीय अर्थव्यवस्था तुन “सरल” कियाना इत्तेके विदेशी एकाधिकारी संगठन कुना काजे जरूरी माल पुट्टी कियाला काजे मजदूर कियाना रक-रकम ता तरीकांग पोयंता अनि अविना आर्थिक विकास लोप्पा बाधा वाटिंतांग। अद्रमासी इविना लोप्पा अर्थव्यवस्थांग स्वतंत्र लेवेके आत्मनिर्भर मनवा लेवा सिर्फ साम्राज्यवाद पोरो ने निर्भर आतांग।

दूसरी विश्व युद्ध तल इंजे एवनल एशिया, अफ्रीका ओसो लेटिन अमेरिका लोप्पा राष्ट्रीय मुक्ति आंदोलन ता लगातार पूना जन-लहर तेदा मंतांग। वेल्ले देश कु ओसो इलाकांग तम्मा किन साम्राज्यवाद ओसो उनिवेशवाद ता साकरी तल मुक्त कीतांग अनि तम्मा स्वतंत्र हरीं ते ताकतांग। मति साम्राज्यवाद एशिया, अफ्रीका ओसो लेटिन अमेरिका ता व्यापाक इलाकांग नल बस्केने पेरके गुच्चताद हिल्ले। अदु तन्ना औपनिवेशिक तरीकांगे आयवा लगातार नव उपनिवेशवादी तरीकांग लागू किया मंता अनि आर्थिक “सहायता” ता पोरोल ते इव पूना पुटता स्वतंत्र देश कुना पोरो तन्ना कब्जा कियाना विफल कोशिशकु वेने कीसोर मंतांग। “सहायता” संगे पूंजीपति तन्ना अंगडम ता माल संगे इव देश कुन पाटे कियाना काम कींता अनि “सहायता” तुन तन्ना माल वम्मना उंदी तरीका लेक्का इस्तेमाल कींता। इदे “सहायता” संगे सहायता दोरकना देश कुना आर्थिक नीतिंग पोरो नियंत्रण कींता अनि इव देश कुना राष्ट्रीय अर्थव्यवस्था विकास पोरो वेने नियंत्रण कींता। उचुक देश कु इद साम्राज्यवादी सौदाबाजी कियाला इनकार कींतांग अस्के इव साम्राज्यवादी देशकु अविना पोरो आक्रमण ओसो तख्तापलट कार्यवाइंग कींतांग। अवु प्रतिक्रायवादी शक्तिंग कुन भइके कीसी साम्राज्यवाद ता विरोध कियाना ओसो राष्ट्रीय स्वतंत्रता पोरो जोर हियाना हिम्मत कियाना प्रगतिशील सरकार कुन तेहकसी वाटना काम वेने कींतांग।

इद्रम साम्राज्यवाद कियाना क्रूर लूट ओसो पुट्टी कियाना नेतुर पीटो साम्राज्यवादीर ओसो उत्पीड़ित राष्ट्र, अगाटा जनता नइमा अंतरविरोध ता कोहड़ा वेल्ले बेरसी किता। साम्राज्यवादी डाकु लोर एशिया, अफ्रीका ओसो लेटिन अमेरिका ता भूमि पोरो तम्मा काल वाटता दिख्या तले उत्पीड़ित राष्ट्र ओसो अगाटा जनता तम्मा स्वतंत्रता ओसो स्वाधीनता ता रक्षा ते बंडांग, विल-काड़ी, भाल-फर्सी ओसो गोला-बारूद संगे साम्राज्यवाद पोरो हमला

कीसोर वात्ता। साम्राज्यवादी शोषण ओसो उत्पीड़न ता पंजा बचोन मजबूत आसोर दायर अचोने उत्पीड़ित राष्ट्र ओसो अगाटा जनता ना प्रतिरोधी संघर्ष वेने मजबूत आसोर दायार। अक्टूबर क्रांति पेरकेटल राष्ट्रीय मुक्ति आंदोलन उंदी पूना ऐतिहासिक युग लोप्पा नेंगता, अनि सर्वहारा समाजवादी दुनिया ता क्रांति अंग बनेमातांग। नेंडु राष्ट्रीय मुक्त आंदोलन ओसो सर्वहारा क्रांतिकारी आंदोलन साम्राज्यवादी देश कुना लोप्पा आपसी संबंध ओसो उंदी-दूसरा ता सहयोगी बनेमातांग। उपनिवेश ओसो अर्धउपनिवेश (उंदी कालम ते साम्राज्यवाद ता सुरक्षित फौज मत्ता) इंजे सर्वहारा दुनिया ता क्रांति ता सुरक्षित फौज बनेमातांग। माओ त्सेतुंग “नेंडु क्रांतिकारी लहर एशिया, अफ्रीका ओसो लेटिन अमेरिका ते ताकसोर मत्ता लेक्का अवु पूरा पाइना दुनिया तुन उंदी निर्णायक ओसो नष्ट कियाना लेक्का देब्बा हीसोर मंदानुंग इंजी वेहतोर।”<sup>11</sup>

### **साम्राज्यवादी देश कुना नइमा अंतरविरोध मजबूत आयना**

दुनिया तुन आर्थिक, इलाका लेक्का विभाजित कियाना साम्राज्यवाद संघर्ष खुद साम्राज्यवादी देश कुना नइमाए अंतरविरोध कुन तीव्र कीतांग। प्रभुत्व ओसो इलाका पोरो अधिकार दोरकी कियाना अविना संघर्ष ओसो अविना आपसी टकराव ओसो नरसंहार असल ते उत्पीड़ित ओसो शोषित राष्ट्र कुन तेदसी विद्रोह कियाला मदद कीतांग।

इदे आयवा इद साम्राज्यवादी कालम लोप्पा खुद पूंजीवादी देश कुना लोप्पा आर्थिक ओसो राजनीतिक विकास लोप्पा बेरससोर मत्ता असमानतांग खुद साम्राज्यवादी देश कुना आपसी अंतरविरोध तुन वेल्ले तीव्र कीसोर दांतांग।

लेनिन “असमान आर्थिक ओसो राजनीतिक विकास पूंजीवाद ता निरपवाद नियम आंदू इंतोर।”<sup>12</sup> पूंजीवादी दुनिया लोप्पा उचुन देश कु जल्दी विकसित आंतांग अनि उचुन वेल्ले तीरम विकसित आंतांग। उचुन कालम ते उचुक देशकु डेयसी मुन्ने दांतांग। पूंजीवादी देश कुना असमान आर्थिक विकास अनिवार्य रूप ते असमान राजनीतिक विकास तुन पुट्टी कींता। दूसरा माटा ते वेहाना इत्तेके असमान आर्थिक विकास साम्राज्यवादी देश कुना आपसी ताकत कुना लोप्पा बदलाव जरूर कींतांग।

असमान आर्थिक ओसो राजनीतिक विकास ता नियम पूरा पूंजीवादी इतिहास लोप्पा तन्ना भूमिका निभे कींता। मति साम्राज्यवादी कालम ते

वासी, पूंजीवाद ता इद असमान विकास वेल्ले तीव्र आंता। 19 वी शताब्दी पेरेके इंग्लैंड (उंदी पाइना पूंजीवादी देश मत्ता) वेल्ले उपनिवेश कुना कब्जा वासी मत्ता, पूरा दुनिया ता तन्ना एकाधिकार राज्य स्थापना आसी मत्ता। मति दुनियामेठा उपनिवेश कुनल मुनाफा एतना परिस्थिति अदिन सुस्त कीसिता अनि टैकनिक ओसो उत्पादन लोप्पा बाधा वाटता, अनि अदे नइमा पूना टैकनिक संगे निंडसी बनेमाता पूंजीवादी देश खासकर संयुक्त राज्य अमेरिका ओसो जर्मनी तन्ना विकास तुन तीव्र कीतांग। 1880 दशक ते अमेरिका इंग्लैंड ता बराबरी ते वात्ता अनि 20 वी शताब्दी ता शुरू ते औद्योगिक उत्पादन लोप्पा दुनिया ता अग्रणी देश बनेमाता। अद्रमे जर्मनी वेने इंग्लैंड तुकू मुन्ने पेस्ता अनि औद्योगिक उत्पादन लोप्पा दुनिया ता दूसरा अग्रणी देश बनेमाता। आर्थिक ताकत मत्ता परिस्थितिंग इद बदलाव राजनीतिक ताकत कुना परिस्थिति लोप्पा वेने बदलाव तत्ता। शक्ति संतुलन ता बदलाव ता कारण ते इव देशकु तम्मा प्रभाव इलाकांग ओसो उपनिवेश कुन पुनर्विभाजित कियाला काजे आपस ते संघर्ष शुरू कीतांग।

दूसरी विश्व युद्ध कालम तेने साम्राज्यावदी देश कुना नइमा असमान आर्थिक ओसो राजनीतिक विकास नियम तन्ना भूमिका निभे कीसोर वात्ता। इदिना विशेष विशेषता इद्रम मत्तांगः संयुक्त राज्य अमेरिका ता पतन, इंग्लैंड ता पतन लगातार जारी मंदाना, पश्चिम जर्मनी ओसो जापान ता अग्रणी बनेमासोर दायना ओसो इटली, फ्रांस ता वेने वेल्ले उन्नति कियानद मत्ता। 1949 तल 1969 एवनल 20 साल लोप्पा इव देश कुना राष्ट्रीय उत्पाद ता औसत वार्षिक वृद्धि दर इगा हिता लेक्का मत्तांगः संयुक्त राज्य अमेरिका लोप्पा मुन्नेठा 10 साल लोप्पा 3.9 प्रतिशत ओसो पिस्ता 10 साल लोप्पा 4.3 प्रतिशत, इंग्लैंड लोप्पा पहली 10 साल लोप्पा 2.5 प्रतिशत ओसो बाकी 10 साल लोप्पा 3 प्रतिशत, पश्चिम जर्मनी लोप्पा पहली 10 साल लोप्पा 7.4 प्रतिशत ओसो बाकी 10 साल कुना लोप्पा 5.2 प्रतिशत, फ्रांस ता पहली 10 साल लोप्पा 4.5 प्रतिशत अनि बाकी 10 साल कुना लोप्पा 5.9 प्रतिशत, इटली लोप्पा पहली 10 साल लोप्पा 6.1 प्रतिशत ओसो बाकी 10 साल लोप्पा 5.6 प्रतिशत अनि जापान लोप्पा पूरा कालम ते 10 प्रतिशत तुकू ज्यादा मत्ता। इव पूमा ओसो असमान परिस्थितिंग तम्मा ताकत अनुसार औद्योगिक उत्पादन, पूंजी ओसो माल निर्यात, अंतरराष्ट्रीय वित्तीय परिस्थितिंग लोप्पा दिसतांग। साम्राज्यावदी देश कुना नइमा आर्थिक ओसो राजनीतिक विकास ता इद बेरससोर मत्ता असमानता अनिवार्य रूप ते

अविना नइमा हाटुम ओसो सपलाई आधार कुना काजे, कच्चा माल, पूंजी निर्यात कियाना हरीं ना काजे संघर्ष तुन वेने तीव्र कींता।

असमान आर्थिक ओसो राजनीतिक विकास ता नियम अनिवार्य रूप ते साम्राज्यवादी देश कुना नइमा युद्ध ओसो नरसंहार कुन वेने पुट्टी कित्ता, इद्रम अविना कमजोर कड़िं वेने उजागर आतांग। इवे अनुकूल परिस्थितिग ना फायदा एतसी सर्वहारा ओसो क्रांतिकारी जनता साम्राज्यवाद तुन मिस्सा परिंता। अदिन काजे लेनिन अविना इद असमान आर्थिक ओसो राजनीतिक विकास ता कारण तेने साम्राज्यवाद तुन अदिना सबसे कमजोर कड़ी पोरो देब्बा वाटसी समाजवादी क्रांति मुत्रे बदे उंदी लेवेके बचोनो देश कुना लोप्पा सफलता दोरकी किया परिंता इंजी वेहतोर। लेनिन मना सफलता काजे सिर्फ उंदी क्रांतिकारी सिद्धांते आयवा ओरु क्रांति तुन बद्रम मुत्रे ओयमूडांता इंजी बचोनो उदाहरणकु वेने पेश कित्तोर। पहली विश्व युद्ध कालम ते रूस अद कालम ता साम्राज्यवाद ता सब्बे अंतरविरोध कुना केंद्रबंदु मत्ता अनि संगेने साम्राज्यवाद ता सबसे कमजोर कड़ी वेने मत्ता। लेनिन इद कड़ी तुन पोयसी, महान समाजवादी अक्तुबर क्रांति ता अभियन शुरू कियाना, क्रांतिकारी हिंसा संगे रूसी बुर्जुआ तानाशाही तुन तेहकसी वाटना, सर्वहारा तानाशाही लोप्पा दुनिया ता पहली समाजवादी राज्य स्थापना कियाना अनि मानव इतिहास ता उंदी पूना युग लोप्पा दायला काजे रूसी सर्वहारा ता नेतृत्व कित्तोर। दूसरा विश्व युद्ध पेरके चीन ओसो एशिया, यूरोप ता बाकी देश कुना राष्ट्रीय मुक्ति आंदोलन ता महान सफलतांग लेनिन ना वैज्ञानिक सिद्धांत ता सच्चा तुन सही साबित कीतांग।

रेंडु विश्व युद्ध ता विस्फोट, सर्वहारा समाजवादी क्रांतिंग ना सफलता अभियान ओसो राष्ट्रीय मुक्ति आंदोलन ता जन लहर साम्राज्यवाद राजनीतिक, आर्थिक ओसो सामाजिक संकट कुन वेल्ले बेरसी कित्ता।

दुनिया लोप्पा बेहरा बदलाव आतेकाई साम्राज्यवादी कालम इंजे खत्म आत्ताद हिल्ले। अदिन काजे माओ बार-बार माटु इंजे वेने साम्राज्यवाद ओसो सर्वहारा क्रांति ता कालम तेने मंतोम, साम्राज्यवाद ता बारे ते मार्क्सवादी बुनियादी सिद्धांत कुना पोरो आधार आसी लेनिन ना वैज्ञानिक विश्लेषण पूराए सही साबित आत्ता, लेनिनवाद ता बुनियादी सिद्धांत पाड़ना आत्ताद हिल्ले, इदु मना विचारधारा ता इंजे वेने बुनियादी आधार बनेमासी मंता इंजी वेहींतोर।

साम्राज्यवाद ता पिस्वल इंजे बेहरा हिल्ले। इदु परजीवी ओसो डोलसोर मत्ता पूंजीवाद आंदु, इदु सर्वहारा समाजवादी क्रांति ता पहली चरण आंदू। मति इद खुद तम्मा इच्छा ते इतिहास ता मंच तल दोड़ रेय्यो। साम्राज्यवादी रूप बद्रम-बद्रम इदिना पिस्वल हामुर गरे एविंता अद्रम-अद्रम इदु वेल्ले बेय्यल लेक्का आंता अनि तन्ना पिस्वल काजे संघर्ष कींता। अदिन काजे माटु साम्राज्यवाद बुनियादू रूप ते कमजोर आत्ता अनि कागज ता डुव्वल बनेमाता इंजी जरूर समजेमाया लागियर। माटु साहस संगे संघर्ष कियाला अनि संघर्ष लोप्पा सही साबित आयला काजे मना चेतना बेरसी कियाना। माटु साम्राज्यवाद तुन खत्म कियाला काजे संघर्ष कियाना इंजी पूरा दुनिया ता क्रांतिकारी जनता तुन एकताबद्ध किया लागियर। “मुश्किल निल्पी कीमुट, असफल आमूट, ओसो मुश्किल निल्पि कीमुट, ओसो असफल आमूट, अनि बस्के एवनल तल्ला पोरो टल ऊसा वेंडो अस्के एवनल इद्रमे कीसोर मन्नुट- इदे पोल्लो साम्राज्यवाद ओसो दुनिया ता सब्बे प्रतिक्रियावादी समूह जन-लहर कुना संगे टक्कराव आयनास्के लागू कींतांग। अवु तम्मा इद पोल्लो तल बस्केने पेरके गुच्चोंग।”<sup>13</sup> असल इत्तेके मुश्किल निल्पी कियाना साम्राज्यवाद ता बेय्यल लेक्कटा संघर्ष ताए उंदी रूप आंदू; असफल आसी खत्म आयनाए साम्राज्यवादी विकास ता अनिवार्य आंता। इतिहास ता नियम तुन बोरे बदले किया परवोर।

## प्रमुख अध्ययन सामग्री

- ☞ लेनिन, साम्राज्यवाद, पूंजीवाद ता कोड्री ते एवसी मत्ता कालम, अध्याय 7-10
- ☞ लेनिन, “साम्राज्यवाद ओसो समाजवादी आंदोलन लोप्पा अरता फूट”
- ☞ माओ, “अमेरिका पत्रकार अन्ना लुई स्ट्रांग संगे वार्ता”

## समीक्षात्मक सवाल

1. माटु साम्राज्यवाद ओसो सब्बे प्रतिक्रियावादी कागज ता डुव्वल आंदू इंजी बारांकु इंतोम?
2. माटु साम्राज्यवाद सर्वहारा समाजवादी क्रांति ता पहली चरण आंदू इंजी बारांकु इंतोम?

## टिप्पणिंग

1. साम्राज्यवाद, पूंजीवाद ता कोड्री ते एवसी मत्ता कालम, लेनिन ना संकलित रचनांग, भाग 2, चीनी संस्करण, 1972, पे. 842
2. पोरो रास्तादे, पे. 818
3. पोरो रास्तादे, पे. 820
4. पोरो रास्तादे, पे. 843
5. पोरो रास्तादे।
6. “मार्क्सवाद ता विद्रूप (squid) ओसो ‘साम्राज्यवादी अर्थवाद’”, लेनिन ना सम्पूर्ण रचनांग, भाग 23, पे. 34
7. “अमेरिकी पत्रकार अन्ना लुई स्ट्रांग संगे वार्ता” संबंधित नोट्स, माओ त्सेतुंग ना संकलित रचनांग, भाग 4, चीनी संस्करण, 1968, पे. 1088
8. “लेनिनवाद ता मूलभूत सिद्धांत”, स्टालिन ना सम्पूर्ण रचनांग, भाग 6, पे. 65
9. “अंतरविरोध ता बारे ते”, माओ त्सेतुंग ना संकलित रचनांग, भाग 1, चीनी संस्करण, 1968, पे. 289
10. “समाजवाद ओसो युद्ध” लेनिन ना संकलित रचनांग, भाग 2, चीनी संस्करण 1972, पे. 672
11. अध्यक्ष माओ, “लेबर पार्टी ऑफ अल्बानिया ना 5 वी कांग्रेस तुकू बधाई चिट्ठी”, रनमिन रिबाओ (पीपुल्स डेली) तल, 4 नवम्बर, 1966

12. “यूरोपियन संख ता नारा ता बारे ते”, लेनिन ना सम्पूर्ण रचनांग, भाग 21, पे. 321
13. “भ्रमजाल तुन त्याग कीमूट अनि संघर्ष काजे तैयारा आयमूट”, माओ त्सेतुंग ना संकलित रचनांग, भाग 4, चीनी संस्करण, 1968 पे. 1375

ग्यारा

## सोवियत संशोधनवादी सामाजिक साम्राज्यवाद दुनिया ता साम्राज्यवादिरा लाईन ते शामिल मंता

### सामाजिक साम्राज्यवाद पोरोल ते समाजवाद मति सार रूप ते साम्राज्यवादे मंता

साम्राज्यवाद ता लगातार कमजोर आसोरे खत्म आसोरे दायना प्रक्रिया तेने (20वीं शताब्दी नइमा) सोवित सामाजिक साम्राज्यवाद ता जन्म आत्ता। लेनिन ओसो स्टालिन ना नेतृत्व ते रूस उंदी महान समाजवादी देश बनेमासी मत्ता। मति स्टालिन शहीद आत्ता पेरके, खुश्चेव ओसो ब्रेझ्नेव ना गद्दार गुट उंदी क्रांतिकारी तख्तापलट कीसी पार्टी ओसो राज्यसत्ता पोरो कब्जा कित्ता, बेहरा स्तर ते पूंजीवाद ता पुनर्स्थापना कित्ता, इद्रम सोवियत संघ तुन उंदी सामाजिक साम्राज्यवादी देश लेक्का बदले कित्ता।

दूसरी विश्व युद्ध ताकनास्के लेनिन अद कालम ता जर्मन सामाजिक जनवादी पार्टी ता नेताल काउत्सी ना विरोध कीसोरे अदिन “सामाजिक साम्राज्यवादी” इत्तेके पोरोल तुके समाजवाद अनि असल इत्तेके अदु साम्राज्यवादे आंदू इत्तोर।<sup>1</sup> ब्रेझ्नेव ना गद्दार गुट वेने, काउत्सकी ना लेक्काने सामाजिक साम्राज्यवाद आंदू। इदु सिर्फ संशोधनवाद ता वकालते आयवा साम्राज्यवाद ता रक्षा वेने कींता। इदिना लोप्पा इदु राज्यसत्ता पोरो वेने कब्जा कींता अनि लेनिन ना महान देश तुन उंदी



सामाजिक साम्राज्यवादी देश लेक्का बदले कींता। सामाजिक साम्राज्यवाद “समाजवादी” लेबल चिपके कित्ता साम्राज्यवादे आंदू। इद लेनिन ना तन्ना देश ओसो उंदी कालम ते उंदी महान समाजवादी देश, सोवियत संघ लोप्पा पुटता अदिन काजे इदु बचोनो भ्रम ते वाटनाद ओसो खतरनाक मंता। अदिनके इदु वेल्ले दुष्ट साम्राज्यवाद वेने आंदू।

## **राजकीय एकाधिकारी पूंजीवाद सामाजिक साम्राज्यवाद ता मुख्य आर्थिक आधार आंदू**

**सोवियत संघ लोप्पा राजकीय एकाधिकारी पूंजीवाद ता गठन**  
पूंजीवादी साम्राज्यवाद आई लेवेके सामाजिक साम्राज्यवाद आई रेंडासी तन्ना बुनियादी आर्थिक लक्षण उंदी लेक्का मंतांग। अविना मुख्य आर्थिक आधार एकाधिकारी पूंजीवादे आंदू। मति पूंजीवादी साम्राज्यवादी देश कुना लोप्पा एकाधिकारी पूंजीवाद अर्थव्यवस्था ता रेंडू रूप आंदुंगः निजी एकाधिकारी पूंजीवाद ओसो राजकीय एकाधिकारी पूंजीवाद। सामाजिक साम्राज्यवादी देश कुना लोप्पा एकाधिकारी पूंजीवाद हमेशाए राजकीय एकाधिकारी साम्राज्यवाद ता मुख्य आर्थिक आधार आंदू। सामाजिक ओसो पूंजीवादी साम्राज्यवाद ता इद अंतर एकाधिकारी पूंजी पुटता ऐतिहासिक परिस्थितिंग कुन पुट्टी कींता।

पूंजीवादी साम्राज्यवादी देश कुना एकाधिकारी पूंजी ता जन्म निजी पूंजीवादी अर्थव्यवस्था लोप्पा गुडंगा कोय्यना लेक्कटा होइ ता प्रक्रिया लोप्पा, पूंजी संचय ओसो संकेंद्रण संगे तीरम-तीरम आत्ता। निजी एकाधिकारी पूंजीवाद उंदी हंदी एवनल विकसित आत्ता अनि एकाधिकारी पूंजी ओसो राज्य सत्ता मशीनरी संगे कलियसी एकाधिकारी पूंजी ता सेना किया मंता, अदिनके राष्ट्रीय एकाधिकारी पूंजीवाद ता जन्म आत्ता। सामाजिक साम्राज्यवाद देश लोप्पा राष्ट्रीय एकाधिकारी पूंजीवाद सत्ताधारी लोर पूंजीवादी हर्सी पोयसी समाजवादी देश ता पार्टी ओसो सरकारी मशीनरी पोरो कब्जा कित्तास्के पिस्वल ते वात्ता अनि इद प्रक्रिया ते समाजवादी अर्थव्यवस्था तुन बदले कीसी पूंजीवाद ता पुनर्स्थापना कित्ता।

सोवियत संघ ता गद्दार गुट पार्टी ओसो सरकारी मशीनरी पोरो कब्जा कित्ता पेरके रूस ता विशेषाधिकार दोरकता बुर्जुआ स्तर तन्ना राजनीतिक

ओसो आर्थिक शक्ति तुन बेहरा स्तर ते विस्तार कित्ता, पार्टी, सरकार, सेना, आर्थिक, सांस्कृतिक रूप मजबूत आसी उंदी पूरा राज्य मशीनरी ओसो सामाजिक सम्पदा पोरो नियंत्रण कीसोर मत्ता नौकरशाही एकाधिकारी बुर्जुआ वर्ग पुटता। इदे पूना नौकरशाही एकाधिकारी बुर्जुआ वर्ग राज्य सत्ता पोरो नियंत्रण कीसी अविना इस्तेमाल समाजवादी मालिकाना तुन पूंजीवादी हरी पोयता मालिक लेक्का बदले कियाना अनि समाजवादी अर्थव्यवस्था तुन पूंजीवादी अर्थव्यवस्था, राष्ट्रीय एकाधिकारी पूंजीवादी अर्थव्यवस्था लेक्का बदले कित्ता।

बदे समाज ता अर्थव्यवस्था अदिना लेबल संगे आयवा उत्पादन साधन कुना पोरो मालिकाना संगे तय आंता। दूसरा माटा ते वेहाना इत्तेके उत्पादन साधन कुना पोरो बोना अधिकार, बोर अविना वितरण कींतोर अनि बोना सेवा कींतांग इंजी तय आंता? ब्रेझनेव ओसो खुश्वेव ना गद्दार सोवियत संघ लोप्पा पार्टी ओसो सरकारी मशीनरी पोरो कब्जा आत्ता पेरके राजनीतिक ओसो आर्थिक सत्ता पोरो वेने पूरा नियंत्रण आत्ता अनि आर्थिक रूप ते पूराए संशोधनवादी नीति लागू कित्ता। इदु “रुबल कुन श्रम योग्यता ता उंदी माप लेक्का”, “कार्य-संचालन ओसो प्रबंधन ते लागता कम्युनिस्ट पार्टी सदस्य लोरा मूल्यांकन कियाला काजे मुनाफा कमई कियाना योग्यता तुने सबसे बेहरा परीक्षा लेक्का” बने कित्ता। इदे सोवियत संशोधनवादी गद्दार गुट ता समर्थन तल संशोधनवाद ता उंदी अर्थशास्त्री, लिबरमैन राष्ट्रीय उद्यम प्रबंधन ता उंदी मुनाफा ओसो भौतिक प्रोत्साहन पोरो आधार आसी मत्ता योजना लेक्का प्रस्ताव कित्ता अनि इद “प्रयोग” तुन व्यापक स्तर ते लागू कित्ता। खुश्वेव पेरके ब्रेझनेव सत्ता लोप्पा वात्तोर अस्केटल इद “पूना आर्थिक प्रणाली” राष्ट्रव्यापी स्तर ते लागू कित्ता। इंजे इदिना लोप्पा पूंजीवाद ता मुनाफा-सिद्धांत नौकरशाही एकाधिकारी अल्पतंत्र संगे मेहनतकश लोकुरा शोषण तुन कानूनी बने कियमूझाता। इव “बदलाव” कुना कारण ते मुन्ने सोवियत संघ ता जनता ना मालिकाना ते मत्ता उत्पादन साधन इंजे पूना नौकरशाही एकाधिकारी बुर्जुआ वर्ग ता कब्जा ते वातांग अनि अदिनाए सेवा किया मंतांग। इंजे सोवियत संघ लोप्पा मजदूर ओसो किसान लोर किन उत्पादन साधन तल जेक कित्तोर अनि ओरकिन ओसो उंदी बेरा किराया ता मजदूर बने कित्तोर। इंजे सोवियत संघ समाजवादी लेबल चिपके कीसी मत्तेकाई मुन्नेटा समाजवादी मालिकाना प्रणाली इंजे नौकरशाही एकाधिकारी बुर्जुआ वर्ग ता मालिकाना ते बदलेमाता।

समाजवादी समाज लोप्पा, समाजवादी राष्ट्रीय मालिकाना पोरो आधार आसी मत्ता राज्य ताकी कीसोर मत्ता अर्थव्यवस्था राष्ट्रीय अर्थव्यवस्था ता उंदी नेतृत्वकारी तत्व मंदिता। मति उंदी बेरा संशोधनवादी गद्दार गुट समाजवादी अर्थव्यवस्था ता नेतृत्व हड़पे कींता अस्के अदु उंदी राष्ट्रीय एकाधिकारी पूंजीवादी अर्थव्यवस्था लोप्पा बदलेमांता। इदिना कारण ते पूना नौकरशाही एकाधिकारी बुर्जुआ वर्ग उत्पादक शक्तिंग कुन बचोन ज्यादा तन्ना हित ते प्रतिनिधित्व कियाना राष्ट्रीय मालिकाना लोप्पा वाटमूडांता अचोने ज्यादा अवु “राज्य” ता पोरोल ते पूरा समाज ता सम्पदा तुन तम्मा कब्जा ते कीसोर दांतांग। इद तरीका राज्य ता लेबल ता इस्तेमाल कीसोर सिर्फ मेहनतकश जनता तुन धोखा हीसोर मंदानाए आयवा राष्ट्रीय पूंजीवाद संगे अदु राष्ट्रीय अर्थव्यवस्था पोरो तम्मा नियंत्रण वेने मजबूत कींतांग। अदिन काजे सोवियत संघ ता पूंजीवादी अर्थव्यवस्था ता विशेष लक्षण राष्ट्रीय एकाधिकारी पूंजीवाद सब्बे वस्तु ना पोरो नियंत्रण ओसो संचालन कींता। मति इद परिस्थिति पूंजीवादी साम्राज्यवादी देश कुना लोप्पा अलग मंदिता। पूंजीवादी साम्राज्यवादी देश कुना लोप्पा राष्ट्रीय एकाधिकारी पूंजीवाद ता वेल्ले विकास कीतेकाई इंजे अदु सोवियत संघ लोप्पा ताकसोर मत्ता परिस्थिति ते एवताद हिल्ले। शोषण ओसो उत्पीड़न कारण ते सोवियत मजदूर वर्ग ओसो खासकर वेल्ले मेहनतकश आबादी तुन मुश्किल ते वाटिंता। लेनिन उंदी बेरा “उत्पादन साधन कुना पोरो निजी मालिकाना लोप्पा, वेल्ले एकाधिकारीकरण ओसो राष्ट्रीयकरण अनिवार्य रूप ते मेहनतकश जनता ना शोषण ओसो उत्पीड़न तुन बेरसी कींतांग अनि विद्रोह कियानास्के वेल्ले मुश्किलकु पुट्टी कींतांग। अद्रमे प्रतिक्रियावादी सैनिक तानाशाही ता मजबूत आयना वेने अनिवार्य रूप ते बाकी वर्ग कुनल वेल्ले पूंजीवादी मुनाफा कमई कियाना ओसो मजदूर वर्ग तुन पीड़ी-पीड़ी एवनल मुश्किल ते वाटना काम कींता, इदिना सजा मजदूर वर्ग तुन अरबों डालर भुगतान किया लागिंयर, इदिन सैनिक तानाशाही उधार एतसी मंदिता इंजी वेहतोर।”<sup>2</sup>

माटु लेनिन ना इद उदाहरण तुन हूडिंतोम अस्के इद सोवियत राष्ट्रीय पूंजीवाद ताए उंदी सटीक आर्थिक विश्लेषण लेक्का दिसिंता। रूस ता उंदी वेल्ले प्रसिद्ध कविता लेखक नेक्रासोव उंदी बेरा पाइना जार ना काला शासन ता बारे ते दुक्कम ओसो होंग तोहचोरे “रूस लोप्पा बोर सुक्कम लेवेके स्वतंत्र आया परितोर? इत्तोर”, नेटा रूस लोप्पा अक्तुबर क्रांति ता

नायक लोरा पेकोर वेल्ले मुश्किल ते मत्ता परिस्थिति वात्ता ओरकिन बदे सुख ओसो बदे वड़कना आजादी हिल्ले इंतोर। मति ब्रेझनेव ना नेतृत्व ते नौकरशाही एकाधिकारी बुर्जुआ वर्ग राजकीय कोष तुन लूटे की आराम ता पिस्वल पिस्मा मंतोर, निर्मम ओसो विचार वात्ता लेक्का शासन किया मंतोर, सोवियत संघ ता जनता ना नेतुर विचार वात्ताचोम उंडा मंतोर। ब्रेझनेव ना नेतृत्व मत्ता इदे नौकरशाही एकाधिकारी बुर्जुआ वर्ग सामाजिक साम्राज्यवाद ता वर्गीय आधार ओसो राष्ट्रीय पूंजीवाद ता “मूर्त रूप” आंदू।

## ट्रस्ट सोवियत संशोधनवाद ता एकाधिकारी संगठन ता

### बुनियादी रूप आंदू

सोवियत संशोधनवाद ता राष्ट्रीय पूंजीवाद लोप्पा संगठन ता उंदी महत्वपूर्ण रूप “ट्रस्ट” आंदू। मति इद ट्रस्ट लागू कित्ता तरीकांग पूंजीवादी देश कुना एकाधिकारी संगठन तल अलग मत्तांग। इविना निर्माण राज्य ता बलपूर्वक कार्यवाही संगे सब्बे मध्यम ओसो सुडला उद्यम कुन बेहरा उद्यम संगे काल्पता।

एकाधिकारी संगठन ता उंदी रूप लेक्का ट्रस्ट सोवियत संघ ते तेज विकसित आत्ता। 1961 ते इद्रम ता सिर्फ 2 ट्रस्ट मत्तांग। मति 10 साल पेरेके 1971 ते 1400 ट्रस्ट बनेमातांग इविना लोप्पा 14000 उद्यम ओसो 77 लाख कर्मचारी वात्तोर। खनिज उद्यम कुना लोप्पाटल लगभग एक तिहाई ट्रस्ट कुना नियंत्रण ते वात्तांग। सोवियत संघ ता “24वी राष्ट्रीय कांग्रेस” कालम ते ब्रेझनेव “ट्रस्ट ओसो काल्पसी बने कित्ता उद्यम कुना स्थापना नीति तुन वेल्ले दृढ़ता ते लागू कियमूझायर, वायना कालम ते सामाजिक उत्पादन ता लेखा-जोखा ता बुनियादी आर्थिक इकाई बनेमायनुंग इंजी घोषणा कित्तोर।” सोवियत संशोधनवादी नेतृत्वकारी समूह ता इद आदेश तुन पालन कीसोरे ट्रस्ट प्रणाली 1971 तल इंजे एवनल तम्मा प्रभाव सोवियत संघ ता पूरा मैनुफैक्चरिंग पोरो नियंत्रण कियाना लेक्का विस्तृत कित्तोर।

सोवियत संशोधनवादी ट्रस्ट 3 बुनियादी रकमकु:

पहली, काल्पसी बने कित्ता उद्यम “कानूनी रूप ते तम्मा स्वतंत्रता ओसो स्तर पोहता।” इद्रम ता ट्रस्ट “सामाजिक उत्पादन ता लेखा-जोखा ता बुनियादी आर्थिक इकाई बनेमाता” तम्मा नियंत्रण ते मत्ता उद्यम कुना पोरो तम्मा पूर्ण अधिकार तासिंतांग।

दूसरा, उचुन काल्पसी बने कित्ता उद्यम कुन तम्मा कानूनी स्वतंत्रता पोहतांग, उचुक तम्मा “स्वतंत्रता मत्ता लेक्का तास्तांग”।

तीसरा, काल्पसी बने कित्ता उद्यम “इंजे वेने स्वतंत्र” मंतांग, मति अविन सिर्फ ट्रस्ट ताकी कींता।

सोवियत संशोधनवाद पोरो वेहता 3 रकम ता ट्रस्ट कुना लोप्पटल पहली रकम ता ट्रस्ट ता विकास पोरो जोर हींता। इदिना मॉडल पश्चिमी एकाधिकारी पूंजीवादी उद्यम कुना मॉडल संगे तैयार कित्ताद मंता, इदिना लोप्पा अविनाए “संगठनात्मक प्रणाली वाले चार्ट” ता इस्तेमाल कित्ताद मंता। सोवियत संशोधनवादी इद्रम ता ट्रस्ट कुन “रूसी उद्योग कुना उंदी संक्षिप्त ओसो निष्क्रिय ढांचा तासिंता”, उंदी “विशेष रूसी कंसार्टियम” लेक्का प्रचार कित्ता। इद ट्रस्ट सिर्फ उत्पादन संगे जुड़ेमासी मनवा लेवा अदु कच्चा माल ता सपलाई ओसो उत्पाद वितरण ता काम वेने कींता। इद ट्रस्ट ओसो पश्चिमी एकाधिकारी पूंजीवादी उद्यम कुना नइमा अंतर रूसी ट्रस्ट ओसो राज्य सत्ता ता आपसी गठबंधन तूलनात्मक रूप ते वेल्ले मजबूत मंदानद मंता। इदु सिर्फ लेखा-जोखा ता बुनियादी आर्थिक इकाई आयवा इदु मुन्ने सामान्य नियंत्रण ब्यूरो लेवेके नियंत्रण मंत्रालय तय कित्ता उत्पादन, सपलाई ओसो वितरण कियाना काम वेने कींता। बेहरा ओसो ग्रामीण ट्रस्ट “सिर्फ उंदी एकीकृत उत्पादन इकाई ताए आयवा आर्थिक प्रबंधन निकाय वेने” बनेमातांग। आर्थिक नियंत्रण संबंधित कार्यभार संभाले कियाना विभिन्न मंत्रालय ओसो इव ट्रस्ट कुना नइमा इंजे बदे मध्यवर्ती निकाय हिल्ले। इंजे ट्रस्ट कुना प्रबंधन वेने सरकारी मंत्रालय कुना सचिव ओसो उपसचिव लोरा लेक्काने सोवियत संशोधनवाद ता “राष्ट्रीय अर्थव्यवस्था ता नेतृत्वकारी सदस्य” लेक्का बनेमातोरा। इंजे अवु ब्रेझ्नेव ना नेतृत्व ते नौकरशाही एकाधिकारी बुर्जुआ वर्ग ता महत्वपूर्ण सदस्य बनेमातांग। इद्रम इव ट्रस्ट राष्ट्रीय निकाय ओसो एकाधिकारी संगठन तुन एकताबद्ध कियाना ओसो राष्ट्रीय एकाधिकारी पूंजीवाद ता प्रशासनिक प्रणाली ता महत्वपूर्ण सत्ता ता रूप बनेमातांग।

ट्रस्ट लेक्का एकाधिकारी संगठन ता पिस्वल ते वायना वेल्ले मुन्नेटल सोवियत संशोधनवाद ता राष्ट्रीय उद्यम पूंजीवादी मत्ता। सोवियत संशोधनवाद ता राजकीय उद्यम कुना लोप्पा मेहनतकश जनता तुन वेल्ले मुन्नेटले उद्यम कुना मालिकाना तल जेक कीसी नौकरशाही एकाधिकारी बुर्जुआ वर्ग ता गुलाम बने कित्ता। उद्यम कुना नेतृत्व सोवियत संशोधनवाद

ता नेतृत्वकारी समूह ता एजेंट लोर कींतोर। “समाजवादी राजकीय उत्पादन उद्यम कुना नियम” कुना आचार-संगिता अनुसार उद्यम कुना प्रबंधक लोर किन “कर्मचारि किन भर्ती ओसो बर्खास्त कियाना अधिकार मंदिता, ओरे उद्यम कुना कर्मचारि किन पुरस्कार अनि सजा हियाना निर्णय वेने कींतोर।” ओरगाने स्टाफ कर्मचारि ओसो मजदूर लोरा मजदूरी हियाना ओसो बोनस तय कियाना, उत्पादन साधन ओसो दुबारा वम्मला लेवेके अविन किराया ते हियाना वेने अधिकार मंदिता। संक्षिप्त ते वेहाना इत्तेके ट्रस्ट हिल्वेके ने प्रबंधक ओसो प्लांट निर्देशक राजकीय उद्यम कुना सब्बे अधिकार संगे लैस मंजी मुन्नेटले शासक बनेमासी मंतोर, इद्रमे मजदूर लोरा बेहरा संख्या वेने मुन्नेटले इद नौकरशाही एकाधिकारी बुर्जुआ वर्ग ता गुलाम बनेमासी मंता। इद पूना तरीका ता बेहरा पूंजीपति वर्ग तन्ना नियंत्रण वाले राजकीय उद्यम ओसो ट्रस्ट कुना इस्तेमाल कीसोरे, राज्य ता पोरोल ते कर ओसो अधिग्रहण मुनाफा संगे सोवियत मजदूर वर्ग ता श्रम तुन लूटे किया मंता। इद लूट तुन मुद्रामेंड एकाधिकारी पूंजीपतिरा आराम ता पिस्वल काजे इस्तेमाल कियाना, सोवियत जनता ना दमन कियाला, आक्रमण सैनिक तैयारिग लोप्पा, तम्मा सामाजिक साम्राज्यवादी नीति तुन मुन्ने ओयला वाटितोर।

ब्रेझनेव गद्दार गुट मैन्युफैक्चरिंग ओसो खनिज सेक्टर कुना लोप्पा बेहरा स्तर ते एकाधिकारी संगठन स्थापना कियाला वाटतास्केने कृषि लोप्पा वेने अलग-अलग रकम ता एकाधिकारी संगठन बनेमांतांग। इविना लोप्पा 1) कृषि ट्रस्ट विशेष राजकीय फार्म कुना ट्रस्ट (कोर) फार्म, पशुफार्म, कुसिर काया फार्म ट्रस्ट, 2) बचोनो राजकीय फार्म लेवेके सामूहिक फार्म लेवेके राजकीय फार्म ओसो सामूहिक फार्म कुना मध्यवर्ती संगठन कुना लेक्का बनेमाता कृषि ट्रस्ट ओसो 3) कृषि-उद्योग एकता, इविन कृषि-उद्योग संयुक्त उद्यम वेने इंतोर, इविना संगे कृषिगत उद्यम कृषि उत्पाद कुना प्रोसस कियाना प्लांट कुन ताकी कींतोर। इव कृषिगत एकाधिकार संगठन कुना संगे नौकरशाही एकाधिकारी बुर्जुआ वर्ग व्यापक सोवियत ग्रामीण इलाकांग पोरो तम्मा मजबूत पकड़ बने कींतांग अनि अविन परताचोन लूटे कींतांग।

## “शेकिनो प्रयोग” सोवियत संघोधनवादी एकाधिकारी उद्यम

### लागू कित्ता उत्पीड़नकारी प्रणाली ता मॉडल मत्ता

इव नव एकाधिकारी पूंजीवादी नौकरशाही लोर राष्ट्रीय अर्थव्यवस्था पोरो नियंत्रण कीसी मजदूर लोर किन किराया ते तासना पूंजीवादी प्रणाली ता पुनर्स्थापना कीसी, बेहरा संख्या ते लोकुरा शोषण, उत्पीड़न तेज कित्तोर। 1967 तले ताकसोर मत्ता “शेकिनो प्रयोग” सोवियत संघ लोप्पा पूंजीवाद ता पुनर्स्थापना तुन सही साबित कीसिता।

शेकिनो उंदी रासायनिक उद्यम मत्ता इदु मास्को गर्रे स्थापना कित्ताद मत्ता। इदिना लोप्पा 7,000 तुकू ज्यादा कर्मचारिण काम कियानोर, इदिना लोप्पा रासायनिक उर्वरक, बाकी रासायनिक उत्पाद कुना उत्पादन आयनदू। अगस्त 1967 ते सोवियत संघोधनवादी नौकरशाही बुर्जुआ वर्ग ता जरूरत तुकू इदु उद्यम उत्पादन बेरसी कियाना, श्रम उत्पादकता तुन बेरसी कियाना, कर्मचारिण संख्या घटे कियाना लेक्कटा “कर्मचारिण सरोकार बेरसी कियाला काजे” उंदी “आर्थिक प्रयोग” शुरू कित्ता। इद “प्रयोग” बचोनो काम तुन उंदी बेरा कियाना, काम ता कोटिंग कुन उंदी कियाना तरिकांग लागू कीसी मजदूर लोरा श्रम तुन लगाताग बेरसी कियाना, इद्रम सेवा तुन विस्तृत कित्ता, कर्मचारिण संख्या घटे कियाना, श्रम बेरसी कियाना लक्ष्य तुन वेने पूरा कित्ता। मति अदे कालम ते उद्यम कुना कुल वेतन कोष कुन बचोनो साल काजे ठप्प कियाना निर्णय वेने कित्ता, इद्रम कर्मचारिण कटौती तल वेतन कोष लोप्पा आत्ता बचत तुन पूरा उद्यम लोप्पा मत्ता मुद्रामेंड विशेषाधिकारी वर्ग विचार वात्ता लेक्का इस्तेमाल कियाला विड़सता। इदिना पोरो बोलसोरे ब्रेझनेव “प्रयोग” पारिश्रमिक लोरा काजे उंदी सटीक मॉडल मत्ता इत्तोर। अस्केटले इदिन पूरा सोवियत संघ लोप्पा व्यापाक रूप ते लागू कित्ताद मत्ता।

असल ते इद “शेकिनो प्रयोग” ता मूल उद्देश्य “श्रम उत्पादकता बेरसी कीसी श्रमशक्ति तुन घटे कियाना” मंदिता, इद्रम कीसी उद्यम कुन “इविना पूरा क्षमता ऊतना” दिशा ते मुन्ने ओया परिंतांग। मति श्रम उत्पादकता तुन बदरम बेरसी कियमूड़ांता? “शेकिनो प्रयोग” इदिन श्रम बेरसी कीसी बेरसी कियमूड़ांता इंजी साबित कित्ता। जून 1971 ता आंकड़ांग अनुसार इद शेकिनो रासायनिक संयुक्त उद्यम “प्रयोग” लागू कित्तास्केटल 1000 तुकू ज्यादा मजदूर लोरा कटौती कित्ताद मत्ता, इदु कुल स्टाफ कर्मचारिण ओसो

मजदूर लोरा संख्या ता 1/7 तुकू ज्यादाए मंता। इदिना लोप्टल कुल 68 लेवेके 6 प्रतिशत मजदूर लोर किन यंत्रीकरण ता कारण ते लेवेके वेल्ले श्रम किया परवा कारण ते बरखास्त कित्ताद मंता अनि 90 प्रतिशत तुकू ज्यादा मजदूर लोर श्रम बेरसी कित्ता कारण ते बरखास्त कियमूडाता। मार्क्स “सम्पूर्ण पूंजीवादी उत्पादन प्रणाली ता समस्या काम ता दिय्या बेरसी कियाना, श्रम उत्पादकता बेरसी कियाना अनि श्रमशक्ति तुन वेल्ले बेरसी कियाना लेक्कटा तरीकांग संगे मुआवजा-रहित श्रम बेरससोर दायनादे आंदू इंजी वेहतोर।”<sup>3</sup> मति साम्राज्यवादी कालम ते वासी एकाधिकारी पूंजी मजदूर लोरकिन मुआवजा-रहित श्रम ता शोषण सैकड़ों गुना बेरसी कीता। पूंजीवादी साम्राज्यवादी देश कुना लोप्पा अतिरिक्त मूल्य ता शोषण बेरसी कियाला, श्रम बेरसी कियाला मजदूर लोर किन मजबूर कियाना “वैज्ञानिक प्रबंधन विधि” इत्तेके “टेलर सिस्टम” लेक्कटविना इस्तेमाल एकाधिकारी पूंजी संगे कियमूडांता। सोवियत संशोधनवादी ता गद्दा गुट लागू कित्ता “शेकिनो प्रयोग” वेने लेनिन “हेपुर-नेतुर उंडना प्रणाली” इंजी विरोध कित्ता “टेलर सिस्टम” ताए कार्बन कॉपी मत्ता। इदिना उद्देश्य वरोर रूसी किन उंदे बेरा बचोनो काम कियाला मजबूर कियाना अनि परताचोन अतिरिक्त श्रम, अतिरिक्त मूल्य पुट्टी कियानाद मत्ता।

इद “शेकिनो प्रयोग” तुन लागू कित्ता 121 उद्यम जुलाई 1971 एवनले 65,000 लोकुर किन बरखास्त कित्ताद मत्ता। नेंडु सोवियत संघ लोप्पा वेल्ले बेरोजगार पुटता। सोवियत संशोधनवाद ता राजकीय एकाधिकारी पूंजीवाद ता इद आर्थिक प्रणाली पूंजी ओसो कियारा ता मजदूर लोरा नडमा ता संबंध कुन आखरी एवनल दोबसिता। इदिना कारण ते इदिन सोवियत मजदूर वर्ग ओसो व्यापक मेहनतकश आबादी ता विरोध ता सामना किया लागता अनि मुन्ने वेने सामना किया लागियर।

## सोवियत संशोधनवादी “पूना अंतरविरोध संबंध”

### नव उपनिवेशवाद ताए दूसरा पोरोल आंदू

**आर्थिक एकीकरण सोवियत संशोधनवाद ता**

**नव उपनिवेशवादी अभियान ता उंदी बेहरा षड्यंत्र आंदू**

एकाधिकारी मुनाफा तुन वेल्ले बेरसी कीसोर दायला काजे एकाधिकारी पूंजी, तम्मा देश ता जनता ना वेल्ले शोषण कियाना संगे अनिवार्य रूप ते



विदेश ते वेने तम्मा किन मजबूत कियाना शुरू कींतांग। पूंजी निर्यात कीसी औपनिवेशिक नीतिंग पोयसी दूसरा देश कुना जनता तुन गुलाम बने कींतांग अनि अविन लूटे कींतांग। अदिन सोवियत संशोधनवाद ता एकाधिकारी पूंजीवाद वेने सिर्फ सोवियत मजदूर ओसो सोवियत किसान लोरा शोषण कीसी शांत मंदा परवो, अदिन काजे अनिवार्य रूप ते विदेश कुना लोप्पा वेने विस्तार आसोर दांता। इदिना सबसे पहली शिकार इद “बेहरा समाजवादी परिवार” ता “भाईचारा देश” के मंदिंतांग।

ब्रेझनेव ना गद्दार गुट उचुक पूर्वी यूरोपीय देश ओसो मंगोलिया तुन इद “बेहरा समाजवादी परिवार” ता जाली ते हिरकी कीसी तासतोर। सोवियत संशोधनवाद ओसो इव “भाईचारा देश” कुना नइमा ता संबंध कुनाए “पूना समाजवादी अंतरराष्ट्रीय संबंध” आंदू असल ते इव इद साम्राज्यवादी पूंजीवाद ओसो इदिना उपनिवेश नइमा ता हुप्पे ओसो लेक्का संबंध मंदिंता। सोविय संघ इव देश कुना पोरो तम्मा नियंत्रण तासला काजे सबसे बर्बर तरीका ता इस्तेमाल कींता। इदु “वारसा समझौता” अनि बाकी रेंडु पक्ष कुना समझौता ता सहारा एतसी उचुक देश कुना लोप्पा सामरिक उद्देश्य संगे बेहर सशस्त्र सेनांग तैनात कित्ता। इदे आयवा इद चेकोस्लावाकिया पोरो आक्रमण कियाला काजे खुल्लम खुल्ला बचोनो हजार फौज वेने लोहता। राजनीतिक रूप ते इद तम्मा कठपुतली सरकार कुना गठन कियाला काजे रिश्वत, षड़यंत्र ओसो अपराध कुना वेने साहारा वेने एतित्ता। आर्थिक रूप ते इद “आपसी आर्थिक सहायता परिषद” कोमेकॉन संगे “आर्थिक एकीकरण” लागू कीसी मत्ता। उचुन पूर्वी यूरोपीय देश ओसो मंगोलिया इदिना औपनिवेशिक शासन लोप्पा ने मंता अनि वेरी वेस्सना लेक्कटा शोषण ता सामना किया मंता।

सोवियत संशोधनवाद ता सामाजिक साम्राज्यवाद लागू कियाना “आर्थिक एकीकरण” ता उद्देश्य ‘कोमेकॉन’ ना राष्ट्रीय आर्थिक प्रणालिं कुन तहस-नहस कियाना मंता, इदु एकाशमी, एकांगी औपनिवेशिक अर्थव्यवस्था निल्पी कियाना संगे इव देश कुना इलाका, जन संख्या, स्त्रोत संसाधन सोवियत संशोधनवाद ता सामाजिक साम्राज्यवाद संगे “एकता” इतेके दोहना मंता। सोवियत संशोधनवाद ता इद “अंतरराष्ट्रीय श्रम विभाजन” ओसो “उत्पादन विशिष्टीकरण” रेंडासी इद “आर्थिक एकीकरण” संगे पोरो वेहता “आर्थिक एकीकरण” ता उद्देश्य तुन पूरा कियाना दिशा ते ताकींतांग।

इद “आर्थिक एकीकरण” पोरोल ते “भाईचारा देश” कुन तम्मा गुलाम बने कियाला काजे सोवियत संशोधनवादी तरीकांग लोप्पाटल उंदी तरीका कोमेकॉन सदस्य देश कुना ईंधन ओसो कच्चा माल ता उद्योग कुन तहस-नहस कियाना अनि सोवियत संशोधनवादी काजे पोरो स्तर ता एकाधिकार निल्पी कियाना मंता। कोमेकॉन सहकारी ओसो सोवियत संशोधनवादी स्रोत संगे जारी आंकड़ांग अनुसार, 1966 तल 1970 एवनल बुल्गारिया, हंगरी, जर्मन जनवादी गणराज्य, पौलैंड ओसो चेकोस्लोवाकिया तुन सोवियत संशोधनवादीर निर्यात कित्ता ईंधन ओसो कच्चा माल ता प्रतिशत पेट्रोलियम लोप्पा 95 प्रतिशत, कोयला 61.9 प्रतिशत ओसो रूई 64.3 प्रतिशत मत्ता। इव सदस्य देश कुना ईंधन ओसो कच्चा माल ता सपलाई लोप्पा सोवियत संशोधनवादीरा एकाधिकार मत्ता अदु इव देश कुना पिस्वल ता बारे ते निर्णय कींता।

“आर्थिक एकीकरण” पोरोल ते सोवियत संशोधनवाद “भाईचारा देश कुन” गुलाम बने कियला काजे लागू कियाना उंदी दूसरा तरीका सदस्य देश कुन सोवियत संशोधनवादीरा काजे जरूरी उत्पाद कुना लोप्पा विशिष्टिकरण दोरकी कियाला काजे मजबूर कियानाद मत्ता। उदाहरण तुकू पोलैंड तुन जहाज निर्माण उद्योग काजे मजबूर कित्ता, चेकोस्लोवाकिया तुन रेल लाईन बने कियाला, जर्मन जनवादी गणराज्य तुन खान संबंधी औजारकु बने कियाला, बल्गारिया तुन कुसिर काया-पंडिंग उत्पादन, मंगोलिया तुन सोवियत संशोधनवादीरा काजे हव्विंग सपलाई कियाला पशुधन उद्योग लोप्पा विशिष्टता दोरकी कियाला मजबूर कित्ता। इद्रम “भाईचारा देश” कुन सोवियत संशोधनवाद काजे कब्जा कित्ता प्रोसेसिंग संयंत्र, उद्यान, कुसिर काया बगीचांग, जानवर मेहतला काजे दिप्पा लेक्का बदले कित्ता।

इद्रम “आर्थिक एकीकरण” तुन वेल्ले तीव्र कीसोर दायना, सदस्य देश कुना पोरो वेल्ले प्रभावी नियंत्रण कीसोर दायना उद्देश्य ते सोवियत संघ संशोधनवाद “अंतरराष्ट्रीय धातु उद्योग सहकारी संगठन”, “अंतरराष्ट्रीय रासयनिक इंजीनियरिंग उद्योग सहकारी संगठन”, “अंतरराष्ट्रीय आर्थिक सहकारी बैंक”, ओसो “अंतरराष्ट्रीय निवेश बैंक” “सुपर राष्ट्रीय संगठन” (Supranational Organisation) लेक्कटविना गठन कित्ता। इव ‘सुपर राष्ट्रीय संगठन’ असल ते अंतरराष्ट्रीय एकाधिकारी संगठनके आंदुंग, इवे सोवियत संशोधनवाद ता राजकीय एकाधिकारी पूंजीवाद ता नियंत्रण ते द शांघाई टेक्स्ट बुक, भाग उंदी

मंतांग। इविना संगेने सोवियत संशोधनवाद सदस्य देश कुना राष्ट्रीय अर्थव्यवस्था ता महत्वपूर्ण विभाग कुना पोरो तम्मा नियंत्रण कीसी तासतांग।

सोवियत संशोधनवाद “भाईचारा देश” कुना गुडंगा कैदे पोयतांग, अविन सोवियत जरूत कुना अनुकूल तम्मा अर्थव्यवस्थांग ना एकांगी विकास कियाला काजे मजबूर कीतांग अस्के अबु तम्मा एकाधिकार ओसो औपनिवेशिक नियम कुना इस्तेमाल कीसी व्यापार लेक्का अविन लगातार लूट कियाला सफल आतांग। सोवियत संशोधनवादी पत्र-पत्रिकांग अनुसार 1970 ते सोवियत संशोधनवाद मंगोलिया ता कुल विदेशी व्यापार त 90 प्रतिशत तुकू ज्यादा हिस्सा कब्जा कीसी मत्ता, अद्रमे बल्गारिया ता कुल विदेशी व्यापार ता 50 प्रतिशत तुकू ज्यादा हिस्सा, जर्मन जनवादी गणराज्य ता कुल विदेशी व्यापार ता लगभग 40 प्रतिशत हिस्सा अनि पोलैंड, हंगरी, चेकोस्लोवाकिया ता कुल विदेशी व्यापार ता लगभग एक तिहाई हिस्सा कब्जा कित्ता। तन्ना शक्तिशाली परिस्थिति ता फायदा एतसी सोवियत संशोधनवाद इव देश कुना काजे प्रतिकूल शर्तक तासिसी इविना व्यापार कीसी इविना निर्मम शोषण कित्ता। सोवियत संघ मंगोलिया संगे उंदी बाइसाइकल ता बदला ते 4 कोडांग अनि उंदी करसना वस्तु हेरें पिल्ला ता बदला ते उंदी जिंदा हेरें पिल्ला ता व्यापार कित्ता। इद्रमे चेकोस्लोवाकिया तल आयात कित्ता विद्युत रेल इंजन पोरो अदु चेकोस्लोवाकिया तुकू हियाना कीमत अदु अंदे वस्तु तुन पश्चिम जर्मन तल आयात कित्तास्के हिता कीमत तुकू 2/5 कम मत्ता। मति चेकोस्लोवाकिया तुन सोवियत संशोधनवादीर निर्यात कियाना कच्ची ता कीमत, पश्चिम जर्मनी तुन निर्यात कियाना कच्ची ता कीमत तुकू दो गुना ज्यादा वसूल कित्ता। इद्रमे सोवियत संशोधनवाद उचुन साल पूर्वी यूरोपीय देश कुन वम्मता परमाणु भट्टिंग अंतरराष्ट्रीय हाटुम ता कीमत तुकू 4 गुना ज्यादा कीमत वसूल कीतांग। जर्मन जनवादी गणराज्य ता योजना आयोग ता वरोर पाइना सदस्याल सोवियत संघ संगे व्यापार कीसी ओरा देश तुन हर साल 2 अरब मार्क ता घाटा आया मंता इंजी शिकायत वेने कित्तोर।

पूँजीवादी साम्राज्यवाद लेक्काने सोवियत संशोधनवाद ता इद सामाजिक साम्राज्यवाद वेने “सहायता” पोरोल ते उचुक पूर्वी यूरोपीय देश ओसो मंगोलिया तुन पूँजी ता निर्यात कित्ता। 1971 एवनल सोवियत संशोधनवाद दीर्घकालीक “ऋण” कुना रूप ते कुल 2.15 अरब रूबल ता

पूँजी निर्यात कित्ता। पूँजी निर्यात कीसी अदु सिर्फ सूद ता रूप तेने वेल्ले मुद्रा दोरकी कियानाए आयवा इदिना कारण ते इदु ऋण दोरकी कियाना देशकुना विकास आयना दिशा तुन वेने तन्ना नियंत्रण ते तासता। इदे आयवा इदे निर्यात ता फायदा एतसी बेगाने बिक्री आसोर हिल्ला मत्ता औजार ओसो माल कुन वेने वेल्ले कीमत ते वम्मता।

पूँजी निर्यात कियाना संगे-संगे सोवियत संशोधनवादी, “आर्थिक एकीकरण” लोप्पा तम्मा शक्तिशाली परिस्थिति ता फायदा एतसी, सोवियत कच्चा माल ता निर्यात ता सदस्य देश कुना लोप्पा बेरससोर मत्ता मांग तो पोरोल ते उचुक देश कुन सोवियत संयंत्र कुना निर्माण ओसो सोवियत खान कुना खनन काजे कोष ओसो श्रमशक्ति प्रदान कियाला काजे मजबूर वेने कीसोर मंदितांग। इद्रम अबु पूरा लूट संगे मुइंदसी मंदितांग। उदाहरण तुकू 1966 ते चेकोस्लोवाकिया तुन त्युलमेन निख्य सेक्टर ता विकास काजे इस्पात पाइप ओसो पेट्रोलियम संबंधित औजार अस्सला काजे सोवियत संशोधनवादीर किन 50 करोड़ रूबल हियाना इंजी मजबूर कित्ता। 1968 ते चेकोस्लोवाकिया साइबेरिया लोप्पा प्राकृतिक गैस काजे पाइपलाईन वाटला काजे बेहरा आकार ता पाइप ओसो बेहरा संख्या ते टूक हियाना इंजी मजबूर कित्ता। सोवियत संशोधनवाद बल्गारिया तल कड़ी मेहनत कियाला काजे हजारों संख्या ते मजदूर तत्ता अनि ओरा अतिरिक्त श्रम परताचोन शोषण कित्ता।

लेनिन उंदी बेरा पाइना जार ना विरोध कीसोर “तम्मा पड़ोसी देश कुना संगे सामंतवादी गुलामी तुकू विशेषाधिकारी मत्ता सिद्धांत कुना अनुसार व्यवहार कियानवु इंजी वेहतोर।”<sup>4</sup> मति नेंडु सोवियत संशोधनवादी पड़ोसी देश कुना संगे कियाना व्यवहार पाइना जार ना व्यवहार तुकू वेने खराब मंता। सोवियत संशोधनवादी “आर्थिक एकीकरण” ता उद्देश्य संगे जारी “अंतरराष्ट्रीय श्रम विभाजन” ओसो “उत्पादन विशिष्टीकरण” असल ते उंदी पूँजीवादी ओसो अदिना उपनिवेश कुना नड़मा मत्ता उंदी रकम ता “श्रम विभाजने” आंदू। इदु टिटो पाइना जापानी सैन्यवाद “औद्योगिकरण जापान, खेतिहर चीन” ता नारा संगे कित्ता लेक्काने मंता। सोवियत संशोधनवाद ता “बेहरा समाजवादी परिवार” आंदू। अदु हिटलर ना जर्मनी “नव यूरोपीय व्यवस्था” ओसो जापानी सैन्यवाद ता “पूर्वी एशियाई महान सह-सम्पन्नता क्षेत्र” लेक्का साम्राज्यवादी प्रभाव इलाका ता दूसरा पोरोले आंदू।

## **“सहायता” पोरोल ते एशिया, अफ्रीका ओसो लेटिन अमेरिका लोप्पा उपनिवेशवादी विस्तार नीति तुन लागू कियाना**

सोवियत संशोधनवाद सामाजिक साम्राज्यवाद लेक्का बदलेमाता, अदिनके नियंत्रण कियाना साम्राज्यवादी नियम कुना पालन कियाना जरूरी मंता। अदिन काजे सिर्फ अदु तम्मा “बेहरा सामाजिक परिवार” लोप्पाने तम्मा उपनिवेशवादी हुकूमत ताकी कीसी शांत आयवा तम्मा वम्मना माल, कच्चा माल ओसो पूंजी निवेश काजे दुनिया ता हाटुम ता ज्यादा से ज्यादा हिस्सा पोरो तम्मा एकाधिकार कीसोर दायला परताचोन कोशिश कींता। अनि समृद्ध संसाधन, पेरेके अरता अर्थव्यवस्थांग वाले एशिया, अफ्रीका ओसो लेटिन अमेरिका देश सोवियत संशोधनवादी औपनिवेशिक विस्तार इलाका बनेमाता।

सोवियत संशोधनवाद ता गद्दार गुट एशिया, अफ्रीका, लेटिन अमेरिका तुन “सहायता” हींतान इंता मति असल ते इद “सहायता” ता मुखौटा लोप्पा इदु इव इलाका ना उचुक इलाकांग ना दश कुना तम्मा नियंत्रण ते तासना कोशिश कींता। इद्रम तीसरी दुनिया ता देश कुना पोरो तम्मा नियंत्रण तासला काजे अमेरिकी साम्राज्यवाद विरुद्ध संघर्ष किया परितांग।

इद्रम, “सोवियत सहायता” सहायता दोरकसी मत्ता देश कुना लोप्पा नालुंग बगिल तल नेंगिंता अनि वेल्ले कठिन राजनीतिक, आर्थिक परिस्थितिंग अविना पोरो वाटिंता। इदिना लोप्पा मुख्य रूप ते “सैनिक सहायता” मंदिंता, इदिना लोप्पा पाइना आत्ता सेना संबंधित हार्डवेयर वम्मिंतांग। इद तरिका पोयसी सोवियत संशोधनवाद “सहायता” दोकसी मत्ता देश कुन सैनिक, राजनीतिक ओसो आर्थिक रूप ते तम्मा नियंत्रण ते तासिंता अनि अविना लोप्पा हस्तक्षेप कीसोर मंदिंता। सोवियत संशोधनवाद एशिया, अफ्रीका ओसो लेटिन अमेरिका देश कुन हर साल उंदी अरब रूबल ता सहायता हींता इदिना 30 प्रतिशत “आर्थिक सहायता” मंदिंता। इदिना काजे मध्यपूर्व ओसो फारस खाड़ी वाले इलाकांग कुंजीभूत इलाकांग मंदिंतांग; दक्षिण एशियाई उपमहाद्वीप इदिना दूसरा महत्वपूर्ण इलाका आंदू। मध्यपूर्व ओसो फारस खाड़ी इलाकांग सामरिक रूप ते वेल्ले महत्वपूर्ण मंतांग, अगा निय्य भंडारकु मंतांग अदिनके इव इलाकांग लोप्पा तम्मा नौसैनिक ओसो हवाई अड्डा बने कियाना, निय्य ता खोज, अदिना

निकासी, अदिन जांच ओसो परिवहन पोरो नियंत्रण कियाना, “सोवियत सहायता” संगे निख्य अस्सना पोरो एकाधिकार स्थापित कियाना सोवियत संशोधनवाद ता पूरा कोशिश मंदिता। दक्षिण एशियाई उपमहाद्वीप सिर्फ सामारिक रूप ते ने महत्वपूर्ण मंदानदे आयवा, प्राकृतिक ओसो मानवीय सम्पदा संगे भरपूर मंता। सोवियत संशोधनवाद इव इलागांक ना संसाधन कुन लगातार लूटे कित्ता अनि अविना नीतिंग (तम्मा व्यापार अनुकूल शर्त कु तासिसी सेना संबंधित हार्डवेयर ओसो पूंजी ता निर्यात संगे) हस्तक्षेप वेने कित्ता। इदे आयवा अदु मौका दोकता इत्तेकेने इव इलाकांग लोप्पा तम्मा सैनिक अड्डांग बने कियाला हरीं हूइसोर मंता।

दक्षिण एशियाई उपमहाद्वीप कुना लोप्पा भारत सबसे ज्यादा “सोवियत सहायता” दोरकी कींता। इदिना आर्थिक नब्ज सोवियत संशोधनवाद कैदेने मंता। 1970 आखरी एवनल सोवियत “सहायता” दोरकी कियाना भारतीय उद्यम कुना कारण ते भारतीय औद्योगिक उत्पादन लोप्पा इद “सहायता” ता योगदान प्रतिशत इगा रास्ता लेक्का मंता: कुल इस्पात उत्पादन लोप्पा 30 प्रतिशत, कुल तेल शोधन क्षमता लोप्पा 60 प्रतिशत, कुल बेहरा मशीन उत्पादन लोप्पा 85 प्रतिशत, कुल विद्युत क्षमता लोप्पा 20 प्रतिशत, कुल तेल उत्पाद कुना लोप्पा 30 प्रतिशत, कुल बिजली पुट्टी कियाना संयंत्र लोप्पा 60 प्रतिशत। इव “सहायता दोरकसी मत्ता” परियोजनांग लोप्पा, इंजीनियरिंग डिजाइन निर्माण चरण लोप्पा पूरा सोवियत संशोधनवादी ता एकधिकारी ओसो नियंत्रण लोप्पा मत्तांग। काम ताकी कियाना लोप्पा वेने भारत तुकू खुद किन सोवियत संशोधनवाद ता नियंत्रण तल मुक्त तासना संभव हिल्वा मत्ता। संयंत्र कुना रिपेयर ओसो कलपुर्जा, महत्वपूर्ण माल सपलाई काजे इविन सोवियत संशोधनवाद पोरोने आधार आसी मंदा लागता। इदे आयवा सोवियत संशोधनवाद भारत ता उत्पादन पोरो “सोवियत सहायता” लोप्पा वापसी-भुगतान जिन्स संगे कियाना मांग संगे वेने नियंत्रण कित्ता। भारत उचुन तोला ता बूटकु बने कियाना फैक्टरिंग, गारमेंट फैक्टरिंग, रंग फैक्टरिंग, तोला फैक्टरिंग, बिजली बल्ब बने कियाना फैक्टरिंग सोवियत संघ ता मांग तुन पूरा कियाला काजे निल्पी कियमूड़ाता। इव संयंत्र कुना उत्पाद भारतीय उपभोग कुना काजे आयवा, ऋण वापसी भुगतान लेक्का सोवियत संघ तुकू निर्यात कियाला काजे मत्तांग। इवे तरीकांग इस्तेमाल कीसी सोवियत संशोधनवाद तन्ना “सहायता” ता कवर ते भारत ता कच्चा माल ओसो सस्ता श्रम ता द शांघाई टेक्स्ट बुक, भाग उंदी

फायदा एतना अनि भारत तुन तम्मा नियंत्रण ते प्रोसेसिंग संयंत्र लेक्का बदले कियाना कोशिश किता। अदिन काजे भारतीय प्रेस “भारत आराम ते रूसी टुकली ते अरता मेंज आंदू” इंजी कोल्हार किता।

मति सोवियत संशोधनवादी गद्दार गुट सिर्फ सोवियत “सहायता” पोरो आधार आसी “अंतरराष्ट्रीय श्रम विभाजन” लोप्पा शामिल आसी “विकासशील देशकु तम्मा वास्तविक राजनीतिक, आर्थिक स्वतंत्रता तुन मत्ता लेक्का दोरकी किया परितंग, साम्राज्यवादी शक्ति ना प्रतिरोध किया परितंग इंजी बोल्लता।” असल इत्तेके इदु इंजे एवनल ता सबसे बेहरा झूठ आंदू। इदे आयवा सोवियत संशोधनवाद तुन खुद तन्ना ओसो विकासशील देश कुना नइमा श्रम विभाजन “मुन्नेटल ताकसोर मत्ता श्रम विभाजन संगे वेल्ले प्रभावित” आत्ता इंजी स्वीकार किया लागता। इदिना विशेषता “औद्योगिक उत्पाद, मशीनरी बदला ते कच्चा माल, कटिबंधीय उत्पादन ओसो निख्य ता विनिमय” मत्ता। सोवियत संशोधनवादीरा कुल रबर आयात ता 95 प्रतिशत, कपास आयात ता 92 प्रतिशत एशिया, अफ्रीका ओसो लेटिन अमेरिका तल वांता। अबु मध्यपूर्व तल निख्य, चीले तल तांबा, बोलिविया तल टिन, पूर्वी अफ्रीका तल हव्वि, सोमालिया तल यूरैनियम ता बदला ते तम्मा पाइना आत्ता मशीनरी ता निर्यात कियानवु। “औद्योगिक सोवियत संघ” ओसो “खेतिहर एशिया, अफ्रीका, लेटिन अमेरिका” नइमा ता “अंतरराष्ट्रीय श्रम विभाजन” वरोर बादशाह ओसो ओना नियंत्रण ते मत्ता उपनिवेश नइमा ता श्रम विभाजन लेक्क हिल्ले या।

सोवियत संशोधनवाद ता गद्दार गुट तन्ना ऋण पोरो (2.3 प्रतिशत सालाना सूद एतित) पूंजीवादी साम्राज्यवादी देश कु एतना सूद तुकू वेल्ले कम आंता अनि अदु हियाना ऋण “निस्वार्थ सहायता” आंदू इंजी बोल्लिंता। मति असल इत्तेके सोवियत संशोधनवादिर हियाना ऋण शोषण ता मकसी मत्ता रूप आंदू। इद शोषणकारी सूद दर अविना सपलाई कियाना माल ता बेहरा कीमत लेक्का वसूल आंता। एशिया, अफ्रीका ओसो लेटिन अमेरिका देश कुन हियाना सोवियत ऋण सोवियत माल ओसो अना लोप्पा प्रमुख रूप ते पाइना आत्ता हथियार, पाइना आत्ता मशीनकु ओसो अंतरराष्ट्रीय हाटुम काजे बेकार आत्ता माल अस्सला काजे हियमूडांता। इव उत्पाद खराब गुणवत्ता, पेरके अरता टैकनिक ते आयवा तम्मा कीमत कुना लोप्पा वेने अंतरराष्ट्रीय हाटुम ता कीमत कुना 20 प्रतिशत लेवेके 30 प्रतिशत लेवेके बस्केने 100 प्रतिशत एवनल महंगा मंदितांग। इव सामाजिक साम्राज्यवादी

कर्जदार देश कुना पोरो भुगतान वापसी काजे दबाव वाटिंतांग अनि अविन सोवियत संघ कुन कच्चा माल सपलाई कियाला काज मजबूर कीसोर मंदिंतांग। सोवियत संघ मध्यपूर्व ता उंदी देश संगे अद देश 1975 तल 1980 एवनल अंतरराष्ट्रीय हाटुम कीमत तुकू 20 प्रतिशत कम कीमत ते निख्य तम्मा ऋण वापसी भुगतान लेक्का हियाना इंजी मांग कींता। अदिना पोरो “निस्वार्थ सहायता” ता लेबल वाटसी निर्मम शोषण कींता।

सोवियत संशोधनवादीरा गद्दार गुट मौखिक रूप ते एशिया, अफ्रीका ओसो लेटिन अमेरिका ता जनता ना क्रांतिकारी संघर्ष कुना “पूर्ण समर्थन” हीसोर मंदियर इंजी किरिया कींता। मति असल ते अदु इव देश कुना जनता ना क्रांतिकारी संघर्ष कुन लोप्पटल ढोढरी कियाला काजे सबसे ज्यादा प्रतिक्रियावादी शक्तिंग संगे सांठगांठ कित्ता अनि तन्ना नव उपनिवेशवाद तुन मुन्ने ओता। इदु विभिन्न देश कुना प्रतिक्रियावादी ग्रूप कुन क्रांतिकारीर किन खत्म कियाला काजे धन ओसो हथियार हियाला मदद कित्ता। इदु एशिया, अफ्रीका, लेटिन अमेरिका ता बचोनो देश कुना लोप्पा तोड़-फोड़ कियाना षड्यंत्रकारी कार्रवाइंग लोप्पा शामिल मत्ता, एशिया, अफ्रीका ओसो लेटिन अमेरिका ता बचोनो देश कुना लोप्पा जनता ना सशस्त्र संघर्ष कुन खत्म कियाला काजे इव देश कुना प्रतिक्रियावादी ग्रूप कुना मदद कित्ता, राष्ट्रीय मुक्ति आंदोलन कुना दमन कित्ता, पूरा दुनिया लोप्पा मिलिटरी पुलिस ता भूमिका निभे कित्ता।

## **सोवियत संशोधनवादी साम्राज्यवाद उंदी दूसरा अक्तुबर क्रांति ता पहली चरण आंदू**

**सोवियत संशोधनवादी साम्राज्यवाद ता**

**खतरनाक परजीवी ओसो कड़ियसोर मत्ता रूप**

सोवियत संशोधनवादी सामाजिक साम्राज्यवाद एकाधिकारी पूंजीवाद आंदू। इद मेहनतकश जनता ना निर्मम, शोषण-उत्पीड़न कींता अनि बाकी देश कुना खासकर एशिया, अफ्रीका ओसो लेटिन अमेरिका ता व्यापक जनता तुन वेने क्रूरतार्वक लूटे कीसोर गुलाम बने कींता। इद पूंजीवादी साम्राज्यवाद तुकू वेने खराब मंता। मति पूरा साम्राज्यवाद लेक्का सोवियत संशोधनवादी राजकीय एकाधिकारी पूंजीवाद वेने उंदी कागज ता डुव्वले आंदू। बारांकु इत्तेके सब्बे रकम ता एकाधिकारी पूंजीवाद अनिवार्य रूप ते



उंदे बेरा परजीवी ओसो कड़ियसोर मत्ता पूंजीवाद आंदू। इदु डोलसोर मत्ता पूंजीवाद आंदू। सोवियत संशोधनवादी राजकीय एकाधिकारी पूंजीवाद इदिना अपवाद हिल्ले। आर्थिक पहलु लेवेके राजनीतिक पहलु, सोवियत संशोधनवादी राजनीतिक एकाधिकारी पूंजीवाद परचोन तरीकांग संगे तम्मा परजीवी ओसो कड़ियसोर मत्ता रूप तुन तोहा मंता। सोवियत संघ ओसो दुनिया ता जनता जल्दिए इदिन म्यूजियम ते वाटसियर।

सोवियत संशोधनवादी सामाजिक साम्राज्यवाद ता कड़ियसोर मत्ता रूप मुख्य रूप ते रोमसी मत्ता आर्थिक विकास लोप्पा दिसिंता। सोवियत संशोधनवादी राजकीय एकाधिकारी पूंजीवाद ता उत्पादन संबंध सामाजिक उत्पादन शक्तिंग कुन पूराए मुश्किल ते वाटिंतांग। सोवियत संघ उंदी समाजवादी देश मत्ता, अस्के 1929 तल 1938 एवनल 10 साल लोप्पा इदिना औद्योगिक उत्पादन 17.4 प्रतिशत ता औसत सालाना दर संगे मुन्ने हत्ता। मति इदे सोवियत संघ सामाजिक साम्राज्यवाद लेक्का बदले माता, अस्के 1961 तल 1970 एवनल 10 साल लोप्पा इदिना औद्योगिक उत्पादन ता औसत साल ता वृद्धि दर 1971 ते 8.6 प्रतिशत तल घटेमासी 7.7 प्रतिशत पिस्ता अनि 1972 ते 7 प्रतिशत तुक्कू वेने दोड़ हत्ता। खुश्चेव ओसो ब्रेझनेव ना गद्दार गुट ता शासन लोप्पा, सोवियत संघ कृषि उत्पादन वेल्ले घटेमाता। अद्रमासी बचोनो बेरा गंभीर कृषि संकट तेदा मंता अनि अमेरिका, कनाडा ओसो आस्ट्रेलिया तल बेहरा मात्रा ते खाद्यान्न आयात किया लागता। औद्योगिक मंदी, घटेमासोर मत्ता कृषि उत्पादन, खत्म आसोर मत्ता पशुधन ओसो बेरसिस मत्ता मुद्रास्फीति करण ते माल सपलाई लोप्पा वेल्ले कमी ओसो हाटुम ते अविना सपलाई कमजोर आत्ता। मेहनतकश जनता ना पिस्वल वेने मुश्किल आत्ता।

सामाजिक साम्राज्यवाद ता कड़ियसोर मत्ता रूप इदिना सैनिक विस्तार ओसो युद्ध संबंधित तैयारिग लोप्पा वेने दिसिंतांग। तम्मा विदेशी आक्रमण ओसो विस्तार कुना कार्रवाइंग कुन मुन्ने ओयला काजे ब्रेझनेव ना गद्दार गुट ता प्रतिनिधित्व वाले नौकरशाही एकाधिकारी बुर्जुआ वर्ग राष्ट्रीय अर्थव्यवस्था ता सैन्यीकरण कियाला काजे “परताचोन हथियार ओसो वेल्ले कम पालनिय्य” हियाना हिटलर नीति लिए लागू आत्ता। सोवियत संशोधनवादिरा सैन्य खर्च सरकारी सूत्र संगे स्वीकार कित्ता आंकड़ांग संगे 3-4 गुना ज्यादा मत्ता। 1970 दशक तल औसत वार्षिक सैन्य खर्च 80 अरब डालर लेवेके राजकीय बजट ता 30 प्रतिशत तुक्कू ज्यादा आत्ता। नौसैनिक

नियंत्रण दोरकी कियाला काजे आत्ता होइ लोप्पा सोवियत संशोधनवाद तम्मा नौसेना ता वेल्ले विस्तार कित्ता। युद्ध जहाज कुना पोरो सैन्य खर्च हर साल वेल्ले बेरससोर हत्ता। इदिना लोप्पा औसत सालता खर्च 1960 दशक ते 2 अरब डालर मत्ता, 1970 ते 3 अरब डालर आत्ता, इदिन अदे साल अमेरिका युद्ध जहाज कुना पोरो कित्ता खर्च तल 0.9 अरब डालर ज्यादा मत्ता। इद्रम सामाजिक सम्पदा ता बेहरा मात्रा ते जनता ना पिस्वल स्तर पोरो तेहतला काजे उत्पादन बेरसी कियाना पोरो खर्च कियाना आयवा युद्ध तैयारिग, विदेशी आक्रमण ओसो विस्तार ता कार्रवाइंग कुन मुन्ने ओयना पोरो ने खर्च कियमूडाता, इदु सामाजिक साम्राज्यवाद ता कड़ियसोर मत्ता रूप लेक्का दिसिंता।

सोवियत संशोधनवादी सामाजिक साम्राज्यवाद ता कड़ियसोर मत्ता रूप अदिना राजनीतिक प्रतिक्रियावाद ओसो सामाजिक पिस्वल वेल्ले कमजोर स्तर ते मत्ता। माओ त्से-तुंग “वर्तमान सोवियत संघ बुर्जुआ वर्ग ता तानाशाही आंदू, बड़े बुर्जुआ वर्ग ता तानाशाही आंदू, जर्मन फासीवादी शैली ता तानाशाही, हिटलर तानाशाही आंदू”<sup>5</sup> इंजी वेहतोर। माओ ना विश्लेषण सोवियत संशोधनवादी सामाजिक साम्राज्यवादी वर्ग रूप, अदिना सामाजिक उत्पत्ति तुन पूराए उद्घाटित कित्ता, इदिना फासीवादी रूप, सोवियत संशोधनवादी गद्दार गुट ता सोवियत संघ “सम्पूर्ण जनता ना देश” आंदू इंदाना झूठ तल पर्दाफाश कित्ता। सोवियत संशोधनवादी गद्दार गुट सत्ता लोप्पा वात्तास्केटले इद फासीवादी तानाशाही तंत्र मजबूत कियाना शुरू कित्ता। तम्मा जनता पोरो दमन कियाला काजे इदु तम्मा पुलिस ओसो खुफिया एंजेन्सिंग कुन शक्तिशाली बने कियाला अविन सिर्फ आधुनिक वैज्ञानिक ओसो टैकनिकल उपकरण संगे लैस कियवा लेवा इदु फैक्ट्रिंग, फार्म, संगठन ओसो संघ कुना लोप्पा जनता पोरो नियंत्रण तासला तम्म खुफिया जासूस वेने तैनात कित्ता। नेंडु सोवियत संघ उंदी श्वेत आतंक ता दड़मी ते मंता। बोरु ब्रेझनेव गुट पोरो होंग ओसो प्रतिरोध तोहना हिम्मत कींतोर ओना पोरो कड़ी नजर तासिंतोर, ओरा पेरके अरिंतोर, कड़ी पूछताछ आंता लेवेके बदे “पागलखाना” ते लोहमूडांता लेवेके “सोवियत संघ ता निंदा कियाना लेवेके अदिना सामाजिक व्यवस्था लोप्पा तोड़फोड़ कियाना” दोष वाटसी यातना शिविर लेवेके जेल लोप्पा वाटमूडांता।

क्रूर हिंसा संगे जनता पोरो दमन-उत्पीड़न कियाना संगे-संगे ब्रेझनेव ना गद्दार गुट सोवियत जनता नड़मा पूंजीवादी साम्राज्यवादी देश कुना द शांघाई टेक्स्ट बुक, भाग उंदी

कड़ियता संस्कृति, अश्लील साहित्य ओसो पिस्वल शैली ता विष निंडसी मत्ता प्रचार-प्रसार कीसी अदिन पूराए तम्मा सांस्कृतिक भूमि तल कोयदला काजे वेल्ले बारीक तरीकांग वेने पोख्यसी मंता। दुनिया ता विचारधारात्मक रूप ते सबसे पेरेके अरता, प्रतिक्रियावादी ओसो कड़ियता मूल्य काजे सोवियत संशोधनवादी सामाजिक साम्राज्यवाद उंदी वेल्ले उर्वर भूमि लेक्का दोरकता।

सोवियत संशोधनवादी सामाजिक साम्राज्यवाद ता परजीवी ओसो कड़ियसोर मत्ता रूप ता उंदी दूसरा रूप ब्रेझनेव ना गद्दार गुट ता नेतृत्व ते अगाटा नौकरशाही एकाधिकारी बुर्जुआ वर्ग साधारण मजदूर ओसो किसान लोरगडल वेल्ले आमदनी किया मंता। आय ता इद अंतर 10 गुना तुकू ज्यादा लेवेके 100 गुना आत्ता, इदु बेहरा वेतन, बेहरा बोनस ओसो अलग-अलग रकम ता व्यक्तिगत सब्सिडी ना रूप ते दिसिंतांग। इद वर्ग भ्रष्टाचार संगे मुंडदसी तम्मा निजी स्वार्थ पूरा कियाना ओसो आराम ता पिस्वल पिस्सला काजे तम्मा विशिष्ट आर्थिक ओसो राजनीतिक विशेषाधिकार कुन वेने वेल्ले इस्तेमाल कित्ता। इद नौकरशाही एकाधिकारी बुर्जुआ वर्ग संगे उंदी संशोधनवादी बुद्धिजीवी तंत्र वेने गटिग जुड़ेमासी मंता। इद संशोधनवादी बुद्धिजीवी तंत्र विचारधारात्मक रूप ते इद नौकरशाही एकाधिकारी बुर्जुआ वर्ग ता सेवा कींता अनि ताना लेक्काने आराम ता पिस्वल पिसिंता। युद्ध ओसो बुर्जुआ शांतिवाद पोरो रासला काजे पुंदाना लेखक शोलोखोव अरबपति बनेमातोर। ओरगना सिर्फ तम्मा निजी कारे (गाड़ी) आयवा उंदी निजी हवाई जहाज वेने मंता। ओरा बैंक ते ओरु खुद वेने अदिना हिसाब-किताब मरंगनाचोन धन जमा मंता।

संक्षिप्त ते वेहाना इतेके उंदी कड़ियसोर मत्ता सामाजिक व्यवस्था ता विशेषता उंदी कड़ियता सोवियत संशोधनवादी सामाजिक साम्राज्यवाद ता आर्थिक राजनीतिक ओसो सांस्कृतिक सेक्टर कुना लोप्पा पूराए फैलेमासी मंता। इद सामाजिक व्यवस्था लोप्पा मत्ता हड़प डग्गी ते मोड़ियता उंदी पूराए जीवा डोलसी मत्ता कूर लेक्का मंता।

अमेरिकी साम्राज्यवाद ओसो सोवियत संशोधनवादी विरोध उंदी पूना ऐतिहासिक कालम ता शुरूआत आत्ता

तम्मा देश लोप्पा मेहनतकश आबादी पोरो क्रूर दमन ओसो उत्पीड़न, “बेहरा समाजवादी परिवार” कुना देश पोरो निर्मम औपनिवेशिक शासन, दुनिया ता विभिन्न हिस्सांग पोरो आक्रमणकारी विस्तार अनिवार्य रूप ते

सोवियत संशोधनवादी सामाजिक साम्राज्यवाद ता विभिन्न अंतरविरोध कुन तीव्र कित्ता अद्रमासी अदिन देश लोप्पा ओसो बाहर रेंडासी जागा सामना किया लागिता।

दमन मंदाना जागा ते प्रतिरोध वेने मंदिता। अदिन काजे सोवियत संशोधनवाद नौकरशाही एकाधारी बुर्जुआ वर्ग तुन अनिवार्य रूप ते सोवियत संघ ता मेहनतकश आबादी ता प्रतिरोध ता सामना किया लागता।

इद नौकरशाही एकाधिकारी बुर्जुआ वर्ग पोरो सोवियत जनता ना प्रतिरोध बचोनो रूप ते दिस्सा मंता। सोवियत संघ ता बचोनो सेक्टर कुना लोप्पा मजदूर सोवियत संशोधनवाद ता सत्ताधारी गुट पोरो तम्मा होंग ओसो विरोध काम तुन तीरम कीसी, ड्यूटी तुकू लापरवाही व्यवहार कीसी हइताल किया मंतोर। बचोनो जागा ने सोवियत संशोधनवादी सत्ता ता फासीवादी तानाशाही विरोध ते क्रांतिकारी जनता बचोनो बेरा प्रदर्शन कित्ता। सोवियत संघ ता लोकुर विभिन्न इलाकांग लोप्पा नियमित रूप ते भूमिगत सामग्री तोहतोर, सोवियत संशोधनवादी गद्दार गुट ता प्रतिक्रियावादी शासन ता विरोध कियाला काजे पर्चा तूसता अनि सोवियत संशोधनवादी विशेषाधिकार दोरकता वर्ग गुप्त रहस्य कुना पर्दाफाश कीसोर मत्ता। अक्तुबर क्रांति ता बहादुर मर्री-मिय्याइ सोवियात संशोधनवाद ता इद पूना जार ना प्रतिक्रियावादी शासन मुन्ने बस्केने तल्ला वर्होर। पाइना जार ना शासन लोप्पा लेनिन पूरा विश्वास संगे “रूस ता सर्वहारा वर्ग जारशाही राजतंत्र तल पूरा मानवजाति तुन मुक्त कियाला काजे बदे हर्री विइसो”<sup>६</sup> इंतोर। नेंडु सोवियत सर्वहारा, किसान ओसो क्रांतिकारी बुद्धिजीविर लेनिन ना आह्वान पोरो अमल कियाना अनि इद पूना जार शासन तुन तेहकसी वाटना, सर्वहारा तानाशाही तुन ओसो निल्पी कियाना काम कियाना जरूरी मंता।

दूसरा माटा, सोवियत संशोधनवादी नवउपनिवेशवाद संगे पीड़ित देश, जनता, सोवियत संशोधनवादी सामाजिक साम्राज्यवाद नइमा अंतरविरोध वेल्ले तीव्र आसोर दाया मंता।

सोवियत संशोधनवादीर लागू कित्ता “आर्थिक एकीकरण” ता नवउपनिवेशवादी नीती, बचोनो पूर्वी यूरोपीय देश ओसो मंगोलिया ता गुलामकरण, योजनानुसार लूटे कीतांकु देश लोप्पा लूट विरोधी संघर्ष वेने तेज आसोर दाया मंता। सोवियत संशोधनवादिर चेकोस्लोवाकिया लोप्पा कित्ता क्रूर सशस्त्र हस्तक्षेप बचोनो पूर्वी यूरोपीय देश कु ओसो मंगोलिया द शांघाई टेक्स्ट बुक, भाग उंदी

तुन होशियार कित्ता अनि सोवियत संशोधनवादी सामाजिक साम्राज्यवाद विरुद्ध संघर्ष तेज आतांग। नेंडु पूर्वी यूरोप उंदी बारूद सुरंग लेक्का मंजी बस्केने वेने पोक्कना लेक्का मंता। सोवियत टैंक प्राग पोरो कित्ता आक्रमण तल सोवियत संशोधनवादी साम्राज्यवादी शक्तिएं बुलंद आयवा इदिना विपरीत इद सोवियत संशोधनवादी औपनिवेशिक साम्राज्य ता पतन आयना मुन्नेटा इशारा मत्ता।

सोवियत संशोधनवाद “सहायता” ता कवर ते एशिया, अफ्रीका ओसो लेटिन अमेरिका देश कुना लोप्पा जबरदस्ती कींता, लूटपाट कींता अनि आक्रमण कींता। इद्रम कीसी इद खुद एशिया, अफ्रीका ओसो लेटिन अमेरिका ता जनता तुन तन्ना विरोध ते निल्पी कींता। इंजे सोवियत संशोधनवादी सामाजिक साम्राज्यवादी पंजा भूमध्यसागर ओसो हिंद महासागर ता देश कुना लोप्पा वेने फैलेमाया मंतांग, अगा अबु तम्मा सैनिक अड्डांग निल्पी किया मंतांग, अविना बंदरगाह पोरो विशेषाधिकारी दोरकी किया मंतांग, अविना आंतरिक नीतिंग ओसो विदेश समस्यांग पोरो नियंत्रण, हस्तक्षेप वेने कींता। सोवियत संघ ता कीके पोयना जहाज कुना गोहड़ी पूरा दुनिया ता समुद्राम लोप्पा विचार वात्ता लेक्का वेलिया मंतांग, विचार वात्ता लेक्का कीकेंग पोयसी बर्बाद किया मंतांग अनि बाकी देश कुना समुद्रा इलाकांग पोरो कब्जा किया मंतांग। एशिया, अफ्रीका ओसो लेटिन अमेरिका तो लोकुर इंजे सोवियत संशोधनवादी सामाजिक साम्राज्यवाद ता प्रतिक्रियावादी रूप तुन परताचोन पुंदा मंतोर। ओरु “दुनिया ता क्रांतिकारी जनता” ना विश्वासघात कित्ता सोवियत संशोधनवादी गद्दार गुट उंदी “नवउपनिवेशवादी” आंदू, “दुनिया ता जनता ना उंदी दूसरा सार्वभौमिक दुश्मन” आंदू इंजी पक्का पुत्तोर। इंजे सोवियत संशोधनवाद ओसो अमेरिका साम्राज्यवादी आक्रमण, नियंत्रण, हस्तक्षेप ओसो दुर्व्यवहार ता शिकार आत्ता देश अनि लोकुर मुख्य रूप ते रेंडु महा शक्तिंग अमेरिका ओसो सोवियत संघ ता विरुद्ध साम्राज्यवाद विरोधी ओसो उपनिवेशवाद विरोधी संघर्ष शुरू कियाला काजे एकताबद्ध आया मंतोर।

तीसरा माटा, सोवियत संशोधनवादी सामाजिक साम्राज्यवाद ता बेय्यल लेक्का आक्रमण ओसो विस्तार, तन्ना वम्मना माल काजे हाटुम दोरकी कियाला, कच्चा माल ता सपलाई, पूंजी निवेश कियाला इदिना कार्रवाईंग साम्राज्यवादी देश कुना नडमा, सोवियत संशोधनवाद ओसो अमेरिका साम्राज्यवाद नडमा ता अंतरविरोध तुन हंदी हिल्लाचोन तीव्र

किता, इव रेंडासी महाशक्तिंग दुनिया पोरो तम्मा-तम्मा नियंत्रण तासला काजे तीव्र होइ ते मंतांग।

नेंडु मुख्य रूप ते इव रेंडासी महाशक्तिंग संयुक्त राज्य अमेरिका ओसो सोवियत संघ दुनिया पोरो तम्मा-तम्मा एकाधिकारी कियाना होइ ताकि किया मंतांग। सामरिक जागा काजे संघर्ष कीसोर मत्ता जागा नेंडु यूरोप ते मंता, बारांकु इत्तेके यूरोप पूंजीवादी दुनिया ता गुंडे आंदू। पश्चिमी देश हमेशा सोवियत संशोधनवाद तुन पूर्व बगिल विस्तार कियाना दिशा ते ओयला आल्सिंतांग अनि इद प्रतिकूल परिस्थिति तुन चीन पोरो वाटसिंता। मति चीन ता प्रतिरोध साल कुन हारे कींता। इंजे सोवियत संशोधनवाद तन्ना डावपेज आक्रमणकारी रणनीति संगे तन्ना संघर्ष यूरोप लोप्पाने बेरसी किया मंता। सोवियत संशोधनवादीर तम्मा दो तिहाई सेना ओसो वायु सैनिक शक्ति यूराल मेट्टा ता पश्चिम ते तैनात किता। इंजेटा दशक ते सोवियत संशोधनवादी नौसेना ता तीव्र विस्तार आत्ता। 1970 ते इदु तम्मा नौसैनिक हिम्मत तोहना भूमंडलीय डील संगे तम्मा 200 तुकू ज्यादा युद्ध पोत 3 महासागर ओसो 8 समुद्रा ओदा रवाना किता अनि भूमध्य सागर ओसो हिंद महासागर बगिल विस्तार किता। नेंडु दुनिया लोप्पा अशांति मंदानादिना मूल कारण संयुक्तम राज्य अमेरिका ओसो सोवियत संघ नइमा दुनिया पोरो तम्मा तानाशाही निल्पी कियाला काजे ताकना संघर्षे आंदू। बदे डावुट हिल्वा इद संघर्ष लोप्पा अवु तीसरी दुनिया ता हंदी हिल्वा प्रतिरोध ता सामना किया लागा मंता, जापान ओसो पश्चिमी यूरोपीय देश कुना होंग वेने बेरसा मंता। असल इत्तेके इव रेंडासी महाशक्तिंग ना बेरससोर मत्ता आंतरिक ओसो बाहरी मुश्किलकु अविन वेल्ले कमजोर कीसोर दाया मंतांग।

साम्राज्यवादी इत्तेके आक्रमण ओसो युद्ध आंदू। सोवियत संशोधनवादी सामाजिक साम्राज्यवाद तीनी हंदी ते तम्मा फौज तैनात किया मंता अनि चीन तुन तन्ना उपनिवेश बने कियाना कोशिश किया मंता। अदिन काजे माटु माओ ना पोल्लोंग अमल कीसोर “युद्ध काजे तैयार आया लागियर, प्राकृतिक मुश्किल कुना काजे तैयार मंदा लागियर, जनता काजे सब्बे काम किया लागियर”, “बेहरा कोहड़ांग तरवा लागियर, अनाज भंडार बेरसी किया लागियर, बस्के ने वेने आक्रमक आयनायो” इद्रम कीसी आक्रमक युद्ध विरुद्ध तैयारिग बेस कियमूड़ायर अनि साम्राज्यवादी विश्वयुद्ध, सोवियत संशोधनवादी सामाजिक साम्राज्यवाद ता अचानक

हमलांग ना विरुद्ध सतर्क मंदा परितोम। माटु दृढतापूर्वक, नियमानुसार, स्पष्ट रूप ते मावा पोरो हमला कियाना सब्बे दुश्मन किन खत्म कियाना।

माओ त्सेतुंग “विश्व क्रांतिकारी जनता सोवियत संशोधनवाद अमेरिका साम्राज्यवाद संगे किता सांठगांठ संगे कियाना सब्बे गलतिंग, निंदनीय कार्रवाईंग कुन बस्केने मरंगो। सब्बे देश कुना लोकुर इंजे तेदा मंतोर। अमेरिका साम्राज्यवाद ओसो सोवियत संशोधनवाद विरोध ते उंदी पूना समाज ता स्थापना आया मंता”<sup>7</sup> इंतोर। एकाधिकार मानसिकता ओसो शक्ति ता राजनीति विरुद्ध संघर्ष लोप्पा तीसरी दुनिया इंजे जागरूक आया मंता। नेंडु इद समकालीन अंतरराष्ट्रीय संबंध कुना लोप्पा उंदी बेहरा घटना आंदू। नेंडु समकालीन अंतरराष्ट्रीय परिस्थिति ता विशेषता लगातार बिगड़ेमासोर दायनद मंता। “जोर ते वायना वेडिय तूफान वायना कबूर हिया मंता इंतोर।” असल इत्तेके दुनिया ता बुनियादी अंतरविरोध कुना इदे समकालीन रूप आंदू, लेनिन इदिना विश्लेषण कित्तोर। नेंडु साम्राज्यवादी आक्रमण, तोड़-फोड़, हस्तक्षेप, नियंत्रण ओसो दुर्व्यवहार ता शिकार आसोर मत्ता सब्बे देशकु वेल्ले एकताबद्ध आसोर दाया मंतांग, उंदी व्यापक संयुक्त मोर्चा मत्तेके, साम्राज्यवाद, पूना अनि पाड़ना उपनिवेशवाद विरुद्ध, महाशक्ति अमेरिका, सोवियत संघ ता एकाधिकार मानसिकता विरुद्ध तम्मा संघर्ष तेज कीसोर दाया मंतांग। इव अप्रतिरोध ऐतिहासिक ज्वार आंदुंग इवु अमेरिका ओसो सोवियत संघ रेंडासी कुन पोहिंतांग।

जापानी विरोध युद्ध ता जीत तुकू मुन्ने माओ “दुनिया मुन्ने दायर, बस्केने पेरेके हन्नो आयर। मति गंभीर ऐतिहासिक संकट कुना उर्ग वडिय ते हिरकना परिस्थिति वेने वायर, इदिना काजे माटु तैयार मंदाना। इंजे वेने बचोनो देश कुना लोप्पा प्रतिक्रियावादी प्रभाव वेल्ले मंता, अवु देशकु इंजे वेने तम्मा जनता ओसो बाकी देश कुना जनता ना एकता, प्रगति ओसो मुक्ति दोरकी कियाना संभावना तुन स्वीकार कियाला पेरेके-मुन्ने आया मंतांग। बोराई इव पोल्लोंग कुन नजरअंदाज कीतेके ओरु गंभीर राजनीतिक गलती कींतोर। इंजे इतिहास ता सामान्य दिशा तय आत्ता अदिन बदले कियमूझायो इंजी भविष्यवाणी कित्तोर।”<sup>8</sup> सोवियत संशोधनवादी सामाजिक साम्राज्यवाद मंदाना इतिहास उंदी कम टाईम ता भटकाव आंदू। मति पूंजीवादी साम्राज्यवाद लेक्काने इद वेने सब्बे रकम ता अंतरविरोध ग्रस्त मंदिंता: उंदी बगिल सोवियत संशोधनवादी नौकरशाही एकाधिकार बुर्जुआ वर्ग ओसो दूसरा बगिल सोवियत संघ सर्वहारा ओसो पूरा मेहनतकश

आबादी नड्मा अंतरविरोध, सोविय संशोधनवादी सामाजिक साम्राज्यवाद, उपनिवेश, पूरा दुनिया ता जनता नड्मा ता अंतरविरोध, सोवियत संशोधनवादी सामाजिक साम्राज्यवाद ओसो पूंजीवादी साम्राज्यवाद, अमेरिका साम्राज्यवाद नड्मा ता अंतरविरोध। इव सब्बे अंतरविरोध वेल्ले तीव्र आसोर दाया मंतांग। इवे अंतरविरोध कुना विकसित ओसोर दायना कारण सोवियत संशोधनवादी सामाजिक साम्राज्यवाद सोवियत संघ ओसो दुनिया ता जनता इतिहास ता म्युजियम ते वाटसियर। लेनिन “साम्राज्यवाद समाजवादी क्रांति ता मुन्नेटा चरण आंदू”<sup>9</sup> इंजी वेल्ले जोर हीसी वेहतोर। सोवियत संशोधनवादी सामाजिक साम्राज्यवाद वेने उंदी दूसरा समाजवादी अक्तुबर क्रांति ता मुन्ने ता चरणे आंदू। माओ “सोवियत संघ उंदी समाजवादी देश मत्ता अनि सोवियत संघ ता कम्युनिस्ट पार्टी लेनिन निल्पी कितोर। नेंडु पार्टी ता नेतृत्व ओसो सोवियत संघ ता सरकार तुन संशोधनवादीर हडपे कीतेकाई नन्ना मना कामरेड्स कुन ओरु व्यापक सोवियत जनता, पार्टी सदस्य ओसो कैडर लोर बेस मंतोर अनि क्रांति कियाला आल्सा मंतोर इंजी दृढतापूर्वक विश्वास कियाना इंजी सलाह हियाकान। संशोधनवादी शासन वेल्ले जोम एवनल मंदा परवो”<sup>10</sup> इंतोर। लेनिनवाद ता महान झंडा दोड़ दुनिया मेटा जनता ना समर्थन ते सोवियत जनता (इदिना उंदी महान क्रांतिकारी परम्पर मत्ता) इद सोवियत संशोधनवादी सामाजिक साम्राज्यवाद ता गुमिया जरूर तरविंता। अदिना सफलता ओसो उंदी बेरा सर्वहारा तानाशाही, समाजवाद ओसो मार्क्सवाद-लेनिनवाद तुन जल्दिए सोवियत संघ ता भूमि पोरो मांजिह कियार।

सत्ताधारी वर्ग तुन कम्युनिस्ट क्रांति ता वेरीं ते सांगला हियमुट। सर्वहारा कैदे पोहतला काजे तम्मा साकरिंग विड़चसी बाताले हिल्ले। मति जीड़ला काजे पूरा दुनिया मंता।

पूरा दुनिया ता मेहनतकश लोर उंदी आयमुट।”



## प्रमुख अध्ययन सामग्री

- ☞ लेनिन, “तीसरा इंटरनेशनल कार्यभार त बारे ते” लेनिन ना सम्पूर्ण रचनांग, भाग 29
- ☞ माओ, “अमेरिका पत्रकार अन्ना लुई स्ट्रांग संग वार्ता”
- ☞ माओ, “लेबर पार्टी ऑफ अल्बानिया पांचवी कांग्रेस तुन बधाई चिठी”, 25 अक्तूबर 1916

## समीक्षात्मक सवाल

1. साम्राज्यवाद ता बुनियादी आर्थिक विशेषता संगे सोवियत संशोधनवादी सामाजिक साम्राज्यवादी रूप तुन बद्रम चीनेमायना आंता?
2. सोवियत संघ लोप्पा ब्रेझनेव ना गद्दार गुट ता शासन वेल्ले जोम बारांकु मंदा परवो?

## टिप्पणिंग

1. साम्राज्यवाद, पूंजीवाद ता डोलसोर मत्ता कालम, लेनिन ना संकलित रचनांग, भाग 2, चीनी संस्करण, 1972, पे. 827
2. “वर्तमान परिस्थिति संबंधित प्रस्ताव। रूसी सामाजिक जनवादी लेबर पार्टी (बोल्शेविक) ता सातवीं राष्ट्रीय कांग्रेसनल कांफ्रेंस (अप्रैल कांग्रेसनल कांफ्रेंस)”, लेनिन ना सम्पूर्ण रचनांग, भाग 24, पे. 27
3. मार्क्स, गोथा कार्यक्रम ता आलोचना, मार्क्स-एंगेल्स ना चुने कित्ता रचनांग, भाग 3, चीनी संस्करण, 1972, पे. 17
4. “ऑन दि नेशनल सुपूरियॉरिटी काम्प्लेक्स ऑफ दि ग्रेट एशियन पीपुलिस”, लेनिन ना संकलित रचनांग, भाग 2, चीनी संस्करण, 1972, पे. 611
5. अध्यक्ष माओ ना 11 मई, 1964 ते हिता भाषण, रनमिन रबाओ (पीपुल्स डेली) तल, 22 अप्रैल 1970
6. “युद्ध ओसो रूस ता सामाजिक-जनवादी पार्टी” लेनिन ना सम्पूर्ण रचनांग, भाग 21, पे. 13
7. रनमिन रबाओ (पीपुल्स डेली) तल, 28 अप्रैल 1969
8. “संयुक्त सरकार ता बारे ते” माओ त्सेतुंग ना संकलित रचनांग, भाग 3, चीनी संस्करण 1968, पे. 932

9. साम्राज्यवाद, पूंजीवाद ता डोलसोर मत्ता कालम, लेनिन ना संकलित रचनांग, भाग 2, चीनी संस्करण, 1972, पे. 730
10. रनमिन रबाओ (पीपुल्स डेली) तल। 11 जून 1967।
11. कम्युनिस्ट घोषणापत्र, मार्क्स-एंगेल्स ना चुने कित्ता रचनांग, भाग 1, चीनी संस्करण, 1972 पे. 285, 286

## गोंडी पाठक लोरा काजे उचुन कठिन शब्दकुना अर्थ

अंतरसंबंध	रेंडू चीजकु नड़मा संबंध, इरवुर नड़मा ता संबंध
अंतर्निहित	बदे चीज लोप्पा मंदाना चीज लेवेके विषय
अंतर्वस्तु	बदे वस्तु लोप्पा मंदाना सार, गुण
अंधभक्ती	खुद ता बुद्धि इस्तेमाल कियवा लेवा दूसरोरा पेरके ताकना, सवाल किवा लेवा मानेमायना
अचल पूंजी	कारखाना तासनस्के मशीन, भूम लेक्का अस्सना पैसांग, इत्तेके अद पूंजी पक्काए जोम मंदा परिंता, इत्तेके उंदे बेरा वाटा किया लागिंता।
ठोस श्रम	अलग-अलग दस्तकारिर तम्मा-तम्मा औजार संगे, तम्मा-तम्मा तरिकाने उत्पादन कींतोर, इदिन ठोस श्रम इंतोर। इदु बदे माल लोप्पा उपयोग मूल्य पुट्टी कींता।
अठोस श्रम ओसो समरूप श्रम	विभिन्न माल उत्पादन काजे तम्मा ठोस श्रम अलग-अलग रूप ते मंदिंता, मति शारीरिक ओसो मानसिक मानवीय श्रम ता व्यय कियाना जरूरी मंदिंता। तन्ना ठोस लक्षण कुनल अलग मत्ता समरूप श्रम तुन अठोस श्रम इंतोर। माल ता मूल्य अठोस श्रम तल पुट्टिंता।
अतिरिक्त	ज्यादा,
अधिकतम	ज्यादा से ज्यादा
अनिवार्य	पक्काए जरूरी, इदिना लेवा आया परवो।
अनुदान	दान, बख्शीस
अभिलाक्षणिक	बदे चीजकुना गुण, चिन्हा लेवेके लक्षण, (जर पोयतेके मेंदूल कासिंता)
अराजकता	अनुशासन हिल्वा, नियम-कानून कुना खिलाफ ताकना

उपभोग	तिंदना, खप्त कियाना
अल्पतंत्र	सुडला तंत्र, सुडला व्यवस्था
अल्पावधि	उचुन टाईम, उचुन कालम काजे
अवधारणात्मक	सैद्धांतिक विचार, सिद्धांत
अवयवी संघटन	बदे चीज ता संग जुड़े मायना तत्व, जरूरी अंग, देगवा लेवा अंग
संयोजित	जमा कित्तादू, जोड़े कित्तादू, डग्गी कीतादु
अस्थायी	तात्कालिक, उचुन समय एवनल, ठीकाना हिल्वा,
आयात	बदे चीज दूसरा देश तल अस्सना, तताना
प्रक्रिया	बदे चीज/घटना/वस्तु बने मायना कालम, प्रोसेस
आवर्ती	वायना ओसो दायना प्रक्रिया/प्रोसेस
इजारेदारी	मालिकाना हक, वरोना एक अधिकार, तानाशाही, उंदे अधिकार
उत्पादक	बदे चीजकुन पुट्टी कियानोर
उद्यम	काम धंधा
उपभोक्ता	तिंदानोर, खप्त कियानोर, अस्सानोर,
उत्प्रेरण	उक्से कियाना
एकाधिकारी	उंदे अधिकार, वरोना अधिकार, तानाशाही, मोनोपली
औद्योगिक पूंजीपति	कारखाना, फैक्ट्री वाटता मानेय,
औसत	अलग-अलग रकम ता संख्या लोप्पा बराबर टेंडना, गणित ता उंदी नियम
कंगालीकरण	गरीब आयना, बदे तिंदाला-उंडाला हिल्वा मंदाना, पूरा संपत्ति खत्म आयना
कटौती	कमी कियाना, कमी
कनवेयर बेल्ट	कारखाना, खदानकुना लोप्पा मंदाना बेहरा बेल्ट, इदिना पोरो बदे उत्पाद किन तासिसी हब्बार लोहितोर
कन्सोर्टियम	बचोनो कंपनी उंदी आसी संघ बने कियाना।
कल्याणकारी	दूसरोरा बेस कियानोर, बोनाए वेने बेस आयला हुडना

कारक	कारण
कार्टेल	उत्पादक लोरा संघ
कार्यशील पूंजी	बदे उद्योग, कारखाना लोप्पा रोज खर्च आयना पूंजी, पैसा, इतेके मजदूरी, कच्चामाल, कर्ज लेक्कडा हियाना पूंजी, अद इतेके ताकसोरे मंदिता.
कुशलता	निपुणता, एक्सपर्ट, बदे काम लोप्पा एक्सपर्ट आयना, माहिर,
क्रयशक्ति	अस्सना शक्ति,
क्रेडिट सिस्टम	कर्ज पोयना, हियाना व्यवस्था
खराद मशीन	लोहा लोप्पा बूका/बोरिंग कियाना मशीन, लोहा कट कियाना मशीन
गतिशील	ताकसोरे मंदाना
गुरुत्वाकर्षण	रेंडू चीजकुना उंदि-दूसरातुन किन पीड़ंगना ओसो दोबना लाव/शक्ति
घुसपैठ	नैंगना
चरम-बिंदु	नोडल प्वाईंट, बदे चीज ता प्रक्रिया लोप्पा गुणात्म बदलाव आयना बिंदू
चर्मोत्कर्ष	विकास ता आखिरी कोडु/शिखर
ज्यामितीय	रेखा विज्ञान, रेखा गणित
ट्रस्ट	उचुन जन मिलेमासी बने कियाना संस्था, संगठन
तकली	खड्डी, कपड़ा बने कियाना मशीन, करघा
दूरदर्शी	जेक एवनल आल्सनोर, वायना कालम ता बारे ते आल्सना
ध्रुवीकरण	बदे चीज ता सर तिरियसी जमा आयना
नियंत्रण	काबू कियाना, काबू कीसि ताकि कियाना,
निरपेक्ष	Absolute, आखिरी सत्य, पक्ष एतवा मंदाना, इनपडे निज्जम,
निर्मित	बने मासी मत्ता, बने कित्तादू, बने मात्तादू
निर्यात	बदे दूसरा देश ते सामान लोहना, दूसरा देश किन सामान वम्माना

निष्क्रिय	सक्रिय हिल्वा, मेलियवा मंदाना,
न्यूनतम	कम से कम,
पतनशील	खत्म आसोरे मंदाना प्रक्रिया, हासोरे मंदाना,
परामर्श शुल्क	सलाह हियाला काजे हियाना पैसा,
परिक्षेत्र	उंदि हंदी ते मंदाना इलाका, क्षेत्र
परिघटना	घटना, घटेभासी मत्ता घटना,
परिपक्व	पके मात्ता, पंडता, सही परिस्थिति बने मायना।
परिमाण	रिजल्ट,
परिवर्तनशील	बदले मासोरे मंता लेवेके बदले मासोरे मंदाना प्रक्रिया
परिवर्तनशील पूंजी	बदले मासोरे मंदाना पूंजी, चलायमान पूंजी, कार्यशील पूंजी
परिवहन	बदे चीज किन हिक्के-हक्के ओयना
परिसम्पत्ति	संपत्ति, धन संपत्ति, आस्थी
पुत्र कम्पनिंग	बदे कंपनी ताना मुन्ने ओसो कंपनी बने किंता, पुट्टि कींता
पुनरावृत्ति\पुनरुक्ति	बार-बार अदे चीज लेवेके प्रक्रिया ताकना
पुनरुत्पादन	उत्पादन कियाला काजे पुट्टि कियाना, दोबारा उत्पादन कियाना, राजनातिक अर्थशास्त्र इसाब ते – मजदूर ताना मर्री-मेय्यास्क ना रूप ते ओसो मजदूर पुट्टी कियाना
पूंजी संचय	पूंजी पैदा कियाना, अतिरिक्त मूल्य तुन पूंजी लेक्का बदले कियाना प्रक्रिया तुन पूंजी संचय इंतोर।
पूर्वशर्त	बदे काम कियाना, आयना मुन्ने मंदाना अनिवार्य परिस्थिति
होड़	पोटी, कंपीटिशन, होड़, प्रतिस्पर्धा
प्रकृति	मावा सर तिरिय मंदाना सब्बे तन-तनाए विकसित आत्ता चीजकु
प्रभुत्व	बोनाए अधिकार स्थापित मंदाना, शासक
प्रसंस्करण	कच्चा माल तल बदे चीज बने कियाना प्रक्रिया

प्राणशक्ति	जीवा
फौरी	तात्कालिक, तुरंत
बैंकिंग पूंजीपति	बैंक बने कित्ता पूंजीपति, वीरा पूंजी संगे बैंक बने मात्ता
वित्तीय पूंजी	बैंकिंग पूंजी ओसो औद्योगिक पूंजी उंदी दूसरा लोप्पा कलियताविन वित्तीय पूंजी इंतोम
भुगतान	बद चीज अस्सी हियाना रकम
भुगतान ता मानक	भुगतान काजे तय कित्ता बदे उंदी चीद, इंजे बदे चीज अस्सतेके पैसा हिया लागिंता, इत्तेके पैसा भुगतान ता मानक आत्ता।
भौतिक	अस्तित्व मंदाना पदार्थ लेवेके चीजकु,
भौतिक सम्पदा	भौतिक संपत्ति, ठोस रूप ते मंदाना चीजकु,
मितव्ययिता	कम खर्च कियाना, बचे किसी खर्च कियाना
मुद्रास्फीति	महंगाई तेंडना दर, महंगाई दर
मूल्य ता इकाई	मोला ता यूनिट,
मूल्यहास	मोला घटे मायना
मैन्युफैक्चरिंग	बने कियाना, वस्तु बने कियाना, कच्चा माल तल बदे चीज बने कियाना
योग	जोड़े कियाना, जमा कियाना
राजकीय उद्यम	सरकारी उद्योग, सरकारी कारखाना
राष्ट्रीयकरण	राष्ट्र ते मंदनोरा काजे, बदे चीजतुन सरकार तमा कैदे कियाना।
रिहासशी	लोहकु, लोहकु मंदाना जागा
लोकहितैषी	लोकुरा फायदा ता, जनता ना फायदा ता
वर्गीकरण	अलग-अलग रकम किन अलग-अलग तूसना, तूस किया
वस्तुगत	ठोस, ठोस अस्तित्व मंदाना, सही, निज्जम
वाणिज्यिक	व्यापार संगे जुड़े मात्ता
वाणिज्यिक पूंजीपति	व्यापार कियाना पूंजीपति मानेय

वातस्फ़ीति	बदे चीज लोल्पा वड़ियु नेंगना, वड़ियु नेंगसी फूलेमायना
विघटित	टुकड़े आयना, गोंदा आयना, उंरगना
वित्तीय संकट	बैंककुना लोप्पा पूंजी खत्म आयना
विनिमय	बदे चीजकुना संगे चीज बदले कियाना, अदलाबदली, अस्सना-वम्माना
विनिमय ता माध्यम	अदला-बदली काजे तय कित्ता साधन
विलोमानुपातिक	उल्टा क्रम आयना, उल्टा ताकना
विशिष्टता	बदे चीज ता मूल लक्षण, चिन्हा, गुण
विषयवस्तु	बदे विषय लोप्पा मंदाना गुण, चिन्ह, वस्तु ना बारे ते
वृद्धि	बेरसना, बेरसोरे दायना
शस्त्रीकरण	हथियारबंद कियाना
शाश्वत	बस्के वेने बदलेमायवा मंदना, हमेशा उंदे लेक्का मंदाना
श्रमकाल	श्रम कियाना समय, मजदूर काम कियाना समय
संकेन्द्रण	उंदी जागा केंद्रित आयना, केंद्रीकरण आयना
संक्रमण	बोयना, वरोनगडल दूसरोनिगा डेयना, फैलेमायाना
संघटन	संगठन, चीज, तत्व, घटक
संरक्षणात्मक	बचे कीसी तासना लेक्का, बचे कियाना, सकले कियाना, संबले कियाना
संवर्धक	बेरसी कियाना, बेरसी कियाना ताकत
सकल उत्पादन	पूरा उत्पादन, बदे इकाई लोप्पा आयना पूरा उत्पादन
सघनता	भीड़, वेल्लेय, बच्चोनी
समग्र	पूरा, हर रकम ते, हर ब ते
समतुल्यता	इदिना बराबर, बराबर, बदे वस्तुना बराबर वस्तु
समरूपता	उंदिन दूसरोन लेक्का, बराबर, उंदी लेक्का
समानुपातिक संबंध	सामान संबंध, बराबर संबंध



सर्कुलेशन	ताकसोरे मंदाना, ताकसोरे मंदाना प्रक्रिया
सांकेतिक मजदूरी	मजदूरी ता चिन्हा,
साधारण पुनरुत्पादन	अतिरिक्त मूल्य तुन पूंजी लेक्का बदले कियवा पूरा खर्च बच्चोन मत्ता अदिन खर्च कीसियाना, पुंजी पुट्टी किवा लेवा उत्पादन कीसोरे मंदाना।
सापेक्षिक	तुलनात्मक रूप ते, तुलना कित्तेके
सामग्री	पदार्थ, बजे चीज बने कियाला कच्चा माल, वस्तु
सामान्य	साधारण, आम
सार्वभौमिक	पूरी दुनिया मेंड, दुनिया मेंड, दुनिया लोप्पा सब्बे जागा
सिंडिकेट	कारखाना, कंपनिकु, लेवेवे बदे संस्था ताकि कियाना समूह
सूक्ष्मदर्शी	कोंडा ते दिसवा चीजकुन हूइना यंत्र
सेक्टर	क्षेत्र, इलाका, विभाग
सेल्समेन	वम्मानोर, बदे कंपनी ता उत्पादन कुन वम्मानोर
स्टॉक	हिस्सा, बदे कंपनी ता हिस्सा
स्थाई	हमेशा मंदाना,
हासोन्मुख	खत्म आसोरे मंता, डोलसोरे मंता, हासोरे मंता

the Shanghai Text Book of Political Economy

Gondi Edition : 2023

Translation : Jani

Jangom  
press

